



EMUNDI MERILLII

TRICASSINI J. C.

A Confiliis Regis, Antecessoris in Academia
Metropolis Biturigum Primicerii

OBSERVATIONUM LIBRI VIII.

NOTAE PHILOLOGICAE IN PASSIONEM CHRISTI.

EXPOSITIONES IN L. DECISIONES JUSTINIANI.

VARIANTIUM EX CUJACIO LIBRI III.

DIFFERENTIARUM JURIS EX LIBRIS JULII PAULI LIBER
SINGULARIS.

ORATIO DE TEMPORE IN STUDIIS JURIS PROROGANDO.

*Nova editio ab innumeris, gravibusque mendis, quibus
Parisiensis inquinata prodierat, emaculata.*

Adjecta est Graecorum locorum versio,
Item de Auctore quaedam.



NEAPOLI, A. 1720. Operis Typographicis Felicitis Mofca.

SUMTU BERNARDINI GESSARI.

CENSORUM FACULTATE.

ILLUSTRISSIMO , EXCELLENTISSIMOQUE
P R I N C I P I
D. A N T O N I O
S P I N E L L I

*E Marchionibus Fuscaldi, Caivani, & S. Marci
Ducibus, ac S. Archangeli Principibus.*



As Emundi Merillii Jurisconsul-
ti eruditissimi lucubrationes, Sa-
pientum Virorum contestatione
inprimis percelebres, quo Tibi,
Excellentissime Domine, dicandi
in animum inducerem, & qua-
lecumque hoc animi mei obsequium orbi pa-
refacerem non Nobilissimae Prosapiae Tuae
splendor, non aliquis alius adegit finis: Quod
enim si utriusque Parentis tui origo spectetur,
Regium penè Sanguinem referas, atque ex

utraq; Excellentissima familia tot , citra af-
sentationis notam , extiterint Heroës , quot
Personae ; si tempus & Bellorum , & Pacis ani-
madvertas , fortuitum , nec ultra aestimari ar-
bitrabar , ut ait Galba ad Pisonem. Illud uni-
cè animum meum impulit , quod & omnes in
admirationem , & venerationem Exc. Vestrae
traxit , esse scilicet hac in Urbe ut Sidus ma-
ximum radios ubique emittens suos , nam Vir-
tutum omnium fulgore coruscas : unde , his
praecipuè temporibus , tantasque inter opes ,
atque delicias , quae semper ab studio Sapien-
tiae animum avertere consueverunt (solent
quippe felicitate mortalium animi corrup-
pi) pro miraculo reputaris . Quid mirum
ergo , si Te unum intuentur omnes , admiran-
tur , & stupent , veluti si reverâ quoddam no-
vum , & nunquam aliàs observatum Sidus re-
pentè effulsisse visum sit ? Quid enim mirabi-
lius , quàm adolescentem cernere Principem
Virtutis tantum amore flagrantem , cunctam-
que & dictis , & factis Sapientiam referre ! Quid
singularius , quàm Te , Princeps Excellentissi-
me ; suspicere non divitiis cum divite , nec
factione cum factioso , sed cum strenuo virtu-
te , cum modesto pudore , cum innocente ab-
stinentiâ certare ! At quis non admirabitur
praeter singulares corporis dotes , vultusque
Tui venustam gravitatem , mirabilem illam
aetate nedum adultâ prudentiam ; Divinum
illum

illum justitiae amorem , quo unicè flagras ;
decoris , & modestiae studium , quo semper
esse , quàm videri bonus cupivisti , ut proinde
gloriam minùs petitam sis magis assequutus !
Quis ob illam singularem continentiam tuam ,
qua uti flos in septis suavissimè redoles , ob
firmum illud , & constans judicium tuum ,
quo non cunctis quidem negotiis parem , sed
supra , qui benè introspiciunt Excellentiam
Vestram agnoscunt , non obstupescet ! iis nempe ,
quae Majores Tui omni cum laude ex-
plere sunt assueti , Regna scilicet moderari ,
pro Caesare ad Reges , Summumque Pontifi-
cem Oratorium subire munus , Paces , & foe-
dera tractare , atque his similia .

Cum ergo haec omnia singularem Te prae-
stiterint , injurium , ne dicam aliud , videba-
tur , singulare opus singulari Principi Viro
non dicare : non erat ergo , cur in deliberando
immorarer .

At nisi probè scirem , haud possè solatium
majus Excellentiae Vestrae parari , nec aliun-
de solidam Te capere voluptatem , quàm ubi
Virtutes exercendi tuas occasionem opprimis ,
illud planè animum despondere me cogeret ,
quod minimus ego de Te verba facere de-
creverim , cum vix Sapientes viri laudes pro-
sequi tuas aptè valeant .

Ne igitur ultra peccem , atque frigidò meo
sermone modestissimas aures offendam tuas ,
unum

unum dicam, Te scilicet hac aetate virtutum omnium quot, & quantas natura mortalis recipit, aut industria perficit, numerum absolvisse, ut proinde si florente Romanorum Republicâ natus esses, nunquam ab illa regunda seu per Dictaturas, seu per Consulatus vacavisses; & si dum optimi Principes florebant, qui adoptandi iudicium integrum exercere cupivissent, Tu quidem fuisses successor destinatus, ut propterea & nunc Panegyrici cum voluptate legerentur tui, & nedum Diis simillimum Principem, sed inter Deos relatum solenni apotheosis Decreto more temporum accepissemus. Quid enim magis Divinum, quàm exemplo, quod approbat, quae praecipit fieri posse, docere homines? infidelis enim fuit semper recti magister metus ex Imperio procedens.

Tu ergo, Princeps Excellentissime, Nobilissimam, Excellentissimamque Prosapiam tuam magis irradias, nec ab illa lumen, splendoremque mutuaris, licet ista uti Sol per Orbem praefulgeat integrum: ac proinde Spinnellorum vetustissimam, & primam, qua semper florere, Nobilitatem saltem delineare, idem nunc esset, ac Oceanum velle parvâ fossâ concludere. Quot Gens ista Viros extulit, tot rerum praeclarè gestarum magnitudine non Homines, sed supra Heroës admiraberis? Quot prodire Hispaniarum Magnates?

res? aurei Velleris Equites? quot Exercituum
Duces? quot Regnorum pro Regibus suis
moderatores? ut meritò ab ipsis tot opibus,
Civibusque florentes Urbes, & Oppida dono
acceperint. Quot denique Ecclesiae Antistites,
qui fluctuantem Petri Navim, ut in portu
quiesceret, virtute suâ praestitere? Orbi nota
sunt omnia, ut potiùs silentio colere, & ad-
mirari, quàm non aptè, nec sufficienter elo-
qui reverentius videatur.

Quid etiam de materno Imperialium san-
guine? ad Historias potiùs haec referre, quàm
pauca ineptè delibare satius erit. Quis enim
vel in earum lectione mediocriter versatus
ignorabit, Imperiales primâ inspectâ origine
Tartaros illos nobilissimos Germaniâ oriun-
dos fuisse, qui Italiam petiere? Cumque Ja-
nuae subsedissent, Patriae libertatem cum
aliis Primoribus firmavere, semperque Rem-
publicam mira aequitate, justitia, libertatis-
que studio sunt moderati. In Regno florentis-
sima Oyrae ditione Excellentissimae Matris
tuae (de qua vel Cicero minùs diceret, si to-
to Eloquentiae suae conatu laudes vellet suas
enumerare) Majores sibi, & Posteris quaesita
cum primis familiis, Caracciolis è Martinen-
sium Ducibus, & nunc è Torellae Principi-
bus, Caraphaeis Ducum Andriae, & Spinel-
lis è Fuscaldi Marchionibus affinitatem jun-
xere, atque in Gallia, Germania, & Italia cum
Pri-


Primis, & Supremorum quoque Principum
familiis Matrimonia, & Cognationes inivere.

Quod autem sanè mirum hac in Nobilif-
sima Gente semper erit, ut nedum Viros, sed
& feminas Divino semper ingenio praeditas,
Regnisque moderandis idoneas suspexerit Or-
bis; hocque satis comprobant illae, quas Nea-
politani Proceres, quorum meminimus, du-
xere. De viris autem Roma in Purpuratis
Gentis hujus experta est, & experitur, sem-
perque in aliis Januensis Respublica suo pro-
gressu observavit.

Tandem ne magis Te, Princeps Excellen-
tissime, parùm urbanè his detineam, Nesto-
reos annos à Deo ter Opt. Maximo apprecan-
do, ut hoc qualecumque munus grato animo
in perpetuae Devotionis meae Testem exci-
pias, oro, meque in addictissimum, obse-
quentissimumque famulum tuum habere ne
dedigneris.

Excellentiae Vestrae

Addictissimus, & obsequentissimus Servus
Bernardinus Gessari.



D E
M E R I L L I O
H I S T O R I A
E X E J U S D E M S C R I P T I S
C O N C I N N A T A .



EDMUNDUS, sive Emundus Merillius Tricassinus
(de Troyes en Champagne) patrem habuit
Jurisconsultum Jacobi Cujacii auditorem, cultoremque egregium, sub tanto viro non mediocrem legum peritiam adeptum; a quo ipse primis Jurisprudentiae elementis imbutus est. Moxe Tholosam petiit, ubi Guilielmum Maranum Antecessorem audivit, qui a Cujacio quoque didicerat in Academia Valentina. Fuit autem Maranus acerbus auctoritatis osor, ut monere discipulos consueverit, ne ullius auctoritate, ac ne suâ quidem, a vero se abduci paterentur: quo fortasse factum, ut summum illud studium, ac veneratio erga Cujacium, quam a patre Merillius imbiberat, sub novo Praeceptore seperit, vel etiam refrigerit. Vix ab schola digressus, & ad-

Per. I.

b

mo-

modum juvenis in Tholosana Universitate Professor renunciatus est: & cum electio propter aetatem necdum justam impugnaretur, Senatus Tholosani decreto probata est, admitente potissimum Philippo Berterio Senatus Praeside. Simile praecocis ingenii specimen Hispani exhibent in D. Francisco Ramos, qui annos natus duodeviginti Salmanticae cathedram Juris jure petitam cum laude affecutus est. Postmodum Dueonae etiam Cadurcorum Merillius jus civile professus, inde Regis imperio, operâ verò Marchionis de Chasteauneuf Albaspini Regionum ordinum Cancellarii ad Bituricensem Academiam evocatus, ei Cathedrae insidere maluit, in qua Cujacius pleraque doctrinae suae monumenta tradiderat.

Cum autem jactari passionem intelligeret, juris libros Cujacii expositionibus adeo excultos esse, ut frustra hodie in scholis Professores adeantur; atque haec ad invidiam superstitionum ab iis maxime praedicari, qui cum a propria aliquis juris scientia commendationem quaerere non possent, famam sibi a Cujacio aucupari satagerent: Vacillantium libros ex Cujacio scribere instituit, quibus hominem ceteroque incomparabilem, nec modo Interpretibus, verum etiam ipsis juris auctoribus aequandum, vel antefendum, humanam tamen passum, ut reliquos, fuisse, neque naturam prorsus effoctam, neque ingenia magis temporibus, quam tempora ingeniis deesse manifestum faceret. Ceterum ex fide bona testatur, se non obtruncandi Jurisconsultorum Principi libidine abreptum, neque ut ex alterius offensione gloriam pueriliter captaret, ut qui Cujacii diligentissimus, ejus libros ab ephebo magna cum voluptate trivisset; sed ut illius studiosis commodam navaret operam, atque opportunam, ne in variis interpretationibus dubii, atque ancipites haerent. qua in re Marani magistri sui vestigia persecutus est, qui in suis Digestorum paratulis varias Cujacii sententias non semel notavit.

At cujusque modi ea sint, in nullo penitus, si verum amamus, his summi viri violata existimatio est, non ulla hinc labe, aut macula ejus dignitati aspersa. Quid enim? an mutare sententiam vitio vertetur? at id bonae potius mentis, quotidiano labore in meliora procedentis; denique docilis est, atque ingenui animi argumentum. Nonne variarunt Hippocrates, Tullius, Quintilianus, Origenes, Augustinus, illustrata, si qua unquam,

ve.

vetustatis nomina? Non ex nostris Papinianus, Scaevola, Paulus, aliique primi subsellii Jurisconsulti, ab ipso Merillio indicati? Neque verò putandum est, adeo immani amore sui Cujacium laborasse, ut omnia in tot scriptis suis inculcata esse crediderit, nihil dignum refigi, quasi in opere longissimo dormire ei nefas fuerit. Nam, cum variavit, quid, rogo, fecit, nisi se ipsum emendavit, erexit? in hoc planè felice, quod, ut principio fuit auctoritas, sic nunquam alium saniora monentem expectare debuit, quin ipse sensus, opinionesque suas restitueret, & ad optima revocaret. Neque enim inter variantes Cujacii explicationes Merillius tertiam aliquam unquam protulit, qua illum utrobique errantem deprehenderet, sed alteram semper adoptat: utramlibet sumferint, inquit, auctorem habebunt Cujacium. Atque haec de Variantibus sint satis, quae sane, largius aliquanto expendere libuit, ne infirmioribus ingeniis nimius in Cujacium amor odium in Merillium immerito ejus eliciat. Fertur tamen, hanc qualemcumque allatam Cujacio contumeliam vindicasse Franciscus Orrius, sive Osius Professor Aurelianensis libro, cui titulus Dispunctio. ad Merillium Aurelianae edito A. MDCXLII. quem nondum vidimus.

Esti verò plures, quae in juris disciplinam irruerant, excitiabiles corruptelas iniquo animo pateretur noster; illud tamen gravissimè omnium ferebat, quod parum admodum temporis in studiis Juris juvenus insumeret. Quare de tempore in studiis prorogando orationem habuit ad Principem Condacum Henricum Borbonium Regis Galliarum fratrem unicum A. MDCXXI. tum Biturigum Proregem, quod etiam pacatis rebus Gallicis lege sancendum sperabat. Nec justius profectò quidquam ab eo peti potuit, qui nostrae facultatis amplitudini flagrantissimè studeret, aut libentius ab iis concedi, qui justis rerum aestimatores audire gestiunt. Nam quid perniciosius, quàm quod assidue fieri non sine bonorum stomacho videmus, juvenculos artium rudes, rerum omnium ignaros, qui, quemadmodum canes Nili aquas fugientes lambunt, Justinianas Institutiones cursim libarunt, triduo Jurisconsultos factos in Forum involare? scilicet, ut perpetuè elementarii sint, artisque, in qua versantur, cum opprobrio sempiterno jejuni. Hinc tanta rabularum seges, hinc tot de sycophantiis, fallaciisque forensium hominum frequentissimae querelae. Cum enim sine

jure iustitia non constet, qui potest non injuriâ agere, qui sus-
merum ignorat, nec novit, quid distent aera lupinis? Quae (ma-
lum) impudentia est, Citharoedum, ut artis suae mediocrem sibi
peritiam comparet, duo plus minus lustra fidibus tractandis im-
pendere, Juris verò facultatem omnium vastissimam, ne toto qui-
dem biennio, levi plurimum brachio, imo ne extremis, quod
ajunt, digitis attingere? Sed haec altiora sunt vulnera, quàm
quae verborum fomentis curari in praesentia possint.

Ast homo sollertissimus, & in versandis legibus exercitatissi-
mus non tam longum tempus, quàm continuam operam ab Juris-
prudentiae amatoribus flagitabat; averfatus idcirco intempesti-
vam parentum caritatem, qui liberos a Gymnasiis, visendi causa,
identidem repetunt: verebatur enim, ne legitimum illud tempus,
quod in Academico solo ad usucapiendam juris civilis scientiam,
veluti ex XII. tabulis, continuum esse debet, aliquatenus usur-
patum putaretur. Idem verò Romani juris amor, & ut pressius
dicam, Zelotypia Merillio bilem ed commovebat, ut Antecessores
illos acriter vellicaret, qui non tantum municipalibus edictis, &
locorum consuetudinibus, sed & ipso forensis ariturae usu, praxi,
& Curiae stilo praelectiones suas referciunt, & liberalem Roma-
nae Jurisprudentiae faciem importunis naevis devenustant, &
juventuti pro toga pura nutricis pallium offerunt. Parva vitae
tempora, agebat ille, scholis negari non debent, cum reliqua
aetas foro deputetur.

Sed non alios odio plus Vatiniano eadem de causa infecta-
tus videtur, quàm eos, qui in privatis auditoriis docent, homi-
nes. Principum constitutionibus interdictos, qui domi sapiunt,
domi suae Reges sunt, ac Dionysiacum affectant regnum, qui
nullos habilitatis suae, facultatisve testes, nisi paucos, vel etiam
multos (si proxenetis res bene procedat) adolescentes ipsis infan-
tiores, neque boni moris, neque sanae doctrinae capaces. Quam
bonam frugem, amabo, ab hac lucifuga natione expectes, quae
os suum ostendere reformidat, cuncta clam arbitris agit, publicum
judicium detrectat, censuramque Magistratus sanguine viperino
cautius vitat? Jure igitur sic in eos invebitur vir disertissimus:
quales inter Philosophos sophistae, inter caudidos rabulae, inter
Medicos Empeirici, inter mercatores seplasiarii, & mangones, in-
ter aurifices nugivendi, tales illi profecto sunt inter Jurisconsultos.

Di-

Discipulos habuit ex omni gente honestissimos ; sed inter Gallos Regiae familiae Principem virum sortitus est, Ludovicum Borbonium Ducem Enguinaeum, Condaem Principem futurum, & Martem Gallicum, cui Institutiones Imperiales, & Theophrasti paraphrasis exposuit, cujusque in studiis diligentiam, & acumen ipse non leviter commendat. Ad promovendum autem studium juris Antonii Contii insignis Jurisconsulti opera in unum volumen collegit, utque emendatè in lucem ederentur, accuravit.

Amicis usus est compluribus in literaria Republica exacto seculo summatibus, ut qui ipse solidà doctrinā, & non vulgari eruditione inter primarios viros censeretur, quod ejus scripta, nisi vehementer fallimur, omnibus emunctae naris lectoribus luculentè commostrarant. In istis enixè coluit Gabrielem Albaspinum Episcopum Aurelianensem, Ecclesiasticae rei scientia illustrem, ut ejus monumenta literatam Europam omnem pervagata testantur, cujus tortatu notae in passionem Domini philologicas scripsit. Sed eminent inter hos Jurisconsultus cum nemine sine fraude componendus Jacobus Gotbofredus, cujus testimonium laudis unum pro cunctis hoc loco subjicere satis duximus. Haec autem habet in dissertatione ad L. casus majoris. 8. C. Just. de testamentis, in appendice Philostorgiana : quod exemplum interim adjici velim aliis variationibus Cujacianis, quarum justum instar nuper edidit V. CL. Merillius, Jurisprudentiae nostrae per Galliam ocellus, idemque amicus meus summus. Certè Merillius, utcumque legalis disciplinae, & politioris literaturae laudem cum plerisque recentiorum communicet ; banc tamen gloriae partem praecipuam sibi, ac veluti peculiarem adscivit, quod nemo hactenus veterum sectas penitus excusserit, atque in arduas Jurisconsultorum factiones altius se penetraverit. Tandem verò post tantum operae in ornanda juris arte, sublevandisque studiis susceptum, Bituricensium Professorum Primicerius denatus est, magno bonarum artium interimento A. Christianorum MDCXLVII. Vixerat annos LXVIII.

Πάντα γλῶσσι, καὶ πάντα κίβρι, καὶ πάντα τὸ μῦθος :

Omnia risus, & omnia pulvis, & omnia nil sunt.

Hactenus Philosophiae, Medicinaeque studiosis, variis editis libris pro nostra tenui facultate operam commodavimus: rationis nunc erat, ut Jurisprudētia, artis longē praestantissimae, amatoribus, quo ad per tempus, fortunarumque angustiasliceret, suppetias aliquas afferremus. Id enim non sine externarum gentium admiratione esse reor, quod in Urbe Neapoli, cum in ceteris omnibus, tum praecipuē in Juris civilis scientia florentissima, eos dumtaxat excudere libros studeant Chalcographi, qui in foro versantibus usui esse possint: Romanis verō legibus exornandis scriptos, unde omnis aequitas velut a fonte emanat, proindeque tum Antecessoribus, tum Scholasticis apprimē conducibiles, prorsus negligant. Haec ego mecum reputans, editionem Merillii Jurisconsulti excelsissimi, Graeca, Latinaque elegantia instructissimi moliri, contilium coepi, ut cujus opera perquam rara in paucis admodum Bibliothecis reperirentur, venirentque quamplurimo. Sed exemplar Parisiense, quod circumfertur, quodque unum habere licuit, adeo corruptum est, atque erroribus foeditissimis depravatum, ut Augiae stabulo depurgando minus esset operae ponendum. Neque enim vel interpunctionis, vel ligerarum vitia in eo caussamur, quamquam haec infinita prope, atque interdum talia, ut sensus vel perverlus appareret, vel nullo planē modo constaret. Fatales istas, artis impressoriae culpas esse scimus, & hanc veniam petimusque, damusque vicissim. Sed graviora sunt, quae conguerimur, quae praeter incredibilem socordiam, nullam idoneam habent exculationem. Ordo Observationum inversus: nomina propria passim vitiata: legum capita, eorumque numeri, Auctorum item loci falsō indicati: in ipsis titulis, atque adeo in majoribus literis, ac numeris frequentia sphalmata: ut extremae nonnunquam capitis superioris lineae in sequentem titulum evaserint, & retro, qui titulus esse debuerat, in partem capitis irruerit. Denique, ne longior sit querela, quod a typis inventis ad hanc diem aegrē in alio excusa libroprehendas, saepe vertenti paginam subsistendum tibi fuerit: non enim ea, quae ex ordine expectabas, incurrerent, sed diversa omnia, quae propterea ad tertiam, vel quartam paginam te ablegent, ut inde ad hanc iterum Maeandrico more sit redeundum. Nulla, audacter dicam, nulla adhuc extitit importunior libri cujusquam impressio; eoque detestabilior, quo optimi Auctoris partus comtissimi in tortoris verius, quā Typographi manus incidisse videantur. Haec omnia, qua fieri potuit, diligentia castigavimus, adjecimusque aureum opusculum, quod in Parisiensi editione desiderabatur, notas scilicet philologicas in Domini Jesu passionem aliunde arcessitas. Ad haec Scriptorum locis numeri, ubi deicerent, adnotati: tum verō Graecis, quorum ingens copia est, Scholasticorum comodo, qui fortasse Graecas literas nondum didicerint, Latina versio subiecta: ut quod officium Contio Merillius quondam persolvit, idem nunc Merillio pro modulo nostro reddidisse videamur. De cetero munusculum hoc, humane Lector, eo animo accipias velim, quo idem tibi deferō, ampliora forsitan olim praestaturus, si animos addideris: quod tum demum contigisse puta, cum ea, quae in praesentia rerum offero, non ingrata tibi fuisse comperero. Vive, & vale.

EMUN.

EMUNDI

MERILLII

JURISCONSULTI

OBSERVATIONUM

LIBRI VIII

ILLUSTRISS. ET AMPLISSIMO VIRO
GUILLELMO DU VAIR
 FRANCIAE PROCANCELLARIO
 EMUNDUS MERILLIUS JC. S.



LN plerisque animis nostrorum hominum civilis sapientiae studium quibusdam retrò annis oblanguisse, non est diffitendum, Vir Illustrissime. Principem locum tenentes in rebus, habebant insuper, nec incentivo honorum, aut praemiorum excitabant: privati conficiendis pecuniis magis studebant, quarum vi potissimâ ad magistratus, atque alias dignitates aditum sibi futurum, & ultimam de eruditione quaestionem fore noverant. Civitates quaedam ad servanda privilegia, & commoda civium, professorias exercitationes retinuerunt. Sed quantulum est praemii ad magnos spiritus ingerendos, quod quàm minimum possunt illae constituunt, suis obventionibus, veluti patrimoniis comparcentes? Antecessores vel eò contempti, quòd soli inter ceteros inaeestimata muneraungerentur, quae nec ad heredes transmitterent. Ac veluti olim in concilio Jovis Tragoedi, Dii ex auro, argentove solidi, licèt rudes & impoliti, reliquis ex ebore, marmore, vel alio lapide affabrè factis praesidebant, *οὐκ ἴσθης, ἀλλὰ μὴ ἀσίσθης, καὶ οὐκ ἀπὸ πρυμνίων* ita

Par.I.

c

& so-

& sola munera praestare credebant, non quae solertioris essent industriae, sed quae maiorem aestimationem nummariam possent recipere. Idem Antecessores, (quos vicennii tempus anxio docendi labori eximere, & ad leviora munera transferre debuit) ad extremam aetatem in scholis relictis, illa mox ducturi: itaque non pauci perfusoriè, & tralatitiè agebant, quantum satis erat opinioni apud suos tuendae consulentes. Studiosi in Academiis nulli, aut rari: ipsique ocyùs abeuntes, & legitimis studiorum sumptibus detrahentes, quod in dignitates emendas rependerent: privata studia adsectabantur, non quò magis idonei fierent, sed quominus inepti viderentur. Nunc verò restitutis virtuti praemiis edicto Regis Justissimi, cujus ortus novi seculi initio, novum in moribus regni seculum portenderat: cordati omnes quasi facti viribus, civilem sapientiam curatiore diligentia prosequuntur, ipsaq; studia restitutis praemiis magis decora putabuntur. In id te, Vir Illustrissime, cum aliis boni seculi instrumentis, bono publico natis, enixè contendisse palam est: eoque nomine gratulabundi, tres Observationum necdum (si Deus faciat) desinentium libros, publicae laetitiae praeambulos tibi adscripsimus: qui si tuae lubentiae adlubescant, ut non nihil antea operae levamenti, ita deinceps futurae, plurimum subsidii fuerit adlatura. Vale. Avarici Biturigum, Kalen. Februar. M.DC.XVIII.

IN-



I N D E X

C A P I T U M,

Q U A E

In his octo libris Observationum
continentur.

CAPITA LIBRI PRIMI.

CAP. I.



Urisconsulii Philosophis, & Philosophi Juriscon-
sultis vicissim subaemuli. Ad L. 1. D. de iu-
stit. & jure. pag. 1.

CAP. II.

Non solum Jurisconsulti, sed alii auctores in-
ter se dissenserunt, sectasque habuerunt, Phi-
losophi, Theologi, Medici, Rhetores, Gram-
matici. 2.

CAP. III.

In quibus potissimum utraque juris au-
ctorum secta dissidebat. 4.

CAP. IV. Inter diversas Jurisconsultorum sectas quidam non suae, sed al-
terius sectae opinionem probaverunt. 5.

CAP. V. Quenam secta Juris auctorum praevaleret. Tertulliano lux. 6.

CAP. VI. Mediae sententiae, seu eriscundi inter duas sectas, Juriscon-
sulti, Philosophi, Theologi. 6.

CAP. VII. Pauli media quaedam sententia deprehenditur in L. 3. D. de
acquir. vel amitt. possess. Sidenius illustratur. 8.

CAP. VIII. Juris auctores doctrinam Stoicorum sequuntur, quod illi à rebus
gerendis non abhorrent. 9.

CAP. IX. Stoici facile variabant: quo exemplo Jurisconsulti quoque va-
ria-

riarunt, mutaruntque sententiam.

10.

CAP. X. Jurisconsulti, ut Stoici, circa verborum proprietatem, atque eriginem anxii; iidemque in regulis brevibus Stoicos aemulati.

11

CAP. XI. Principia quaedam juris petita ex doctrina Stoicorum, in L. 1. 2. 10. D. de justit. & jur. & L. 2. D. de legibus.

11.

CAP. XII. Multa alia indicantur apud auctores juris petita ex libris Stoicorum.

13.

CAP. XIII. Cynicorum, & Stoicorum sententia de usuris, juris auctoribus consentanea.

14.

CAP. XIV. Infantiae, atque pubertatis discrimina pariter secundum Stoicos, & Jurisconsultos.

14.

CAP. XV. Naturâ omnes liberi secundum Stoicos, & Jurisconsultos. Stoici favebant libertatibus, & Jurisconsulti.

16.

CAP. XVI. Foetus in matris utero non est animal secundum Stoicos, & Jurisconsultos. De poena abacti partus.

17.

CAP. XVII. Inter Stoicos quidam possimum Dialectici, iique intelligendi in L. qui quadringenta. 88. D. ad leg. Falcid. Lectio quaedam Plinii defenditur.

18.

CAP. XVIII. Argumenta, quibus Stoici utebantur, relata Jurisconsultis, *ἰδιόδικος, σωμαίος, σόφισμα, ἀντίλογον*. Collectiones Stoicorum, & Jurisconsultorum.

19.

CAP. XIX. Ambiguitatum Stoicis, & Jurisconsultis tractatus.

20.

CAP. XX. Inter dissidentes Jurisconsultorum scholas, Proclejanos magis à partibus Stoicorum fuisse, pluribus argumentis deprehenditur. Labeo Proclejanorum Princeps cum Chrysippo comparatur.

21.

CAP. XXI. Proclejani secundum Stoicos putabant, opere ex aliena materia facti, eum, qui opus fecerat, dominum esse operis facti, non dominum materiae.

22.

CAP. XXII. Proclejani secundum Stoicos pubertatem decimoquarto anno in masculis aestimarent, quod ad aetate rationis usum induci crederent, & ita nuptias possent contrahere, testamentum facere, tutelâ liberari.

22.

CAP. XXIII. Mortem taediû vitae, vel doloris impatientiâ accersi posse Proclejani à Stoicis censuerunt.

24.

CAP. XXIV. Sabiniani proportionem Geometricam secundum Academicos, & Proclejani secundum Stoicos Arithmeticam sequebantur.

24.

CAP. XXV. Spadonum, & Castratorum differentia. Castrati morbofi secundum Stoicos, & Proclejanos.

25.

CAP. XXVI. Conjecturae quaedam non leves, quod Proclejani Stoicorum placita secuti sint.

26.

CAP. XXVII. Alii quidam loci ex doctrina Stoicorum relati à Proclejanis, & quaedam aliae conjecturae.

27.

CAP. XXVIII. Ulpius Marcellus Proclejanus. Notae Marcelli ad Julianum, Ulpiani ad Marcellum. L. si filiusfamilias. 14. D. de reb. credit. exponitur.

28.

CAP. XXIX. Constitutio DD. Marci, & Commodi ad Aufidium Victorinum, non dum emissâ temporibus Scaevolae, quare non est potestata ad tractatum *De ut facias, ut ad donationem*,

29.

CAP.

- CAP. XXX. *Ad L. quisquis. C. si certum petatur, & L. ultim. C. de crimine sacrileg. Claudiano, Synesio lux.* 30.
- CAP. XXXI. *Argumentum à servitute aquaeductus ad servitutem viae, quo Sabinus utitur in L. 9. D. de servitut. deprehensam apud Siculum Flaccum, Lectio Siculi Flacci defenditur.* 32.
- CAP. XXXII. *Servitutes consistunt in solo, aut superficie praedii servientis, non praedii, cui servitur. Ad L. 3. D. de servitutibus.* 33.
- CAP. XXXIII. *Pauli, atque Ulpiani dissensio, an monstruosus partus prodesse debeat matri ad jus liberorum. Defensio lectio in L. 14. D. de statu hominum.* 33.
- CAP. XXXIV. *Viridia in tectis aedificiorum. §. servitutum. L. quotiens. 15. D. de servitutib. explicatur. Lectio Vitruvii, Pomponii defenditur.* 34.
- CAP. XXXV. *Conciliatur L. qui jurisdictioni. D. de iurisdic. cum L. in privatis. D. de iudiciis. Locus Juvenalis explicatur.* 35.
- CAP. XXXVI. *Filiifamilias domini, filiusfamilias dominus minor, dominiulus; filiafamilias domina minor, dominula. Uxores à maritis, parentibus, extraneis dominae vocabantur.* 36.
- CAP. XXXVII. *Qua lege annus petendis tutoribus matri fuerit praefixitus, ad L. sciant. C. de legitim. heredib. Locus Horatii exponitur.* 37.
- CAP. XXXVIII. *Jus, quod necessitas constituit, aut quod firmiter consuetudo in L. pen. D. de legibus. Mores consuetudinem efficiunt, non consuetudo morem.* 38.
- CAP. XXXIX. *Id, quod difficilius in specio Cap. Rainutius. 16. de testament. apud Gregorium, exponitur; quod est de tertiarum deductione.* 39.
- CAP. XL. *Liberorum imaginaria, & vera servitus. Imminutum jus patriae potestatis temporibus Ulpiani. Nihil mutavit Tribonianus L. in suis. D. de liber. & postum.* 40.

CAPITA LIBRI SECUNDI.

- CAP. I. **T**estamentum mysticum feminis in usu non fuit. Vestigium illius juris apud Papinianum nec dum deprehensum. *Plan- to lux.* 41.
- CAP. II. *Emendatur Gellius, & forte Ulpianus in L. 3. D. de penu le- gat. Servius Sulpitius Q. Mutium Scavolam notavit.* 42.
- CAP. III. *Triumviri nocturni in L. 1. D. de officio Praefest. vigil. Terge- mini vigilae Ausonio. Lectio Ausonii defenditur, locus explicatur. Vigiliae militum eadem, & Clericorum.* 43.
- CAP. IV. *Iurene scriptis, an moribus parentes Romani in liberos potesta- tem habuerint. Pater lege, alii parentes moribus in liberos jus potestatis ha- buisse videntur, ad L. 8. D. de his, qui sui, vel alien. jur.* 44.
- CAP. V. *Trebatii quaedam sententia apud Horatium relata. Similis ejus- dem Trebatii sententia ex Arnobio profertur. uterque illustratur ex L. 21. D. de furtis.* 45.

CAP.

- CAP. VI. *Processus militum, processus advocatorum, processus Clericorum.*
Ad L. 41. D. de donation. inter vir. & uxor. Symmacho lux. 46.
- CAP. VII. *Consultatio ad relationem, consultatio ad provocationem. Conciliatur L. 1. §. 1. D. de appellationib. cum L. 2. C. ut lite pendente, vel post provocationem.* 47.
- CAP. VIII. *Legatum optionis habuit tacitam, non expressam conditionem. Defenditur vulgata lectio apud Ulpianum tit. de legat. §. optione.* 48.
- CAP. IX. *Latina libertas data post constitutionem Justiniani; directa libertas, resens obsequio manumissi.* 49.
- CAP. X. *Athenienses à Romanis leges vicissim acceperunt. Pomponius, Symmachus, & Cassiodorus illustrantur.* 50.
- CAP. XI. *Hereditas sub cretione relicta, post repudiationem nihilominus intra dies cretionis adiri potuit: ex quo interpretatio L. 2. §. ult. D. de suis, & legitim.* 51.
- CAP. XII. *Lupanaria in honestiorum virorum praediis. Meretrices honestioris loci Non. Marcello. Ad L. ancillarum. D. de heredit. petit.* 53.
- CAP. XIII. *In permutatione dominium transferri necesse non est, ut nec in venditione.* 54.
- CAP. XIV. *Ad L. ultim. D. de condictione causâ datâ, causâ non sequentâ.* 55.
- CAP. XV. *Quaedam iurisdictionis sine imperio. Coercitio non est mixti imperii. Ad L. ultim. D. de offic. ejus, cui mandata est iurisdic.* 56.
- CAP. XVI. *Modicum tempus decem dierum, triginta dierum, duorum mensium. Laxamentum.* 57.
- CAP. XVII. *Mendum tollitur apud Ulpianum lib. sing. reg. tit. 22.* 57.
- CAP. XVIII. *Ad L. 8. D. de pignoribus, & hypothecis.* 58.
- CAP. XIX. *Quò referenda sit L. non debet. 41. D. de reg. juris.* 59.
- CAP. XX. *Pensiones, fructus. Differentia inter venditionem privatorum, & additionem fisci. Conciliatur L. Julianus. §. 11. D. de actionibus empt. cum L. ult. D. de jure fisci.* 59.
- CAP. XXI. *Argumentum Pauli ex lege Aelia Sentia in L. qui filium. §. 1. D. ad Senatusc. Trebell.* 60.
- CAP. XXII. *Quaenam actio permissa in L. ult. C. de act. empti. Defenditur vulgata lectio.* 61.
- CAP. XXIII. *Illustratur Lex ult. D. de heredib. instituend.* 62.
- CAP. XXIV. *Tres collegium faciunt, Ecclesiam, monasterium, familiam, ad L. Neratius. 85. D. de verbor. significat.* 62.
- CAP. XXV. *Bona propria uxoris ob administrationem munerum civilium mariti non tenentur. Interpretatio L. 3. C. ne uxor pro marito.* 63.
- CAP. XXVI. *De tribus libris J. Pauli Decretorum, seu Imperialium sententiarum in cognitionibus prolatarum. Cognitiones Principum ex appellationibus, vel ad consultationem magistratum.* 64.
- CAP. XXVII. *Quò referenda videatur L. cum par. 154. D. de reg. juris.* 65.
- CAP. XXVIII. *Multum interest, si quis duobus eandem rem diversis contractibus in solidum venderit, vel pignorerit.* 66.
- XXIX. *Re duobus pignori obligatâ, quomodo ius suum quisque persequatur.*

<i>tit.</i>	67.
CAP. XXX. De inscriptione L. Imperium. D. de jurisdictione.	67.
CAP. XXXI. Circa possessionem naturalem, & civilem repetitae quaedam auctorum juris dissensiones.	68.
CAP. XXXII. Quaedam est possessio naturalis simul, & civilis. Exponitur L. Nemo. C. de acquir. & retinend. possessione.	69.
CAP. XXXIII. Restituta lectio apud Ulpianum lib. singul. reg. tit. 15. De fensa apud J. Capitolinum. Dies novus. Dies nominum. Primordia.	70.
CAP. XXXIV. Donationem factam à patre, ante susceptos liberos, liberi in solidum revocare non possunt, si pater eam non revocavit.	71.
CAP. XXXV. Servi inter iumenta, & quadrupedes habiti. Lectica, caruena dormitoria. Seneca & Luciano explicatur.	72.
XXXVI. Non pugnare Legem 37. D. de judic. cum L. 1. C. de appellationibus; aut etiam cum L. 7. C. ad legem Jul. de vi publica, vel privata.	73.
CAP. XXXVII. Ulpianus lib. sing. reg. tit. 16. illustratur.	74.
CAP. XXXVIII. Res facti facilius, quàm res juris ante constitutionem Justiniani confirmari poterant ratihabitione. Exponitur L. 7. D. de jure co- dicill.	75.
CAP. XXXIX. Ope consilio, non fuit propria actio furti, sed formula accommodata aliis actionibus furti. Exposita Labeonis, & Sabini controversia. Plauto lux ex Sabini sententia.	76.
CAP. XXXX. Caput pars hominis principalis. Truncus absque capite religiosum locum facit. Ad L. cum in diversis. D. de religiof. & sumptib. funerum.	77.

CAPITA LIBRI TERTII.

CAP. I. V Entrale, sinus, panniculària, in L. divus. D. de bonis damnator. Locus in eâ exponitur, illustratur, & à mendo levi quidem, sed veteri, & noxio purgatur.	79.
CAP. II. Titulus militum, titulus Clericorum.	80.
CAP. III. Ritus quidam à manu missionibus translati ad baptismum; circumactio, alapa, vestis alba, pileus.	81.
CAP. IV. Jure iugis, quàm naturâ, filius una cum patre persona esse intelligitur. Ad L. ultim. C. de impuber. & aliis sub hunc.	82.
CAP. V. Servi urbani, & rustici: supellex, vestis, toga urbana, & rustica: cibaria, penus urbana, & rustica: aedes urbanae, & rusticae. Ad L. servis. 99. D. de legat. 3.	83.
CAP. VI. De modo dotibus impositis, species quaesita in L. 2. C. Theodos. de inoffic. dotibus.	83.
CAP. VII. Liberi monumenta, sive munimenta, aedificia. Ad L. liberorum. 220. de verb. signif.	84.
CAP. VIII. An venditi actio detur ad resolvendum contractum emptio- nis. Iudicata auctorum juris dissensio: utriusque scholae probata sententia.	

Ad

Ad L. 2. Cod. de pactis inter emptor. & vendit. composit. 85.

CAP. IX. *Conciliatur Lex 6. §. 6. D. communi dividund. cum L. 2. §. 51. D. de relig. & sumpt. funerum.* 85.

CAP. X. *Differentia quaedam legati sub alternatione relicti, & stipulationis alternatae. Conciliatur L. Cum is. 32. §. ult. D. de condi& indebit. cum L. si is, cui. 19. D. de legat. 2.* 87.

CAP. XI. *Leſio retinetur in L. si cum dotem. 22. §. si pater. D. soluto matrimonio. Vitium interpunctionis tollitur.* 87.

CAP. XII. *Cujusnam scholae auctores senserint, unum esse testamentum patris, & filii, vel duo esse testamenta.* 88.

CAP. XIII. *Jurisjurandi voluntarii, necessarii, judicialis distinctio.* 89.

CAP. XIV. *Legem 6. de transactionib. recte sub eo titulo positam esse.* 91.

CAP. XV. *Concubina, & uxor, convictrix, uxor gratuita, sodalitaria. Dubitatur de inscriptione, in qua viceconjug. Ad Legem Libro. 144. D. de verbor. signific.* 91.

CAP. XVI. *In quibusdam uxorem concubina imitatur, sed magis differt. Concubinatus non est legitima conjunctio.* 92.

CAP. XVII. *Defenditur voxata leſio Florentiu. in L. cum tabulis. §. 1. D. de his, quae ut indign. ab adjectione, & trajectione verborum vindicatur; locus exponitur.* 94.

CAP. XVIII. *Professores Civitatum, & Principum judiciis probati. Ad Leg. Magistros. Cod. Theodos. de medic. & professorib. & L. 7. Cod. eod.* 95.

CAP. XIX. *Pauci, rarique Jurisconsulti; tres inter alios maximi diverſis aetatibus profecerunt.* 96.

CAP. XX. *Alia est remissio, quae fit interdictis de remissionibus, ubi nuntiatio novi operis non tenet; alia est remissio, quae fit cognitione Praetoris, ubi nuntiatio tenet. Locus difficilis in L. unic. D. de remissionib. exponitur. Leſio Florentina retinetur.* 97.

CAP. XXI. *Pacta quaedam ex intervallo apposta contraſtibus bonae fidei insunt etiam ex parte actoris. Exponitur §. adeo, in L. juris gentium. D. de pactis.* 98.

CAP. XXII. *Expositio plana, & facilis L. Pacta conventa. D. de contrahend. empt.* 99.

CAP. XXIII. *Alia est substantia, atque alia natura contraſtus emptio nis.* 100.

CAP. XXIV. *Pacta incontinenti apposta stipulationi, insunt ex parte actoris, & rei. Reſecta Stephani Graeci interpretis sententia ad L. Petens. 27. Cod. de pactis.* 101.

CAP. XXV. *Foras aedium aliàs perclusae, aliàs revulsae ob pensionem non solutam. Derisus Nerva Jurisconsultus ad L. pen. D. in quib. causis pign. vet hypoth. tacite contrah.* 102.

CAP. XXVI. *Actiones in factum discretæ. Actiones in factum, seu utiles accommodatae legibus, non sunt civiles, sed praetoriae. Exponitur §. ult. Instit. de lege Aquil.* 103.

CAP. XXVII. *Ordo mortalitatis turbatus, retrogradus, sacris litteris indigi-*

<i>indigitatus. Ad L. Nam & fi. 15. D. de inoffic. testam.</i>	104.
<i>CAP. XXVIII. Emptionis definitio quaedam non probatur.</i>	105.
<i>CAP. XXIX. Alimenta relicta ad quod tempus debeantur. Alimenta- rii pueri, & puellae. Spartiano lux, & Capitolino. Ad L. Mela.</i>	106.
<i>14. §. 1. D. de aliment. & cibariis. legat.</i>	106.
<i>CAP. XXX. Non pugnat Lex cum probatio. D. de probationib. cum L. quaero. 58. §. ult. D. de aedilit. edicto.</i>	107.
<i>CAP. XXXI. Interpretatio tituli Digestorum de reb. credit. si cer- tum petatur, & de conditione.</i>	108.
<i>CAP. XXXII. Declaratio loci obscuri in L. cum fundus. 31. §. fer- vum. D. de reb. credit.</i>	109.
<i>CAP. XXXIII. Emissa manus, professio natalium, in L. 15. & 16. D. de probationibus. Lux Capitolino.</i>	109.
<i>CAP. XXXIV. De aestimatione rei debita facienda vel ex tempore con- tractus, vel ex tempore morae, vel ex tempore litis contestatae, vel ex tempore rei iudicandae.</i>	110.
<i>CAP. XXXV. Deprehensa mens Justiniani, Paulum sine effectu de- reliquisse querelam inofficiosi testamenti, in L. penult. C. de adopt.</i>	111.
<i>CAP. XXXVI. Differentia inter eum, qui petit ante tempus, & ante conditionem.</i>	112.
<i>CAP. XXXVII. In mixto imperio nihil est magis imperii, quam ju- risdictionis; aut magis jurisdictionis, quam imperii. Explicatur Lex 4. D. de jurisdictione.</i>	113.
<i>CAP. XXXVIII. Incertus contractus, incerta actio, incerta stipula- tio, incerta nomina.</i>	114.
<i>CAP. XXXIX. Defenditur lectio in L. 2. Cod. Theodos. ne operae à conlatoribus exigantur, in L. 3. Cod. qui dare tutores, vel cura- tores, & L. 17. D. de excusationib. tutor. & curator.</i>	114.
<i>CAP. XL. Adoptio per baptismum, per sacras preces, per poeniten- tiam, per mitrac impositionem, per mallos capillorum.</i>	116.

CAPITA LIBRI QUARTI.

<i>CAP. I. Consensus aliter quam verbis exprimitur, vultu, oculis, superciliis, manu, digitis, articularis. Ad L. obliga- mur. 52. §. penult. D. de obligation. & actionib. Natus Graecorum. Lux Aristophani, & Suidae.</i>	119.
<i>CAP. II. Aliter poenae ex criminibus judiciorum publicorum, aliter ex privatis delictis, aliter ex criminibus extraordinariis ad heredes transcant: diversitatis ratio ostenditur.</i>	120.
<i>CAP. III. Liberi ob erimen paternum non puniendi. Cur de eo DD. Pag. I. d Fra-</i>	

Fratres ad Hieropolitanos rescripserint in L. crimen. 26. D. de poe-
nis. 121.

CAP. IV. Ratio differentiae inter acceptilationem, & apocham. Ad
L. si acceptolatum. 19. §. 1. D. de acceptilation. 122.

CAP. V. Restituitur inscriptio L. quod vulgo, 45. D. de manu-
missi. testament. & libro primo, non secundo Pandectarum Modestini
vindicatur. 123.

CAP. VI. Praetorem sacerdotes cogere noluisse ex edictis quibusdam
indicatur. ibid.

CAP. VII. Interpretatio L. 6. D. de evictionib. non ex jure He-
braeo, vel Attico, sed Romano. 124.

CAP. VIII. Defenditur lectio Florentina in L. sed si is. §. ultim. D.
de evictionib. 125.

CAP. IX. Differentiae quaedam actionum, & exceptionum. Exceptio
L. nemo. 43. D. de regul. juris, nisi lex impedit, refertur ad L. ul-
tim. C. de compensationibus. 126.

CAP. X. An restitutio in integrum profit fidejussori minoris. Impro-
bata distinctio, quae vulgò colligitur ex L. 7. in fin. D. de exceptio-
nib. Lectio Florentina defenditur, sensus nova ratione aperitur. 127.

CAP. XI. Supellex ex auro, atque gemmis: quaedam alia observa-
ta in L. 7. D. de supelleet. legat. Lux Juvenalis, & Tacito. 128.

CAP. XII. Factum judicium an sit lis contestata, vel sententia lata?
Species L. si post. 13. D. de exceptionib. ibid.

CAP. XIII. Statuae non nisi permisso Senatûs, aut Decurionum po-
stae; ex sollicitatione debitae. Defenditur L. 2. sub tit. D. de loco
public. fruend. Species L. penultim. D. de exceptionib. 129.

CAP. XIV. Quare potestativae conditiones dicantur promiscuae, &
casuales non promiscuae in in L. 11. D. de conditionib. & demonstra-
tionib. ratio nova affertur. 130.

CAP. XV. Interpretatio L. in his. 16. D. de condit. & demonstr.
jungitur cum L. illa. 32. D. de heredib. instituend. 131.

CAP. XVI. Non erravit Ulpianus in nomine Adriani, nec Adriani
nomine D. Marcum intelligere voluit tit. 24. de legat. Progressus ju-
ris ostenditur, quod ab hoc, vel illo introductum est. 132.

CAP. XVII. De obscuro legato propter diversitatem personarum, &
rerum. Conciliatur L. 3. §. si duobus. D. de adimend. vel transfe-
rend. legat. cum L. si fuerit. 11. in princip. D. de rqb. dub. in qua
lectio Florentina defenditur. 133.

CAP. XVIII. Usurae modicae, modestae, minimae, leviores. Lux
Capitolino. 134.

CAP. XIX. Solius temporis adjectio in stipulatione arbitriam non
facit actionem. Ad L. 4. D. de eo, quod cert. loc. dar. oportet. ibid.

CAP. XX. Arbitrariaq judicis, bonae fidei, & stricti juris. Ad L.
7. D. de eo, quod cert. loc. dar. oportet. 135.

CAP.

- CAP. XXI. *Quomodo deportati mortuorum loco habeantur.* 136.
- CAP. XXII. *Conditiones juris, & facti. Defenditur lectio Florentina in L. cum servus. 18. D. de conditionib. institut. & L. avia. 77. D. de condit. & demonstrat.* 137.
- CAP. XXIII. *In commissoria venditione venditor retinet accessiones pretii, emptor non retinet accessiones rei venditae. Diversae accessiones in contractu venditionis.* 138.
- CAP. XXIV. *Car hypothecaria actio fuerit extraordinaria. Defenditur lectio in L. pignoris. 17. D. de pignorib. & hypothec.* 138.
- CAP. XXV. *Tres dies nuptiarum festi. Glossarium vetus emendatur. Locus Turpilii apud Priscianum insigniter exponitur. Ad L. penult. D. de donationib. inter vir. & uxor.* 139.
- CAP. XXVI. *Cur obligationes ex aliis contractibus novarentur in verborum, atque nominum obligationem.* 140.
- CAP. XXVII. *Judicium de libris Tertulliani ad Nationes.* 141.
- CAP. XXVIII. *De Senatusconsulto facto ad legem Fabiam de Plagiariis; & car servi, qui sunt in fuga, nec vendi, nec donari possunt. Lux Apulejo.* 142.
- CAP. XXIX. *De actione praescriptis verbis nulli ex contractibus incertis, & ut proxima sit directae actioni ex contractibus certis.* 143.
- CAP. XXX. *De jurisdictione Magistratuum municipalium: quid concessum ipsis, vel denegatum. Annui, & quinquennales fuerant.* 143.
- CAP. XXXI. *Poenale iudicium adversus non obtemperantes jurisdictioni. Extremum in jurisdictione, terminus iustitiae. Ad L. unic. D. si quis jus dicent. non obtemper.* 145.
- CAP. XXXII. *Errans dominium, & possessionem quandoque transfert. Conciliatur novae ratione L. ejus, qui. penult. D. de reb. credit. cum L. si procurator. 35. D. de acquirend. rer. dom.* 146.
- CAP. XXXIII. *Novem actiones ex uno eodemque facto, seu delicto nascentes. Ad L. cum ex uno. 32. D. de obligat. & actionib.* 147.
- CAP. XXXIV. *Cur in L. si paterfamilias. 40. D. de heredib. instituend. hereditas divisa fuerit inter heredem institutum, & substitutum. Conciliatur ex diversitate temporum cum L. 3. C. eod. tit. de heredib. instituend. Cretionis solennia, & rationes eorum.* 147.
- CAP. XXXV. *Hodie post L. ultim. C. de compensationib. admittit compensationem speciei ad quantitatem, seu corporis cum pecunia.* 149.
- CAP. XXXVI. *Quomodo electionis unius fideiussoris alter liberaretur ante constitutionem Justiniani.* 150.
- CAP. XXXVII. *Tabulae pictae in praeseptis, seu stabulis. Ad L. fundi. 17. §. 2. D. de act. empt. Lux Juvenali.* *ibid.*
- CAP. XXXVIII. *Media Pauli sententia deprehenditur non Triboniani manus in princip. L. qui servum. 34. D. de obligat. & actionib. In §. ult. lectio Florentina defenditur.* 151.
- CAP. XXXIX. *De testamento in scriptis, & per nuncupationem, accursus*

CAPITA LIBRI QUINTI.

- CAP. I. **D**E Mulieribus Atticis, & Romanis. Ad L. feminae.
D. de regul. jur. D. Chrysostomus, & Suidas vi-
cissim illustrantur. 155.
- CAP. II. Dies, quibus pater scivit infanti filio competere bonorum
possessionem, non cedunt filio. Interpunctionis vitium deprehenditur in
L. 7. §. ult. D. de honor. possessionib. 156.
- CAP. III. Non est major potestas tutoris in pupillum, quam patris
in filium. 157.
- CAP. IV. Quatenus jus accrescendi, & conjunctionis, lege Papiā
ablatum fuerit. Nihil pertinet ad legem Papiam L. si ex pluribus.
9. D. de suis, & legitim. 158.
- CAP. V. Stationes fori, stationes militum, stationes Christiano-
rum. 159.
- CAP. VI. Aliis rationibus probatur, quod in permutatione domi-
nium transferri necesse non sit. 160.
- CAP. VII. Ineptiae Astrologorum, tributum stultorum. Ad L. 8. C.
de malefic. & mathemat. 161.
- CAP. VIII. Conciliatur L. sed si quid. 15. cum L. ex mille. 64. §.
quod si modo. D. de evictionib. 162.
- CAP. IX. Car heres scriptus ex asse clausis tabulis hereditatem adi-
ve potuerit, non heres ex parte scriptus ; & an aliud fuerit in herede
ex parte nuncupato. 162.
- CAP. X. Aquo legitima. Leges Julia, & Papia in quibusdam locis
indicantur. 163.
- CAP. XI. Leges quaedam perfectae, quaedam minus perfectae. San-
ctio legis Juliae Papiae. 164.
- CAP. XII. Senatusconsulta circa leges facta, & circa leges Juliam
Papiam. Interpretatio L. idque. 26. D. de heredib. instituend. 165.
- CAP. XIII. Quomodo servitus poenae morti adfrangitur in lege Pa-
pia. Conciliatur L. intercedit. 59. D. de condition. & demonstration.
cum L. servitutem. 209. D. de reg. jur. 166.
- CAP. XIV. An usurae ; & fructus rei donatae ex mora debeantur.
Ad L. liberalitatis. 16. D. de usur. & fructib. 167.
- CAP. XV. Jungitur, & conciliatur L. ultim. D. commun. praedior.
cum L. usufructus, 26. D. de stipulat. fervor. 168.

CAP. XVI. *Indefinitum tempus pubertatis ante Constitutionem Justiniani. Lectio Florentina in plerisque locis defenditur. Locus D. Pauli exponitur.* 168.

CAP. XVII. *Feminae liberalibus studiis institutae. Tempus ad ea studia definitum. Ad L. 3. & 4. D. ubi pupill. educ. vel morar. deb.* 169.

CAP. XVIII. *An id, quod fundo fructuario accessit per alluvionem, ad proprietarium, vel fructuarium pertineat: de ea re non dissentire Ulpianam à Paulo evidenter probatur.* 171.

CAP. XIX. *Quibus modis pignus, legatum, ususfructus rei mutatione extinguitur.* *ibid.*

CAP. XX. *Quare D. Commodas cognoverit in negotio. L. Procula.* 26. *D. de probationibus.* 173.

CAP. XXI. *Obstetrices Medicae. Antiqua inscriptio, & Helladius apud Ptoleum ex Artemidoro illustrantur. Ad L. 1. §. 2. D. de extraord. cognitionib.* 174.

CAP. XXII. *Quaedam alia observata ad L. 1. D. de extraord. cognitionib. de mercedibus Professorum, Medicorum, deque exorcistis Christianorum, Judaeorum, Gentilium, & quos Ulpianus intellexerit. Lux Juvenali.* 175.

CAP. XXIII. *De mercedibus Philosophorum, Jurisconsultorum, ludæ litterarii Magistrorum in §. 4. & 6. L. 1. D. de extraordinar. cognitionib.* 178.

CAP. XXIV. *De salariis Comitum, deque dicasticis, & mercedibus Judicum in §. 8. L. 1. D. de extraord. cognitionib.* 178.

CAP. XXV. *De honorariis Advocatorum in §. 10. & §. 12. L. 1. D. de extraordinar. cognitionib. & de nutritiis in §. penult. Lux Lampridio.* 179.

CAP. XXVI. *An debitor post oblationem rei debitas liberetur ipso jure, vel per exceptionem. Exposita inter Sabinianos, & Proculianos controversia.* 180.

CAP. XXVII. *Jungitur L. quaestio. 115. D. de verbor. significat. cum L. furtivam. 76. D. de furt. ex utraque lux mutua.* 181.

CAP. XXVIII. *Ex veteri more apud S. Pompejum deprehenditur. servos nec flatum, nec personam habuisse. Philostrato lux.* 182.

CAP. XXIX. *Species L. paterfamilias. 28. D. de rebus auctoritat. judic. possidend. secundam lectionem Florentinam negatio retinetur.* 183.

CAP. XXX. *De luctu feminarum, & turbatione sanguinis; deque ea, quae parit undecimo mense, vel alteriori.* 184.

CAP. XXXI. *De accessione possessionis inter venditorem, & emptorem, §. inter. Instit. de usucapionib. exponitur.* 185.

CAP. XXXII. *De continuatione temporis in usucapione rerum mobilium. Ad L. nunquam. 31. D. de usurpat. & usucapionib.* *ibid.*

CAP.

CAP. XXXIII. *Locī ex Gajo, & Ulpiano relati apud Priscianum indicantur.* 186.

CAP. XXXIV. *Ut Sabiniani veteram regulis insisterent, & Proculiani ab his recederent, ex regula Catoniana ostenditur.* 187.

CAP. XXXV. *Species, & lectio defensa in L. fundo. 19. D. de in diem additione.* 188.

CAP. XXXVI. *De concurrente Consulis, & Praetoris iurisdictione in fideicommissis, & libertatibus.* *ibid.*

CAP. XXXVII. *Differentiae quaedam inter magistrum, & curatorem bonis vendendis datum.* 189.

CAP. XXXVIII. *Quaedam de sectis Jurisconsultorum. Non tantum Jurisconsulti ad auctores suae sectae scripserunt, sed & ad alios diversae sectae; nec tantum auctores suae sectae, sed & alios consulebant.* 190.

CAP. XXXIX. *Injusta uxor jure mariti accusari non potest, sed jure publico, seu jure extranei. Ad L. si uxor. 13. §. 1. D. ad leg. Jul. de adulteriis.* 191.

CAP. XL. *Cur jurisjurandi conditio in libertatibus non remittitur, Ad L. si quis. 12. D. de manumiss. testament.* *ibid.*

CAPITA LIBRI SEXTI.

CAP. I. **D**E sororibus, Agapetis, subintroductis, seu extraneis, feminis conversis, & focariis feminis Clericorum. *Ad L. cum, qui. 19. C. de Episcop. & Cleric.* 193.

CAP. II. *Legem 1. C. de dolo mal. non esse fugitivam, tentatur conciliandi ratio cum L. si mandata. 59. §. 1. D. mandat.* 195.

CAP. III. *Quaedam observata in Constitutione Justiniani ad Antecessores de Papinianistis, Beryto, vagantibus legum Doctoribus, ludis, & conviviiis scholasticorum.* 196.

CAP. IV. *Cur servitutes Rusticorum praediorum hypothecae obligari possint, non urbanorum; & cur servitutes Rusticorum praediorum fuerunt res mancipi, non urbanorum.* 197.

CAP. V. *Substitutionem à milite factam ultra pubertatis annos seu expressa certa aetate, seu compendiosa, valere directam, non jure fideicommissi.* 199.

CAP. VI. *Vestimenta muliebria, virorum, & mulierum communia, Pallia, pallae. Lectio in L. vestis. 23. §. 2. D. de aur. arg. legat. ex Varrone aservitur.* 200.

CAP. VII. *Aliis rationibus iterum probatur, actiones in factum, seu rei.*

utiles accommodatas legibus ex sententia legum ; non esse civiles , sed Praetorias . Exponitur L. si victum . 34. D. de re judicat. 201.

CAP. VIII. *Infantium aetas , verba , caedes , traditio . Ad L. inter . 217. D. de verbor. significat.* 202.

CAP. IX. *Educatio liberorum apud matrem . Jus patroni in liberum . Ad L. 8. D. de condit. & demonstrat. Lax Tacito . Defenditur lectio Florentina in L. 10. D. eod. tit. de condition.* 203.

CAP. X. *Possessori hereditatis , etiam post litem contestatam , debitorum hereditarios convenire permittitur . Ad L. si bonae fidei . 49. D. de heredit. petit.* 204.

CAP. XI. *Utri accipienda sit L. fundi . 79. D. de contrahenda emption. Controversia quaedam inter utriusque scholae auctores exponitur .* 205.

CAP. XII. *Lex 2. D. de jurisdiction. referenda non videtur ad Magistratus , sed ad eos , quibus specialiter data est jurisdictio.* 206.

CAP. XIII. *De munere viae muniendae , at est cura , vel collatio . Ad Paulum lib. 5. sentent. tit. 6.* 207.

CAP. XIV. *Quaedam ad L. assiduis . 12. C. qui potiores in pignor. habeant.* 208.

CAP. XV. *Species satis obscura in L. si fundam . 35. & L. ita ut . 36. D. mandat. paraphrasticis exposita.* 209.

CAP. XVI. *Quaedam ad L. 2. C. de rescindend. vendition. Illius beneficium respicit venditorem , non emptorem.* 210.

CAP. XVII. *Peregrinos , quibus datum erat jus commercii , & consubii , usufructu potuisse , praeterquam ex causis testamenti . Ad L. 7. D. pro legat.* 211.

CAP. XVIII. *Differentia inter prohibitionem legis , quae prohibet venditionem ratione rei , vel ratione personae : species L. cum lex . 46. D. de fidejussorib. & mandatoribus.* 212.

CAP. XIX. *Quomodo dos profectitia , sive adventitia , quae sancta est , iterum fungatur redintegrat^o matrimonio . Ad Ulpianum tit. 6. de dotib.* 213.

CAP. XX. *De libertate , quae domini voluntate competebat , deque manumissione per mensem . Locut^{us} Svetonii , Tertulliani , Juvenalis , & fortasse D. Lucae exponitur .* 214.

CAP. XXI. *Species L. filium , quem . 24. C. famil. eriscund.* 215.

CAP. XXII. *Retineri posse clansulam L. Lucius . 45. D. de vulgar. & pupillar. substitution. quae abest Pandectis Florentinis . Ratio differentiae inter pupillarem substitutionem , quae sub expressa vulgari , & eam , quae sub reciproca continetur.* 217.

CAP. XXIII. *M^ul^u , N^ul^u , lasciviosus , atypus , gutturosus in L. 10. & 12. D. de aedilit. edict.* 218.

CAP. XXIV. *De Senatusconsulto Rubriano , Junciano , Dasumiano . Defenditur Graecorum interpretum lectio in L. si quis . 29. D. de fidei-*

deſcommiſſar. libertatib.

219.

CAP. XXV. *Unde venditio, & locatio per averſionem dicta ſit.* 220.

CAP. XXVI. *Si familia ſarium, injuriamve ſecerit, damnum de-*
derit, album corruperit, an ſit unum factum, vel plura. 221.

CAP. XXVII. *Ratio abſtruſa in L. ſi emptori. 30. D. de evictio-*
nib. ex aliarum legum collatione deprehenditur, & locus in eadem ob-
ſcurus exponitur. 222.

CAP. XXVIII. *A ſententia arbitri compromiſſarii appellari non po-*
teſt, neque arbiter multae diſtinctionem habet. 223.

CAP. XXIX. *Jus gladii omnimodam coërcitionem continet. Praeſi-*
des univerſarum, non ſingularum provinciarum jus gladii habne-
runt. 224.

CAP. XXX. *Species L. omnia. 7. D. de reb. credit. ſi cert. pet.*
Inquiriur in quandam locum Philoſtrati. 225.

CAP. XXXI. *Ratio differentiae inter actiones ex facto, & in fa-*
ctum, apud Ulpianum in L. actionum. 25. D. de oblig. & act. 226.

CAP. XXXII. *De variis differentiis legatorum ex jure antiquo.* 227.

CAP. XXXIII. *An omnes illae differentiae legatorum ſublatae ſint*
Conſtitutione Juſtiniani. 229.

CAP. XXXIV. *Sabtilis ratio, Gryphus, in L. ita. 51. §. ultim. D.*
ad leg. Aquil. Lux Athenaeo. 230.

CAP. XXXV. *Quam differentiam Modestinus attigerit lib. 2. diffe-*
rentiar. in L. non tantum. 20. D. de re judicat. 231.

CAP. XXXVI. *Legē obligamur, aut ut ipſi obtemperemus, aut ne*
contra ipſam faciamus. Ad L. obligamur. 52. §. lege. 5. D. de obli-
gationib. & actionib. 232.

CAP. XXXVII. *De luſtu trium, ſeptem, novem dierum, Paganis,*
Chriſtianis, Graecis, Latinisque obſervato. 233.

CAP. XXXIII. *De luſtu viginti, triginta, quadraginta dierum, de-*
cem menſium, unius anni, & anniverſario. 234.

CAP. XXXIX. *In ordinem reduciur Cap. ultim. de teſtament. apud*
Gregor. inſcriptio reſtituitur, exponitur, & mendum in eo ſorte pu-
gatur. 236.

CAP. XL. *Quaenam immunitates munerum perſonae, vel patrimonii,*
Philophis, Sophiſtis, & Profeſſoribus datae. De munere recipiendi ho-
ſpitis. Interlocutio Principis apud Philoſtratum vim legis habuit. 237.

CAPITA LIBRI SEPTIMI.

CAP. I. **D**E fragmentis Juriſconſultorum.

241.

CAP. II. *Argentum eſcarium, potorium, promiſcui uſus. Ad*
L. pe-

- L. pediculis. 32. §. quidam. D. de aur. argent. legat. 242.
- CAP. III. *Conditio furtiva adversus heredem furis datur in solidum, non pro eâ parte, quae ad eum pervenerit; & datur lite nondum cum fure contestatâ. Ad L. 9. D. de condit. furtiv.* 243.
- CAP. IV. *Exposita de naturali obligatione pupilli inter utriusque scholae auctores controversia.* 245.
- CAP. V. *Rejicitur quod vulgò traditum est, pupillum locupletiorum factum naturaliter obligari; aliâs naturaliter non obligari.* 246.
- CAP. VI. *Pœna vincalorum. Ad L. mandatis. 35. D. de poenis.* 247.
- CAP. VII. *Conciliatur L. 3. C. de pignorib. & hypoth. cum L. penult. C. de pign. act. in qua & Graecorum interpretatio rejicitur.* 248.
- CAP. VIII. *Species profertur ad L. obligationes. 27. D. de obligat. & actionib. & L. ubi. 188. §. 1. D. de regul. jur.* 248.
- CAP. IX. *Qui sint duo casus substitutionum.* 249.
- CAP. X. *Differentia inter jus accrescendi, & substitutionis, in specie L. 6. C. de impuber. & al. substit.* 250.
- CAP. XI. *An si debitor pignus traditum creditori subripuerit, & deinde illud distraxerit, emptori procedat usucapio. Controversia inter utriusque scholae auctores exponitur.* *ibid.*
- CAP. XII. *Soceri parentum loci, generi filiorum loci. Ad L. Generaliter. 13. D. de in jus vocand.* 252.
- CAP. XIII. *An filio emancipato libertus assignari possit. Conciliatur L. utrum. 9. D. de adsignand. libert. cum §. datur. Instit. de adsignat. libert.* *ibid.*
- CAP. XIV. *Modi quidam Latine libertatis, & vestigium quoddam deprehenditur in L. mottis. 15. D. de manumissionib.* 254.
- CAP. XV. *Differentiae quaedam inter SCam Trebellianum, & Poggasianam observantur. In L. postulante. 44. §. 1. D. ad SCtum Trebellian. species intricata expeditur.* 255.
- CAP. XVI. *In §. 1. ejusdem L. 44. D. ad SCtum Trebell. quaedam alia differentia signatur. Lectio Florentina defenditur.* 256.
- CAP. XVII. *Probationes ex veteribus, & ex publicis monumentis.* 258.
- CAP. XVIII. *De ætate, secta Ulpii Marcelli, & de libris Digestorum ejusdem Marcelli, & notis Ulpiani ad Marcellam.* *ibid.*
- CAP. XIX. *Ratio dubitationis repetita ex temporibus Jcti in L. ab agnato. 12. D. de curatorib. furios. & al. ext. minor. dand.* 259.
- CAP. XX. *Exponitur L. eum mulier. 10. D. de Carbon. edict. & conciliatur cum L. 3. §. 3. D. de jurejurand.* 260.
- CAP. XXI. *An societas antversorum, vel partis bonorum, contracta fuerit in L. si socius. 16. D. de reb. credit.* 261.
- CAP. XXII. *Exponitur L. si quis Titio. 17. D. de legat. 2.* 262.
- CAP. XXIII. *Privilegium, & jus singulare militis deprehenditur in L. si miles. 31. D. de testamento milit.* 263.
- CAP. XXIV. *Rejicitur commentum Graecorum de exceptione furti*

- una facti*, in L. si quis. 83. D. de furt. 263.
 CAP. XXV. *Cur Ulpianus simul istas duas actiones junxerit, judicati, & incensarum aedium*, in L. 7. §. si paciscar, D. de pact. 264.
 CAP. XXVI. *Progressus juris in actionibus dandus filiofamilias. Actiones utiles, & in factura discretas. Ad L. in factum. 13. D. de obligat. & act.* 265.
 CAP. XXVII. *An si stipulationi subdita sit poenalis stipulatio, prior in posteriore novetur, & transferatur. Conciliatur L. obligationum. 44. §. ult. D. de obligat. & actionib. cum L. ita. 115. §. ult. D. de verbor. oblig. & manifesta ratio diversitatis ostenditur.* 266.
 CAP. XXVIII. *Verba illa, rei persequendae gratia, non esse rejicienda in L. actio. 28. D. de obligat. & actionib.* 267.
 CAP. XXIX. *Defenditur L. generaliter. 12. D. de exceptionib. recte sub eo titulo positam esse.* 268.
 CAP. XXX. *Pupillo locupletiore factò, inspicitur tempus petitionis, seu litis contestatae: bonae fidei possessore hereditatis locupletiore factò, inspicitur tempus rei judicatae. Ratio differentiae ostenditur.* 269.
 CAP. XXXI. *Marcelli responsum duobus in locis relatum apud Papinianum, & de nota Ulpiani ad Marcellum in L. tutor. 28. D. de administrat. & peric. tut.* 270.
 CAP. XXXII. *De luctu hostium, perduellium, capite damnatorum. Lux Suetonio.* ibid.
 CAP. XXXIII. *Conciliatur L. eum, qui. 27. §. ult. D. ad Municipal. cum L. nihil. 31. D. eod. & L. si quis. 7. D. de judic. cum L. ubi. 30. D. eod.* 271.
 CAP. XXXIV. *Ad librum singularem Modestini de Eurenaticis.* 272.
 CAP. XXXV. *Exponitur L. grege. 13. §. Cum pignori. D. de pignorib. & hypothec.* 273.
 CAP. XXXVI. *Pignus rei alienae ratibabitione confirmatur. Species ad §. 1. L. si fundus. 15. D. de pignorib. & hypoth. apponitur.* 274.
 CAP. XXXVII. *Quid sit praeparari actionem, in L. 3. C. de act. empti, & vend.* 275.
 CAP. XXXVIII. *Repetita expositio ad §. adeo. L. 7. D. de pact. An intelligi debeat de pactis circa adminicula emptionis, vel circa substantiam.* 276.
 CAP. XXXIX. *An pactum nudum dici possit, cum inest contractui, & cur ex pacto nudo actio inter cives Romanos data non fuerit. ibid.*
 CAP. XL. *Quid sit manumisso adscripta circulo, apud Gajum in fragmentis Institutionum.* 277.

CAPITA LIBRI OCTAVI.

- CAP. I. **D**E nomine, aetate, & scilicet Venuleji Saturnini miscell.
 lionis Jurisconsulti. 279.

CAP.

CAP. II. L. si duo. 31. D. de administrat. & peric. tutor. *refertur ad stipulationem judicatum solvi; non ad stipulationem rem pupilli, vel adolescentis salvam fore.* 280.

CAP. III. *Quenam lex intelligi debeat in* L. ult. D. de vi bonor. raptor. 281.

CAP. IV. *Mala sacrificia, nocturna, funesta, preces, precationes dirae, sceleratae preces, Missa defunctorum pro vivis.* Ad L. ex SCto. 13. D. ad leg. Cornel. de fidei. *ibid.*

CAP. V. *Vindicatur* L. 4. sub tit. de reb. dub. *quae in Pandectis Florentinis deest.* 282.

CAP. VI. *Ad* L. Lucius. 11. D. de evictionib. & L. si fundus. 33. D. locat. 283.

CAP. VII. *Ad* L. furioso. 9. D. de re judicata. 284.

CAP. VIII. *Balnearia, loca balnearum, inersustationes & picturae balnearum, in* L. quidam. 13. D. de servitutib. praedior. urbanor. *lectio Florentina retinetur.* 285.

CAP. IX. *Electio rei fidejussor olim liberatus. Ratio istius juris profertur, & vestigium in* L. egisti. 84. D. de solut. & liberat. *ibid.*

CAP. X. *Quarum legum praecepta Justinianus intelligit in* §. 1. Instit. de nuptiis. 286.

CAP. XI. *Conciliatur* L. si gratuitam. 17. §. Papinianus. D. de praescript. verb. cum L. rem inspiciendam. 78. D. de furt. *Periculum distinguitur.* 287.

CAP. XII. *Propria actio, perpetua actio, in* L. petenti. 27. D. de pignorat. act. *Horatio lax, Ulpiano.* 288.

CAP. XIII. *De actione legatarii ex legato per vindicationem sub alternatione relicto.* 289.

CAP. XIV. *Quaedam differentia deprehenditur inter* SCum Trebellianum & Pegasus, cum indebitum fideicommissum ex hoc, vel illo SCto restitueretur. *ibid.*

CAP. XV. *Non ex omnibus contractibus innominatis datur actio praescriptis verbis, sed tantum ex iis, qui sunt similes contractibus nominatis.* 290.

CAP. XVI. *Unde dicta sit actio Praescriptis verbis.* 291.

CAP. XVII. *Definitio Tutelae aliter quam vulgo accepta.* 292.

CAP. XVIII. *Etiam jure civili, ut jure Pontificio, causam possessionis, & proprietatis uno eodemque iudicio terminari posuisse. Papiniano, & Symmacho lax mutua.* 293.

CAP. XIX. *Omnibus legibus scriptis, non tantum poenariis, Princeps solutus fuit. Ad* L. Princeps. 31. D. de legib. 294.

CAP. XX. *Quis forensium rerum expert, vel aliis simplicitate gaudens, & desidia deditus, in* L. cum de indebito. 25. D. de probat. 295.

CAP. XXI. *An referenda sit* L. qui testamentum. 27. D. de probationib. & praesumptionib. *ad legem Papiam, vel Cinciam.* 296.

CAP.

CAP. XXII. *Errorēs quatuor Constant. Hermenopoli indicantur sub tit. D. de testib.* 297.

CAP. XXIII. *De Anticresi expressâ, & tacitâ; & quænam actio in factum intelligi debeat in L. si quis. 11. §. 1. D. de pign. & hypoth.* 298.

CAP. XXIV. *Subsidiaria actio, quæ datur adversus Magistratus municipales, dici non debet actio in factum.* 300.

CAP. XXV. *Testamentum non esse juris gentium, neque originem habere ex eo jure, sed ex aliquo jure civili.* 301.

CAP. XXVI. *Rejicitur Theophilus in §. sui autem. Instit. de heredit. quæ ab intestat. deferunt. sparios Cariae oblatos fuisse Decuriones.* 302.

CAP. XXVII. *Non est distinctio adhibenda inter colonum, qui nummis, aut partibus colit, in perceptione fructuum. Theophilus rejicitur.* 303.

CAP. XXVIII. *Cur purpura, licet pretiosior, vestimento cedat; & pictura, quæ est pretiosior, tabulae non cedat secundum Tribonianum, non Gajii sententiam.* 304.

CAP. XXIX. *Quaedam iterum de pæbertate quatuordecim annis in masculis definitâ, & cur Justinianus Proculjanorum sententiam magis probaverit.* 305.

CAP. XXX. *An area legatâ, & postea inaedificatâ, id, quod arcae superpositum est, cum area debeat; vel neutram. Exposita inter Celsum, & Javolenum controversa, & media Ulpiani sententia.* 306.

CAP. XXXI. *Cur Praetor differentiam masculini, & feminini sexus non fecerit in edicto Unde liberi. quam fecit in edicto de bonorum possessione contra tabulas.* 307.

CAP. XXXII. *De libris Pandectarum Modestini.* 308.

CAP. XXXIII. *Cur quaedam leges, Senatusconsulta, Edicta, in testamento militis locum habeant; non aliae leges, aliæve SCra, & edicta.* 309.

CAP. XXXIV. *Focariae, militum concubinae, cur ita dictae. Milites focariis donare prohibentur, & tamen heredes eas instituere possunt. Ad L. mulierem. 14. D. de his, quæ ut indign.* 310.

CAP. XXXV. *Permutatio apud gentes discreta à venditione, post æmorum usum. Ad L. 1. D. de contrahend. empt.* 312.

CAP. XXXVI. *Repetita ex Magistris Graecis inter Sabinianos, & Proculjanos controversa de venditione, quæ rebus fieret; & de Homericō testimonio, quo hi, & illi utebantur.* 313.

CAP. XXXVII. *In quibus negotiis testes rogati esse debuerunt. Ad L. ad fidem. 11. D. de testibus.* 314.

CAP. XXXVIII. *Differentia quaedam deprehenditur inter res mancipi, & nec mancipi, in L. si fur. 32. D. de usurpat. & usucap. & L. quamvis. 86. D. de furt.* 315.

CAP. XXXIX. *Defenditur lectio Florent. in L. 3. §. cum Pollidius. D. de usur. & fruct.* 316.

CAP. XL. *Quid sit jusjurandum corporale, unde dictam, Paganis & Christianis observatum; non tamen pariter Clericis, ut Laicis.* 318.

EMUN.



EMUNDI MERILLII J.C.

OBSERVATIONUM

LIBER PRIMUS.

Jurisperiti Philoſophis, & Philoſophi Jurisperitis viciffim ſubaemuli. Ad L. i. D. de juſt. & jur.

C A P U T I.



T qui praedia habent contermina ratione confinii ſaepe jergant, ſequē homines ſolent de vicinitate collidere, ut eſt apud Caſſiodorum: ſic Philoſophi, & Jurisperiti, quia vicinos habent circa ſapientiam, ſeu divinarum rerum, humanarumque notitiam terminos, ſibi fuerunt invicem ſubaemuli. Hi, & illi ſacerdotes ſe proſtitentur: hi, & illi ſapientes dicti: hi, & illi de rebus divinis, atque humanis agunt. Cratſus verò apud M. Tullium lib. i. de erat. unum 12. Tab? libellom bibliothecis omnium Philoſophorum anteponit. Contra Philoſophi. Fabius lib. 5. Inſtit. cap. 11. Libri etiam Philoſophorum, qui quamquam inferiora omnia praeceptis ſuis, ac litteris dicunt. Gellius ex Jurisperitis lib. 10. cap. 22. Non de illa ſcilicet Philoſophia, quae virtutum omnium diſciplina eſt; quaeque in publicis ſimul, & privatis officiis excellit; civitateſque, & rempublicam, ſi nihil prohibeat, conſtanter, & fortiter, & peritè adminiſtrat: ſed de iſta ſuſili, atque puerili meditatione argutiarum, nihil ad vitam neque tuendam, neque ordinandam promovente. Contra L. Senec. epiſt. 8. Si hoc mecum, ſi hoc cum poſteris loquor, non vidor plus tibi prodeſſe, quàm cum ad vadimonium advocatus deſcenderem, aut tabulis teſtamenti annulam imprimerem, aut in ſenatu candidato vocem, & manum commodarem? Mibi crede, qui nihil agere videntur, majora agunt, humana divinaque ſimul tractant. Et lib.

Parl.

A

de

de Tranquillit. animi. cap. 3. An ille praestit, qui inter peregrinos, & ci-
ves, aut urbanus praetor adveniens assessoris verba pronuntiat; quum qui
docet, quid sit iustitia, quid pietas, quid patientia, quid fortitudo, quid
mortis contemptus, quid decorum intellectus; quantum bonum sit conscientia?
Ulpianus in L. 1. D. de iustit. & iur. ita Jurisconsultis veram Philoso-
phiam tribuit, ut in aliis simulatam arguat. Contra Eunapius Sophista
veram Philosophiam in Jurisconsultis non agnoscit: namque ille in Aed-
sio, eos reticere se profitetur, nec Philosophorum nomine dignos existi-
mat, qui libris Jurisprudentiae studuissent. καὶ ἐξη/εαυτοῖς σάβη ἀρετῆς τὰ
βιβλία. ὃ τὰν τὰ τὴν οὐκ ἐστὶν οὐδὲν οὐδὲν τῶν παλαιῶν φιλοσόφων, ἀλλὰ δια-
δύναται, καὶ ἀντιγράφου, τίς τὸν καὶ συμβόλαια, καὶ αἰεὶ σφραγισμένον. i. e. edidice-
rant ad unguem eos libros, non qui ad veteres philosophos pertinerent, sed
qui tabulas testamentorum, earumque Antigrapha, & contractuum codicil-
los, auctionariasque tabellas continerent. De his paulò ante dixerat, οἷς τὰ
τὰ φιλοσοφίᾳ ὁ συγγραμμάτων κέρδος οὐκ. quasi horum studium non esset Philoso-
phia, sed Philosophiae quaedam affinitas. Atque illorum sententiis pleri-
que adducti forenses disciplinas reliquerunt. Gregorius Thaumaturgus in-
erat, Panegy. refert, Origenem sectatores suos saepe à juris, forique stu-
dio dimovisse, & eam solum, in qua versabatur, veram Philosophiam
agnovisse. ἀτάκτως (inquit) μὲν τὰς καὶ τὴν βίαν πολυπραγματούμενοι καὶ τὸ δ' ἀγο-
ρεῖς ἐκλαροῦ. i. e. Abducentur à multis vitae curis, forensisque studio: & paulò
post: οὕτω δὲ εἶναι τοὺς δικαιοφύλους, καὶ τὰν τὴν δικαιοσύνην τίτλον ἀλλοῦ,
καὶ τὸν ἀρχαίων φιλοσόφων βίαν νείκεσαι, τὰν ἰδιοπραγίαν ἀπορριπτέ. i. e. hoc ni-
mirum esse iuste agere, & hanc veram esse iustitiam, praeceptorum etiam phi-
losophorum nonnulli affirmaverunt, vitam privatam significantes. Quibus ver-
bis tandem motus Gregorius Thaumaturgus, leges Romanas midas fecit.
Gregor. Nyssenus in vita illius, & Socrates lib. 4. bistor. Ecclesi. cap. 22.
πολλὰ χρεῖστα εἶπεν τῷ Ρωμαίωνι νομοτά. i. e. multum valere iubens leges Ro-
manas. Idem etiam Socrates lib. 6. cap. 3. innuit, Joannem Chrysosto-
mum, & Evagrium Libanii Sophistae, & Andragathii Philosophi audito-
res, se à forensibus disciplinis avertisse, quali id illis Libanius, & Andra-
gathius in animum induxissent.

*Non soli Jurisconsulti, sed alii auctores inter se dissenserunt;
sectasque habuerunt, Philosophi, Theologi, Medici,
Rhetores, Grammatici.*

C A P U T II.

Instantur vulgò Jurisconsultos, quod sibi fuerint invicem dissidentes,
& repugnantes sententias reliquerint: nec advertunt, id quoque aliis
disciplinarum auctoribus contigisse propter naturalem hominum ad dissu-
tendum

tiendum facilitatem, ut Ulpianus ex nostris loqueretur. Notum quàm diversae fuerint Philosophorum familiae. Lucianus in *Parasito*, postquam diversas eorum sententias retulit, καὶ μίχεται τὸν ἑνὶ αὐτοῦ γένους ἡγήσαν, αὐτοὶ αὐτὸν ἢ τήν μὲν πάντων. i. e. & in praesens usque tempus neque illi sententiam tenent, neque ars illorum una apparet. Varro ducentas octoginta octo sectas Philosophorum colligebat apud Augustinum lib. 19. de *Civitate Dei*, cap. 1. Themistius Philosophus cùm de dissenſionibus Christianorum apud Socratem ageret lib. 4. *histor. Eccles.* cap. 27. Μίγαν γὰρ εἶναι τὸν αὐτῶν διαφορὰς, αἷς περὶ τὴν ἀλήθειαν καὶ τὸν σύγκρουσιν τῶν παρ' ἑκαστοῦ δογμάτων. εἶναι γὰρ ὑπὲρ τὰ ἡλιθία δόγματα. i. e. exiguum enim esse eorum dissenſionem, si prae multitudine, ac confusione opinionum, quae sunt apud gentes aestimetur, atque esse supra trecentas opiniones. Inter Theologos haereses primùm subortae; neque insignius aliud dissenſionis exemplum, quàm cùm Homousiani adversùs Arrianos tam saepe, tamque diu diversis, & contrariis opinionibus decertarunt. De Medicis Plin. lib. 29. cap. 1. post reſatas diſſidentes invicem Medicorum sectas: Hinc illae circa aegros miserrimae sententiarum concertationes, nullo idem censente, ne videantur accessio alterius. Luc. Seneca ep. 95. Itaque alia est Hippocratis secta, alia Asclepiadis, alia Themisonis. Theodorus Priscianus in praefat. lib. 1. Nam scire velim, qui fieri possit, ut eorum quid rectum, aut contrarium; quid salubre, aut incommodum sit, huiusce artis prof. ssores inter se disſentiant, diversorumque sententias singuli servare conentur. Rhetores quoque sectas habuerunt. Quintilianus lib. 3. *instit.* cap. 1. Est autem (ut procedente librò patebit) infinita dissenſio auditorum; primò ad ea, quae rudia, & imperfecta adhuc erant, adiciuntibus quod invenissent scriptoribus; mox, ut aliquid sui viderentur afferre, recta mutantibus. Et postea: Hi diversas opiniones tradiderunt, appellatique inde Apollodorei, & Theodorei, ad morem certas in Philosophia sectas sequendi. Inter Latinos alii Frontoniani, atque alius nominis. Sidonius lib. 1. *epist.* 1. Propter quod illum caeteri quique Frontonianorum utpote consecranteum aemulati. Sed & mirere magis, istud disſentiendi cacòrthes Grammaticos Graecis, & Latinos pertigisse, ut alii Homericici dicerentur. Suidas, καὶ οἱ ἐπὶ τῷ Ὅμηρῳ, καὶ ἡερῶν. i. e. Crates, qui cognominatus fuit Homericus, & Criticus. Alii Aristarchaei: Suidas, Ἀριστοῦ γραμματικῶν Ἀριστάρχων. i. e. Diagmus grammaticus Aristarcheus. Alii Aristophanæi: Athenaeus lib. 5. Διόφαντος. Ἀριστοφάνης Ἀριστοφάνους. i. e. Diodorus Aristophaneus. Inter Latinos alii Eunianistae, alii (ut videtur) Virgiliani. Gellius lib. 18. cap. 5. Eamus (inquit) auditum nescio quem Eunianistam: hoc enim se ille nomine appellari volebat. Quid igitur mirum, si Iurisperiti in diversas familias abierunt, ut ali Sabiniiani & Cassiani, alii Proculiani & Pegasiani dicerentur? Quarum dissenſionum pleraque in libris nostris extare vestigia non est disſtendum; quaeque haud aliter conciliationem recipiunt, quàm ut ad diversae scholae auctores referantur.

*In quibus potissimum utraque juris auctorum
secta dissidebat.*

C A P U T I I I.

EX duabus sectis Jurisconsultorum, Sabiniani regulis juris antiqui insisterent, quae fluxerant ex jure civili, seu interpretatione prudentum ad leges 12. Tab. & deinde per manus traditae fuerant. Pomponius in L. 2. §. *post hunc*. D. de orig. jur. de Attejo Capitone Sabinianorum principe: *Attejus Capito in his, quae ei traditae fuerant perseverabat*. Atque ita auctores illius scholae veterum opinionem secutos quam bellè licet observare in L. si servus. 27. §. si quis. 21. D. ad leg. Aquil. Ulpianus in L. 6. D. de condit. ob turp. vel injustam caus. Perpetuo Sabinus probavit veterum opinionem existimantium, id, quod ex injusta causa apud aliquem sit, posse condici. Pomponius in L. is, cui. 31. D. ad L. Falcid. Sed & secundum Cassii, & veterum opinionem. Paulus in L. 3. §. 18. D. de acq. vel amitt. poss. Plerique veterum & Sabinus, & Cassius responderunt. Julianus quoque veterum sententiam sequitur in L. ita vulneratus. 51. D. ad L. Aquil. L. si servus. 12. D. de auctor. & conf. tutor. Et sic probabant à majoribus constituta, licet non possent rationem reddere. Julianus in L. non omnium. D. de legib. Senatibusque consult. Idem Sabiniani naturalem rationem sequebantur, ut in pubertate. Ulpianus lib. sing. reg. tit. 11. *Puberem autem Cassiani quidem eum esse dicunt, qui habitu corporis puber appareret, id est, qui generare potest*. In emptione, & venditione, cum putarent, emptionem rebus posse contrahi; quae vetustissima fuit species emptionis & naturalis, atque ex jure gentium. §. item pretium. Instit. de empr. & vendit. In possessione, quia naturalem possessionem constituebant. L. pupillum. D. de acq. rer. dom. puta, si quis corpore rei incumberet, veluti fructuarius, creditor, colonus. Ita in L. adeo. §. cum quis ex aliena. D. de acq. rer. domin. Sabinus, & Cassius magis naturalem rationem efficere putant, ut qui materiae dominus fuerit, idem ejus quoque, quod ex ea materia factum sit, dominus esset. Haec est enim ratio naturalis. Acro ad illud Horatii lib. 1. Carm. od. 1. v. 28.

Sed rupit teretes Marsus aper plagas.

Non teretes plagas, sed tereti fuso factas: ideo enim ita posuit, quia illi debemus substantiam, unde sumimus. Annon & Sabinus in aliis juris articulis substantiam intuebatur, non opinionem, ut in L. 2. §. 2. D. pro empre? Idem Sabiniani, quod aequius erat, & benignius, probabant adversus strictam disputandi rationem, & adversus verborum subtilitatem. Julianus in d. L. ita vulneratus. D. ad L. Aquil. L. si tibi pecuniam. 20. D. de reb. credit. & L. si ita. 13. D. de liber. & postum. E. diverso Proculejani veterum regulis insistere noluerunt. Pomponius de Labcone illius scholae principe in d. L. 2. §. *post hunc*. D. de orig. juris. Labco ingenii qualitate, & fiduciâ doctrinae, qui & caeteris operis sapientiae operam dederat,

derat, plurima innovare instituit. unde illi subtilitatem juris, & strictam disputandi rationem sequebantur; ut si rebus contraheretur emptio, non esse emptionem, sed permutationem. d. §. item pretium. Instit. de empt. L. 1. D. de contrah. empt. ut dominus materias fieret, qui aliquid ex ea fecisset. d. L. 7. D. de acq. rer. domin. Idem potius opinionem intuebantur, quàm substantiam; ut in pubertate, eum puberem esse, qui quatuordecim annos explevisset, quòd eâ aetate generare posse præsumatur. Plutarch. lib. 5. cap. 24. *αὐτοὶ τὸν ἀπὸ τοῦ τοῦ γυναικὸς. i. e. de placit. Philos. ἀφ' οὗ τοῦ ἀνδρὸς τὸν ἀνδρὸς τὸν δὲ τὸν ἀνδρὸς ἰσχυρὰ, αὐτοὶ δὲ ἰσχυρὰ μὲν τὸν ἀνδρὸς ἰσχυρὰ. i. e. homines incipere perfici circa secundum septennarium, circa quod seminale fecerunt serum.* In possessione, eum possidere, non qui incumberet possessioni, veluti creditorem, aut colonum; sed qui animo retineret possessionem. Celsus ex ea schola, L. quod meo. D. de acq. vel amitt. poss. Idem etiam aequi, & boni disceptationem non adeo probabant. Celsus adolescens in L. si servum. §. 1. §. sequitur. D. de verb. obligat. Esse enim hanc questionem de bono & aequo, in quo genere plerumque sub auctoritate juris scientiae perniciosè (inquit) erratur. Quali istam aequi, & boni disceptationem parùm probaret.

Inter diversas Jurisconsultorum sectas quidam non suae, sed alterius sectae opinionem probaverunt.

C A P U T IV.

Perique auctores juris, licet ex diversis sectis, simul conveniunt etiam in re controversa, veluti in L. si idem. §. 2. D. de jurisdict. Offilio, & Proculo placet, quod & Cassio, & Pegaso placet. Offilius, & Cassius fuerunt ejusdem scholae; Proculus, & Pegasus alterius. An igitur dicemus, concinnatores Pandectarum haec nomina conturbasse; nec Offilium cum Proculo, aut Cassium cum Pegaso, sed potius Offilium & Cassium, Proculum & Pegasus consensisse? ut in L. 1. D. rerum amot. Veruntamen in L. si habitatio. §. 2. D. de usu, & habit. Javolenus Priscus, & Neratius ex diversis scholis consentiunt. Et Priscus, & Neratius putant habitationem salam legatam. Nerva & Cassius, Sabinus & Proculus quoque consentiunt, d. L. 1. D. rerum amot. Julianus à Proculo fuit adversus Cassium, L. 1. §. si legatarius. D. ad L. Falcid. quòd & Paulus observavit. Cassius confundendas partes existimat; Proculus contra: in qua specie & Julianus Proculo assensit: quasi in aliis non assentiret. idque ita passim deprehendi poterit, atque etiam in decisionibus Justiniani, ubi plures, quàm duae sententiae referuntur. L. 13. & L. 15. Cod. de usufr. & habit. L. 20. Cod. de furt. L. penult. Cod. de fideicom. libertat. Cum enim tantum duae sectae fuerint, ubi plures fuerint sententiae, tunc dicendum est; de illa re inter auctores unius scholae non convenisse; sed ex hac, vel illa schola auctores in diversam ab aliis sententiam abuisse.

Quae-

*Quaenam secta Iuris auctorum praevaleret.
Tertulliano lux.*

C A P U T V.

Cum diversae Jurisconsultorum sectae fuissent constitutae, & quaelibet suos auctores haberet, qui sententias probabili ratione tuebantur: quaeri non immerito possit, quaenam magis secta praevaleret, an Sabinianorum, vel Proculianorum. Et quidem ubi diversae fuerant sectarum sententiae, ad Principem relationes factas existimo; eamque sententiam deinceps magis probatam, quam Princeps rescripto confirmasset: ut in fragmento illo juris civilis, post collationem legis Mosaicæ, *L. Plautius. 49. D. ad leg. Falcid. L. Divi. D. de jure patronatus. L. 7. D. de iis, quas in fraud. credit. L. 9. Cod. qui testam. fac. poss. L. 25. C. de nuptiis.* Ita Proculianorum sententia adversus Sabinianos probata fuit, quod eam Principes admisissent. *§. item pretium. Instit. de empt. & vendit. L. pen. C. de rer. permutat.* At cum haec, vel illa secta apud consilium Principis praevaleret, sic eveniebat, ut huius, vel illius sectae opiniones magis probarentur; atque ita nonnunquam constitutiones Principum varierent. *L. non putabam. D. de cond. & demonstr. L. qui filium, §. Fabius, D. ad Senatuscons. Trebell. d. L. Divi. D. de jure patron. L. cum quidam. Cod. de verb. signific. Id verò potissimum observatione dignum est, quòd cum Imp. Severus, & Antoninus praestantissimos haberent in consilio Jurisconsultos, jamque calor iste sectarum refrigisset; pleraeque rescriptis illorum controversiae ante Justin. decisae fuerint, ut in *L. 11. D. de jurisdict. L. 4. D. de lege commissor. L. Divus. D. de jure dotium; jur. A. L. plerique. D. de ritu nupt. L. 1. §. si coheredis. D. ad L. Falcid. Ed. Tertullianum respexisse facile putarem Apologetic. cap. 4. Nonne & vos quotidie experimentis illuminantibus tenebris antiquitatis, totam illam veterem, & squalentem sylvam legum, novis principalium rescriptorum, & edictorum securibus truncatis, & caeditis?**

*Mediae sententiae, seu eriscundi inter duas sectas, Jurisconsulti,
Philosophi, Theologi.*

C A P U T VI.

Post multas diversarum sectarum contentiones, saepe factum est, ut remissò dissentendi aestu, quidam mediam interponerent sententiam. Ita Stoici inter Pythagoreos, & Platonicos medium sequuti. Servius ad 3.
Aen.

Aen. Quam Stoici eriscendi, id est, medium sequenti, tandiu durare dicunt, quandiu durat corpus. Et postea: Ideo autem Stoicos medium sequi diximus, quia Plato perpetuam dicit animam, & ad diversa corpora transi- tum facere statim pro meritis vitae prioris: Pythagoras verò non patitur animam, sed transmigrationem esse dicere; hoc est redire, sed post tempus. Nec tamen putarem, Stoicos in omnibus medium sequutos, licet circa illam de animabus opinionem medium sequerentur. Haud dissimiliter, postquam diu multumque de essentia, & substantia patris & filii, Arriani cum Orthodoxis disceperant, Macedoniani inter utroque medii prodierunt. Sozomenus lib. 5. histor. Eccles. cap. 13. ὁμοῖον ἴσας τῷ πατρὶ τὸν υἱὸν καὶ ἐνὶ αὐτῷ ἀνάσσειν, καὶ μὴ ἐν ἀπορίᾳ ταῦτον τὸν ἰδὸν διακρίνασθαι, καθ' ἕνα πρὸς ἄλλον τὰ ἰσότης χωρίζεσθαι: i. e. Similem esse patri filium secundum substantiam asserentes, & mediam hanc inter utramque viam eligere, quoniam utriusque ad extrema contraria dislexerant. Inter duas Jurisconsultorum sectas quidam mediam sententiam elegerunt. Justinianus refert, post multam Sabinianorum, & Proculianorum ambiguitatem, mediam sententiam placuisse, §. cum ex aliena. Instit. de rer. divis. quam probat Gajus L. 7. D. de acquir. rer. domin. Vereor tamen, ne non aliter Gajus senserit, eumque locum Tribonianus interpolaverit: nam in fragmentis illis Institutionum, quae Gajo tribuuntur, Gajus sententiam Sabinianorum probavit tit. de rer. divis. Quod si quis ex uvis meis vinum, aut ex spicis frumentum, aut ex olivis oleum fecerit, ejus vinum, triticum, vel oleum est, cuius spicae, aut uvae, aut olivae fuerint. Media illa sententia fuit Pauli, qui putabat, materiae domum manere, si ad eandem speciem reverti posset, L. 24. D. de acquir. rer. domin. L. laus. D. de legat. 3. quippe ea, quae talis naturae sint, ut saepius in sua reli- gè possint initia, ea materiae potentia viâ nunquam vires ejus effugiant. Idem Paulus L. quaesitum est. §. illud. D. eod. sed in iis rebus, quae ad proximam speciem reverti non poterant, puta, si quis ex alienis uvis multum fecisset; distinguebat inter scientem, & ignorantem: ut si qui- dem ignorans fecisset, nulli dominus fieret; si verò sciens, ad exhiben- dum actione teneretur. L. de eo. §. 3. D. ad exhibend. In id Paulus, at- que Ulpianus videntur laborasse, ut quasi eriscendi utramque sectam me- diis sententiis conciliarent, vel ut alterutram sectarum sententiam Imp- perialibus rescriptis confirmarent; quod superiori cap. attigimus. Paulus medius fuit inter Proculum, & Cassium. L. illud. D. de heredit. petit. Ulpianus in- ter Labeonem, & Sabinum. L. si finita. §. illud. D. de damn. infest. Quaedam etiam mediae Pauli sententiae jam ab aliis fuerunt observatae, & adhuc observari possunt. Martianus mediae sententiae fuit in quaestio- ne L. penult. Cod. de adoptionib. Nonnulli sic medii fuerunt, ut ex di- versis sententiis unam conflarent: veluti Neratius apud Ulpianum lib. sing. regul. tit. 11. cum Sabiniani puberem esse dicerent, qui ex ha- bitu corporis talis appareret; Proculiani eum, qui quatuordecim annos complevisset; Neratius eum puberem esse dixit, in quo utrumque & nū- merus annorum, & corporis habitus concurreret: quae tamen sententia Neratio antiquior fuit, ut ex Servio notum est ad Eclog. 8. Ita Priscus, & Ne-

& Neratius, usufructu habitationis legato, non usum, aut usumfructum, sed habitationem legatam existimant. L. 10. §. 2. D. de usu, & habitat. Mediae quaedam sententiae partim hanc, partim illam probabant. L. inter. Cod. de usufruct. L. ult. Cod. per quas person. nob. acqu. Aliquando utramque licet diversam probarunt opinionem: veluti cum Sabinus daret actionem colono, si fructus pendentes furto subrepti essent. Ulpian. lib. 29. ad Sabin. L. 14. §. 2. D. de furt. (quod profecto ex Sabini sententia retulit) Labeo contra daret furti actionem soli domino, non colono. L. cum in plures. §. missum. D. locati. Paulus tam colonum, quam dominum furti agere posse existimat, quia utriusque interest rem persequi. L. fullo. 82. §. 1. D. de furt. Legatis sub conditione relictis, cum quaereretur de lege Falcidia, Proculus putabat, tantum esse in legato, quanti venire possunt. L. in lege. 45. D. ad L. Falcid. Putabant alii, id cautionibus debere expediri. L. 31. D. eod. Gajus utramque videtur probare sententiam L. in quantitate. §. 1. D. eod. tit. ad L. Falcid. idque alibi pluribus observamus, ut cum probabiles utrinque rationes viderent, utriusque scholae opinionem probaverint.

Pauli media quaedam sententia deprehenditur in L. 3. D. de acquir. vel amitt. poss. Sidonius illustratur.

C A P U T VII.

Si servus, colonus, vel qui alieno nomine possidet, possessione decedat, Proculus putabat, non amitti possessionem. L. cum quis. 30. D. de dol. mal. Sabinus putabat, domini possessionem interpellari, si colonus eam desereret, vel deferendae possessionis causa exisset de fundo. L. si colonus. D. de acqu. vel amitt. poss. Africanus quidem, non interpellari domini possessionem, si colonus decesserit. Aliud vero existimandum, si sponte possessione discesserit. L. si de eo. 40. D. eod. tit. de acquir. vel amitt. poss. In quibus verbis luit Africanus, & Paulus in L. 3. D. eod. Quid si servus, vel colonus, per quos corpore possidebam, decesserint, discesserintve, animo retinebo possessionem. Hos Sidonius videtur imitatus lib. 4. epist. 25. Postquam Paulus Episcopus, Paulus junior discesserat, decesseratque. Cum ergo circa possessionem amittendam ita diversae essent Sabinianorum, & Proculianorum sententiae, quas & Justin. attigit L. ult. Cod. de acqu. & retin. poss. Paulus mediae sententiae fuit, quae deprehendi facile potest in d. L. 3. §. 8. & 9. D. de acqu. vel amitt. poss. Quid si servus, vel colonus, per quos corpore possidebam, discesserint, decesserintve, animo retinebo possessionem; & si alii tradiderint, amitto possessionem. Ita legendum tradiderint, non ut Florentinis tradiderim, quae enim ista dubitatio, me amittere possessionem, si alii tradiderim? Quod vero

verò sequitur, Nam constas, possidere nos, donec aut voluntate nostrâ discesserimus, aut vi dejecti fuerimus, referendam est ad superiorem §. Voluntate suâ discedit dominus, qui domum à latronibus occupatam noluerit accedere: vi deicitur, si servus, vel colonus alii possessionem tradiderint. Paulus ita medius fuit, ut probaret non amittere dominum possessionem, si servus, vel colonus fundò discederet, secundum Proculum: nec etiam amittere, si decederet, secundum Africanum; eo casu tantum amittere, si alii traderet. Quod Proculiani videntur negasse, Sabiniani admiserunt. Julianus *L. non solum. 33. §. 4. D. de usurpat. & usucap. Qui pigori rem dat, usucapit quandiu res apud creditorem est; si creditor ejus possessionem alii tradiderit, interpellabitur usucapio.* Et quidem sic putabant isti, possessionem domini interpellari, si servus, vel colonus discessisset, d. *L. si de eo. D. de acquir. vel amitt. possess.* multò magis si possessionem alii tradidisset.

Juris auctores doctrinam Stoicorum sequuti, quòd illi à rebus gerendis non abhorrent.

C A P U T VIII.

Inter alias Philosophorum sectas Juris auctores doctrinam Stoicorum præcipuè sequuti sunt, quòd illi à rebus gerendis non abhorrent. Diogen. Laërt. in Zenon. πολιτισμοῦ δαίμωνι πρὸς σφῶν, ἀντὶ μὲν τῶν καλῶν, ὡς φησὶ Χρύσιππος ἐν ἀρχαῖς πρὸς βίαν. i. e. Accedere dicunt Sapientem ad rem publicam, nisi quid impediat, ut ait Chrysippus in primo de vitis. Et poetæ: ἀρχαῖος, δινάμενος τὰ καὶ παλαιὰ μὲν ἔσθ'. i. e. ad magistratus, & iudicia, & oratoriam solos esse idoneos. Gellius igitur Stoicorum philosophiam intelligit lib. 10. cap. 22. Civitatesque & rempub. (si nihil prohibeat) constanter, & fortiter, & peritè administrat. Tacitus lib. 14. *Annal. 57.* Assumptâ etiam Stoicorum arrogantia, sequeque, quæ turbidos, & negotiorum appetentes facit. Plutarchus πρὸς Στωικῶν ἱκανισμάτων, de quibusdam Stoicis: καὶ γὰρ ἀρχαῖοι, & δινάμεται, καὶ συμβεβηκότες, καὶ νομοθετοῦσι, καὶ πλάττουσιν, καὶ τιμῶσιν. i. e. etenim magistratus gerunt, & judicant causas, & consulunt, & leges ferunt, & puniunt, & honorant. Epictetus Magistratum gerere non abnuebat. Arrianus lib. 2. cap. 16. Ea igitur secta potius Jurisconsultis conveniebat, quàm aliae omnino à rebus gerendis alienæ. Nec frustra Martianus summam Stoicam sapientiam dixit, *L. 2. D. de legib.* ut quæ Jurisconsultis magis conveniret, quamque magis sequerentur. Sed & Stoici, qui in rebus gerendis versabantur, juris Romani insci non fuerunt: inde apud Lucium Senecam tam crebra juris dogmata: quæ vel à juris auctoribus accepisse, vel juris auctores ab eodem

dem fonte hausisse dicendum est : neque ingratis Stoici juris Romani scientiam discebant, cum in ea suam ipsi doctrinam agnoscerent.

*Stoici facillè variabant : quo exemplo Iurisperiti quoque
variaverunt, mutaveruntque sententiam.*

C A P U T IX.

NON adeo pertinaciter Stoici sententiis, decretisque inhaerebant ; sed ab his facillè, vel re accuratius inspectâ, vel meliori ratione suadente, recedebant. Plutarchus in *libr. πειρ Στωικ. ἱστοριῶν*. id Chrysippo saepe accidisse refert, ut diversa, pugnantiæque scripserit. Diogenes Laërtius in *Chrysippo* : ἰσχυρῶς δὲ αὐτὰ πολλὰς ὁ αὐτὸς ὁρμαῖς ἐκτρέφει, καὶ πάλιν τὸ αὐτὸ ποτὶ τὸν γράφει, καὶ διορθώσας αὐτὰς. i. e. ampliat autem ipsi (scil. volumina) saepe de eodem dogmate tractando, omneque quod incidere scribendo, ac saepe corrigendo. Luc. Seneca lib. 4. *de benefic. cap. 38.* Non est levitas, à cognito, & damnato errore discedere : & ingenuo fatendum est ; Aliud putavi, deceptus sum : haec verò superbae stultitiae perseverantia est, Quod semel dixi, quaecumque est, fixum ratumque sit. Arrian. lib. 2. *dissertat. Epictet. cap. 15.* τοῖς καθόλου ἡμῶν δὲ τί ποιεῖς ἄνθρωπε ; ἢ πᾶσι, ἀλλὰ τοῖς ἰδίῳ. i. e. decretis insistere oportet. quid agis homo ? non omnibus, sed rectis. Et postea : μὴδὲ οὐτε πᾶσι, οὐδὲ πᾶσι ὅτι. i. e. stultum neque mutari, neque rumpi posse. Iustinus Martyr, & Philosophus (sed non satis liquet an Stoicus) in *Paraenetic. ad gentes* : ὁ γὰρ ὅς περὶ τῶν ἀντικειμένων ἐξέτασις, καὶ τὰ διέκτα καλῶς ἐκτὸς πολλὰν ἀλλοτρίαν εἰσφέρει, ἀντικειμένη πᾶσι, ταλαδίῳ βαρυστάτη. i. e. diligens enim rerum inquisitio & ea, quae rectè visa sunt se habere, diversa saepenumero ostendit, verum exactiori indagine scrutata. Eo exemplo non verentur Iuris auctores mutare sententiam, si quando alia potior visa sit : idque Cervidio Scaevolae contigit, L. qui bona. §. si quis duobus. D. de acquir. rer. dom. & Papiniano non semel, L. 6. & 7. D. de serv. exportand. L. ultim. §. sed cum. de furt. quod jam quidem observatum fuit ; sed praeterea observari potest, Sabinum variasse, L. item quod. D. de hered. instit. Paulum, L. quaesitum est. 78. §. pen. D. de legat. 3. Martianum, L. Divi. D. de iure patron. quod supra, petium ex Stoicis, non praetermittam ex Divo Augustino (quem inter Stoicos audent vindicare) *epist. 7.* Illius scripta summâ sunt auctoritate dignissima, qui nullum, non quod revocare vellet, sed quod revocare deberet, emisit. Hoc quisquis nondum est assequutus, secundas habeat partes modestiae, qui primas non potuit habere sapientiae : quia non valuit omnia non poenitenda diligenter dixisse ; poeniteat, quae cognoverit dicenda non fuisse.

Iuris-

*Jurifconfulti; ut Stoici, circa verborum proprietatem, atque
originem anxii; iidemque in regulis brevibus
Stoicos aemulati.*

C A P U T X.

Juriconsultos circa verborum proprietatem anxios fuisse tralatitium est. Marc. Tullius lib. 4. de Republica apud Nonium de differentiis verborum. Admiror nec rerum solum, sed verborum etiam elegantiam. Grogor. Thaumaturgus in oratione Panegyric. ad Origen. de legibus Romanis: *ἡμετέρας τῆς αἰῶνος ἀποδοξίας τῶν Ῥωμαίων ὁσῶν, κατασκευαστὴν μὴν, καὶ ἐλάττω, καὶ ἐπὶ σχηματισμένην τῇ ἑξέσει τῇ βασιλευσῶν.* i. e. ceterorum expositae, & traditae Romano sermone, admirabili sane, atq; magnificè, & ad regiam dignitatem conformata. In quo Juriconsulti Stoicos imitati sunt. Luc. Senec. epist. 88. Philosophi (& illi quidem Stoici) quantum habent servaverunt, quantum ab usu recedentis: ipsi quoque ad syllabarum distinctiones, & conjunctionum, & praepositionum proprietates descendunt, & invadere Grammaticis. Stoici originationes verborum exquirebant. Marc. Tull. lib. 1. de offic. Audiamus imitari Stoicos, qui studiosè exquirunt, unde verba sunt ducta. In eo quoque Juriconsulti Stoicos imitantur passim. Gellius de Antistio La-beone lib. 13. cap. 10. Latinarumque vocum origines rationesque percalluerat, eaque praecipuè scientià ad enodandos plerosque Juris laqueos utebatur. Denique Juriconsulti regulas eraderunt, quae rem breviter enarrarent. Luc. 1. D. de reg. jur. exemplò Stoicorum. Diogenes Laërtius in Zenon. *σύντομος δὲ ἦν τοῦ ὄντος μὲν καὶ αὐτὸν δὴ τὸ λόγιον ὅτι οὐκ ὀλίγον, ἀλλὰ καὶ, καὶ τὰ λαβὴν, δὲ μὴ τοι καὶ τὰς συλλαβὰς αὐτῶν βραχέας ἦν, καὶ διωκτὸν.* i. e. asserenti; cuiusdam brevità sibi videri dicta philosophorum, vera, inquit, loqueris: oportet nempe & syllabas ipsorum esse breves, si fieri possit. Idem Arrianus lib. 1. cap. 20. de Zenonis scriptis. L. Seneca de Chrysippo lib. 1. de benefic. cap. 3. Chrysippus quoque: penes quem subtile illud acumen est, & in imam penetrans veritatem, qui rei agenda causa loquitur, & verbis, non ultra quàm ad intellectum satis est, nititur. Tales cerè omnino se praestiterunt in scriptis Juris auctores, qualem hìc fuisse Chrylippum memorat.

Principia quaedam Juris petita ex doctrina Stoicorum, in L. 1. 2. 10. D. de justit. & jur. & L. 2. D. de legibus.

C A P U T X L

Ulpianus in L. 1. D. de iustit. & iur. Cujus meritis nos quis sacerdotem appellat. Id à Stoicis petunt. Diogenes Laërtius in Proo-
mio,

mio, & tunc episcopus inquit, & episcopus. i. e. cuius antistites sacerdotes esse, & prophetas. Idem in Zenone, *μὴν τὴν ἱεράν τὴν ἐπίσ.* i. e. & solos sacerdotes sapientes. Ulpian. in d. L. 1. §. 2. D. de justit. & jur. Huius studii duae sunt positiones. Ita Stoici Philosophiam studium vocant. Luc. Senec. epist. 72. Et si hanc rem molestam composuero, studio me dabo. Non cum vacaveris, philosophandum est. Idem epist. 89. Philosophiam, quoque fuerunt, qui aliter, atque aliter desuissent; alii illam studium virtutis esse dixerunt, alii studium corrigendae mentis. Ulpian. in d. L. 1. §. 3. D. de justit. & iure: Hinc liberorum procreatio, hinc educatio; videmus, quia cuncta animalia, feras etiam istius Juris peritiam censeri. Id à Stoicis Plutarchus refert ex lib. 1. Chrysippi de justit. *ἐπὶ τῶν ζῴων. ἐν τῷ πρώτῳ βιβλίῳ.* i. e. In primo autem libro de Justitia ait, bestias etiam beneficis naturae ratione quadam familiaritatis inter se devinciri, demptis piscibus. Cato Stoicus apud M. Tull. lib. 3. de finib. Atque etiam in bestiis vis naturae inspicere potest, quarum in foetu, & educatione laborem cum cernimus, naturae ipsius vocem videmus audire. Pompon. in L. 2. D. de justit. & jur. Veluti erga Deum religio, ut parentibus, & patriae pareamus. Diogenes Laërtius in Zenone: *καθ' ἡμέραν μὴ δὴν τῶν καλῶν ἀπὸ τοῦ κακοῦ, ἀλλὰ τῶν καλῶν ἀπὸ τοῦ κακοῦ.* i. e. ea verò officia esse, quae ratio facienda suaserit; ut est, parentes honorare, fratres, patriam, amicos parare. Idem Pompon. in L. 3. D. eod. Cum inter nos cognationem quadam natura constituit, consequens est, hominem homini insidiari nefas esse. Cato Stoicus apud M. Tull. lib. 3. de finib. Ex hoc nascitur, ut etiam communis sit hominum inter homines naturalis commendatio. Luc. Seneca epist. 95. Natura nos cognatos edidit, cum ex iisdem, & in eadem gigneret. Hanc nobis amorem indidit mutuum, & sociabiles facit: illa aequum iustumque composuit: ex illius constitutione, miserius est nocere, quam laedi. Attian. lib. 2. dissertat. Epist. cap. 20. Quod est inquit natura episcopus animus, & hanc oportet omni modo conservare. Ulpian. in L. 10. D. de justit. & jur. Juris praecepta sunt haec, honeste vivere. Marc. Tull. lib. 2. de finibus: Stoicis finis est consentire naturae; quod esse volens & virtute, id est, honeste vivere. Ibidem Ulpian. Jurisprudencia est divinarum, atque humanarum rerum notitia. Lucius Seneca epist. 89. Quidam ita sapientiam finierunt, ut dicerent eam divinarum, & humanorum scientiam: quidam ita, Sapientia est nosse divina, & humana, & eorum causas. Martianus definitionem legis ex ipso Chrysippo refert in L. 2. D. de legib.

*Multa alia indicantur apud auctores Juris petita ex libris
Stoicorum.*

C A P U T XII.

SI conveniret, ne servus venditus poenae causâ exportetur, & emptor
servum exportaverit adversus legem venditionis; venditor apert
ter affectionis ratione adversus emptorem: cum beneficii adfici hominem
interfit hominis, inquit Papinianus in L. 7. D. de servis export. quod do
ctrinae Stoicorum consentaneum est, atque omnino ad mentem Papinia
ni. Arrianus lib. 2. differtat. Epiſt. cap. 10. ἐχ' ἑχομεν οὐδὲ τι; οὐδὲν οὐδὲ,
σοφιστικῶς οὐδὲ, φιλαδικῶς οὐδὲ, ἀλλὰ καὶ ἀνθρώπων, ὅτις ὅτι καὶ ταῦτα πλεονεχ
ζομένην ἐκ τῶν, καὶ ἴσται ἀλλὰ καὶ ἐκ ἀχρηστίας; i. e. non habemus natura fidele
aliquid? non pium, & carum naturâ? non juvandi propensionem natura
lem? non alius alium tolerandi naturalem facultatem? quisquis igitur in bo
rum aliquo se affici damni patitur, isne indemnus, & iacturae expertus eris?
Lucius Seneca lib. 1. de ira, cap. 5. Homo in adiutorium mutuum est gene
ratus. Et lib. 2. de Clement. cap. 5. de Stoicis: Nulla seſſa benignior, le
niorque est, nulla amantior hominum, & communibus bonis attentior; ut
propositum sit usui esse, aut auxilio; nec sibi tantum, sed universis, sin
gulisque consulere. Ex eadem doctrina fluxit, quod est apud Gajum L. in
pecudum. D. de usuris. Absurdum enim videbatur, hominem in fructum es
se; cum omnes fructus rerum natura hominum gratiâ comparaverit. Ea
fuerat Bruti, ut videtur, Stoici sententia L. 68. D. de usufruct. & quem
adm. M. Tull. lib. 3. de finib. Praeclare enim Chrysippus caetera nata es
se hominum causâ, & deorum: M. Aurelius, & ipse Stoicus. lib. 6. de
vita sua: κατισχύοντα τὰ πρὸς λογικὰ καὶ λογικὰ ἴσται, ὅτι καὶ τὰ πρὸς
τοὺς, ἀλλ' οὐ τὰ χεῖρα καὶ ἀσθενέστερον ἴσται, τὰ δὲ λογικὰ ἀλλὰ καὶ ἴσται. i. e.
construeta caetera sunt rationalium causâ, ut supra omnia, sed non inferiora
meliorum causâ, rationalia autem propter se invicem Luc. Sen. lib. 2. de be
nefic. cap. 29. Quanto satius est ad contemplationem tot sanctorumque benefi
ciorum reverti, & agere gratias, quod nos in hoc pulcherrimo domicilio
voluerint secundas sortiri, quod terrenis praefecerunt. Laetantius de Ira
Dei, cap. 13. Intellegit profecto, quânam vera sit sententia Stoicorum, qui
ajunt, nostrâ causâ mundum esse constructum; omnia enim, quibus con
stat, quaeque generat ex se parvulus; ad utilitatem hominis accommoda
ta sunt:

*Cynicorum, & Stoicorum sententia de usuris, Juris
auctoribus consentanea.*

C A P U T XIII.

Cynicorum, & Stoicorum secta fuit in dogmatis consentiens. Quod igitur Demetrius Cynicae institutionis doctor, apud L. Senecam *lib. 7. de benefic. cap. 10.* non vereor ipsismet Stoicis adscribere. Demetrius: *Video istic diplomata, & syngraphas, & cautiones, & vacua quaedam habendi simulacra; umbras quasdam avaritiae laborantis, per quas decipiant animam inanum opinione gaudentem. Quid enim ista sunt? quid foenus, kalendarium, & usura, nisi humanae cupiditatis extra naturam quaesita nomina?* E. post: *Quid sunt istae tabulae? quid computationes, & venale tempus, & sanguinolentae centesimae? voluntaria mala ex constitutione nostrâ pendencia, in quibus nihil est, quod subijci oculis, quod teneri manu possit, inanis avaritiae somnia.* Id planè Juris auctoribus consentaneum. Demetrius: *Humanae cupiditatis extra naturam quaesita nomina.* Papi- nianus *L. si navis. D. de rei vindicat.* Sicut usura naturâ non provenit, sed jure percipitur. Gajus in *L. 2. D. de usufruct. ear. rer. quae usu consunt.* Naturali ratione non esse pecuniae usufructum. Demetrius: *Cautiones vacua quaedam habendi simulacra, in quibus nihil est, quod subijci oculis, quod teneri manu possit.* Pomponius *L. usura. 121. D. de verbor. significat.* Usura pecuniae, quam percipimus, in fructu non est: quia non ex ipso corpore, sed ex alia causa est. Demetrius: *Voluntaria mala ex constitutione nostrâ pendencia.* Pomponius in *d. L. usura: de verbor. signif.* Sed ex alia causa est, id est, nova obligatione, seu stipulatione usurarum, quae alioqui citra vinculum stipulationis non deberentur. *L. si pro patre. §. sed utrum. D. de in rem vers. L. Titius. D. de praescript. verb. L. 2. C. de usur.* Prima obligatio est pecuniae creditae, nova obligatio est usurarum. Africanus *L. centum. D. de eo, quod cert. loco:* Neque enim haec causa rectè comparabitur obligationi usurarum, ibi enim duae stipulationes sunt. Demetrius: *Ex constitutione nostrâ pendencia, hoc est, jure constituto.* Papin. in *d. L. si navis. D. de rei vindicat.* Usura naturâ non provenit, sed jure percipitur.

*Infantiae, atque pubertatis discrimina pariter secundum
Stoicos, & Jurisconsultos.*

C A P U T XIV.

Septimum quemque annum aetati signum imprimere ait L. Seneca *lib. 7. de benefic. cap. 1.* Quare septimus quisque annus aetati signum im-
impr-

imprimat. Censorinus *de die natali*, cap. 14. *Feri enim post septimum* quemque *minum articulos*, & in his aliquid novi natura ostendit, ut & in elegia Solonis cognoscere datur: ait enim, in prima hebdomade dentes homini cadere, in secunda pubem apparere, in tertia barbam nasci. Haec fuerat Stoicorum sententia, quam & Artemidorus refert lib. 2. *insp.* cap. 75. *ἡ ἀνθρώπου γὰρ ἐν τῷ εἴκοσι μὲν ἔτη ἰστέ*. i. e. habet genus humanum secundum quosdam septem aetates. Ideo Stoici septimo anno infantiam terminabant. Varro lib. 5. *de ling. Lat.* Hunc Chrysippus negat loqui, sed ut loqui: quare ut imago hominis non sit homo, sic in corvæ, cornicibus, pueris primitus incipientibus fari, verba non esse verba; quid non loquantur. Macrobius lib. 1. in Somnium Scipionis, cap. 6. Eodemque anno, id est septimo, plene absolvitur integritas loquendi. Isidorus lib. 11. *origin.* cap. 2. Infans dicitur homo primæ ætatis: dictus autem infans, quia adhuc firi, id est, loqui non potest, nondum enim bene ordinatis dentibus, minus est sermonis expressio. Jurisconsulti pariter infantiam septimo anno terminant. Ulp. in L. 1. §. 2. *D. de administr. & peric. tutor.* L. 8. C. Theodos. *de bon. matern.* L. si quis infanti. C. de jure deliberand. Stoici pubertatem alio septennio distinguebant. Plutarchus lib. 5. *de placit. philosoph.* cap. 23. *Ἡρακλῆς γὰρ οἱ Ἀπιδὸς ἀρχαῖου τῆς ἀνθρώπου παιδείας πύλιν τὴν ἑαρίαν ἰσχυρά*. i. e. Heraclitus & Stoici, agebant, homines perfici incipere circa secundum septennium. Luc. Senec. *epist.* 12. Totæ ætas partibus constat, & orbes habet circumductos majores minoribus: est aliquis, qui omnes complectatur, & cingat; hic pertinet à natali ad diem extremum: est alter, qui annos adolescentiæ excludit: est qui totam pueritiæ ambitu suo adstringit. Idem *Consolat. ad Marciam*, cap. 20. *Intra quatuordecim quædam annos defatigantur*, & hæc illis longissima ætas est, quæ homini prima. Prima ætas Senecæ est pueritia, usque ad pubertatem, & in L. unic. C. Theodos. *de his, qui ven. ætat. impetr.* L. penult. C. de impuber. & al. *substit.* Aliàs prima ætas est infantia, Isidorus. *sup.* Infans dicitur homo primæ ætatis: & pueritia secunda ætas. Novell. Justin. 72. in princip. Ita plerisque juris auctoribus placuit pubertatem 14. anno finiri; quæ quidem opinio praevaluerat. Tertullianus *de veland. virginib.* cap. 11. Ulpianus lib. *singul. reg. tit.* 2. L. 5. *D. qui testam. fac. poss.* L. 2. *D. de vulg.* Paulus lib. 3. *sent. tit. de testament.* L. 4. C. *qui testament. fac. poss.* Macrobius lib. 7. *Saturnal.* cap. 7. ante Justiniani constitutionem in L. ult. C. *quand. tutor. vel curat. esse defun.* verum ut Stoici infantiam, pubertatem, certò tempore finiebant illòs etiam longissimum vitæ humanæ tempus centum annis definisse, haud improbabile est: quod & Jurisconsulti probatum est L. *propenebat*ur. *D. de judic.* L. *ad ususfructus.* *D. de ususfruct.* & quemadmodum.

*Naturâ omnes liberi secundum Stoicos, & Jurisconsultos.
Stoici favebant libertatibus, & Jurisconsulti.*

C A P U T XV.

OMnes liberos naturâ Stoici existimabant: Chrysippus, servum nihil aliud esse, quàm perpetuum mercenarium, apud Senec. lib. 3. de beneficiis. cap. 22. Idem Seneca epist. 47. *Vis tu copitare istum, quem servum tuum vocas, ex iisdem seminibus ortum, eodem fini coelo, acque vivere, acque mori?* Arrianus lib. 1. dissertat. Epict. cap. 13. *Ἀρδεόμεθα τὰ ἀνθρώπων ἢ τὰ δαίμων ἢ τὰ θεῶν, οἱ ἔχοντες τὸν αἰῶνα ἀπὸ τοῦ αἵματος; ἀλλὰ οἱ ἐν τῷ αὐτῷ ἐκτετακται γένει, καὶ τῇ αὐτῇ ἀνάγκῃ καταβῆναι, i. e. Mancipium non seres fructum tuum, qui Jovem habes progenitorem? ut filius ex iisdem seminibus procreatus est, eodemque nititur fundamento.* Varro Margopoli, seu *μαργόπολις*, apud Non. Marcell. de honestis, & novis vest. dict. ex eadem sententia,

Naturâ humanis omnia sunt paria.

Idem prorsus Jurisconsulti. Ulpianus in L. quod attinet. 32. D. de reg. jur. Quod ad jus naturale attinet, omnes homines aequales sunt. & in L. hoc accusare. D. de accusatione. Quae in servos, quantum ad verba pertinet, non cadunt, sed cum natura est communis, similiter & in eos animadvertetur. Idem Ulpianus in L. 4. D. de iustis. & jur. Cum jure naturali omnes liberi nascerentur. Tryphon. in L. si id, quod dominus. D. de condic. indeb. Libertas naturali jure continetur, & dominatio ex jure gentium introducta. Cum igitur Stoici naturâ omnes liberos esse putarent, favebant libertatibus, ut dominatio contra naturam introducta tolleretur. D. Marcus, qui Stoicus fuit (ita eum vocat Julianus in Caesaribus, *ἀποστόμους, ἰσθί, & Στοικούς*. i. e. audiamus, inquit, Stoicum) favit maximè libertatibus, L. Divus. 26. D. de manumiss. testam. L. cum quasi. 30. §. 3. D. de fideicom. libert. Constituit, etiam non aditâ haereditate, libertates competere, si quis bona sibi addici postulare libertatum servandarum causâ, & 1. iussit. de eo, cui libert. caus. ben. addic. L. quod Divo. D. de manumiss. testam. L. 2. D. de fideicom. libert. Praeterea constituit, ipso jure fieri liberum, qui venditus fuerat eâ lege, ut intra certum tempus manumitteretur, L. 3. §. 2. D. de legitim. tutorib. L. si servo. 84. D. de beneficiis. iussit. Liberales causas munivit, de statu defunctorum intra quadriennium quaeri iussit. Capitolinus in D. Marco. Justinianus in L. pen. C. de his, quae ut indign. colligit, D. Marcum philosophiae plenum libertatibus fovere voluisse, ejusque orationem circa Senatus. Syllan. factam extendit ad libertates: Quas (inquit) philosophia semper amplectitur: id est, philosophia Stoicorum. Antiquiores etiam Jurisconsulti, contra Juris rigorem, contra communes regulas, faverunt libertatibus, §. ult. iussit. de donationib. L. generaliter. §. si quis servo, D. de fideicom. libertat. L. in bello. §. ma-

§. manducando. D. de captiv. & postlimin. reversi. atque in re obscura favorem libertatis praetulerunt, L. quotiens. 20. & L. in obscura. 179. D. de reg. jur.

*Foetus in matris utero non est animal secundum Stoicos;
& Jurisconsultos. De poena aborti partus.*

C A P U T XVI.

Foetum in utero matris, Stoici portionem viscerum esse putabant, non animal. Plutarchi lib. 5. de placit. philos. cap. 15. Πλάτων ζῶν τὸ ἔμβρυον, καὶ γὰρ ἀνθρώπου ἐν τῇ γαστρὶ, καὶ οὐλόθεν. οἱ Στωικοὶ μὲν τὸ αὐτὸ τῆς γαστρὸς, ὡς ζῶον. ὅτι γὰρ τοῦ νεφροῦ μέρη αἱ φύσιν ὄντας πνευματικὰ ἀνίστην, ὅτε καὶ τὸ ἔμβρυον. i. e. Plato animal censet esse infantem in utero, quia & moveatur in utero, & alatur, Stoici partem ipsam ventris, non animal: quemadmodum enim fructus, qui stirpium partes sunt, ubi maturvere, desinunt, ita de foetu censendum est. Et cap. 26. ejusdem libri: καὶ ἐκείναι καὶ τὰ ἔμβρυα τὰ ἐν τῇ γαστρὶ τῆς μήτρας μέρη. i. e. Quamadmodum & foetus in ventre sunt matricis partes. Eandem ex Chrylippo sententiam refert Plutarch. ἐπεὶ Στωικ. ἔλεγον. τὸ βέλος ἐν τῇ γαστρὶ οὐλόθεν ὥστε καὶ αὐτὸς φύσις, ὅταν δὲ τοῦτο ὑπομῖσθον ὡς τὸ αἶμα, καὶ τοῦτο μόνον, τὸ πνεῦμα μεταβάλλει καὶ γίνεσθαι ζῶον. i. e. foetum in utero nutrirī putat, tanquam plantam, partu autem editum ab aere refrigerari, ac durari, & mutato spiritu fieri animal. Lucius Seneca epist. ultim. Maternorum viscerum latens onus. Idem omnino Jurisconsulti. Papin. in L. 9. D. ad leg. Falcid. Partus nondum editus homo non recte fuisse creditur. Ulpian. magis Stoicē in L. 1. §. 1. D. de ventr. inspicienda. Partus enim antequam edatur, mulieris portio est, vel viscerum. Tryphon. in L. Cicero. D. de poen. Sed & si qua visceribus suis post divortium, quod praegnavis esset, vim intulerit. Marcellus non animal, sed spem animantis esse ait L. 2. D. de mort. inferend. Ulpianus tamen sibi ipsi videtur adversari in L. 1. §. 8. unde cognati. Quia non fuit proximus cognatus ei, quo vivo nondum animal fuerit: Ubi de concepto loquitur, quasi conceptus sit animal. Sanē id anxie olim inter philosophos disceptatum, atque etiam Oratores. Lysias in oratione ἐπὶ ἀμβλάτου, cujus meminit Harpocration in verb. ἀμνοσφύρα. Theo Sophista cap. 2. προγῖν. ἅτα ἐν ἔμβρυον ἀνθρώπου ἐστὶ, καὶ οὐκ ἀνθρώπου τὰ αἱ ἀμνοσφύρα τὰς γυναῖκες. i. e. an animal sit, quod in utero gestatur homo est, etsi culpa careant abortus mulieribus. Medicos, Galenus in lib. 2. ζῶον τὸ ἐν γαστρὶ. Theologos, Divus Augustinus in Enchiridio ad Laurentium, cap. 86. Procliviores in id fuisse videntur Jurisconsulti, foetum non esse animal, ideoque leviozem poenam aborti partus posuerunt, L. 4. D. de extracrd. criminib. L. si mulierem. D. ad leg. Corn. de fcat. Nec lege Cornelia in eos, qui fecerant, poenā capitis vindi-

Par. I.

C

vindi-

vindicatur, tanquam hominem occiderint; sed aliâ poenâ. Paul. *lib. 5. sentent. tit. 23. L. si quis. 38. §. qui abortionis. D. de poen.* Galenus in *d. lib. αἰών τὸ αὖ γαστήρ*, colligebat *ἰσχυρὸν* esse animal, quodd quae partum abegisset in legibus Lycurgi, & Solonis puniretur: Ita à contrario colligi potest, nostros auctores aliter sensitse, quodd levioze poenâ id factum vindicarent. Verum cum aliter Christiani patres sensitssent, foetum nempe esse animal, Tertull. *apologet. cap. 9.* Lactantius *lib. de opific. Dei, cap. 17.* neque esse partem matris, D. Augustinus contra Julianum, *lib. 6. cap. 5. in Can. si ad matris. de consecrat. distinct. 4.* graviozem poenam abacti partus antiqui canones definierant, quam tamen & deinceps alii mitigarunt. *Can. 21. Concil. Ancyran. Photius Nomocan. tit. 13. cap. 10.*

Inter Stoicos quidam potissimum dialectici, itque intelligendi in L. qui quadringenta. 88. D. ad leg. Falcid. L. Etio quaedam Plinii defenditur.

C A P U T XVII.

STOICI dialecticæ erant studiosi, & disputandi rationes callebant. Plutarchus de Zenone, *περὶ Στωικ. εὐαγγελίου. Εἰς δὲ ἐπελομεν, καὶ τὴν διαλεκτικὴν ὡς τὴν τοιούτῃ διακρίσιν, ἡμεῖς περὶ λαμβάνειν τὴν μαθητικὴν. i. e. Soluebat sophisnata, & Dialecticam utpote hoc præstare valentem discipulos accipere jubebat.* Diogenes Laërt. in Zen. *αὐτὸν δὲ τὴν διαλεκτικὴν ἀναγκαίαν ἦν, ὡς ἀπὸ τοῦ ἐκείνου πηγάζουσαν τὴν ἀλήθειαν. i. e. ipsam verò Dialecticam necessariam esse, & virtutem in specie virtutes continentem.* Et post: *ποῖον μὲν ἐστὶ τὸ λογικὸν οἱ Στωικοὶ, ὅσα μάλιστα κατὰ τὴν διαλεκτικὴν εἶναι τὸ σοφόν. i. e. huiusmodi quidem sunt in logicis Stoici, ut maxime afferant dialecticum semper esse sapientem.* Chrylippus adeo fuerat dialecticæ studiosus, ut de ea trecentos undecim libros reliquerit. Diogenes Laërtius in *Chrysippo*, Propterea Lucianus Stoicos perstringebat *Hermotimo*, seu *περὶ αἰσίου. ὅμοι δὲ (τὸ ὅμοις ὅταν εἶπω, τὴν ἀρετὴν ὅτι φιλοσοφώμενος ἐμὲ) ἀρετὴς ταῦτα ζητεῖν, ὡς ποιεῖν, ἡμεῖς δὲ εἰς τὴν ἀρετὴν καὶ συλλογισμοῖς, καὶ ἀποδείξαι, ὡς τὸ πλεονεξεῖν ὅτι εἶναι οἱ τίνες διασφίβει καὶ οἱ αὖ κατὰ τὸ αὐτὸν, καλλίστους ὅμοι δοκεῖ. i. e. vos autem (vos autem cum dico, summus philosophantium intelligo) dimittentes hæc quaerere, & facere, verba misera meditamini, & syllogismos, & cavillationes, & maiorem partem vitæ super his levitatis; quique inter ipsos præstatur pulchram vobis victoriam adepius videtur. Veruntamen quidam ex Stoicis nugolas istas argumentationes, & cavillationes improbarunt, ut Luc. Seneca *lib. 1. de benefec. cap. 4. epist. 45. 48. 82. 85. 88. 111. & passim.* Epictetus apud Gell. *lib. 1. cap. 2.* At qui inter eos dialecticis disputationibus, & verborum tutelis se se potissimum exercebant, dialectici dicebantur. Diogen. Laërtius in *prooemio: διαλεκτικοὶ δὲ ὅσοι καὶ τὰ**

ἢ τοὺς λόγους περὶ τῶν κατὰ τὴν φύσιν . i. e. Dialectici verò sunt , qui verborum , ac rationum acumine pugnāt . M. Tullius lib. 4. Academicar. quaest. Duo vel principes dialecticorum , Antipater , & Archidamus opiniosissimi homines . Atque ita dialecticos intelligere debemus apud M. Tullium saepe , & apud Africanum in L. qui quadringenta . D. ad leg. Falcid. non quidem omnes Stoicos , sed qui eam partem Dialecticae praecipuè sequebantur , quales illi apud Gellium d. cap. 2. lib. 1. Qui se Stoicos appellabant , neque frugis , neque operae probae , se in theorematibus tantum inaequalibus , & pueriliis synagogarum commentationibus oblectantes . Et postea : Vulgus aliud nebulonum hominum , qui se Stoicos nuncuparent , atrāque verborum & argutiarum fuligine ob oculos audientium jactā , sanctissimae disciplinae nomen ementiantur . Propterea Stoici , & Dialectici distinguuntur , quali non omnes Stoici essent etiam Dialectici . Plinius in praefat. ad Vespasianum : Quoniam audio , & Stoicos , & Dialecticos , Epicureos quocque (nam de Grammaticis semper expēctavi) parturire adversus libellos , quos de Grammatica edidi . Ubi conjunctionem quidam temerè expungere voluit . Ita enim Gellius lib. 1. cap. 22. Disciplinas enim Tubero Stoicas , & Dialecticas perculluerat .

Argumenta , quibus Stoici utebantur , velata Jurisconsultis , Ἰουδῖμοις , σοφῖσι , ὁρίσμοις , ἀντιπρῶτον . Collectiones Stoicorum , & Jurisconsultorum .

C A P U T XVIII.

MUltis argumentationibus Stoici , & dialectici utebantur , quibus velati quibuscumque verborum laqueis innectebant . Chrysippus apud Lucian. *Clav. pectus* . *ἢ τοὺς λόγους πλεονέκτας , αἵς συμπωδίζω τοὺς προσημασμένους , & ἀντιπρῶτον καὶ στοιχῶν ποῖον , φημὸν ἀπὸ τῶν αὐτῶν πικρῶν . i. e. sermorum retia , quibus capio , & obstringo , & tacere cogo eos , qui contra me disputant , plane quoddam illis frenum imponens .* Ut sunt illa , quibus potissimum utebantur , quaeque Jurisconsulti ab ipsis retulerunt , *Ἰουδῖμοις , σοφῖσι* , vel *ὁρίσμοις* . Marc. Tull. *lib. 4. Academicar. quaest. De sorte , aut pseudomono , quas plagas ipsi contra se Stoici texerunt !* Africanus in L. qui quadringenta . 88. D. ad L. Falcid. *Qui tractatus apud dialecticos , τῶν Ἰουδῖμων .* Sophisma idem , quod sortites : Ecloga Basilic. *lib. 2. tit. 2. cap. 177.* Lucius Senec. *epist. 3.* sophismata ex Marc. Tull. cavillationes rectè verti ait . Julianus autem cavillationem Graecis sortitem esse ait in L. ea est. 65. D. de reg. jur. & Ulpian. L. natura . 177. D. de verbor. signific. Hisce , & aliis argumentationibus Jurisconsulti uti Stoici utebantur . *ἀντιπρῶτον* argumentum , quod invertitur , quodque reciprocum dici posse ait Gellius *lib. 5. cap. 10. & lib. 9. cap. ultim.* deprehendi po-

test in quaestione *L. pepul. C. de condi& indeb.* cum enim alii dicerent, electionem esse debitoris, qui utrumque solveret; alii creditoris, cui utrumque solutum erat: hi aliorum rationem in suam sententiam invertebant, in alternativa electionem esse debitoris; sed creditorem, qui utrumque acceperat, ex creditore factum esse debitorem. Itaque electionem ipsius esse debere, utrum vellet solvere, vel retinere: quae fuit Celsi sententia *L. si non fortem. §. penult. D. de condi& indeb.* Argumenta illa Stoici collectiones vocant. *Perfius Sat. 5. v. 85. seq.*

- - - Mendose colligit, inquit

Stoicus hic, autem mordaci lotus aceto.

Lucius Senec. epist. 45. ubi de argutiis Stoicorum: *Quod tui illi subtilissima collectione persunseris. & epist. 48. 85.* Ita Jurisconsulti. *Scaevola L. quidam. D. de jure codicill. Sabini, & Cassii collectio, quam & ipsi reddunt, illa est.*

Ambiguitatum Stoicis, & Jurisconsultis tractatus:

C A P U T XIX.

OMne verbum ambiguum sumebant Stoici, quos Marc. Tull. intelligit *lib. 2. ad Herenn. Omnes enim illi amphibolias aucupantur, etiam quae ex altera parte in sententiam nullam possunt interpretari.* Fabius *lib. 7. Instit. cap. 9.* Adeo ut Philosophorum quibuscum nullum esse videatur verbum, quod non plura significet, genera admodum pauca. *Gellius lib. 11. cap. 12.* Chrysippus ait, omne verbum ambiguum naturam esse, cum ex eodem duo, vel plura accipi possunt. Idque fortasse Chrysippus scripserat & τὸ αἰεὶ ἄλλου χρίσας, i. e. in libro de usu orationis, cujus meminit Plutarchus & τῶν ἐκ τῶν ἐκ τῶν. Sal. Julianus librum singularem de ambiguitatibus scripserat, cujus & nonnulla extant fragmenta. Incidunt enim saepe in contractibus ambiguae pactiones, *L. veteribus. 39. D. de pact. L. Labeo. 21. D. de contrahend. emptio. L. quotiens. 67. D. de reg. juris:* atque etiam in testamentis, *L. ille, aut ille. 25. D. de legat. 3. L. in ambignis. 96. D. de reg. juris.* At eis, quae Gellius ex Diodoro refert *d. cap. 12.* omnino auctores Juris consentiunt. Gellius: *Nec aliud dici videri debet, quam quod se dicere sentit is, qui dicit.* Proculus in *L. nepos. 125. D. de verbor. signific.* Qui ambiguum loquitur, id loquitur, quod ex his, quae significantur, sentit. Celsus *L. 7. D. de supell. legat.* Equidem non arbitror, quemquam dicere, quod non sentiret. Gellius: *Ambigui enim verbi natura illa esse debuit, ut qui id diceret, duo vel plura diceret: nemo autem duo, vel plura dicit, qui se sentit unum dicere.* Paulus *L. 3. D. de reb. dub. In ambiguo sermone non utramque dicimus, sed id duntaxat, quod volumus.*

Gel.

Gellius obscure, & ambigue dictum distinguit: Papinianus pactionem ob-
scuram, vel ambiguam, d. *L. veteribus. D. de pactis.*

Inter dissidentes Jurisconsultorum scholas, Proculejanos magis à partibus Stoicorum fuisse, pluribus argumentis deprehenditur. Labeo Proculejanorum princeps cum Chrysippo comparatur.

C A P U T XX.

DIversis Jurisconsultorum scholis nondum constitutis, tunc verum est dicere, Jurisconsultos promiscue Stoicorum doctrinam sequutos fuisse: sed ubi dissidentes fuerunt Sabinianorum, & Proculejanorum scholae, hos vel illos in rebus controversis Stoicorum doctrinae magis adhaesisse certum est; quod disquisitionis novae est. Pluribus vero argumentis Proculejanos, & ex ea schola auctores magis à partibus Stoicorum fuisse deprehenditur. Antistius Labeo princeps Scholae Proculejanorum Tiberonem audiverat. Pompon. in L. 2., §. post hunc. 47. D. de origin. jur. Ecce quidem Tubero iste praeceptor Labeonis non aliam à majoribus suis, sed Stoicam sequebatur: quare probabile est, Labeonem Tiberonis auditorem, ejus parvum doctrinae decretis, & ab eo deinceps Proculejanos instituisse. Labeo in Grammaticam se se, atque dialecticam, litterisque antiquiores penetraverat. Gellius lib. 13. cap. 10. Idque exemplū Stoicorum, ut supra cap. 10. & cap. 17. ostendimus. Sed & quemadmodum Chrysippus semper aliquid proprium, & subtile tentabat dicere; ita & Labeo. Plutarchus de Chrysisso *ἐπὶ τῶν ἀπομνημονεύματων*, & *ἐπὶ τοῦ ἐκείνου περὶ τῆς φιλοσοφίας καὶ τῆς αἰσθητικῆς*. i. e. ut qui omnino peculiari aliquid, & subtile de omni re dicere vellet. Pomponius de Labeone in d. L. 2. §. post hunc. Labeo ingenii qualitate, & fiducia doctri-
nas, qui & caeteris operis sapientiae operam dederat, plurima innovare in-
stituit. Stoici subtile habebant dicendi genus. Marc. Tull. lib. 3. de finibus: Stoicorum autem non ignoras quam sit subtile, vel spinosum potius differendi genus: & lib. 3. de oratore: Accedit, quod orationis genus habent fortasse subtile, & certe acutum. Lucius Senec. lib. 1. de beneficiis. cap. 3. Chrysippus quoque, penes quem subtile illud acumen est. Ita Proculejani subtilitates juris, intricataeque disputandi rationem sequebantur: quod sup. cap. 3. probavimus. Julianus contrariae scholae subtilitates istas juris non admittebat. L. ita. §. 1. D. ad leg. Aquil. L. si tibi pecuniam. D. de reb. creditis. L. si ipsa. 13. D. de liber. & postuma.

Proc 2

Proculejani secundum Stoicos putabant, opere ex aliena materia factò, eum, qui opus fecerat, dominum esse operis facti, non dominum materiae.

C A P U T XXI.

NOta est satis illa dissensio inter Sabinianos, & Proculejanos, an opere ex aliena materia factò, operis dominus esset, qui fecisset, vel qui fuerat dominus materiae, remaneret, §. *cum ex aliena*. *Instit. de rer. divis.* & quam jam attigimus sup. cap. 3. & cap. 6. Nerva, & Proculus putabant, hunc dominum esse, qui fecerit: quia quod factum est, antea nullius fuerit. L. 7. §. *cum quis ex aliena*. D. de acquir. rer. domin. hi putabant formam, dare rei substantiam, *Mutata forma proptè interire substantiam rei*, L. Julianus. §. *sed & si quis*. D. ad exhibend. ubi ò proptè ex Juliani sententia qui Sabinianus fuit: Sabinus & Cassius magis naturalem rationem efficere putant, ut qui materiae dominus fuerit, idem ejus quoque quod ex ea materia factum sit, dominus esset; quia sine materia nulla species effici possit. d. L. 7. §. *cum quis ex aliena*, & L. Minicius. D. de rei vindicat. Ibi putabant formam operis facti educi ex potentia materiae, nec tam formae quàm materiae in opere factò rationem haberi oportere. Sic Julianus habet solùm rationem materiae, in L. *servum*. 44. §. 2. D. de legat. 1. Paulus formae seu operis facti, L. *luna*. 88. D. de legat. 3. ubi vestigium hujusce dissensionis manifestum est; id enim Paul. ex Proculejanorum sententia, quae Stoicis consentanea est. L. Seneca, *epist.* 88. *Ligna nihil navi conferunt, quamvis navi fiat navis sine lignis; non est inquam, cur aliquid putes ejus adjutorio fieri, sine quo non potest fieri*. Stoici quidem dicebant materiam primam esse substantiam, sed & corpus substantiam finitam. Diogenes Laërtius in Zenone: *Σύμα δὲ τὸ πᾶν ἐστὶν ἡ οὐσία, καὶ πᾶσι κοινὴ*. i. e. Corpus autem est per ipsos substantia, & finita.

Proculejani secundum Stoicos pubertatem 14. annò in masculis aestimant, quid eà etate rationis usum induci crederent, & ita nuptias possent contrahere, testamentum facere, tutelà liberari.

C A P U T XXII.

ULpianus, *lib. sing. regul. tit.* 11. sub fin. dissensionem Cassianorum & Proculejanorum refert: *Puberem autem Cassiani eum esse dicunt, qui*

qui habitus corporis pubes apparet, id est, qui generare potest: Proculejani autem eum, qui 14. annos explevit. Eam dissensionem attingit & Servius ad 7. Aeneid. atque etiam Isidorus lib. 11. origen. cap. 2. Eadem verò fuit Stoicorum sententia, quae Proculejanorum. Plutarch. lib. 5. περι τῆς ἀρεσκῆτος τοῖς φιλοσόφοις, cap. 24. Ἡρακλῆος, ὅτι οἱ Στωικοὶ ἀρχὰς τῆς ἀνδρείου πηλοῦτος, περι τῆς δόξης ἰσχυρὰ, περι ἢ ὁ σπέρματος κίνησις ἵψος. i. e. Heraclitus, & Stoici asserebant, homines perfici incipere circa secundum septenarium, circa quod seminale feceruntur seminum. Et post: περι δὲ τῆς δόξης ἰσχυρὰ ἑννα-γῆσι, καὶ τῇ, τὸ καὶ καὶ τὸ διδασκαλίας ἀντὶ. i. e. circa secundum septenarium oritur intelligentia boni, & mali, eorumque doctrinae. In quibus verbis licet rationem deprehendere, quare Stoici, & Proculejani 14. annis puberes aestimarent: quod scilicet eā aetate genitale semen fecerneretur, & ita possent nuptias contrahere: quod eā aetate boni, imalique noticiam habere inciperent; & ita possent testamentum facere, neque egerent aliorum tutela. Ultramque istorum rationem licet apud Artemidorum deprehendere. Prima est lib. 2. ἀντιμετρίαν, cap. 75. ἀγνοῦν ἰατρικὸν τὸν δύο χρόνον καὶ δύο φασισμοῖς, τὸν περὶ παραδείκτου ἀγνοῦν ὅς ἐστι προσδιδόντων αἵματος, τὸν ἑξῆς ἔχοντα αἵματος ἀμα. i. e. dicunt Medici, duarum aetatum nemini venam secundam, hominibus quatuordecim annorum intelligentes, ut adhuc egentem sanguine, & non habentem superfluum. Post illam igitur aetatem superfluum sanguinem habere incipiunt, ex quo & genitale semen. Alia est lib. 1. ἀντιμετρίαν, cap. 36. ἔχοντες δὲ ἡ ἰσχυρία καὶ τὸν χρόνον τῆς ἡλικίας, i. e. quoniam fore pubertas est regna, sive modus rectae cuiusdam, & sanae vitae. Gregorius Thaumaturgus Stoicè in oratione Panegyrica ad Origenem: τίς δὲ ἡμοῖς ἀρετῆς ἢ ὅτι περὶ παραδείκτου; πάλιν ἡ ἰσχυρία αὐτῶν ἀνδρῶν μὲν καὶ ἡλικία ἡ ἀγνοῦν ἀρετῆς, οἷα δὲ ἀρετῆς παραδείκτου τὸ καὶ αὐτῶν ἀνδρῶν ἀρετῆς. ἰσχυρία δὲ ἡμοῖς πᾶσι τῇ ἀρετῇ. i. e. quodnam enim iustitiam erat mihi quatuordecim annos nato? tamen ex eo tempore advenire mihi hic sacer rationis usus coepit, quasi perfecta iam communi omnium hominum ratione, advenit sume tum primum. Iamblichus igitur verè Stoicis tribuit apud Stobaeum in physiciis: οἱ δὲ Στωικοὶ ἀγνοῦν τὸν χρόνον ἡμοῖς ἀρετῆς, ὅτι οἱ Στωικοὶ εὐνοῦν τὸν χρόνον τῆς ἀνδρείου καὶ φασισμοῖς, οἷα δὲ ἀρετῆς παραδείκτου. i. e. Stoici autem dicunt non statim fieri rationem, tandem verò à sensibus, & plantis congregari circa decimum quartam aetatem. Ex eorundem doctrina tutelam decimum quartum finiri, ait Luc. Seneca Consolat. ad Marciam, cap. 24. Pupillus relictus sub tutorum cura usque ad annum decimum quartum fuit. Tertull. in plerisque Stoicis lib. de Anima, cap. 38. Pubertatem quoque animale cum carnali dicimus convenire; pariterque & plantis suggestionem sensuum, & istum processu membrorum exurgere, à quarto decimo fere anno: non quia Asclepiades sapientiam inde supputat, nec quia civilia iura ab hinc agendis rebus adtemperant, sed quod & haec, de primordio ratio est. Idem de velandis virginibus. cap. 11. Pubertatem in annis, non sponsalibus, aut nuptiis decernentes.

*Mortem taediū vitae, vel doloris impatientiā accersi posse
Proculejani à Stoicis censuerunt.*

C A P U T XXIII.

SI quis ita morbo affligeretur, ut vitam sibi aerumnosam putaret, vel taedium aliquod vitae haberet, Stoici eum sibi mortem posse, inò etiam debere consciscere arbitrabantur. L. Seneca ep. 58. *Exerce te, ut mortem & excipias, & si ita res suadebit, accersas; interest nihil, an illa ad nos veniat, an ad illam nos.* Apud eundem Senecam ep. 77. Stoicus quidam Marcellinum morbo non insanabili, sed longò, & molestò correptum admonuit, ut ipse sibi mortem conscisceret. Diogenes Laërtius in Zenone, eam Zenonis sententiam fuisse refert, & Zenonem ipsum sibi manus intulisse. Laëtantius lib. 3. *de falsa sapientia*, cap. 18. Atque id Proculejani maximè admiserunt, mortem taediū vitae accersi posse. Neratius ex hac schola apud Ulpianum, L. liberorum. 11. §. 3. D. de iis, qui not. infam. Non solum autem lugeri, ut Neratius ait, hostes, vel perduellionis damnati, nec suspensiosos, nec qui manus sibi intulerunt, non taediū vitae, sed malā conscientia: quod & principes Adrianus, & Antoninus Pius rescriptis confirmarunt, L. 3. §. 4. & 5. D. de bon. eor. qui ante sentent. mort. sib. consc. L. 6. §. 7. D. de injuss. rupt. & irrit. fact. testam. Quid si quis taediū vitae, vel valetudinis adversae impatientiā, vel iactationis, ut quidam Philosophi. Ubi Ulpianus sanè Stoicos perstringit, qui iactationis causā mortem accersebant. Lucianus de Peregrino philosopho Cynico (Cynici eadem cum Stoicis dogmata habuerunt, ut supra ostendimus) οὕτως ἡμεῖς Περικλῆος πλάττω i. e. de Peregrini morte τοῦτο εἶπε τῷ Νέστῳ ἐν τῷ μαιῶν αὐτοῦ, i. e. tanto ille amore gloriae extabuit; ut in ignem vivus circumspiciantibus multis se mitteret.

*Sabiniani proportionem Geometricam secundum Academicos,
& Proculejani secundum Stoicos Arithmeticam
sequebantur.*

C A P U T XXIV.

Plutarchus Academicus Geometricam proportionem Arithmeticā meliorem esse asserit in lib. οὐκ ἀνὰ λόγους, eaque Lycurgum in sua Republica usum fuisse refert lib. 3. *Symposiacum, quaest. 2.* Eandem proportionem sequebantur Sabiniani; ita enim computabat Sabinus in legatis, L. si is, qui. 50. D. de legat. 1. Julianus in hereditatibus, L. si ita. 13. D. de

femiviri genus habens. Artemidorus de castratis, lib. 2. cap. 74. Si autem quid pueri et ardeat pueri et yuuenis adhaerent. i. e. ex eo, quod natura neque inter viros, neque inter mulieres recensentur: Ita autem Labeo, & Proculus secundum Stoicos censuerunt: Labeo apud Gellium lib. 4. cap. 2. De Eunuchis quidam quaesitum, an contra edictum Aedilium videretur venundatus, si ignorasset emptor, eum Eunuchum esse; Labenem respondisse aiunt, reddiberi posse, quasi morbosus; quod nullo iuris auctores non probant. Gellius eod. cap. 2. Non praetereundum est, id quoque in libris veterum Iurisperitorum scriptum esse, morbum, & vitium distare, quid vitium perpetuus morbus cum accessu, discessuque sit: sed si hoc ita est, neque caecus, neque Eunuchus morbosus est, contra Labonis, quam supra dixi, sententiam. Proculus idem sentiebat apud Ulpianum in L. 6. D. de liber. & postumis: Sed si castratus sit, Julianus Proculi opinionem sequutus non putat, postumum heredem posse instituire. Observa, Julianum Proculi opinionem sequutum fuisse, quasi aliter sentirent Sabiniani, & Proculum in eo Julianus sequi maluerit.

Conjecturae quaedam non leviores, quod Proculejani Stoicorum placita secuti sint.

C A P U T XXVI.

Proculejani inter alios Juris auctores verba studiosè exquirebant: idque à Stoicis, ut jam attigimus sup. cap. 10. 17. & 20. Erant illi Dialectici: at Dialectica docet, ut Plato in *Cratilo*, nisi imperium habet *χρῆμα*, i. e. nominibus rectè uti; vel, ut Seneca ep. 89. proprietates verborum, & structuram exigit. Ita Labeo in Grammaticam, atque Dialecticam, litterasque antiquiores, altioresque sese penetraverat: Gellius lib. 13. cap. 10. ubi & subijcit: Sunt adeo libri post mortem editi, qui posteriores inscribuntur; quarum librorum tres continui, tricesimus octavus, & tricesimus novus, & quadragesimus, pleni sunt id genus rerum ad enarrandas, & illustrandas linguam Latinam concernentium. Luc. Senec. de Stoicis epist. 88. Ipsi quoque ad syllabarum distinctionem, & conjunctionem, ac propositionum proprietatem descenderunt. Ita Labeo conjunctionem, & disjunctionem distinguebat. L. conjunctionem. 29. & L. saepe. 53. §. 1. D. de verbor. signif. Proculus quoque ex eadem schola verba disjunctivae, & subdisjunctivae orationis, L. haec verba. 124. D. eod. tit. de verbor. signif. Ibi etiam exemplum utitur, *Aut dies, aut nox est*, quod Stoici. Diogenes Laërtius in Zenone. *ἢ ἡμέρα ἢ νύξ ἐστὶν ἢ οὐδὲν τῶν διακρινόμενων οὐδὲν ἐστὶν*, ἢ οὐκ ἔστιν ἡμέρα, ἢ οὐκ ἔστιν νύξ. i. e. disjunctum autem est, quod aut à conjunctione disjuncta disjungitur, ut *aut dies est, aut nox est*. Stoici disputationum subtilitate se se exercebant, quod ostendimus supra cap. 17.

Ita & Proculejani, quod & offendimus supra cap. 3. Adnotare etiam possis, pleraque Stoicorum sententias relatas à Proculejanis: quod enim Celsus in L. scire. D. de legib. scire leges non hoc est, verba earum tenere, sed vim, ac potestatem: id ipsum Zeno apud Diogenem Laërtium, μετὰ τὰς φωνὰς ἢ τὰς λέξεις ἐμπνευμαίνω, ἀλλὰ οὐκ ἐν δυνάμει τῶν ὁνομάτων ἀσφαλὲς .i. e. non voces, & vocabula recordari, sed circa intelligentiam mentem exercere operere. Ulpianus in L. si servus. 27. §. si fornicarius. D. ad leg. Aquil. videtur Neratii sententiam referre, eamque rejicere: Nec quisquam dixerit in eo, qui obdormivit, rem cum humanam, & naturalem passum. Eadem fuit Stoicorum sententia, somnum rem esse naturalem, vel secundum naturam. Quam & Tertullianus lib. de Anima, cap. 43. magis probat: Non utique extra naturale est somnus, ut quibusdam Philosophis placet. Et postea: Qui ergo de somni naturalitate dubitabit, habet quidem dialecticos deducentes totam naturalium, & extranaturalium discretionem, ut & quae putaveris citra naturam esse, naturae iudicari sciat posse; à qua ita esse sortita sunt, ut citra eam haberi videantur. Stoici putabant, somnum fieri animae rationis ἀσυνετοῦ, i. e. relaxatione sensibilis spiritus, ut Plotarch. lib. 5. τῆς ἡγεμονικῆς τοῦ σώματος. i. e. de Philosophorum placitis, cap. 24. Tertull. d. cap. 43. Somnum esse resolutionem sensualis vigoris, esse igitur rem naturalem.

*Alii quidam loci ex doctrina Stoicorum relati à Proculejanis,
& quaedam aliae conjecturae.*

C A P U T XXVII.

Stoici putabant omnia fluere, nec quidquam manere. Plato in Cratylō eam Heraclito sententiam tribuit; πάντα ῥεῖ, ἢ ἴδιον μὲν, i. e. omnia fluunt, & nihil manet. Plotarchus Epicuro lib. 3. Sympof. quæst. 6. sed Luc. Seneca ex Stoicis ep. 58. Quaecumque videmus, ac tangimus, Plato in iis non numerat, quæ esse propriè putat; fluunt enim, & assiduâ diminutione, atque adiectione sunt: nemo nostrum idem est in senectute, qui fuit juvenis: novo est mane, qui fuit pridie: corpora nostra rapiuntur fluminum more: quidquid vides, curris cum tempore: nihil ex his, quas videmus, manet: Eandem sententiam ex Stoicis Paulus attigit lib. 70. ad edictum in L. & an eadem. 14. D. de except. rei judicantæ: Idem corpus in hac exceptione, non utique pristina qualitate, vel quantitate servatâ; nullâ adiectione, diminutioneve factâ, sed pinguius pro communi utilitate accipitur. Verba Pauli verbis Senecæ admodum consonant. Ait Seneca, assiduâ diminutione, atque adiectione sunt: Paulus, Nullâ adiectione, diminutioneve factâ. Ait pinguius, non subtilius, ut Stoici. Idem Paulus attigit, L. sed si. 26. D. de acquir. rer. dominio: Credibile est aliq̃ re-

rat alimento aliam factam. Alphenus quoque retulit, *L. proponebatur. D. de iudiciis*: sed non probat. At Celsus ex Proculejanis expressum probat apud Ulpian. *L. si non forent. 26. §. libertus. D. de condi& indeb. Celsus lib. 6. Digestor. putat eam esse causam operarum, ut non sint eadem, neque ejusdem hominis: neque eidem exhibentur; nam plerumque robur hominis, aetas temporis, opportunitasque naturalis mutat causam operarum. Ex his (opinor) satis constat, Proculejanos inter diversae scholae auctores magis à partibus Stoicorum fuisse. Sabiniani contra diversas sententias sequebantur. Ideo Julianus fortiter eorum improbat, *L. ea est natura. 65. D. de regulis juris*. An non ideo etiam Arrianus *lib. 4. dissertat. Epist. cap. 3. Maturum, & Callium Sabinianos pertrinspebat?* *Idem non si inderit auctoritas vim, tamen tā diatymata τούτων ἐκγυγλω δὴ ἔχου. Προὔτοις ὑποτινυμύτορ, οὐ τοῖς Μακρυαῖοις ἔξι Κασίου.* 1. c. *haec sunt illinc misae leges, haec edita, eorum interpretem esse oportet, his parere, non Musurii, & Cassii praeceptis, ut quorum doctrina Stoicis minus consentiret. Multa alia ex Stoicorum dogmatis apud Jurisconsultos fuerunt observata; & adhuc plura observari posse, non diffido, ab his, qui cum utrisque studiosius verari soleant.**

Ulpianus Marcellus, Proculejanus. Notae Marcelli ad Julianum, Ulpiani ad Marcellum. L. si filiusfamilias. 14. D. de rebus credit. exponitur.

C A P U T XXVIII.

Marcellus Proculejanus videtur fuisse; tum quia Neratium fratrem habuit ex ea schola, *L. quaesitum est. 12. §. idem respondit. 43. D. de instrum. vel instrument. legat. Denique Neratius libro 4. epist. Marcello patri suo respondit*, tum quia Celfo consentit adversus Julianum in controversia *L. penult. C. de condi& indeb.* Ille notas scripserat ad Julianum contrariae sectae auctorem, quacumque poterat ratione illum cavillans, & reprehendens: unde credo, postea Ulpianum Marcello indignatum notas scripsisse ad Marcellum, ut Julianum ulcisceretur: quod passus fuerat Julianus à Marcello, id passus est Marcellus ab Ulpiano. Cum igitur Julianus scripsisset *conditionem patri ex omni eventu competere*, ut ex eo referat Ulpianus in *L. 9. §. 1. D. de Senatusconsult. Macedon. ex omni eventu*, id est, si creditor bonā, malāve fide nummos sibi solutos consumpsisset, haud dubiè Marcellus Julianum notaverat; quod Ulpianus eodem *lib. 29. ad edit. refert in L. si filiusfamil. 14. D. de reb. credit.* Non putarem tamen his verbis, *Denique per errorem soluti contra Senatusconsultum crediti magis est cessare repetitionem*, conclusionem esse praecedentis argumenti, quo Marcellus utebatur; sed praeterea Ulpianum quid-

quidquam addere voluisse in initio d. L. 14. D. de reb. credit. Filiusfamilias consulto creditori solverat, & quia consulto solverat, donasse videbatur. L. cuius. 53. D. de regulis juris: eaque ratione Ulpianus existimat, patrem nummos apud creditorem extantes vindicare posse, neque patri obijci posse exceptionem, nisi liberam peculii administrationem filio concesserit: non enim liberam peculii administrationem concessam filiofamilias, aut servo, donare permittitur. L. filiusfamilias. D. de donationib. Asterius Amaseae Episcopus hemil. 2. δούλος ὃ λαμβάνει πτωχολίαν οὐκ ἔχ. i. e. servus enim liberum peculium non habet. Quod si creditor nummos consumpserit, ex sententia Marcelli Ulpianus ait, cessare conditionem, quae ex pecunia consumptione nascitur: Marcelli rationem subijcit; additque in §. denique, non modò si filiusfamilias consulto solverit creditori, sed & si per errorem, patri conditionem indebiti esse denegandam. Filiofamilias soluti per errorem facti, vel juris conditio denegatur. d. L. 9. in fin. & L. 10. D. de Senatusconsult. Macedon. L. qui exceptionem. 40. D. de condit. indebit. Ita patri quoque denegandam Ulpianus hinc putat.

*Constitutio DD. Marci, & Commodi ad Aufidium Victorinum;
nondum emissâ temporibus Scaevolae, quare non est
porrecta ad contractum D. ut facias, ut
ad donationem.*

C A P U T XXIX.

SI servus venditus fuerit eâ lege, ut manumittatur; & non fuerit manumissus eo tempore, quo debuerit, vel potuerit manumitti, ex constitutione DD. Marci & Commodi ad Aufidium Victorinum, sic liber ipso jure, L. 3. D. qui sine manumiss. ad libert. L. 2. Cod. si mancipium ita fuerit alienat. ut manumitt. Quam constitutionem Papinianus ad donationem porrexit, si servus eâ lege donatus fuerit, ut manumittatur; L. penult. D. qui sine manumiss. Necdum tamen temporibus Scaevolae porrecta fuerat, ut deprehenditur in L. qui Romae. §. Flavius. D. de verb. obligat. quia necdum emissâ; & si emissâ fuisset, non minus Scaevola, quam Papinianus ad donationem porrexisset. In semestribus scripta fuerat illa constitutio, L. 3. Cod. si mancip. ita fuer. alienat. At Scaevola in L. ult. D. de serv. exportand. refert constitutionem Adriani, ad quem notans Claudius Thryphoninus subijcit constitutionem D. Marci in semestribus. Ex quo apparet, eam ipsam constitutionem temporibus Scaevolae nondum emissâ fuisse: alioqui Scaevola Marci, non Adriani constitutionem retulisset. Porrecta quippe fuit constitutio ad hanc speciem, si dominus servi pretium pro manumissione accepit, ex causa venditionis,

nis, ut servum manumittat: quia nihil interest, dive convenerit, servum venditum ab emptore, vel à domino eodemque venditore manumitti. Ac si contractus fuerit innominatus, puta, si tibi dederò pecuniam, ut intra Kalendas Stichum manumittas, post Kalendas servus non fit liber ipso jure. *L. non omnis. 19. D. de reb. credit. L. 5. §. 2. & L. 7. D. de praescript. verb.* Ratio diversitatis non est cuique obvia, quare constitutio DD. Principum porrecta non fuerit ad contractum *Do ut facias*, ut ad donationem: ea verò est, quod neque in donationis, neque in venditionis contractu poenitentiae locus sit, *L. 1. Cod. si mancip. ita fuer. alien.* in contractu autem *Do ut facias*, licet poenitere, *L. 3. §. 2. 3. & L. 5. §. 1. D. de cond. caus. dat.* Si igitur intra Kalendas Stichus manumissus non fuerit, potero pecuniam condicere, d. *L. non omnis. D. de reb. credit. d. L. 7. D. de praescript. verb.* nec Stichus liber erit. Eadem ratione, si maritus uxori servum donaverit, ut eum intra certum tempus manumittat; tempore elapsò non fit servus liber, quia poenitentiae locus est in hujusmodi donatione, & voluntate mariti donatio in uxorem facta revocari potest, *L. quod autem. 7. §. uxori. D. de donat. inter vir. & uxorem.* Denique si voluntas donatoris, aut venditoris mutari possit, libertas servo non competit, d. *L. 1. & L. ult. Cod. si mancip. ita fuer. alien.*

Ad L. quisquis. Cod. si certum petatur, & L. ultim. Cod. de crimine sacrileg. Claudiano, Synesio lux.

C A P U T . XXX.

Constitutiones Principum à Praefidibus provinciarum mutuam, seu foenebrem pecuniam dari prohibuerant, ne illi quaesitò colore mutuae pecuniae à provincialibus improba lucra extorquerent: non prohibuerant, mutuam pecuniam ab iis accipi, cum ita aliis obligarentur, non alios sibi obligarent. *L. 33. & 34. D. de reb. credit. si cert. petat.* Sed deinceps posterioribus temporibus etiam vetitum fuit Praefidibus provinciarum foenebrem pecuniam dari, & ab iisdem accipi. *L. penult. Cod. si cert. petat. Imperatores Honorius, & Theodos. Theodoro P. P. Quisquis judici foenebrem pecuniam mutuaverit, (si in provincia fuerit versatus) quasi emptor legum, atque provinciae; vel si quis collectorius honoris pretium dederit ambienti, exilii poenà una cum ipso iudice plectetur.* Graeci in *Eclóg. Basilicón, lib. 7. cap. 58.* sic accipiunt verba illa, si in provincia versatus fuerit, *id est in tñ τῆς ἐπαρχίας ἀπὸ τοῦ ἀρχιεπιστοῦ*, si Praefes in provinciam venerit: ut non aliter prohibeatur pecunia dari Praefidi, quàm si pactus sit creditor eam pecuniam reddi à Praefide, cum in provinciam venerit: quasi ita creditor Praefidi furti faciendi auctor esse videatur. Alii ita legunt uno ductu, si in provincia fuerit versatus quasi emptor legum, atque pro-

vin-

Argumentum à servitute aquaeductûs ad servitutem viae ; quò Sabinus utitur in L. 9. D. de servit. deprebensum apud Siculum Flaccum. Lectio Siculi Flacci defenditur.

C A P U T XXXI.

SI quis servitutem viae cesserit, vel legaverit simpliciter, nullâ loci demonstratione factâ, per quam legatarius in fundo serviento iret ageret; cùm totus fundus debeat servitutem, qualibet parte fundi legatarius ire agere poterit: quò tamen minus oblit fundo servienti; namque & servitute constitutâ, ita uti licet, ut fructus fundi non laedantur. L. 7. D. de servit. praed. rustic. Sed si legatarius, vel alius, cui cessâ erit servitus, aliquâ fundi parte uti servitute coeperit, deinceps eâdem parte ire agere debebit; nec mutandae viae potestatem habebit: quod Celsus, licet diversâe scholae, probat argumentò Sabinî ductò à servitute aquaeductûs ad servitutem viae: similique argumentò utitur Siculus Flaccus in lib. de conditionibus agrorum: Nam & aquarum ductûs solent per alienos agros jure transmitti; itaque (ut diximus) viae saepe necessariò per alienos agros transeunt, quâ non universo populo itinera praestari videntur, sed eis, ad quorum onera, & eis, ad quorum agros per eas vias pervenire necessario est. Ait Siculus Flaccus, non minus servitutem viae per alienos agros, quàm servitutem aquaeductûs posse jure constitui. Et quod ait, viae saepe necessariò per alienos agros transeunt, monet satis, legendum non esse paulò antea, perarò, sed retinendam esse lectionem, quae etiam conveniunt precariò: tum quia nihil certius sit, quàm servitutem precariò concedi posse, L. si quis sepulchrum. D. de religiof. L. 2. & 3. D. de precario. Servitutis quidem jure constitutae perpetua causa est, non servitutis precariò constitutae, quae pendet ex voluntate illius, qui concesserit. L. 4. D. de servitut. Vestigium est luculentum in hac L. 9. quae est de legato per vindicationem, & in L. si via. 26. D. de servitut. praedior. rustic. quae est de legato per damnationem, antiquae differentiae legatorum. Ususfructus legatus per vindicationem ipso jure per damnationem factò heredis constituitur. Paulus lib. 3. sent. tit. de legat. Idemque dicendum de servitute viae legatae: per vindicationem ipso jure constituitur; & ita legatari est facultas, qua parte fundi uti velit servitute viae, seu ire agere: per damnationem factò heredis constituitur; & ita heredis est facultas, quâ parte velit constituere servitutem.

Servitutes consistunt in solo, aut superficie praedii servientis, non praedii, cui servitur. Ad L. 3. D. de servitutibus.

C A P U T XXXII.

Servitutes, quae in superficie consistunt, non sunt tantum servitutes urbanae, sed etiam rusticae: servitutes, quae in solo consistunt, non sunt tantum servitutes rusticae, sed etiam urbanae. Verius est, utrorumque praediorum servitutes tam in superficie, quam in solo consistere; atque ita debere intelligi L. 3. D. de servitutibus. Etenim licet servitutes urbanae, & rusticae non à praediis servientibus, sed praediis, quibus debetur servitus, denominationem accipiant; tamen consistunt in solo, aut superficie praedii servientis, non praedii, cui debetur servitus. Aliud est, servitutes urbanas, vel rusticas dici à praediis, quibus servitur; aliud est, consistere in praediis. Servitutes istae in superficie consistunt, jus tigni, vel moeniani immittendi; fillicidium projiciendi in alieno. L. servitutes, 20. D. de servitut. praed. urban. & quidem in superficie praedii servientis ita servitus itineris consistit in solo praedii, quod debet servitutem: Et qua primum iter determinatum est, ea servitus consistit, ceterae partes agri liberae sunt. L. certo. 12. §. 1. D. de servit. praedior. rustic. Servitutes rusticae accedunt corporibus, L. 14. C. de servitutib. hoc est corporibus fundorum, qui serviunt, L. 4. D. si servitus vindic. Eadem prorsus ratione servitutes personarum licet à personis, quibus servitus debetur, nomen habeant, tamen dicuntur consistere in fundo, aut aedibus, quae serviunt. Consistit autem ususfructus non tantum in fundo, aut aedibus, verum etiam in servis, & jumentis, ceterisque rebus. L. 3. §. 1. D. de usufr. & quemadmodum. Quia verò aedificia, fundis, & fundi aedificiis servire possunt, L. cum fundus. 12. D. communia praed. si aedificium debeat servitutem aquaeductus alii aedificio, ut in L. si ego. §. 1. D. de Public. in rem act. erit servitus urbana consistens in solo praedii servientis: contra, si aedificium areae vicinae debeat servitutem altius non tollendi, erit servitus rustica consistens in superficie praedii servientis.

Pauli, atque Ulpiani dissensio, An monstrosus partus prodesse debeat matri ad jus liberorum. Defensio lectio in.
L. 14. D. de statu hominum.

C A P U T XXXIII.

Ostentum, est omne contra naturam cujusque rei genitum. Ulp. ex Laboone, L. ostentum. 38. de verb. signif. Cornelius Fronto: *Monstrum* Par. l. E. c. 8

est contra naturam, ut est Minotaurus: in monstro rectus ordo naturae ver-
titur. Tertyll. de coron. milit. cap. 5. Quod contra naturam est, monstri
meretur natus penes omnes, hoc est, penes Philosophos, Jurisconsultos,
Grammaticos, qui de monstro solent quaerere. An monstrum prodesse
debeat matri ad jus liberorum, Jurisconsultis non constitit, eaque de re
manifestum extat Pauli, atque Ulpiani dissidium. Paulus non putat,
monstruosos partus prodesse matri, ut hereditatem capiat ex Senatuscon-
sulto Tertylli. lib. 4. sentent. tit. de Senatusc. Tertylli. L. non sunt. D. de
statu homin. Contra Ulpianus magis esse, ut haec quoque monstra pa-
rentibus prosint, L. quater. 135. D. de verbor. signif. ex Ulp. lib. 4. ad
L. Jul. & Pap. Non probarem, quod in odium legis Papiae monstruosos
partus matri prosit: non in Senatusc. Tertylli. in utroque enim loco
Pauli, atque Ulpiani quaeritur, an prosit partus hujusmodi ad jus libero-
rum: & quidem si partus matri prosit ad jus liberorum, proderit etiam
ad legitimam hereditatem ex Senatusconsulto Tertylliano capiendam §. 3.
Instit. de Senatusc. Tertylli. Praeterea in Senatusconsulto Tertylliano magis
agitur de damno vitando, quam in lege, Papia: quia majus damnum est,
si non capiat mater solidam hereditatem filiorum ex Senatusconsulto Ter-
tylliano, quam si ex lege Papia non possit aut dimidiam partem heredi-
tatis capere, aut decimam. Putarem, magis Paulum, atque Ulpianum (ut
saepè alijs.) in eo dissensisse: uterque suam habuit rationem: Paulus,
monstra non debere prodesse ad jus liberorum, quia contra formam ge-
neris humani edita liberorum appellatione censeri non debeant; Ulpia-
nus, debere prodesse, quia quod fataliter accidit, damnum matri injunge-
re non debeat, neque etiam omnino contra naturam esse monstra. Ari-
stotel. lib. 4. de generat. animal. capi. 4. οὐκ ὅτι ἐκ τῶν ἀνὰ φύσιν, ἀλλὰ
ὅτι ἐκ τῶν ἐκ τῆς φύσεως. id est non tamen praeter omnem naturam, sed praeter
eam, quia ut plurimum fit. Verum si solum parte aliquâ corporis natu-
rae contraria monstrum esset, puta, officis, membrorum humanorum
ampliat, aut etiam deficientibus, admittit Paulus inter liberos debere
enumerari: quia partus ille videtur aliquatenus effectus, ut rectè Pan-
dect. Florent. in d. L. non sunt. D. de statu homin. effectus, non perfectus.
Donatus in Andriam: Non perficere, sed emari: velle aliquid, ad scelus ef-
fecto est, etiam si non potest fieri.

Viridia in tectis aedificiorum. §. servitutum. L. quotiens.

15. D. de servitutib. *Explicatur l. 8. §. 1. de Vi. §. 1. de Vi.*

Pomponii defenditur.

C A P U T XXXIV.

UT contractus suam naturam habere dicuntur, L. 7. §. *quinimo*. D. de
pa. dos. L. si unus. §. *patitur*. D. de ed. mandatum, L. *naturalis*. §.
sed

sed si facio. D. de praescript. verb. stipulationes; L. 1. §. 3. D. de stipul. praetor. ita servitutes praediorum suam habent naturam: naturam suam sequentes divisionem non recipiunt. L. 2. §. 1. D. de verb. obligat. Natura servitutum est, ut ad aliquam praediorum, vel hominum utilitatem spectare debeant. L. quousque. 15. in princip. D. de servitutib. quod iungendum est cum L. si quis unus. 32. D. de usufr. & quemadmodum. ex eod. lib. 33. Pompon. ad Sabinum. subjicit Pompon. in d. L. 15. Servitutum non ea natura est, ut aliquid faciat quis: veluti ut viridia tollat, aut amoeniorem prospectum praestet, aut in hoc, ut in suo pingat; sed ut aliquid patiatur, aut non faciat aliquid. Ille viridia tollat, hoc est, erigat; non ut vulgò, auferat, sive deponat. Nonius Marcellus de compendiosa doctrina, cap. 1. Tollere est elevare, ostendere, erigere. Viridia, seu viridaria eadem ratione tolli, qua aedificia dicuntur. Erant viridia in tectis. Vitruvius lib. 6. cap. 6. Viti viridia de tectis per spatia fenestrarum prospiciuntur. neque lectio emendari debuit. Ideo dubitabatur, an is, cujus aedificium debebat eriguntur altius non tollendi viridaria, super altitudinem aedificii habere posset: quasi viridariis positis aedificia altius tolleretur. L. aedificia. 12. D. de servitutib. praed. urban. quod si ita accipimus, viridia tollas, id est, auferas, non est contra naturam servitutum. Finge enim, vicinum mihi debere servitutem ne prospectui officiat, viridaria, quae prospectui obstant, habere non poterit. d. L. aedificia; aut si habeat, potero agere, ut viridaria tollat, seu auferat. Pomponius ait, aut amoeniorem prospectum faciat, (haec enim lectio omnino retinenda est) puta, arboribus constitis, ex quibus amoenitas quaedam praestatur. L. 13. §. fructuarii. D. de usufr. & quemadmodum. L. competit. 16. D. quod vi, aut clam: viridariis ablatis esset prospectus liberior, non tamen amoenior. Pomponius, aut ad hoc, ut in suo pingat, hoc est, ut picturas in parietibus, seu tectoriis faciat: quae quidem omnia prospectum amoeniorem faciunt, viridaria; arbores constitae, picturae. sed natura servitutum talis non est, ut quis aliquid faciat, puta amoeniorem prospectum; ea est natura, ut patiatur, puta, ut vicinus lumina excipiat. L. 4. D. de servitutib. praed. urban. ut tigna suscipiat. L. sicut. 8. §. 2. D. si servit. vindic. aut non faciat aliquid, puta, ne luminibus, aut prospectui officiat, aut aedificium altius non tollat. Denique vicinus eam servitutem debere non potest, ut prospectum vicino amoeniorem faciat viridariis, arboribus, picturis; sed ne prospectui vicini officiat.

Conciliatur L. Qui jurisdictioni. D. de jurisdictione, cum L. in privatis. D. de judiciis. Locus Juvenalis explicatur.

C A P U T XXXV.

Qui jurisdictioni praest, neque sibi jus dicere debet, neque uxori, vel liberis suis, neque libertis, vel ceteris, quos secum habet. L. 10. D. de

de iurisd. non sibi jus dicere, aut in causa sua judicare: quia iniquum est, aliquem rei suae judicem fieri. *L. julianus. 17. D. de judic. L. unic. C. ne quis in sua causa.* Aristoteles *lib. 3. politic. cap. 9. φαίλες κενάει αὐτοὶ δικάζωσι. i. e. pravi sunt iudices in rebus propriis.* Artemidorus *lib. 2. cap. 29. ὁ δὲ δικάζων τὸ δικαίον καταδικάζει, καὶ τὸ ἴδιον ἄλλως παύει. i. e. non enim iudex sua judicabit, sed aliena omnia.* Non etiam jus dicere debet uxori, liberis, vel iis, quos secum habet; illae enim personae ad affectionem pertinent, quae facile veritatem intercipit. *Synellus epist. 147. ὁπρὶν δὲ ἂν ἐρεῖα καὶ τὰς τῶν ἀλλοτρῶν. i. e. res enim vehemens est benevolentia ad intercipiendam veritatem.* Quos autem Ulpianus hic jungit, uxorem, liberos, comites, eos etiam Juvenalis simul junxit *Sat. 8. v. 127. seq.*

Sit tibi sancta coebs comitum, si nemo tribunal

Vendis Acersecomes, si nullum in conjuge crimen.

Loquitur Juvenalis de eo, qui provinciam regit. *Helychius, ἀκροβόλος, τὸν αἰματὶ μὴ αἰσθόμενος ἀκροβόλος ὁ ἀναγὰς τὰς αἰματὶ. i. e. Acersecomes, comans non tendens.* Acersecomes igitur Juvenali est adolescens intonsus comatus, quia adolescentes ad juventutem usque comam nutriebant. Verum quamvis is, qui jurisdictioni praestit, seu magistratus non debeat ius liberis dicere, tamen pater in causa filii iudex esse potest, *L. in privatis. D. de judiciis.* Siquidem alia ratio est magistratus, qui potest jus non dicere, actionem vel exceptionem denegare, *L. sed est. 26. §. ait praetor. D. ex quib. caus. majores. L. qui vetante. 102. D. de regul. iur.* alia est ratio iudicis dati a magistratu in privatis negotiis. Privata negotia sunt privata iudicia, quibus disceptandis praetor iudices legebat. *Gell. lib. 14. cap. 2. Quo primum tempore a praetore lectus in iudices sum, ut iudicia, quae appellantur privata, susceperem.* Alia, inquam, ratio iudicis dati, cum quia illum formula includit, & certos terminos ponit, ut *Seneca lib. 3. de benef. cap. 7.* tum quia a iudice dato ad magistratum, qui dedit, appellari potest. *L. ult. D. qui, & a quo appell.* atque ita non adeo magnam est periculum, si pater in causa filii iudex sit, ut si filio ius dicat.

Filiusfam. domini filiusfam. dominus minor, dominulus; filiafam. domina minor, dominula. Vcores a maritis, parentibus, extraneis dominae vocabantur.

C A P U T XXXVI.

Filiusfam. vivo patre quodammodo domini existimantur. *L. in suis. D. de liber. & postum. & in de patrisconsulto Nylariano domini appellatione filiusfam. continetur. L. 1. §. domini. D. de Senatusc. Syllan. Marc. Seneca lib. 2. Controv. 9. Periculosa sibi facit adoptionem in domo suos dominos desiderante.* Filiusfam. est dominus minor. Interrogante Leonida apud Plautum in *Asinaria; Ubi nam est bonus?* respondet Libanus, *Major apud*

apud forum est, minor hic est in us. Jul. Pollox lib. 3. c. 8. *videtur dicere.*
i. e. minor dominus Dominulus etiam dicitur in L. uxoris. 41. §. 4. D. de
legat. 3. in qua non uxor marito subblandiens, sed potius libertus quidam
patroni filio ita legaverat: In lilio Maevio dominulo meo ab heredibus meis
dari volo pteros quinque ex meis. Sic filiafamilias erat domina minor. D.
Augustin. lib. 9. Conf. §. cap. 8. Ancilla enim, cum qua solebat accedere ad
cuppam, litigans cum domina minore, ut fit, sola cum sola, objecit hoc
crimen amarissimâ insultatione, vocans meribulam. Et filiafamilias quo-
que domnula. Salvianus epist. ad Hypatium, & Quietam: Illa ego vestra
Pal'adia, vestra gracula, vestra domnula, cum qua his tot vocabulis indul-
gentissimâ pietate lusisti, quae vobis per varia nomina nunc fuit mater,
nunc avicula, nunc dominus, cum esset unum vocabulum scilicet generis,
aliud infantiae, tertium dignitatis. Uxores non modò à maritis dominae,
aut domnae vocabantur, ut in L. Titia. D. de annuis legat. & apud
Epictet. Enchirid. cap. 62. sed & à parentibus, ut ex hoc Salviani depre-
henditur; atque etiam extraneis, L. pater. 38. §. Julius. D. de legat. 3.
Oppianus lib. 1. *μυρίατα*. i. e. de venatione.

Τὴν μεγάλην μαζὴν φησὶν αὐτὴν δέμας τὴν ἐξ.

Quem magna magno peperit Domna Severo.

Cassiodor. lib. 10. variar. epist. 2. dominam sororem nostram. & postea:
domnae sororis nostrae.

*Qua lege annus petendis tutoribus matri fuerit praefinitus, ad
L. sciant. C. de legitim. heredib. Locus Horatii exponitur.*

C A P U T XXXVII.

MAtres non nisi intra annum liberis tutores petere tenebantur, §.
ult. instit. de Senatusc. Tertyll. secundum leges, ut est in Novella
Theodolii, de tutoribus, meliùs quàm in L. sciant. C. de legitim. heredi-
bus, secundum legem. Secundum leges, hoc est, secundum leges Attiliam,
Joliam, & Titiam, ex quibus pupillis non habentibus tutores Romae,
vel in provinciis petebantur. Tempus anni videtur his legibus fuisse defi-
nitum propter annum luctûs, ne mortuò marito liberi à complexu ma-
trum statim avellerentur, sed interim liberorum haberent custodiam, ef-
sentque illis in solatium, quandiu in domo viduâ trilita signa sustinebant.
Indeque Horatius fortasse debet intelligi lib. 1. epist. 1. v. 21. seq.

--- Ut piger annus

Pupillis, quos dura premit custodia matrum.

Per annum luctûs pupilli erant sub custodia matrum; annò finitò sub
tutela eorum, qui legitimi erant, vel dati tutores. Duram Horatius dicit
matrum custodiam, quae non aliàs dura est, nisi quandiu matres erant
in luctu, lugubria fumebant. L. genero. D. de his, qui nos. infans. à con-

vivus,

viviis, ornamentis, purpurâ, & aliis ablinebant. Paulus lib. 1. *sentent. tit. 23.* quare non mirum est, si per illud tempus pupillis dura matrum custodia videretur; pigerque esset annus ille luctus, quo finito ad tutores ire deberent. Aliud innuit Lucius Senec. *Consolat. ad Martiam, cap. 24.* Pupillus relictus sub tutorum cura usque ad decimum quartum annum fuit sub matris custodia semper: cum haberet suos penates, relinquere tuos noluit: scilicet filium Martiae non modò per annum, verùm semper sub custodia ipsius fuisse etiam post pubertatem: at pupillus apud Horatium ita est sub matris custodia, ut post annum futurus non sit.

Ius, quod necessitas constituit, aut quod firmavit consuetudo, in L. penult. D. de legib. Mores consuetudinem efficiunt, non consuetudo mores.

C A P U T XXXVIII.

Modestinus in *L. pen. D. de legib.* jus gentium, & jus civile completi voluit. Jus, quod necessitas constituit, est jus gentium: nam usu exigente, & humanis necessitatibus gentes humanae jura quaedam sibi constituerunt. §. *jus autem. Instit. de jur. natur.* Non putarem, Modestinum intelligere voluisse Senatusconsulta, aut etiam constitutiones principum, quali haec necessitas constituerit. *L. 2. §. 9. & §. 2. D. de origin. juris:* tum quia id ex Menandro Modestinus videtur exscripsisse, qui de Senatusconsultis, aut constitutionibus principum non potuit cogitare: tum quia Justin. in d. §. *jus autem*, Menandri verbis consonat. Ait Justin. *usu exigente, & humanis necessitatibus.* Menander: *ἢ ἔξ ὑμῶν, ἢ τῆς ἀνάγκης, ἢ τοῦ ὅτι οἱ νόμοι.* i. e. aut lege, aut necessitate, aut tertium consuetudine aliqua. Jus, quod firmavit consuetudo, est jus civile: jus non scriptum, quod fluxit ex interpretatione prudentum ad leges XII. Tab. d. *L. 2. §. 5. D. de orig. jur.* quod jus moribus etiam constitutum dicitur *L. 8. D. de his, qui sui, vel alieni sunt juris. L. 2. D. de vulg. & pupill. substit.* Pupillus secundum regulas civiles pacisci non potest. *L. contra. 28. D. de pactis:* quod est ex more civitatis, *L. more. D. de acq. vel omit. heredit.* Jus civile est interpretatio legis, d. *L. 2. §. 5. D. de orig. jur.* consuetudo optima legum interpres, *L. si de interpretatiene. 37. D. de legib.* Mores autem consuetudinem efficiunt, non verò morem consuetudo. Macrobi. lib. 3. *Saturn. cap. 8.* Varro de moribus, mores esse dicit in judicio animi, quem sequi debeat consuetudo. Servius ex eod. Varrone paulò aliter ad 7. *Aeneid.* Varro vult morem communem consensum omnium simul habitantium, qui inveteratus consuetudinem facit. *Ilidor. lib. 2. Orig. cap. 10. & lib. 5. cap. 3.* Mos autem longa consuetudo est de moribus tracta tantundem; consuetudo autem jus quoddam moribus institutum. Julianus in *L. de quibus. 32. D. de legib.* Inveterata consuetudo est jus, quod dicitur mori-

moribus constitutum. Mores nonnulli ad jus publicum referunt. Sextus Pompejus. Fabius *lib. 12. Infit. cap. 3. morum, ac religionum.* Macrobi. d. *cap. 8. lib. 3. Saturnal.* Juris auctores morem, & consuetudinem sumunt promiscuè. d. L. de quibus. 32. D. de legib. L. quid si. 31. §. quia. D. de Aedilic. editio.

Id, quod difficilius in specie capituli Rainutius. 16. de testament. apud Gregorium, exponitur; quod est de tertiarum deductione.

C A P V T XXXIX.

Iure Longobardorum maritus quartam partem uxori donare poterat per morgengaben in *legib. Longobard. lib. 2. tit. 4. L. 1. Papias in gloss. Morgengabe*, id est, quarta pars in lege Longobardorum. Cum igitur eo jure Longobardorum quarta fuerit, haud immerito quaesitum est, quare in *cap. Rainutius 16. de testam. apud Gregorium*, tutor filiorum Petri quondam mariti Adiectae tertiam deduci peteret ex bonis Rainutii. Verum id quoque ex jure Longobardorum petendum est; nam eo jure: uxor habebat tertiam ex bonis pendente matrimonio quaesitis. In formulis Marculphi *lib. 2. cap. 17. in legibus Ripuariorum tit. 37. Tertiam partem ex omni re, quam simul collaboraverunt.* Capitularium *lib. 4. tit. 9. Tertia collaborationis.* Ideo igitur tutor petebat deduci tertiam: Clarae matris Rainutii ex rebus, quas maritus pater Rainutii constante matrimonio quaesiverat, & tertiam Adelasiae uxoris ex iis rebus, quas Rainutius maritus constante quoque matrimonio quaesiverat. Ideo etiam judex Tuscanensis sententia sua tertias illas deduci praeceperat ex iis rebus, de quibus deduci poterant, secundum Tuscanae consuetudinem civitatis, ut in eod. cap. 16. subjicitur, hoc est secundum jus Longobardorum, non ex omnibus bonis Rainutii, sed ex iis solum rebus, quae pendente matrimonio vel patris Rainutii cum Clara, vel ipsius Rainutii cum Adelasia quaesitae fuerant. Hinc satis patet quam supinus error illorum fuerit, qui tertias illas ex bonis Adiectae restitutioni obnoxias aviae, atque matri deducendas putaverant. Nec movet quod supra d. cap. 16. legitur, *Legitimam ipsam, videlicet ejus partis, quae sibi debebatur ab intestato, deducendam censuit, & etiam tertiam retinendam.* 1^o tertiam deest in optimo M. S. & in antiqua collectione 3. cap. 13. de sentent. & re judicata. Sed & ratio evincit, hoc verbum, *tertiam*, expungendum esse; siquidem Rainutius duas habebat filias, Alterocham, & Adiectam: legitima portio earum in bonis patris Rainutii fuit triens, seu tertia; quare Adiecta, quae cum Alterocha in tertia parte honorum Rainutii concurrebat, pro legitima habere debuit non tertiam, sed dimidiam tertiae, seu duas uncias.

Libe-

Liberorum imaginaria, & vera servitus. Imminutum jus patriae potestatis temporibus Ulpiani. Nihil mutavit Tribonianus L. in suis. D. de liber. & postum.

C A P V T XL.

ERat imaginaria servitus liberorum quoad patrem fiduciarium, cui mancipabantur. *L. 3. D. de cap. minut.* sed filiusfamilias erat quasi servus patri. Dionys. Halicarn. lib. 8. *Origin. τὰ γέματα, καὶ τὰ εἰματα ἔστ' αὐδῶν, ἐν βολῇ, διακρίνει τοὺς πατρῶν ὁμιλῶν*, i. e. de pecuniis; & corporibus filiorum suū arbitrio disponere patribus concessum. Servius ad 12. Aeneid. *Filiisfam. servi loco sunt parenti.* Illi perinde ac servi occidi poterant, *L. in suis. D. de lib. & postum.* Noxae quoque dedebantur, §. ult. *Instit. de noxalib. actionib.* Papin. in *collat. leg. Mosaic. tit. 2. Per liberum hominem noxae deditum si tantum adquisitum sit, quantum damnum dedit, manumittere cogendus est à Praetore, qui noxae deditum accepit; sed fiduciae iudicio non tenetur.* Quod intelligendum est de filiofam. quem is, qui noxae deditum accepit, non tenetur quasi contractū fiduciā remancipare patri, ut jura manumissoris habeat. Filiisfam. ut servi manumittebantur, *L. liberum. 28. D. de adoption. L. filio. §. 2. D. de iustic. testam.* illi ut servi circumducebantur; illis ut servis *pariterque* i. e. *alapae* impingebantur, *L. ult. C. de emancipat. liberor.* Si filius neget, se esse in potestate patris, quasi liberum se esse contendit, eique probatio incumbit, quasi ex possessione servitutis in libertatem se vindicet. *L. cum filius. 8. D. de probationi.* Veruntamen temporibus Ulpiani jus illud patriae potestatis, quod erat vitae & necis, valde imminutum fuit, & jus quoque dominicae potestatis: nec enim pater filium inauditum potuit occidere. *L. 2. D. ad leg. Cornel. de scar.* Ulpianus d. *L. in suis, occidere licebat*, quasi jam non liceret, ubi Tribonianus nihil mutavit. Nec movet, quod à Papiniano in *collat. leg. Mosaic. tit. 4.* quaeritur, *cum patri lex Regia dederit in filium vitae necisque potestatem, quod bonum fuit lege comprehendi*: lege Julia de adulteris scilicet, ut pater filiam in adulterio deprehensam possit occidere. Id enim quaerebatur, non habita ratione illius temporis; sed ejus, quo lex Julia de adulteris ferebatur, vigente tum adhuc patris potestate, ut constat ex *L. 1. D. de leg. Cornelia de paricid.*



EMUNDI MERILLII J.C.

OBSERVATIONUM

LIBER SECUNDUS.

*Testamentum mysticum feminis in usu non fuit. Vestigium illius
juris apud Papinianum necdum deprehensum.*
Plauto lux.

C A P U T I.



TESTAMENTUM in scriptis, seu mysticum feminae facere non poterant. Harmenopul. lib. 5. epitom. tit. 1. §. 32. Attalates in synopsi tit. 32. δια τὴν ἐν τῷ γυναικὶ μυστικῷ διακρίσει, ἢ δι' ἀγράμματος. i. e. ideo mulieres neque mysticè testantur, neque illiterati. Interpres malè vertit; quasi mulieres testamentum absque scriptura facere non possint. Imò in scriptis facere non possunt; sed tantum per nuncupationem, & absque scriptura. Scholiastes Harmenopuli d. §. 32.

id ad vetustum morem refert, quo mulietibus non erat permissum quibus velient tabulis, & chartis subscribere: quem & Plautus attigit in *Asinar.* Act. 4. sc. 1. v. 17. seq. ubi ex legibus, quas parasitus inter Diabolum adolecentem, & amicam conscripserat, hanc refert:

Ne epistola quidem ullà sit in aedibus;

Nec cerata adeò tabula.

Et post, v. 22.

Ne illi sit cera, ubi facere possit literas.

Illius juris vestigium est apud Papinian. lib. 8. Respons. in L. cum pater. 77. §. mando. D. de legat. 2. Mando filiae meae, pro salute sollicitus ipse, ut quoad liberos tollat, testamentum non faciat: ita enim poterit sine periculo vivere. Ex quo loco apparet, mulieres arcanum testamentum facere non potuisse; alioqui si facere potuissent, nulla erat ratio, cur pater

de salute filiae esset sollicitus, curve illa testamentò factò in periculo viveret: sed quia mulieres solummodò per nuncupationem testamentum facere poterant, pater erat sollicitus, ne si ante susceptos liberos filia testamentò palam heredes nuncuparet, sic periculo, & insidiis fieret obnoxia. Non prohibebat omnimodò testamenti factionem, quasi vellet pater fideicommissam hereditatem à filia restitui, ut in *L. qui filium. 74. ad Senatuscons. Trebell. sed obtentu consilii*, ut loquitur Papinian. ne scilicet heredibus nuncupatis votum captandae mortis induceret: quod circa pupillos etiam observabant, ne palam illis substitutos darent. §. *fin autem. Instit. de pupillar. L. Julius. D. ad Senatus. Trebell.*

Emendatur Gellius, & fortè Ulpianus in L. 3. D. de penu legat. Servius Sulpitius Q. Mutium Scaevolam notavit.

C A P U T II.

SEXTUS AELIUS inter juris auctores memoratur in *L. 21 §. post eos. D. de orig. juris*: Deinde *Sextus Aelius*, & frater ejus *Publ. Aelius*, unde emendandus videretur Gell. *lib. 4. cap. 1. Praeterea de penu hoc ascribendum etiam putavi, Ser. Sulpitium in reprehensis Scaevolae capitibus scripsisse, Sejo Aelio placuisse non quae usui tantum, & potui forent, sed tus quoque, & cereos in penu esse. Variant codices in nomine Seji Aelii. Legendum ergo videretur, Sexto Aelio, nisi quod eadem omnino ferre verba retulit Ulpian. ex Sexto Caecilio in L. 3. §. 9: D. de pen. legat. Sextus autem Caecilius etiam tus, & cereos in domesticum usum paratos contineri legatò scribit. Caecilium quidem laudat Gellius *lib. 16. cap. 5. Caecilius Gallus in libro de significatione verborum, quae ad ius civile pertinent, secundo. An non potius, Aelius Gallus, qui libros de significatione verborum scripserat? Sextum Caecilium Africanum ex nostris auctoribus fuisse plerique existimant: quare Sextum Caecilium Servius Sulpitius non referebat apud Gell. d. cap. 1. lib. 4. sed potius Sextum Aelium, qui Servium praecesserat. Quod si ita legendum est apud Gell. Sexto Aelio placuisse, non temerè quis hic quoque legeret in d. L. 3. §. 9. D. de penu legat. Sextus autem Aelius etiam tus, & cereos: quia eadem verba ex eodem auctore Gellius, atque etiam Ulpianus referre videntur, nisi dicamus, idem postea Sexto Caecilio, quod antea Sexto Aelio, placuisse: quod vix esset admitendum. Illud autem ex Gellio, atque Ulpiano simul observandum est, quodd cum Ser. Sulpitius à Q. Mutio objurgatus esset, quasi Juris civilis parum sciens; ea velut contumelia tractatò (ut est apud Pomponium) tantum Juri operam dedit, tantumque profecit, ut ipsum Mutium (quasi suam ulciscens contumeliam) postea notaret. Gellius d. cap. 1. lib. 4. Servium Sulpitium in reprehensis Scaevolae**

lae capitibus scripſiſſe. Ulpianus in eâdem L. 3. §. 6. D. de pen. legat. Q. Mutius ſic definiēbat, ut eorum cibaria contineri putet, qui opus non facerent; ſed materiam praeſtaret Sertio notandi. Et quae Gel- tius, reprehēſa Scaevolae capitâ; Paulus notata Murii. L. Mutius. D. pro ſeciō.

Triumviri nocturni in L. 1. D. de offic. praefect. vigil. Terge-
mini vigilēs Auſonio. Lectio Auſonii defenditur, locum
explicatur. Vigiliae militum eadem,
& clericorum.

C A P U T III.

A Nequaquam D. Auguſtus praefectum, & cohortes vigilum conſtituiſſet, Triumviri nocturni arcendis incendiis praeſtant. L. 1. D. de offic. praef. & vigil. Eos Auſonium in Grypho ternarii numeri v. 25. ſeq. intel- lexiſſe putabam aliquando:

Tergemini vigilēs . . . noctisque per umbram

Siquidem vigilēs caſtrorum non tres, ſed quatuor fuerant. Erant qua- tuor vigiliae militares, & ſingulae tribus horis diſtinctae; ita ut qua- tuor vigiliae duodecim horas noctis completerent: unde Auſonius Triumvi- ros nocturnos, ſeu qui per noctis umbram ad arcenda incendia in urbe excubias facerent, videretur potius intellexiſſe, quàm vigilēs caſtrorum. Faveret Sert. ad 2. Aen. Vigiles non actus nomen eſt, ſed officii; modo enim vigilēs intelligendum, non qui vigilarent, ſed qui ſolebant exercere vigilias. Idque cum protuliſſem, viris doctis non diſplicebat. Verùm, re curatiùs & penitiùs inſpectâ, obſervavi Auſonium quatuor vigilēs caſtrorum in Grypho ternarii retuliſſe, non habitâ ratione ipſorum vigilum, qui erant quatuor; ſed ratione horarum, quibus vigilabant: quia vigilēs non ſingulis ho- ris, ſed tribus horis vigilabant. Hieronymus in cap. 14. Matthaei: Sta- tiones, & vigiliae militares in ternâ horarum ſpatia dividuntur. Vege- tius lib. 3. cap. 8. Et quia impoſſibile videbatur, in ſpeculis per totam no- ctem vigilantes ſingulos permanere, ideo in quatuor partes ad clepsydram ſunt diviſae vigiliae, ut non amplius quàm tribus, horis nocturnis neceſſe ſit vigilare. Ita & Clerici, qui more militari Rationes, & vigilias in eccle- ſiis primitus obſervabant, tribus ſolùm horis vigilabant. Fauſtus Rhegien- ſis Episcopos de Poenitentia. ad Felicem: Ad immolanda orationum ſa- crificia amica ſunt ſuaveſcentibus (lege, ferventibus) nocturna ſilentia, quibus uſque ad horam tertiam lectio moderata procedat; ut exercitium ſpiritale non deſinat deſiderare, & ſemper poſſit augeri. Locum iſtum Auſonii per- quam eruditi interpretes non ſunt aſſequuti; nec feliciter vir ingenioſus

emendabat, qui sibi hunc locum *in *Grypho ternarii* verè gryphum esse ingenuè non disstetur.

--- noctisque per umbrans

Tergeminam vigiles.

Ego nihil mutandum conseo: ex antecedentibus de mente Aufonii satis liquidò conjici potest:

--- Trimestres

Annorum coelique vices, noctisque per umbram

Tergemini vigiles.

Sunt quatuor vices temporum, & tamen ab Aufonio relatae in *Grypho ternarii*, habità ratione trium mensium, quibus constant: sic licet essent quatuor vigiles castrorum, in eodem *Grypho* referuntur, habità ratione trium horarum, quibus vigilabant.

Jurene scriptò, an moribus parentes Romani in liberos potestatem habuerint. Pater lege, alii parentes moribus in liberos jus potestatis habuisse videntur, ad L. 8.

D. de his, qui sui, vel alieni juris sunt.

C A P U T IV.

Quod jus habuerunt parentes in liberos, jurene scriptò constitutum fuerit, an moribus, dubitavit pridem Halicarn. lib. 2. orig. τὴν τοῦ πατρὸς ἐξ ἀρχαίων μὴ ἐκ βασιλέων ἐκδομένην, ἀλλὰ γρηγορομένην, ἀπὸ ἀρχαίων ἐκ τῶν τοῦ πατρὸς ἀρχαίων. I. e. hanc legem antiquitus reges servabant, sive scriptam, sive non scriptam: non enim quid certi habeo dicere. Nec satis videtur de ea re apud auctores nostros constituisse. Papinianus jos potestatis retulit ad legem Regiam, lib. sing. de adult. in collat. leg. Mosaic. tit. 4. Sed cum lex Regia dederit patri potestatem in filium. Ulpian. ad mores, L. 8. D. de his, qui sui, vel alieni juris sunt: quod quidem omnino diversum est; namque aliud est jus legibus, atque aliud jus moribus introductum, L. 8. D. de ritu nupt. hoc non scriptum, illud scriptum: alii curatores legitimi, alii qui dantur moribus. Ulpian. tit. 11. Probabile est forsan, Ulp. in d. L. 8. D. de his, qui sui, vel alieni juris sunt. jus potestatis moribus receptum dicere in ceteris parentibus à patre. ait Ulpianus lib. 26. ad Sabin. Patre furioso liberi nihilominus, qui habent liberos, in potestate sunt: verba sunt Sabin. Subjicit Ulpianus: Idem & in omnibus est parentibus, qui habent liberos in potestate: nam cum jus potestatis moribus sit, receptum, in ceteris videlicet parentibus, à patre jus potestatis moribus receptum fuisse ait Ulpianus. Nam cum lex Regia patri dedisset potestatem in filium,

filium, moribus receptum est, ut non solum pater haberet liberos in potestate, sed & avus, & proavus, & qui parentum appellatione continentur, L. 4. §. 2. D. de in jus vocando, de quibus nihil lex dixerat. Ita potestatem patris, atque avi diversò jure censet lex Pompeja de parricidiis, L. 1. D. ad legem Pomp. de parricidis, & lex Julia de adulteriis, L. patri. 20. D. ad leg. Jul. de adult. M. Seneca lib. 9. contr. 5. *Habet sua jura natura; & hoc inter patrem, & avum interest, quot avo servare licet suos, patri & occidere.* Quasi jus potestatis lex patri tantum, non etiam avo, atque aliis parentibus concessisset: & quidem tunc lex Regia, tum lex XII. Tabul. de patre, non de aliis parentibus concepta. Ulpianus tit. 10. *Si pater filium ter venundavit, filius à patre liber esto.* Præterea nepotes non tantum mancipatione ut filii, sed una mancipatione nexu potestatis avitæ solvebantur. L. 8. D. de injust. rupt. & irrit. fact.

Trebatii quaedam sententiâ apud Horatium relata. Similis ejusdem Trebatii sententiâ ex Arnobio profertur. Uterque illustratur ex L. 21. D. de furtis.

C A P U T V.

IN ea vulgari quaestione, An si quis ex acervo frumenti modium abstulisset, totius rei furtum faciat, vel tantum ejus, quod abstulit; Q. filius putabat, non tantum modium, sed totius acervi furem esse. L. 21. in princ. D. de furtis. In eâ etiam sententiâ Trebatius fuit, qui & hanc rationem attulerat in d. L. 21. *Nam & qui aurem alienius setigit (inquit Trebatius) puta ad antestationem, totum eum videri setigisse; promde & qui dolium aperuit, & inde parum vini abstulit, non tantum ejus, quod abstulit, verum totius videtur fur esse.* Quam Trebatii sententiam Horatius, qui illi aequalis fuit, probat lib. 1. epist. 16. v. 55. seq.

Nam de mille fabae modis cum surripis unum,

Dammum est, non facinus mihi pacto lenius isto.

Ac veluti putabat Trebatius, si parum vini de dolio ablatum esset, totius dolii furtum factum esse; similiter putabat, si quid sacri faciendi causâ de dolio demeretur, totum dolium sacrum fieri. Arnobius lib. 7. *Mañus hoc vino inferio esto.* Inferio, inquit Trebatius, *verbum eâ causâ est additum; eâque ratione profertur, ne vinum omne omnino, quod in cellis, atque apothecis est conditum, ex quibus illud, quod effunditur, promptum est, esse sacrum incipiat, & ex usibus eripiat humanis.* Cum Trebatius interpretaretur pontificales libros, in quibus id scriptum fuisse refert. Servius ad 9. Aeneid. *Et in pontificalibus sacrificantes dicebant Deo, Mañe hoc vino inferio esto.* Non aliqd vinum inferium erat, quam calpar. Sext.

Sext. Pomp. lib. 3. de verb. signif. Calpar vinum novum, quod ex dolio demittitur sacrificii causâ antequam gustetur, & cum hoc statò die vinaliorum fieri deberet, unum id exemplum non malè profertur ex his, quas sine piaculo praeteriri non possunt, & ex qua causâ Praetor diminutionem bonorum permittit. L. 7. §. 3. D. de iure deliberand.

Processus militum, processus advocatorum, processus clericorum.

Ad L. 41. D. de donationib. inter vir. & uxor.

Symmacho lux.

C A P U T V L

Mlites, qui ex gradu in gradum promovebantur, procedere dicebantur. Gloss. vet. *Processit*, & τὴν ἐξ αὐτοῦ ἀνοδοῦν. i. e. in militia processit. Antiqua inscriptio Grut. pag. 393. num. 5: *spo beneficiarius*; & post, *ob spem processus ejus*. Servius in schedis ad lib. 1. Aenid. Cum à Senatu petisset consulatum, & triumphum, nec impetrasset; adversante Cu. Pompejo magno, ejusque amicis, qui Caesaris processibus invidabant. Sic procedebant in singulos gradus militiae, ut in singulos etiam regrediebantur. Hieron. ad Pammachium: Finge, aliquem tribunitiae potestatis sui vitio regredatum per singula militiae equestris officia ad tyronis vocabulum devolutum; nunquid ex tribuno fiet tyro? non, sed ante primicerius, deinde Senator duce-narius, biarchus, circitor, eques, tyro; & quamquam tribunus quondam, miles gregarius, sic tamex ex tribuno non tyro, sed primicerius factus est. Quare ita Licin. Rufinus propriè intelligi potest in L. 41. D. de donation. inter vir. & uxor. Imperator Antoninus constituit, ut ad processus viri uxor ei donare possit. Quasi id primum Antoninus constituit ad processum militiae, quae emebatur; quod deinde alterius dignitatis adipiscendae gratiâ receptum fuerit. L. 40. D. de donat. int. vir. & uxor. Procedebant etiam advocati in militia togata. Symmach. lib. 6. epist. 16. Sancto Lampadio germano tuo & ad spem processus, & ad bonam viam morum, causidicinam credidi profuturam. Ubi observandum est *spem processus* dici in togata militia, ut in armata. Antiqua inscriptio, supra allata, *ob spem processus*. In ea etiam militia pariter, ut in armata, gradus servabantur. Machar. Aegypt. homil. 15. ἡ δὲ στρατὸς ὀφθαλμοί, ὡς καὶ ἡ ἀρχὴ καὶ ἡ ἐξουσία αὐτῆς. ὡς καὶ ἡ στρατὸς ἡ ἀρχὴ καὶ ἡ ἐξουσία αὐτῆς. i. e. deinde ubi fuerit scholasticus, omnium causidicorum est novitius, & ultimus. deinde ubi illic evaserit primus, tum dux evadit; & quando fuerit princeps, adiutorem sibi sumit adfessorem. Sic in militia ecclesiastica clerici procedebant ex ordine, & quod Iustin. statuit Nov. 123. cap. 16. Ut clerici, qui ordinantur, dent unius anni diaria mini-
stris

Aris Episcopi ordinantis, *Id est tunc idiat iniquitas*. Interpretes vetus Authentic. pro sua infirmatione; rectè. Julianus Antecessor vertit pro suo processu.

Consultatio ad relationem, consultatio ad provocationem. Concilia-
tur L. 1. §. 1. D. de appellationib. cum L. 2. Cod. ut
lite pendente, vel post provocationem.

C A P U T VII.

Magistratus de jure dubitantes Imperatorem consulebant. L. verum? §. ex facto. D. de minor. L. 1. Cod. de relation. sed provocari poterat à rescripto principis, quod ad consultationem, sive relationem magistratum lequebatur. L. 1. §. 1. D. de appellationib. ne magistratus arbitrio suo facile rescripta per mendacium elicerent. Constantinus Imper. tandem statuit, ut si iudex cognitio negotii principem consulendum putaret, consultationis exemplum litigatoribus intra decem dies offerret; & litigatores intra alios quinque dies continuos refutatorias preces darent, si relatio minus plena, vel contraria videretur. L. 1. Cod. Theod. de appellationib. Quare post eam constitutionem quaestione rescripto, vel consultatione terminata, nec supplicationi, nec provocationi locus fuit. L. 6. cod. tit. de appellation. in Cod. Theod. Ex qua sumpta est L. 2. ut lite pendente: quae quidem intelligenda est de consultatione, quae fiebat ad relationem, apud consilium principis, dum iudices eum consulerent, & ad eum quaestionem referrent; non verò de consultatione, quae fiebat ad provocationem, ut in L. 32. & 37. C. de appellat. Alia erat consultatio ad relationem iudicum, alia erat consultatio ad provocationem partium. Haec fiebat coram amplissimis magistratibus, atque omnibus Senatoribus, Nov. 62. illa apud consilium principis. Haec ex appellationibus quorundam iudicum, d. L. 32. Cod. de appellation. illa propter dubitationem eorum omnium, qui de jure dubitabant, d. L. 1. D. de appellat. Denique haec fiebat post latam sententiam, in qua expendebantur merita appellationum; illa verò antequam ferretur sententia, & sic d. legem 2. Cod. ut lite pend. debere intelligi satis patet ex d. L. 6. Cod. Theod. de appellation. quae prohibet supplicationem lite pendente, nisi iudex opinionis exemplum denegat, hoc est, consultationis: deinde poenam imponit illi, qui post quaestionem rescripto, vel consultatione terminatam supplicaret.

*Legatum optionis habuit tacitam, non expressam conditionem.
Defenditur vulgata lectio apud Ulpianum tit. de
legat. §. optione.*

C A P U T VIII.

EX eo, quod Justin. in §. *optionis*, *Instit. de legat.* legatum optionis olim habuisse in se conditionem dicit, *et in se* satis innuit, conditionem illam fuisse tacitam, non expressam: & ita quod Theophilus, *apud hunc in l. l. l.*, interpretes rectè vexit, *habet tacitam conditionem*; quasi nihil aliud sit habere conditionem in se, quàm habere tacitam conditionem. Expressa est illa conditio: *Titio, unum ex servis, si optaveris, do lego*. Sed in legato hujusmodi, *Titius quem vult ex servis optato eligito*, inest non expressa, sed tacita conditio; ut Titius optare debeat, ac nisi optaverit, ei legatum non acquiratur, neque ad heredes transmittatur. Non movet, ut expressa conditio legato optionis inesse censeatur, quod legatum optionis purè relicto opponitur. *L. 12. D. de option. vel elect. legat.* nam etiam si tacita illa conditio non minus rectè opponitur legato purè relicto, quod nullam habet conditionem, nec ex est ratio differentiae inter legatum generaliter, & legatum optionis, scilicet ut transmitteretur legatum generaliter, quia in eo erat tacita conditio; legatum verò optionis non transmitteretur, quia in eo erat expressa conditio: imo potius ea ratio, quod in legato optionis expressa sit optio, quae tacitam conditionem facit; in legato generaliter tacita sit optio: puta, legato homine generaliter, potest legatarius eligere, dummodò optimum non eligat, *L. legato. 37. D. de legat. 1.* sed tacitè, non expressè in legato generaliter optio continetur, quae conditionem non facit. In conditionibus expressa nocent, non expressa non nocent, *L. nonnumquam, D. de condit. & demonstrat.* expressa optio in legato optionis nocet legatario, ut legatum non transmittat; non expressa optio in legato generaliter, non nocet legatario, atque ita legatum transmittit. Aliud est dicere in legato generaliter esse conditionem tacitam, quod falsum est; aliud, inest optionem tacitam, quod verum est. Atque haec ita subtilius distinguì possunt: legatum optionis habet expressam optionem, sed tacitam conditionem; legatum generaliter habet tacitam optionem, sed non tacitam conditionem. Expressa optio, quae inest legato optionis, facit tacitam conditionem; tacita optio, quae inest legato generaliter, non facit ullam conditionem. Ceterum apud Ulpianum *lib. sing. reg. tit. de legat. §. optione*, his verbis: *Idem est & si tacitè legaverim*. discretim legari tacitè optio dicitur, vel quando generaliter legatum relicto est; vel quando etiam sub alternatione relinquitur, quia tunc legatarii electio est, si per vindicationem legatum relicto sit: nihilque prorsus mutandum in *d. §. optione*, sed ita interpungendum: *optione autem legati per vindicationem*

nem data, legatarii electio est, veluti, hominem optato, eligito. Idemque est & si tacite legaverim. Id vult Ulpianus, siue legatum optionis expressè relictum sit, siue tacite, ut in legato generaliter, & legato sub alternatione, legatarii electionem esse, quando per vindicationem relictum est. Et quod sequitur, Titio hominem, aut decem heres meus dato; hominem dare heredis electio est, Intelligendum est de legato sub alternatione per damnationem relicto. Denique Ulpianus attingit legata, in quibus est optio. Primum quando expressè legata est, veluti (optato, eligito.) Secundum quando tacite legata est, veluti homine legato generaliter. Tertium quando sub alternatione legata est; quod tertium genus quia tacitam, non expressam habet optionem, ad heredes transmittitur. *L. illud. D. de option. vel elect. legat. & L. 3. §. 1. C. comm. de legat.* ut transmittitur quando legatum generaliter relictum est. *L. nec semel. §. penult. D. quando dies leg. vel fideic. ced.* Legatum quidem per vindicationem nondum agnitum ad heredes transmittebatur. *Paul. lib. 3. sent. tit. 6.* Sed tamen optione per vindicationem relicta propter conditionem tacitam, quae legato optionis inerat, non transmittebatur, cum legatarius non optasset.

Latina libertas data post constitutionem Justiniani; directâ libertas, retento obsequio manumissi.

CAPUT IX.

QUI dominus erat pleno jure, manumittendo servum, vel civem Romanum facere poterat, *L. 2. C. de action. empt. vel Latinum*, ut Latina tantum libertas illi competere. Justinianus unam, eandemque omnibus libertatem competere voluit, etsi dominus manumittendo servum expresserit, ut Latinus, non civis Romanus fieret. *L. unica. §. illo. C. de Lat. libert. toll.* Post illam tamen Justiniani constitutionem sic quidam servi manumittebantur, ut à dominis in servitutem possent retrahi. *Can. 5. 54. distinct.* Illi igitur Latinam solum habebant libertatem, non Romanam; nam qui Latini erant, & non vindictâ manumissi, veluti vinculo servitutis attinebantur, ut notum ex Tacito. Julia verò libertas, & Romana non facillè revocari poterat. Hoc cum in *d. Can. 5.* relatum sit ex Concilio Toletan. 4. *cap. 72.* ex jure Gothorum fuisse putandum est, qui in plurimis leges Romanas non observabant: idque in ipsis etiam legibus Wisigothorum extat *lib. 5. tit. 7. L. 9.* Atque ita per eandem libertatis scripturam defunctis, ut in tempore conditae scripturae liber ipsi, qui est manumissus, permaneat, nihil sibi in eo conditionis reservans, hujusmodi libertatem revocari non liceat. Hi in quibus aliquid conditionis reservatur, *d. L. 9.* sunt retento obsequio manumissi, in Concilio Toletano. Ubi etiam videntur parum intellexisse, quid esset directâ libertas. Nam ea est dire-

Ha libertas, quae directis verbis testamentò relinquitur, §. *ultim. institut. de singul. reb. per fideicommiss. reliq.* ad differentiam fideicommissariae libertatis, quae precariis verbis ab herede relinquitur. L. 28. D. *si quis omiff. caus. testam.* L. 16. §. 13. D. *ad Senatuscons. Trebell.* In Concilio Toletano directà libertas dicitur, quae inter vivos data fuerit, non quae testamentò.

Athenienses à Romanis leges vicissim acceperunt. Pomponius, Symmachus, & Cassiodorus illustantur.

C A P U T X

NON tantùm ex legibus Atheniensem, moribusve Lacedaemoniorum Romani suas leges condiderunt, sed ex aliarum etiam civitatum legibus. Gell. lib. 20. cap. 1. *Inquisitis, exploratisque multarum urbium legibus.* Tacit. lib. 3. *Annal.* 27. *Accitis, quae usquam egregia, composita XII. Tabulae.* Pomponius solùm ex Graecis civitatibus, L. 2. §. 4. D. *de orig. jur.* Ita enim leges constitui debebant ex variis populorum institutis, moribusque. Aristot. lib. 1. *Rhetoric. ad Theodect.* cap. 4. *ἐπεὶ οὐ τὰ ῥαδιὰ ἀλλὰ καὶ τὰ πρὸς τὸν νόμον ἔστιν ἀποδεικνύειν, ὅτι καὶ τὰς ἑλλήνων, καὶ τὰς Ῥωμαίων, καὶ τὰς ἄλλων ἐστὶν ἡμετέρας τὰς νόμους.* In eorum ferendarum scientiae terrarum peregrinationes sunt utiles, exinde enim gentium instituta, legesque licet cognoscere. At cùm Romani ab Atheniensibus olim leges accepissent, vicissim Athenienses à Romanis multò post leges suas receperunt. Cassiodorus in *Chronico: His Cons. Atheniensibus leges petentibus Adrianus ex Draconis, reliquorumque libris iura composuit.* Cum scilicet leges suas per desuetudinem ignorassent. Gellius, qui temporibus Adriani vixit, eò sanè respiciebat lib. 16. cap. 13. *Obscura, oblitterataque sunt municipiorum iura, quibus uti iam per ignorantiam non queunt.* Atque ex his Symmachus illustrari potest lib. 3. *epist.* 11. *Arma à Samnitibus, insignia à Thuscis, leges de Iare. Lycurgi & Solonis sumptjeramus. Tunc nobis post haec addidit labor peregrina monumenta, quae iam sui ne sciunt.* Nunc verò Civitas nostra populorum omnium parens facta est, docere potest singulos antiquitates suorum.

Hereditas sub cretione relicta, post repudiationem nihilominus intra dies cretionis adiri potuit: ex quo interpretatio
L. 2. §. ult. D. de suis, & legitim.

CAPUT XI.

QUAESITUM est anxie, cur in *L. 2. §. ult. D. de suis, & legitim.* herede instituto repudiante hereditatem, heres legitimus admittatur cum onere fideicommissi; cum ibi neque nominatum, neque generaliter fideicommissum ab herede instituto relictum proponatur; & fideicommissum interdicat ab herede instituto relictum, si non adeatur hereditas. Sed dicendum est in specie d. *L. 2.* heredem sub cretione fuisse institutum: quod & verba illa satis indicant; *Finge, eum supervivisse centum diebus, (verbi gratia) & interim proximum decessisse*; erant enim dies cretionis continuæ centum. *Verbi gratia*, insertum videtur & in *L. capitis. D. unde cognati*: quod sublatâ cretione aliud tempus, tum adeundæ hereditati, tum petendæ bonorum possessioni Justinianus præstitisset. *L. ult. C. de jure delib.* Finge igitur ad *L. 2.* Heres cum cretione continua fuerat institutus, ut hereditatem intra centum dies cerneret, & ab eo fideicommissum erat relictum Titio. Heres intra dies cretionis hereditatem repudiavit, ac postea intra dies eisdem cretionis, agnatus, qui erat proximus tempore repudiatæ hereditatis, moxque etiam heres institutus decessit: bellè quaeri posse ait Ulpianus utrûm legitimus heres ad successionem admittatur, qui fuerit proximus tempore hereditatis repudiatæ, vel qui fuerit proximus tempore mortis heredis instituti. Et quaerendi ratio hæc fuit, quia licet repudiata hereditas postea adiri non posset, *L. 4. C. de repud. vel abst. hered.* tamen adiri potuit, quando heres cum cretione fuerat institutus. *Ulp. lib. sing. reg. tit. 22.* Cum cretione verò heres institutus finit cernendo fit heres, ita non aliter excluditur, quàm si intra diem cretionis non creverit; ideoque etiam si constituerit, nolle se heredem esse, tamen si supersint dies cretionis, poenitentia actus cernendo heres fieri potest. Non ergo statim, atque heres institutus sub cretione hereditatem repudiaverit, legitimo heredi defertur hereditas, sed tunc solum, cum dies cretionis elapsi fuerint: nec prius defertur, quàm certum est ex testamento adiri non posse. *L. in plurimum. D. de acquir. vel omit. hered. L. quandiu. 89. D. de reg. jur.* Quia igitur in d. *L. 2.* heres institutus sub cretione repudiaverit hereditatem, & tamen intra diem cretionis adire poterat; ex eo quaerebatur, an proximo defertur hereditas, qui erat proximus tempore repudiatæ hereditatis, vel tempore mortis heredis. Ulpianus putavit, posteriorem admitti cum onere fideicommissi: hoc est, eum, qui fuerat proximus tempore mortis, non repudiatæ hereditatis: & quidem cum onere fideicommissi, quia cum sub cretione heres fuisset institutus, post repudiationem intra dies cretionis, qui supererant, cogi poterat à Titio fideicom-

missario, ut hereditatem cerneret. Hac ratione transit onus fideicommissi ad heredem legitimum: disertim Ulpianus, *Cum nihilominus compelli potuit adire hereditatem, & restituere*. Non putarem, transire onus fideicommissi ad legitimum heredem, quia heres institutus repudiaret in fraudem fideicommissarii: id quidem expressum est in *L. 4. C. ad Senatuse. Trebell.* non in *d. L. 2.* nec quia repudiat heres institutus sibi delatam hereditatem ex testamento, statim in fraudem fideicommissarii repudiare intelligitur. Sed quia suspectam alias hereditatem habeat; repudiatio sola non facit, ut transeat hereditas ad coheredem, vel legitimum heredem cum onere fideicommissi: sed ita demum si repudiatio facta sit in fraudem fideicommissarii, ut in *d. L. 4. C. ad Senatuse. Trebell.* Praeterea longe dispar est ratio coheredis, atque heredis legitimi: Nam coheres ex tacita voluntate testatoris admittitur jure accrescendi; legitimo heredi non iudicio testatoris, sed lege defertur hereditas. Coheres est quasi tacite substitutus in portionem deficientis, vel repudiantis coheredis: ideo semper tacite ab eo fideicommissum relictum intelligitur, quasi à substituto, post rescriptum D. Severi. *L. si Titio. 61. D. de legat. 2.* coheres coheredi suo est quasi substitutus, non modò cum repudiaverit portionem, sed & cum ante repudiationem defecerit: utroque igitur casu consequitur portionem, vel repudiantis, vel deficientis: nec propter repudiationem solum transit onus fideicommissi ad coheredem. Non negaverim, eandem esse rationem coheredis, atque heredis legitimi, ut ad utrumque transeat onus fideicommissi, quando in fraudem fideicommissarii repudiata est hereditas: at in *d. L. 2.* repudiata hereditas fuisse proponitur, sed non in fraudem fideicommissarii. Minus etiam probarem heredem institutum, qui repudiaret ex rescripto D. Pii, quandiu vixit, cogi potuisse à fideicommissario, ut adiret hereditatem; quia heres institutus sub cretione, solum intra dies cretionis hereditatem adire poterat: praeteritis diebus cretionis postea hereditatem adire non poterat, maxime cum perfecta erat cretio (*nisi creveris, exheres esto*) siquidem sine cretione heres institutus repudiasset hereditatem, non negarem cogi potuisse: post repudiationem sub cretione institutus centum diebus praeteritis cogi non potuit. Aliud erat repudiare, aliud non cernere: qui repudiat, sponte excluditur; qui non cernit, non modò sponte (si perfecta est cretio) sed etiam iudicio testatoris, atque ipso tempore excluditur. Quare Ulpianus in *d. L. 2.* fingit, heredem institutum, & rogatum hereditatem restituere, post repudiationem centum diebus supervixisse, intraque illos decessisse; hoc est, intra dies cretionis, quibus institutus cogi potuit à fideicommissario, ut hereditatem cerneret; & quia cogi poterat, legitimus heres admittitur cum onere fideicommissi.

*Lupanaria in honestiorum virorum praediis. Meretrices,
honestioris loci Non. Marcello. Ad L. Ancillarum,
D. de hered. petit.*

C A P U T XII.

SI ARBITER sumptus litigantes in locum inhonestum adesse jussent, puta in popinam, vel lupanarium, impunè ei non parebitur. *L. quid tamen. §. 2. D. de recept.* Ulpianus igitur & popinam, & lupanarium inhonestà loca existimat. Macarius *homil. 12. uas luxuriae non regnum regis ubi domus atque luxuria plura non sunt.* i. e. diversoria, ac lupanaria, & loca, ubi incontinentia exercetur, & luxuria. Et tamen idem Ulpianus in *L. ancillarum. D. de hered. petit.* in multorum honestorum virorum praediis lupanaria exercentur. Ancillas habebant meretrices, ex quibus quaestum faciebant. Quod & colligi potest ex *L. 38. D. de oper. libert.* Nec enim si meretrix manumissa fuerit, easdem operas patrono praestare debes, quamvis adhuc corpore quæstum faciat. Ita Heliogabalus domi habebat lupanarias: non tamen fortè, ut ex iis quaestum faceret, sed ut libidini suorum subserviret. Lampridius: *Lupanaria domi amicis, clientibus, & servis exhibuit.* Illae igitur meretrices, quæ erant in honestorum virorum praediis, erant meretrices honestioris loci, & quaestus. Non. Marcellus *de differentiis. verb. Inter meretricem, & prostibulum hoc interest. Meretrix honestioris loci est, & quaestus: nam meretrices à merendo dictæ sunt, quod copiam sui tantummodò noctui facerent.* Prostibula, quod ante stabulum stent, quaestus diurni, ac nocturni causâ. Locus honestior, si non sit stabulum, si non sit locus publicus. Porphyrio ad illud Horat. *lib. 2. Carm. Ode 11. v. 21. seq.*

Quis devium sortum eliciet dono

Lyden?

Bellè devium sortum Lyden ait, quæ corpore quidem quaestum faciat, sed non publicè; devium est enim à via remotum. Quaestus honestior meretricis, si non sit diurnus, sed nocturnus, ut Nonius: vel ille fortasse honestior quaestus, si major fuerit. Pacuvius apud Falsgentium in *exposit. sermon. antiq.* Meretrices diobolæ, quo suam nummi causâ parvi pendunt gratiam. Lucilius *lib. 9. Satyr. apud Non. de numer. & casib. ut rectè viri domi emendarunt.*

Si nihil ad faciem solam lupa, prostibulumque,

Nummi opus, atque assis.

Quaestum illum meretrices non turpiter accipiebant. Ulpianus in *L. 4. §. 3. D. de condi. ob turp. vel injus. causam:* Illam enim turpiter facere, quod sit meretrix; non turpiter accipere, cum sit meretrix. Donatus ad Terent. *Eunuch. Act. 1. Sc. 2. v. 29.*

Puellam dono quidam mercator dedit.

Propter hoc ostendit meretricem fuisse matrem, & dono ideo puellam accipere potuisse.

In permutatione dominium transferri necesse non est, ut nec in venditione.

C A P U T XIII.

QUIDAM hanc differentiam inter emptionem, & permutationem constituunt, quod in emptione dominium rei venditae transferri necesse non sit, sed in permutatione res fieri debeat recipientis: male id probatur, quod res aliena vendi possit. *L. rem alienam. D. de contrab. empt. ex* se autem aliena non contrahatur permutatio. *L. 1. §. 3. D. de rerum permutat.* nam quod Paedius ait, *rem alienam dansem non contrahere permutationem*; hoc ita intelligendum est, ut is, qui rem alienam dederit permutationis causâ, ex parte sua non contrahat permutationem; nec possit agere, ut sibi res alia tradatur, vel quam interest rem sibi aliam non fuisse traditam: tantum verò possit rem datam condicere. At verò si quis propriam rem dederit, & alienam acceperit, ex parte illius contrahitur permutatio; ut si aliena res sibi data evincatur, possit agere praescriptis verbis, quanti interest rem alienam sibi datam esse. *d. L. 1. §. 1. D. de rer. permut. L. 29. C. de evictioib.* nec melius id probatur ex *L. scribit. D. de aur. & argent. legat.* ubi quidem dominium in permutatione transfertur, quia dominus proprium aurum dederat aurifici, ut ex alio auro opus sibi faceret. In permutatione dominium transfertur, si dominus rem propriam dederit, veluti in venditione dominium transfertur ab eo, qui dominus est. *L. 11. §. 1. D. de act. empti. L. traditio. D. de acq. rer. dom.* sed quemadmodum in venditione transferre necesse non est, aut rem fieri accipientis; ita nec in permutatione. Denique eam sententiam non juvat *Lex ult. D. de condit. caus. dat.* quia in specie hujus legis non fuit permutatio, sed aliud genus contractus innominati, ut mox videbitur: contra verò fortius defenditur, in permutatione dominium transferri non debere: quia origo emendi, vendendique à permutationibus coepit. *L. 1. D. de contrab. empt. & permutatio sit vicina emptioni. L. 2. D. de rer. permut.* Veluti igitur in emptione dominium transferri necesse non est, *d. L. si ita. D. de contrab. empt. & d. L. 11. D. de act. empti.* ita nec in permutatione. Haec autem ratio ineluctabilis est: in permutatione discerni non potest merx, & pretium; utrumque, quod permutatur, est merx. *d. L. 1. D. de contrab. empt.* At cum utrumque est merx, nullus tenetur rem facere accipientis. *d. L. 1. in princip. D. de rer. permut. & ita dominium transferre necesse non est.*

Ad L. ult. D. de condition. causâ datâ, causâ non sequutâ.

C A P U T XIV.

CUM in specie legis ult. *D. de condition. causâ datâ*, Stichus dari deberet, hoc est, accipientis fieri; satis patet, non fuisse emptionem, quod (ut jam satis probatum est) in permutatione, neque in emptione res debeat fieri accipientis. Finge: dederat Titius pecuniam Maevio, ut Maevius Stichum daret, hoc est, dominium Stichi in Titium transferret: disserim ait Celsus, id genus contractûs non esse proportionis emptionis, id est, non esse emptionem, aut emptionis speciem, seu permutationem, quae est species, & portio emptionis. Id tribus rationibus ille probat. Primum, quod licet Stichus mortuus sit ante traditionem, non pereat Titio, cui dari debuit, imò possit pecuniam Titius condicere, quam Maevio dedit, ut sibi Stichum daret: quod secus est in venditione; namque illa perfecta, periculum est emptoris, cui res tradi debet. §. cum autem. Infit. de empr. & vendit. L. 8. D. de peric. & commod. l. ult. C. eod. Secus est etiam in permutatione, nam cum ab altera parte res tradita in initium permutationis dederit; res, quae contra dari debet, periculo est illius, cui tradi debet. Finge: si Titius scyphos dederit Maevio, ut Maevius Stichum daret; contractâ sic permutatione Stichus periculo est Titii, cui dari debet. L. naturalis. §. 1. D. de praescript. verb. quia in d. L. ult. D. de condic. causa dat. non fuit permutatio, sed aliud genus contractûs, ideo Stichus non perit Titio, cui dari debuit. Secundò, Celsus ita probat, id genus contractûs non esse emptionem, emptionisve speciem; quia si Stichus, quem Maevius Titio dedit, alienus fuit, etiam antequam evincatur, possit Titius pecuniam, quam dedit Maevio, condicere: quod secus est in emptione; non enim prius agi potest adversus emptorem evictionis nomine, quam cum res evicta fuerit. L. 3. C. de evict. Secus est etiam in permutatione; nam si rem alienam permutationis causâ acceperim, non prius agere potero praescriptis verbis actione, quam si evincatur. L. 1. §. 1. D. de rer. permut. L. si permutationis. C. de evictionib. Tertia ratio est, quod si Maevius proprium dederit Stichum Titio, & cavere nolit Maevius de evictione, eo casu possit Titius pecuniam datam condicere: quod secus est in emptione, ut non cavente venditore de evictione, pretium ab eo repetatur. Si emptor quidem evictionem timeat, & pretium nondum solverit, non tenetur solvere. L. 1. §. ult. D. de peric. & commod. sed pretium solum non potest repetere. Secus est etiam in permutatione; nam si Titius rem suam dederit Maevio, atque aliam à Maevio acceperit; & si Maevius de evictione cavere nolit, ideo non poterit Maevius rem datam condicere; sed tunc solum, cum evicta fuerit, agere praescriptis verbis. d. L. 1. §. 1. D. de rer. permutat. aut si malit, rem datam condicere. d. L. naturalis. §. 1. D. de praescript. verbis.

Quae-

Quaedam jurisdictio sine imperio. Coercitio non est mixti imperii. Ad L. ult. D. de offic. ejus, cui mandata est jurisdict.

C A P U T X V.

VULGO omnibus ferè persuasum fuit ex *L. ult. D. de offic. ejus; cui mand. est jurisd.* nullam esse jurisdictionem sine imperio, & modicam coercionem esse mixti imperii; utrumque falsum. Nam longe est alia Pauli sententia, quam ut velit, nullam esse jurisdictionem, quae non sit cum imperio, vel omnem jurisdictionem esse cum imperio. Si praetor, qui habet imperium mixtum, jure sui magistratus mandaverit jurisdictionem suam privato, seu ei, qui non est magistratus, ait Paulus, eam jurisdictionem, quam magistratus privato mandaverit, nullam esse, id est, nullius momenti, nisi transeat imperium, quod jurisdictioni cohaeret. Eodem loquendi modo Paulus utitur in *L. si quis postquam. D. de fidejussor.* ex iisdem libris Pauli ad *Plautium: Erroris fidejussio nulla est*: ubi non hoc vult Paulus, omnem fidejussionem sine errore fieri, sed eam fidejussionem, quae fiat per errorem, nullius esse momenti. Ita in *d. L. ult.* non ait, omnem jurisdictionem esse cum imperio, aut modicam coercionem; sed eam tantum, quae privato à magistro mandaretur, nullam esse, id est, nullius momenti, si non transeat imperium magistratus cum mandata jurisdictione. Innocent. III. in *cap. pastoralis*, in *princ. de offic. & potest. judic. delegat.* eam interpretationem attigit: *Jurisdictio illa nullius videretur momenti, si coercionem aliquam non haberet.* Alterum; quod colligunt ex *d. L. ult.* coercionem esse imperii mixti, aequè falsum est: in quo ipse olim errore versabar, quando praeproperus juvenilis aetatis calor primis docendi tyrociniis quaedam ad *L. imperium. D. de jurisd.* Cadurci ab hinc quatuordecim & amplius annis effundebat. Nam magistratus municipales habent coercionem. Hygenus lib. *de limitib. constit.* Sed & haec meminerimus in legibus saepe inveniri, cum ager est centuriatus ex alieno territorio, paratusque, ut assignaretur inscriptioni; Quos agros, quaeve loca, quaeve aedificia, intra fines puta illos, & intra flumen illud, intra viam illam dederò, observaverò, in eis agris jurisdictio coercionisque esto coloniae illius, cujus civibus agri assignabantur. Ibi loquitur de magistratibus municipalibus, quorum est territorium. *L. ult. D. de jurisd.* *L. pupillus. §. territorium. D. de verb. sign.* Habent igitur magistratus municipales coercionem; & tamen sunt sine imperio, utpote minores magistratus. *L. nec magistratus. D. de injur.* nec quidquam facere possunt ex iis, quae sunt imperii. *L. 4. D. de jurisd.* *L. ea quae. D. ad municipal.* Siquidem magistratus, qui habent imperium, ut Praetor, coercent, coercitio erit imperii; si magistratus sit sine imperio, ut magistratus municipalis, coercitio non erit imperii.

Modicum tempus decem dierum, triginta dierum, duorum mensium. Laxamentum.

C A P U T XVI.

MODICUM tempus aliquando est decem dierum, *L. praemissor. D. de censuris. pec. Eustathius lib. de praescript. cap. de praescript. decem dierum.* D. Augustinus lib. 11. Confess. cap. 15. Breve autem praeteritum, sicut puta dicimus, ante decem dies: & breve futurum, post decem dies. Quod tempus fortè intelligendum est in *L. quid tamen. §. ult. D. de recept. arbitr. ix. esse quoddam modicum tempus, quod ubi praeterierit, statim poena pati possit.* Puta modicum tempus dierum decem: & in *L. trajectus. D. de obligat. & actionib.* Aliquando modicum tempus est 30. dierum, *L. 1. §. 2. D. de itiner. actuque privato, qui erant iusti dies iudicati faciendi ex XII. Tab.* At cum ex constitutionibus tempus duorum mensium post condemnationem reis indultum fuisset, modicum tempus etiam fuit duorum mensium, *L. 3. §. ult. C. de usur. rei iudicat.* quo tempore elapso poterant debitores exigi, eorum pignora capi, & intra alios duos menses distrahi. *L. debitoribus. D. de re iudic.* Hoc tempus duorum mensium dicitur laxamentum. *L. 7. §. 11. D. de administr. & pericul. tut. d. L. ult. C. de usur. rei iudicat. Nov. Justinian. 72. cap. 6. Ammianus Marcellinus lib. 16. Universa sine laxamento soluta compelli.*

Mendum tollitur apud Ulpianum lib. singul. Regular. tit. 22.

C A P U T XVII.

ULPIANUS lib. sing. Regular. tit. 22. Pro herede gerit, qui rebus hereditariis tanquam dominus usitur; veluti qui actionem rerum hereditarium facit, aut servis hereditariis cibaria mandat. Vulgò legitur actionem: quidam legunt auctionem rerum hereditarium. Et fortèan defendi potest ex *L. pro herede §. 1. D. de acq. vel omitt. hered.* sed tunc minùs dubium esset, eum pro herede gerere, qui auctionem rerum hereditarium faceret, easque distraheret. Legendum potiùs videtur, qui actionem rerum hereditarium facit. Satis est, ut quis pro herede gerat, eum rebus hereditariis tanquam dominum uti: quod fit, si aut actionem rerum hereditarium faciat, aut servis hereditariis cibaria mandet. Omnino ita legendum suadet Paulus lib. 4. sent. tit. 8. Pro herede gerere, est designatione futuri domini aliquid in hereditariis rebus usurpare: & ideo pro herede gerere videtur, qui fundorum hereditarium culturas, rationesque disponit, & qui servis hereditariis, inmentis, rebusque alijs utitur. Fundorum hereditarium.

Pozl

H

redi.

Quò referenda sit Lex Non debet. 41. D. de regulis juris.

C A P U T XIX:

SUMPTA est Lex 41. D. de regul. jur. ex Ulpiani lib. 26. ad edict. quam si, qui penfiori studio ad regulas juris fcripferunt, referendam putant ad L. 24. in §. 7. & 8. de jurejur. ut quemadmodum licet aëtori deferre jusjurandum, & concipere formulam jusjurandi; ita & reo jusjurandum referre liceat. Verùm ex eo tantùm colligitur, id reo licere, quod aëtori licet, non quod in d. L. 41. traditur, aëtori non licere, quod reo non permittitur. Itaque multò concinnius jungenda videtur cum L. *solemus. D. de judiciis*, ex eod. lib. 26. Ulp. ad edictum, in qua exceptio est istius regulæ. Finge, Aëtozem intentionem ambiguam proposuisse: eam interpretari potest, prout sibi utilius fuerit. L. *si quis. 66. D. eod. tit. de judic.* vel cum duo Stichii deberentur, unus ex testamento, alter ex stipulatu, Stichum petutum fuisse non adjectâ causâ, ex qua peteretur: si aëtor de uno, reus de alio sensisse dicat, aëtori potius credendum est, quàm reo. L. *inter. §. 1. D. de verb. obligat.* ubi Paulus contrariam sententiam Aristonis retulit, qui fuit Sabinianus; Ulpianus Celsi, in d. L. *solemus. D. de judiciis*, qui fuit diversæ scholæ: atque ita licet aëtori, quod reo non permittitur. Id, quod sequitur in ead. L. 41. non male referas vel ad L. 3. §. *si liber. D. de condi. caus. dat.* vel ad L. 1. & 26. §. 2. D. de condi. indeb. ex eod. lib. 26. Ulpiani ad edictum.

Pensiones, fructus. Differentia inter venditionem privatorum, & additionem fisci. Conciliatur L. Julianus. §. 11. D. de actionib. empt. cum L. ult. D. de jure fisci.

C A P U T XX.

PENSIONES rusticorum, ac urbanorum prædiorum, vicem fructuum obtinent in petitione hereditatis. L. *mercedes. D. de heredit. petit.* in edicto de rebus aut. judic. possid. ad quod referenda est Lex prædiorum. D. de usuris, & jungenda cum L. 8. §. 1. D. de rebus aut. judic. possid. ex eod. lib. 61. Ulpian. ad edictum. Sed quandoque alia est ratio pensionis, alia fructuum: nam fructus post venditionem prædiorum percepti ad emptorem pertinent. L. 4. in fin. L. *videamus. §. ex causa. D. de usur. L. 13. C. de act. empt.* Sed si locatum prædium, deinde venditum fuerit, pensiones tam rustici, quàm urbani prædii, post venditionem cedent ei, qui locaverat, id est venditori, nisi quid nominatim convenisse ponatur.

L. Julianus. §. si in locatis. D. eod. tit. de act. empti. Vulgò adverbium existimant decretum Imperatoris in *L. ult. in fine. D. de jur. fise.* Ubi voluit Imperator, pensiones, quarum dies post additionem praediorum venisset, cedere in commodum emptoris, cui praedia addita fuerant. Non observant differentiam inter privatum, qui vendit; & fiscum, qui addicit praedia jam aliis locata. Si privatus vendiderit, emptor non tenetur stare colono; sed potest colonum, vel conductorem expellere. *L. arbores. D. de usufr. & quemad. L. emptorem. C. de locat. & conduct.* Quia igitur emptor post venditionem ipse frui potest, & fructus, si qui sunt in fundo, percipere; ideo pensiones post venditionem cedentes ad eum pertinent, qui locaverat, cui colonus tenetur, non emptori: at cum fiscus praedia jam locata addidisset in *d. L. ult. D. de iure fisci*, Papinianus, & Messius novam sententiam induxerunt, ut colonus fruere, emptor vero à colonio pensionem acciperet; ne si per emptorem colono uti frui non liceret, fiscus colonum actione ex conducto teneretur: eamque sententiam Papinianus, & Messius hoc colore videntur induxisse, quòd quemadmodum privati hanc legem plerumque dicebant contractui venditionis, ut emptor colonum uti frui pateretur, *L. Julianus. §. penult. D. de act. empti. L. si merces. §. 1. D. locati. d. L. emptorem. D. de locat. & conduct.* ea conventio in additione praediorum à fisco facta intelligi debeat, perinde ac si hoc ipsum in addicendo convenisset. Quòd ergo emptor praediis sibi à fisco additis frui non possit, sed stare colonò debeat, qui antea locaverat; ideo pensiones post additionem praediorum emptori cedunt, quae non cedunt emptori post venditionem, si privatus vendiderit.

*Argumentum Pauli ex lege Aelia Sentia in L. qui filium.
§. 1. D. ad Senatufc. Trebellian.*

C A P U T XXI.

CUM fideicommissum relictum esset filio, si ad annum vicessimum pervenisset, putabat Paulus, fideicommissum filio deberi, si vicessimum annum attingisset, licet necdum complevisset, inque suam sententiam argumentum ex lege Aelia Sentia proferebat, *L. qui filium. §. 1. D. ad Senatufc. Trebell.* An quia lex Aelia Sentia vetabat, minorem viginti annis manumittere; & tamen die supremo anni vicessimi poterat manumittere, quasi annum vicessimum compleisset? *L. 1. D. de manumissionibus.* Verum tunc non annus coeptus, sed dies ultimus pro completo est. Videtur potius id argumentum Paulus ex lege Aelia protulisse; quia vetabat lex Aelia Sentia, servum minorem triginta annis manumitti. Ulpianus *lib. sing. reg. tit. 1. & 3.* unde ita plerumque libertas relinquebatur, cum servus triginta annorum esset, vel ad triginta annos perveniret: sed favore liber-

libertatis sufficiebat, servum tricesimum annum attingisse, non etiam com-
plevisse, ut ex testamento liber esset, vel ut vindicta rectè inter vivos
manumitteretur. Nam & aliàs favore libertatis annus coeptus pro ple-
no habetur. *L. si ita fuerit. D. de manumiss. testam. Qui duodecimò annò
liber esse iubetur, omnibus anni diebus liber esse iussus est: duodecimus an-
nus est, cum quantumlibet ex duodecimo anno venisset, aut praeterisset.*
Sententiam Pauli probavit Imperator in d. *L. qui filius*: quamvis contra
iam Aurelius Antoninus decrevisset, *L. non putabam. D. de condit. & de-
monstrat.* Nec enim novum est, circa eandem rem constitutiones Princi-
pum variasse, ut Justin. ipse retulit in *L. cum quidam. C. de verb. signific.*

*Quaenam actio permissa in L. ult. C. de action. empti.
Defenditur vulgata lectio.*

C A P U T XXII.

QUI de possessione fundi per vim dejectus est, vel interdictò recupe-
randae possessionis, vel actione experiri potest. Ulpianus in *L. 1. §. 4. D. uti possideris. Restitutae possessionis ordo aut interdictò expeditur, aut
per actionem.* Imperatores in *L. ult. C. de action. empti. Ad instar interdicti,
seu actionis permissae, expeririundum esse perspicitis.* Actionem autem il-
lam plerique intelligunt actionem in factum, ex *L. 4. §. 2. D. de dam. inf.*
L. 3. §. 2. D. ne vis fiat ei. sed haec datur non ad recuperandam posses-
sionem, imò potiùs adipiscendam; cum detur ei, qui in possessionem, in-
quam missus est, non admittitur. Cujacius actionem illam, incerti con-
ditionem interpretatur, *lib. 5. observ. 17.* quia possessio ab eo, qui per vim
dejecit, condici potest, *L. 2. D. de cond. tritic.* Sed *lib. 17. observ. 6.* legit
in d. *L. ult. C. de act. empti. Ad instar interdicti, seu actionis permissae,* qua-
si editò praeitoris promissa esset illa actio, ut & interdictum recuperan-
dae possessionis, d. *L. 1. §. 4. D. uti possideris.* Ibi verò Praetor non pro-
mittit actionem, ait Ulpianus, restituendae possessionis ordinem non mo-
dò per interdictum, sed per actionem posse expediri: quam tamen Prae-
tor ibi non promittit. Quare lectionem receptam, & constantem in d.
L. ult. tueri mallet, & permissam actionem intelligere tam in d. *L. 1. D.
uti possideris,* quam in d. *L. ult. C. de act. empti.* actionem ex lege Julia de
vi privata, vel publica: qua quidem ad recuperandam possessionem, vel
interdictò experiri permittitur, §. *7. Institut. de interdict.* actio permissa est,
prout ex lege Julia agere permittitur; de vi privata, si is, qui dejecit, si-
ne armis vim fecit; vel de vi publica, si cum armis dejecit. Idem
Imperatores, qui sunt auctores d. *legis ult.* satis ipsi probant in *L. 4. C.
unde vi: Si de possessione vi dejectus es, cum & lege Julia vis privatae
reum postulare, & ad instar interdicti Unde vi postulare posses.* Quod cum
adeo perspicuum sit, ut nemo non facile videat; mirari est, in re adeo
facili, quam diversè acceperint.

Illustratur Lex ult. D. de heredib. instituend.

C A P U T XXIII.

CUM Imperator Commodus in plerosque saeviret, refert Lampridius in *Commodo*, interemisse *Pactumejum Magnum cum suis*: unde rumor prolatus erat, Pactumejum Magnum cum suis occisum fuisse: & cum putaret Pactumejus testator, Pactumejam Magnoam, quam heredem instituerat, occisam quoque fuisse, testamentum mutaverat, atque alium heredem instituerat, *L. ult. D. de hered. instit.* praefatione anteposita, cui similem ferè ex testamento Angulli retulit Suetonius in *Tiber. cap. 23.* Pactumeja priore testamento heres instituta ut cognovit, testatorem falsà opinione deceptum fuisse, supplicaverat Imperatores; fortè adversus sententiam Praefecti Praetorio, contra quam supplicare licet, non appellare, *L. 5. C. de precib. Imp. offer. L. 1. C. de sent. Praefecti Praetorio*: atque ita Imperatores cognitionem quasi ex appellatione susceperant, cum supplicatio hujusmodi vim habeat appellationis. Imperatores pronuntiaverant hereditatem ad Pactumejam pertinere, ex voluntate testantis, hoc est, ex priore testamento, in quo testator voluntatem suam expresserat: ita tamen ut legata secundò testamento relicta praestarentur. Et hoc quidem adversus juris civilis regulas, cum rescissa, vel nullà existente heredis institutione, nihil quidquam ex testamento valeat. An non ideo sic decreverant Impp. Severus, & Antoninus, ut rescinderetur institutio posterioris testamenti odjò Nonii Rufi heredis instituti? Si quidem Spartianus Nonium Rufum inter Senatores à L. Severo occisos retulit: iidem tamen legata praestari voluerant, quòd ita D. Adrianus jam ante decreverat *L. cum mater. D. de inoffic. testam.* idque Paulus *adnotatum* fuisse ait, hoc est observatum, non reprehensum. Adnotare quidem est reprehendere, Cornel. Fronto: *Adnotat, qui notae quid adjicit.* Gellius lib. 17. cap. 2. *Culpae adnotamentis digna*: Sed adnotare, est etiam observare, *L. prospexit. §. 2. D. qui, & à quibus manumiss.* L. Fulcinius. §. Celsus. *D. ex quib. caus. in poss. eatur.* Plinius lib. 2. epist. 11. *Adnotatumque experimentis.*

Tres collegium faciunt, Ecclesiam, Monasterium, familiam,
ad L. Neratius. 85. D. de verb. signification.

C A P U T XXIV.

TRES collegium facere existimat Neratius *L. 85. D. de verb. signification.* hoc est, non solum ut tres pro universo collegio statuunt, sed ut ex tribus

bus collegium possit constitui : eoque sensu fortè dixit Tertullianus, tres vel laicos facere Ecclesiam, *Exhortat. ad castitatem. cap. 7. Sed & ubi tres; Ecclesia est, licet laici*. Ita monasterium tribus ad minimum monachis constituitur. Balsam. ad *Can. 17. Synod. 7.* Sozomenus refert *lib. 3. histor. Ecclesiast. cap. 13.* Pachomium ab Angelo quodam monasticam vivendi regulam accepisse, interque alia praecepisse, *eiusmodi, ut quatuor vigiliae quatuordecim. i. e. domus exiguae extruere multas, & in unaquaque domo tres manere*. Familiam quoque tres servi constituunt : id quidem non satis expressit Ulpianus in *L. 1. §. 16. & 17. D. de vi, & vi armat.* Familiae autem appellatio servos continet, sed quaeritur, quomodo servorum numerus contineat, utrum plurimum, an verò & duum, vel trium. Negat tamen idem Ulpianus, familiam duos facere, in *L. 40. D. de verb. sign.* Unicus servus familiae appellatione non continetur, ne duo quidem familiam faciunt. Tres igitur ad minimum familiam constituent, quod & rescripto D. Pii facile probari potest apud eundem Ulpian. in *L. 1. D. de option. vel elect. legat. Eum, cui servorum legata sit electio, tres posse eligere*. Nam cum pluralis elocutio duorum numero contenta sit, *L. 12. D. de testib. deberet is, cui servorum electio legata esset, duos tantum servos eligere* : sed quia duo familiam non faciunt, d. *L. 40. D. de verb. significat.* tres ad constituendam familiam optari poterunt : & ita frugi hospines trium servorum familiam olim habuisse notum est. Apulejus ex quindecim servis familiam constitutebat. Julius Pollux ex servorum multitudine, *lib. 3. cap. 8. tit. 1. τὰς τῶν δούλων οἰκίαν, ἀρχαία. i. e. domesticorum multitudo, familia*. Servius ad Virgil. 3. *Aeneid.* Quare turbæ, cum tres dicuntur : quia apud Graecos, qui dualem numerum habent, pluralis numerus a tribus incipit : ergo bene turba, quasi plures.

Bona propria uxoris ob administrationem munerum civilium mariti non tenentur. Interpretatio L. 3. C. ne uxor pro marito.

C A P U T XXV.

EX CONTRACTU mariti propria bona mulieris non teneri plusquam certum est, nisi maritus sit debitor ex administratione primipili, *L. 4. C. in quib. caus. pign. vel hypoth. L. penult. C. de primipilo* : quia militaris annonae necessitas, seu pactus primipili id exigit, ut nunquam non satis illi cautum esse possit. Haud tamen putarem, bonæ in dotem data munerum civilium obsequio, quæ maritus gellit, obligari : neque argumentum præbetur in contrarium. *Lex 3. C. de uxor. pro marito*, possessiones extra dotem filiae in alimentorum causa datas interpellari non posse, quasi interpellari possent, si in dotem datae essent. Hoc quidem verum est, ut fructus rei dotalis constante matrimonio in pignus

gnus capi possint, puta, si maritus munus sibi injectum detraclaverit. L. 9. D. de muner. & bon. vel si ex administratione muneris civilis maritus sit quicquam reliquatus: dos verb ipsa non tenetur. L. 11. C. de decurionib. quia in bonis mariti non computatur. L. Lucius. §. idem respondit. D. ad municipal. At cum in specie d. legis 3. C. ne uxor pro marito, possessiones non in dotem, sed in alimentorum causam marito datas essent; minus verendum erat, eas ex persona mariti munerum civilium obtentu interpellari posse: quia fructus bonorum extra dotis causam mulieri quaesitorum ad maritum non pertinent: sed si possessiones illae in dotem datas fuissent, non quidem ratione proprietatis, aut domini, sed fructuum interpellari potuissent.

De tribus libris J. Pauli Decretorum, seu imperialis sententiarum in cognitionibus protatarum. Cognitiones Principum ex appellationibus, vel ad consultationem magistratum.

C A P U T XXVI.

COGNITIO proprie dicebatur, cum Princeps ex appellatione cognosceret. L. sed etsi. §. ult. D. ex quib. caus. major. L. 8. §. ult. D. de vacat. & excusat. muner. Siquidem à magistratibus, atque aliis. potestatibus appellabatur ad Principem, si de magna summa ageretur. L. 10. D. de appellat. aut si negotii qualitas id postularet, ut deberet cognitione, atque sententiâ Principis, praeter juris communis regulas, aequitate suggerente defini-ri. Unde observandum est, hosce libros J. Pauli, Decretorum fuisse confectos ex sententiis, quas Imperatores Severus, & Antoninus ex appellationibus cognoscentes protulerant, cum ad eos à magistratibus, & potestatibus fuisset appellatum: ut à praefecto urbi, L. 38. D. de minoribus: à judice Hermogene, L. 41. D. famul. erisc. L. ultim. D. de jur. patronat. à praefecto annonae, L. 8. D. quod cum eo, qui in alien. à praefide, L. 97. D. de legat. 3. L. 79. D. ad Senatuse. Trebell. à procuratore Caesaris, L. 20. D. de quaesim. Confecti etiam videntur hi libri ex sententiis, quas Principes ad consultationem, sive relationem magistratum protulerant. Nam magistratus de jure dubitantes Imperatorem consulebant. L. 11. §. ex facto. D. de minorib. L. 1. §. 1. D. de appellat. L. 1. C. de relatiq. L. 2. de operib. public. in Cod. Theodof. in ea specie est L. 48. D. de jur. fisci. ubi procuratores Imperatorem consulerant. Quomodo nihil vetat intelligi posse L. ult. D. de condit. & demonstr. ibique Imp. ad consultationem rescripsisse, non ad libellos. Etenim vix est, ut annotatio, sive subscriptio libellorum, decretorum nomine centeri debeat: decretum sit causâ cognitâ, subscriptio plerumque absque causae cognitione. Nec sanè proba-

habile est, Paulum in libris decretorum rescripta ad libellos retulisse, sed tantum decreta, & sententias Imp. ex appellationibus, vel ad consultationem, live relationem magistratum. Et haec quidem rescripta ad consultationem decretorum nomine censi possunt, quia habebant vim rei judicatae. L. 2. C. ut lite pendente. ex L. 6. C. Theodos. de appellationib.

Quo referenda videatur L. cum par. 154. D. de reg. juris.

C A P U T XXVII.

IN REGULIS juris perpetuo quaerendum est, undenam promptae sint, ut ad suos locos referantur. Quod licet jam plures haud contemnendi interpretes feliciter saepe praestiterint, adhuc quaeri nihil vetat: vetuti in L. 154. D. de reg. jur. quae latius referenda videtur ad praetoriam stipulationem, & jungenda cum L. 1. D. de praetor. stipul. quam si referatur ad Salvianum interdictum, & jungatur cum L. 2. D. de Salvian. interdicto, ex eod. lib. 70. Ulpiani ad edictum. In Salviano interdicto nullum delictum versatur, sed tantum ratio possessionis. Finge igitur, mutuum poenam in stipulatione praetoria fuisse comprehensam, si quid factum, vel non factum esset: ut plerumque apponebatur in stipulationibus praetoriis. L. 5. D. de praetor. stipulat. si utrinque commissum sit in stipulationem, utrinque poena committitur: sed cum par. sit delictum, melior erit conditio possessoris. Illi autem permitti debet poenam petere, qui in ipsam non incidit, id est, qui non commisit poenam stipulatione comprehensam, d. L. 154. D. de reg. jur. Petrus Faber Sanjorius non minoribus litterarum, quam generis, & dignitatum titulis nobilitatus, profert ex Graeco Scholiaste speciem: puta, Si duo furati sint rem alienam, & alter ex furibus possideat; altero sibi partem vindicante, potiore esse conditionem furis, qui rem teneat: nec longè ablimilem scholiasles Harmenop. lib. 1. Epitom. tit. 2. §. 65. quae quidem species inconcinna est, ut pleraque alia Graecorum, quae novitate sua primum placuerunt tanquam non vulgata; diligenter nihilominus expendenda. Ibi quidem par delictum est, cum ambo furati sunt; nec tamen debet alterum cum altero compensari, ut quando utrinque poena committitur. Parum igitur conveniens est ea Graecorum species; mirum tamen, quam aptè ipsi conveniat illud Plauti in Rudente, act. 4. Sc. 3. v. 84.

Tr. Quo argumento socius non sum, & fur sum? fac dum ex te sciam.

Gripp. Nescio. neque ego istas vestras leges urbanas scio,

Nisi quia, hunc meum esse, dico.

Grippus tenebat vidulum, & cum ipse teneret, Trachalionem quantumvis socium furti repellebat; quasi in pari delicto potior conditio Grippi tenentis, & possidentis esse deberet.

Multum interest, si quis duobus eandem rem diversis contrahibus in solidum vendiderit, vel pignorerit.

C A P U T XXVIII.

ADVERSUS debitorem; qui eandem rem alii obligatam pignori dedit, datur actio stellionatus. *L. tutor §. 1. D. de pignoratit. act. L. 3. D. stellionatus.* Adversus venditorem, qui eandem rem diversis contrahibus vendiderit, accusatio falsi intenditur. *L. qui duobus. D. ad leg. Cornel. de falsis.* Verum et si debitor rem quasi liberam pignori dederit, cum alii jam esset obligata, non tenebitur falsi accusatione. Ratio differentiae haec est, quod licet debitor eandem rem duobus in solidum pignori dederit diversis contrahibus, tamen fieri potest, ut recte sit utrique obligata; & ut in utriusque creditoris persona pignus valeat: puta, si ea res ampla est, & ad modicum aeris prius fuerit pignolata, tuncque stellionatus agi non potest. *L. si quis. §. 1. D. de pign. act. L. 15. §. 2. D. de pignor. & hypoth.* Sed & si res modica duobus fuerit pignori obligata, adhuc fieri potest, ut si debitor pecuniam primo creditori solverit, pignus consistat in persona secundi creditoris, *L. 4. D. qui prior. in pign.* ita ut secundus creditor stellionatus agere non possit. Sic igitur fit, ut qui eandem rem duobus pignorat, non semper incurrat crimen stellionatus. At qui eandem rem duobus vendidit, semper falsi crimen incurrit; neque enim aliter duobus vendere potest, quin semper falsum committat, qui rem ut suam vendidit, cujus dominium jam in alium transtulit, vel transferre debuit. Praeterea nunquam fieri potest, ut cum eadem res duobus est vendita, in utriusque persona consistat emptio: nec si venditor primo emptori pecuniam refundere paratus sit, ideo venditio secunda valere poterit: atque ita fit, ut qui eandem rem duobus vendiderit, semper falsi teneatur. Quare multum interest, si quis duobus eandem rem diversis contrahibus in solidum vendiderit, vel pignorerit: cum re duobus vendita semper falsi agatur, nunquam agatur crimine stellionatus: re duobus pignolata, non agatur semper crimine stellionatus. Denique ea non placet differentia, ut si debitor rem alii esse obligatam dissimulaverit, tunc stellionatus crimine teneatur; si vero mentitus fuerit ad interrogationem, falsi crimine: nam si deficit falsi crimen, ubi quis sua pignora esse juravit, cum essent aliena, *L. ult. D. stellionat.* (& quidem deficit, alioqui non daretur actio ex crimine stellionatus) multo magis deficit crimen falsi, ubi debitor interrogatus, rem nulli alii esse obligatam, mentitus fuerit; cum plus sit falsum jurare, quam asseverare, vel mentiri.

Re duobus pignori obligatâ, quomodò jus suum quisque persequatur.

C A P V T XXIX.

MULTA distinctione opus est, cum debitor eandem rem duobus creditoribus pignori obligaverit, ut sciatur quomodò sive n quisque jus persequi debeat: quae nisi distinctio adhibeatur, haud facillè res expediri potest. Igitur vel eodem tempore, vel diversis temporibus debitor eandem rem pignori obligavit: si eodem tempore, iterum distinguendum est, utrùm convenierit in solidum duobus esse obligatam, vel per partes: vel si nihil de ea convenierit, an in solidum, vel per partes esse obligata. Re in solidum duobus obligatâ, uterque adversùs debitorem, & adversùs extraneos in solidum habet actionem hypothecariam: inter ipsos creditores actio hypothecaria non datur, quia si unus ex his possessionem occupaverit, potior est conditio possidentis. *L. 10. D. de pignor. & hypoth.* Sed si convenierit, ut pro partibus res obligaretur, uterque agere poterit actione hypothecariâ, ut dimidiam partem possessionis apprehendat, non tamen Salvianò interdictò. *L. 1. §. 1. D. de Salvian. interd.* Ratio differentiae inter hypothecariam actionem, & Salvianum interdictum, ea est, quòd qui agit interdictò, agit de tota possessione, de commodo possidendi, quod per partes scindi non potest: At licet actio hypothecaria, seu quasi Serviana possessionem revocet, *L. si cum venditor. D. de evictionibus*, rem tamen ipsam persequitur, seu jus hypothecae, quod per partes scindi potest. Si nihil convenierit, utrùm res in solidum, vel pro parte duobus esset obligata, pro modo debiti cuique actio competit: sed & adversùs possessorem in solidum utrique actio competit, si separatim eodem die cuique obligata fuerit; si conjunctim, quisque pro parte agat. *L. si fundus. §. si duo. D. de pignorib. & hypothec.* Quod si diversis temporibus res fuerit obligata, potior est ille, cui priùs debitor pignorerit. Secundus autem creditor agat stellionatus adversùs debitorem. *L. tutor. §. 1. D. de pign. act.* aut ad hypothecam pignoris, si utique possit sufficere. *L. 36. §. 1. D. eod. tit. de pign. act.* *L. 15. §. 2. D. de pignor. & hypoth.* non tamen falsi criminis, ut supra probatum est.

De inscriptione L. imperium. D. de jurisdictione.

C A P U T XXX.

IN INDICE Florentino, inter Ulpiani *parib. lib.*, est liber singularis de officio Quaestoris, idemque habet inscriptio *L. apic. D. de officio Quaestoris.*

Ulpianus lib. sing. de offic. quaestor. L. 3. D. de iurisdic. sic inscripta est: Ulpianus lib. 2. de offic. quaestor. nili quis errore ex nota contigisse, & pro secundo, singulari, legendum putaverit. Sive autem ille liber singularis fuerit, sive duo fuerint libri de officio quaestoris; ibi Ulpianus imperium merum, & mixtum distinguebat. Non tamen ideo putarem, Quaestorem urbanum imperium merum, aut mixtum ullo tempore habuisse. Etenim Quaestor urbanus in jus vocari potuit. Gellius lib. 13. cap. 13. ergo sine imperio fuit: quia magistratus, qui imperium habent, sine fraude in jus vocari non possunt. L. 2. D. de in jus vocando. L. sed etsi. §. 2. D. ex quib. caus. maior. tum quia minores magistratus sunt sine imperio. L. nec magistratib. D. de iniuriis: ex quibus fuit Quaestor, qui minoribus auspiciis creabatur. Gellius lib. 13. cap. 14. Sed si duo libri fuerint Ulpiani de officio quaestoris; cum libro primo Ulpianus egisset de officio Quaestoris urbani, probabile est deinde egisse libro secundo de officio Quaestoris, qui mittebatur in provinciam. Cum enim Quaestores fortirentur provincias, d. L. unic. D. de offic. Quaestor. modò jurisdictionem exercebant, & ita imperium mixtum habuerunt. Suetonius in Julio, cap. 7. Quaestor in ultiores Hispanias missus, conveniens iurè dicundo circumibat. Quandoque exercitui praeerat. Nov. Justin. 41. & ita imperium merum habuerunt. Calliod. lib. 10. Variar. cap. 7. Non enim temporibus nostris potestate Regis est armata quaestura, sed legibus probatur esse composita. Apud quem potestas Regis nihil aliud est, quam imperium merum. Et quidem si Quaestor exercitui praeerat, imperium merum habuit; quia qui exercitum accipit, jus habet necandi militis. L. de militibus. D. de custod. & exhib. rer. hincque legatos Caesaris, seu praefides provinciarum jus gladii primum habuisse notum est. Quod igitur Quaestor modò imperium mixtum haberet, cum jurisdictionem in provincia exercebat; modò merum, cum exercitui praeerat; ideo Ulpianus in lib. 2. de offic. Quaestor. imperium merum, & mixtum distinguebat.

Circa possessionem naturalem, & civilem repetitae quaedam auctorum Juris diffensiones.

C A P U T XXXI.

VIX certa tradi potest possessionis distinctio, non repetitae diffensione auctorum juris circa possessionem: quod enim alii dicuntur possidere naturaliter, alii civiliter, L. 3. §. ultim. D. ad exhibend. L. 1. §. de jicetur. D. de vi, & vi armata, profectum est ex schola Sabini, L. pupillus. D. de acquir. rer. domin. Javolenus, qui ex ea schola fuit, sic dilinxit in L. quod servus. D. de acq. vel amitt. poss. & Julianus, L. 2. §. quod vulgo. D. pro herede. Ulpianus lib. 49. ad Sabinum, L. stipulatio ista. §. haec quoque. D. de verb. obligat. Illi possessionem esse penes duos admittabant; naturalem esse penes

penes eum, qui possessioni corpore incumbebat; & civilem penes eum, qui animo retineret possessionem. Paulus ex Sabino, L. 3. §. ex contrario. D. de acq. vel amitt. poss. Pomponius lib. 29. ad Sabin. L. §. habet. §. 4. D. de precario. Atque ita, secundum illam Sabinianorum sententiam, creditor, qui pignori rem accepit, eam naturaliter possidet. d. L. 3. §. ult. D. ad exhib. Colonus quoque, qui fundum conduxit, possidet naturaliter. L. communi. §. neque. D. com. divid. d. L. 2. §. quod vulgo. D. pro hered. & fructuarius, L. naturaliter, & L. possessio. D. de acq. vel amitt. poss. Proculejani autem negant, possessionem penes duos esse posse. Labeo, d. L. 3. §. ex contrario. D. ad. Celsus ex eadem schola, L. si ut certo. §. ultim. D. commodat. & quos Sabiniani dicunt possidere naturaliter; Proculejani negant omnino possidere. Pegasus ex schola Labeonis, L. officium. D. de rei vindicat. Celsus, L. quod meo. D. de acq. vel amitt. poss. Atque ita secundum istorum sententiam colonus non possidet, d. L. officium, & d. L. 1. §. deicitur. D. de vi, & vi arm. fructuarius quoque non possidet, L. Celsus. §. Julianus. D. ad exhibend. L. 1. §. unde. D. quod legator. L. acquiruntur. D. de acquir. rer. domin. Inde apparet, non debere separari eos, qui possident naturaliter, ab iis, qui sunt in possessione; nisi secundum istorum, vel illorum sententiam. Juxta Sabinianos creditor, colonus, fructuarius, naturaliter possident; juxta Proculejanos non possident; sed sunt tantum in possessione. Ceterum ista juris auctorum circa possessionem dissenso, plurimis aliis controversiis materiam praebuit, ut quas Justinianus sultulit L. ult. C. de furtis. L. ult. C. de acquirend. vel retin. poss. & L. ult. C. de praetor. pign.

Quaedam est possessio naturalis simul, & civilis. Exponitur.
 L. nemo. C. de acquirenda, & retinenda possessione.

C A P U T XXXII.

QUOD Sabiniani naturalem possessionem à civili distinguerent, L. pupillus. D. de acquirend. rer. domin. L. 2. §. quod vulgo. D. pro herede, quidam hanc possessionis distinctionem induxerunt, aliam esse naturalem, aliam esse civilem; nullam esse naturalem simul & civilem. Sabiniani quidem tunc solum naturalem possessionem à civili distinguebant, cum alius rem teneret, alius vero nihilominus usucaperet: sed si quis rem possideret, & possidendo usucaperet, eum naturaliter simul & civiliter possidere, haud dubie admisissent. Veluti enim civilis obligatio dicitur, L. heres. 21. §. 2. D. de fidejussorib. quae tamen simul est naturalis, ad differentiam naturalis obligationis merae: Ita civilis possessio dicitur in d. L. 2. D. pro herede, (quae tamen ipsa simul naturalis est) ad differentiam possessionis naturalis merae. Si quis igitur bona fide, & iusto titulo possessionem rei nactus sit, simul concurret naturalis, & civilis possessio; naturalis, quia incumbit possessioni; civilis, quia

quia possidendo usucapit. Non ait Constantinus in *L. nemo. C. de acquir. & retin. poss.* duplicem esse possessionem, ut aliam constituas naturalem, aliam civilem: sed ait, *Possessionis duplicem esse rationem*, id est, possessionem corpore, & jure consistere. Quaedam possessio corpore tantum consistit, & est naturalis, sive corporalis. *L. quod servus. D. de acquir. vel amitt. poss.* quaedam corpore, & jure consistit, nec tantum corporis, sed & juris est. *L. possessio. 49. D. de acq. vel amitt. poss.* ea est naturalis simul, & civilis. Quod praeterea sequitur in d. *L. nemo. utramque fieri legitimam*, sic accipiendum est, utramque conjunctim, non utramque separatim; id est, eam possessionem fieri legitimam, quae corpore simul, & jure consistit; quae utramque habet rationem corporis, & juris. Possessio, quae corpore tantum consistit, nunquam fit legitima. Id legitimum est, quod legibus introductum est, ut legitimum tempus usucapionis ex XII. Tab. *L. si inter. D. de donat. inter vir. & uxor.* & legitima possessio fieri dicitur, quae ad usucapionem prodest per continuationem temporis lege definiti. *L. 3. de usurpationib. & usucap.* Nulla possessio, quae corpore tantum consistit, unquam fieri potest legitima, ut ad usucapionem prosit. Is, qui pignori rem accepit, rem corpore possidet, & tamen non usucapit. *L. pignori. D. eod. tit. de usurpat. & usucap.* Qui possessionem cum vitio nactus est, vel post interpellationem sibi factam retinet, corpore possidet; nec tamen legitima fit illius possessio, ut usucapiat. *L. 7. C. de acq. vel retin. poss. l. 1. C. Theodof. de long. temp. praescript.* nihil vero juvat, ut naturalis, vel corporalis tantum possessio dici possit legitima, quod Praetor eam possessoris interdictis tueatur. *L. 2. D. uti possid.* Sanè quaedam possessio naturalis iusta est, ut creditoris, *L. quaecumque. D. de public. in rem act. l. si servus. D. de noxal. act.* & iusta est possessio, quam praetor tuetur, *L. iusti. D. de acq. vel amitt. poss.* non tamen legitima: nec ideo omnis possessio, quam praetor tuetur, iusta est: praedonem, & qualemcumque possesorem praetor tuetur interdicto, d. *L. 2. ff. uti possid.* & tamen praedonis non est iusta possessio. Sive igitur possessio naturalis iusta, vel iniusta sit, neutra potest fieri legitima. Ea solùm fit legitima, quae duplicem habet rationem, corporis, & juris; quae est naturalis simul & civilis, quaeque ad usucapionem, vel longi temporis praescriptionem prodest. *Lex Nemo*, ad longi temporis praescriptionem pertinet, quae interpellatione solà interruptitur, d. *L. 1. C. Theodof. de longi temp. praescript.*

Restituta lesio apud Ulpianum lib. sing. reg. tit. 15. Defensu apud Jul. Capitolinum. Dies nonus. Dies nominum. Primordia.

C A P U T . XXXIII.

A PUD Ulpianum *lib. sing. Reg. tit. 15.* (ut vulgò editus est) sic legitur: *Item communis filius filiae post nonum diem amissus, amissave,*

AN. 1177

unam decimam adjicit : duo autem post nonum diem amissi duas decimas adjiciunt . Sed Cod. Ms. Joan. Tilli, ex quo alii prodierunt, *Post nominum diem amissus amissave unam decimam adjicit : duo autem post Non. diem amissi duas decimas adjiciunt .* Quae quidem lectio defendi potest : siquidem dies lustricus fuit dies nominum. Jul. Capitol. in *Clod. Albino* : *Septimò ejus die hora convivii, quod celebritati pueri deputabatur, quum ei fierent nomina.* Doctissimus interpres legit *nominalia* ; sed nihil inutandum suadet lectio Ulpiani. Nonnihil autem interest, utrum apud Ulpianum d. tit. 15. legimus diem *nonum*, vel diem *nominum* : nam Romani die octavò feminis, nonò matibus nomina imponebant ; alii septimò, octavò, vel decimò. Ante diem nonum erant primordia. Servius ad *eclog. 4.* *Nam ipsum puerum inter ipsa primordia, id est, nonò die perisse manifestum est.* Cum igitur filius, vel filia post nominum diem amissus, amissave, proficeret ad decimam capiendam ; sic fieret, ut filia post octavum diem amissa proficeret, nec expectaretur dies nonus, octavò die jam nomine imposito : filius autem non nisi post nonum diem proficeret : Plutarchus in *Romaicis* rationem adfert naturalem : *ἡ δὲ ἡμέρα τῆς πρὸ τοῦ ἰσθμοῦ καμ-
τάνου ἢ τοῦ ἰσθμοῦ ἐπαλειφῆς τῆς νεότητος, αἰεὶ τὴν τὴν ἀλλὰ, καὶ τὸν ἡμετέρον
ἰσθμὸν αἰετὶ δὲ ἀπολύνει τῆς πλείους· ἵνα δὲ ἀπολύνει, οὕτως μᾶλλον ἢ ζῶντι
αἰετὶ τὸν πῦρ.* i. e. Dies porro post septimum sumunt. Septima enim periculosa est infantibus, cum alias, tum ob umbilicam ; nam is septimà die decedit plerisque ; deinceps autem decidat, plantae, quam animali similior est infans. Eà forte ratione, vel circumcisionis Judaicae, quidam ex Christianis parvulos baptismate sacro non nisi post octavum diem intingendos esse contendebant ; quos rejiciunt Cyprianus *epist. 59.* Augustinus *epist. 38.* Absurdum non est, feminas prius, quam mares, ad decimam capiendam parentibus profecisse ; nam & prius proficiebant ad solidi capacitatem ; filius non nisi post quatuordecim annos amissus, filia post duodecim annos amissa conjugibus proderat, ut liberam inter se haberent testamenti factionem. Ulpian. *tit. 16.*

Donationem factam à patre, ante susceptos liberos, liberi in solidum revocare non possunt, si pater eam non revocarit.

C A P U T XXXIV.

SI quis non habens liberos, bona sua donaverit, & postea liberos suscipiat, donationem revocare potest : sive ille sit patronus, qui liberto donaverit, ut in *L. si unquam. C. de revocand. donat.* live alius : quia si de liberis cogitasset, verisimile est, eum bona non fuisse donaturum. Sed si ille post susceptos liberos donationem minimè revocarit, quaeri potest, an revocare possint liberi. Finge, post donationem aliquo tempore super-

vixisse, nec donationem revocasse, neque animum revocandae donationis ostendisse: liberi quidem donationem, quatenus inofficiosa est, revocare possunt, & ad modum legitimae, ut in bonis patris legitimam habeant portionem. *L. si mater. L. si totas. C. de inoffic. donat.* sed in solidum donationem revocare posse non videntur, licet patri heredes extiterint: quia donatio non aliter revocatur, quam si donator eam revocare voluerit. *Can. ult. 17. q. ultim.* In potestate habebat Episcopus non reddere, quia donator susceptis liberis silebat, nec de revocanda ea donatione facta Episcopo, cogitabat: quod si donator revocare voluisset, etiam jure fori Episcopus reddere coactus fuisset; saltem post *d. L. si unquam. C. de revoc. donat.* Si igitur is, qui donaverit, post susceptos liberos donationem non revocarit, sed in ea voluntate perseveraverit; videtur, donatarium liberis praeferre voluisse: atque ita cessat conjectura pietatis, & ratio revocandae donationis. Et quemadmodum si pater post susceptos liberos donaverit, revocare non posset donationem; quia cum liberos jam haberet, donatarium liberis praeferre maluit: ita si susceptis liberis donationem non revocarit, donatarium quoque liberis videtur praetulisse. Non movet, quod donatione facta sub modo, vel conditione, eadem actio revocandae donationis competit heredibus, quae donatori competeat. *L. 3. C. de donat. quae sub modo.* Nam hinc tacita est conditio, si donator liberos habuerit, ut eam, si velit, revocare possit: sed quia non revocavit, nec liberi revocare possunt; & quod sibi vivo licere noluit, ut donationem revocaret, nec heredibus se mortuo licere voluit, ut & in *L. ultim. C. de revocand. donationib.*

Servi inter jumenta, & quadrupedes habiti. Lestica, Caruca dormitoria. Seneca ex Luciano explicatur.

C A P U T XXXV.

LEX Aquilia servis quadrupedes exaequarat. *L. 2. & L. 27. §. 3. D. ad leg. Aquiliam.* In Aedilitio quoque editio jumenta, & mancipia comparantur. Loquuntur Aediles in hoc edito de jumentis reddibendis: causa autem hujus editi eadem quae mancipiorum reddibendorum, *L. 38. §. 1. & 2. D. de Aedilitio edito.* Nam & servis ut jumentis utebantur. *Luc. Senec. epist. 47.* Alia interim crudelia, & inhumana praetereo, quod nec tanquam hominibus quidem, sed tanquam jumentis abutimur. Quod Seneca de lestickanis servis intelligit, qui vel viros, vel matresfamilias portabant lestickis succollantes. *L. item. 49. D. de legat. 3. & L. uxori. D. de auro, & argento legat.* Lucianus ad mentem Senecae, in *Cynico*: ὅμῳ αἱ τοῖς ἀνθρώποις ὥτι ζωοντοὶ καὶ οὐκ ἔστιν ἀλλὰ καὶ οὗτοι ἀνθρώποι, καὶ ἐν τῷ σώματι αὐτῶν ἔστιν ἀνθρώπων, καὶ οὐκ ἔστιν ἀνθρώπων, καὶ οὐκ ἔστιν ἀνθρώπων, καὶ οὐκ ἔστιν ἀνθρώπων. i. e.

i. e. Vos, qui hominibus tanquam jumentis utimini: Nam eos jubetis le-
dicas tanquam currus in cervicibus ferre, ipsi verò in sublimi residetis de-
licati, atque illinc ut asinos homines anrigamini, imperantes ut hac, non
illuc eant. De quo jam multa fuerunt observata, ut in lectica portaren-
tur, atque veherentur. Alia fuit Carruca dormitoria, quae mulis junge-
batur. d. L. uxori. D. de aur. & argent. legat. & quam puto Martialem lib.

4. Epigram. 64. v. 19. seq. intellexisse:

Gestator pates effedò tacente,

Ne blando rota sit molesta somno:

At veluti servis ut jumentis utebantur, ita servos inter jumenta, & qua-
drupedes habebant. Lampridius in Heliogabal. *Quum collatum mississet in*
populum, non nimios vel argenteos, vel aureos, vel minuta animalia; sed
boves opimos, & caniculos, & asinos, & servos populo diripiendos objecit.

*Non pugnare L. 37. D. de judic. cum L. 1. C. de ap-
pellationibus; aut etiam cum L. 7. C. ad leg.
Jul. de vi public. vel privata.*

C A P U T XXXVI.

SI quis fundi sui possessione dejectus sit, ei actio de vi ex lege Julia
competit, vel interdictum Unde vi recuperandae possessionis. L. ult.
C. de action. empt. L. 4. C. unde vi. Potest etiam fundum vindicare. Quan-
do igitur tres illae concurrunt actiones, actio criminalis ex lege Julia, in-
terdictum unde vi ratione possessionis, & rei vindicatio ratione proprie-
tatis, prius cognoscendum est de actione criminali, antequam de posse-
sione, vel de proprietate, sive dominio cognoscatur. Sicque intelligendum
esse rescriptum D. Pii in L. 37. D. de judic. & L. 5. §. 1. D. ad L. Jul. de vi
public. jam rectè fuit observatum. Verùm non video cum d. L. 37. D. de
judic. pugnare ullò modò L. 1. C. de appellationibus. Prius de possessione
pronuntiare, & ita crimen violentiae excutere praefes provinciae debuit. De
possessione, inquam, pronuntiare, non ex actione civili, sed ex actione
criminali legis Juliae, ut ita violentiae crimen excuteret. Non pugnat
etiam L. 7. C. ad L. Jul. de vi public. & priv. Si criminalis quaestio agi-
tetur, violentus poenae non immerito destinatus in totius litis terminum
differatur. Hoc enim solum obtinet, cum duo se se invicem vi dejecer-
int; ei, qui postremò dejectus est, possessio restituitur; & quia lutorum
esset, alium quoque statim restitui, qui primus violentiam passus est, &
prius dejectus est; ideo primum violentiae crimen admissum in ultimum
causae exitum differtur. Sed nihilominus ille, qui primus dejecit, & re-
stituitur, est poenae semper destinatus. Nam si quidem agitatio negotiò
principali, hoc est, causà, proprietatis victus fuerit, in insulam deportatur
cum omnium bonorum ademptione: Si verò vincat, dimidia pars fundi,

Par. L

K

de

de quo litigatum erat, fisco vindicatur. *L. 3. C. Theodos. eod. tit. de vi public. & privata*: quae integrior est d. *L. 7. C. eod.* Pugnat magis *L. unic. C. quand. civil. act. praejudic. criminal.* ex qua licet, vel civilem actionem criminali, aut criminalem civili praeponere: nisi dicamus, ubi cumulae essent actiones, prius de criminali, quam de civili actione cognosci debuisse. d. *L. 37. ff. de iudic.* separatim verò hanc, vel illam cognitionem absque praeiudicio alterius praeponi potuisse. d. *L. unic. C. quand. civil. act. praejudic.*

Ulpianus lib. sing. reg. tit. 16. illustratur,

C A P U T XXXVII.

EX Lege Papia maritus, & uxor solidum inter se capere non poterant, nisi certis casibus, quos refert Ulpianus *lib. sing. reg. tit. 16.* quorumque rationem satis abstrusam placuit inquirere. Ait Ulpianus, liberam inter conjuges testamenti factionem esse, si filium, filiamve communem habeant: non est enim sine liberis, cui unus filius, unaque filia est, ut Gajus scripsit ad leg. Jul. & Pap. in *L. 148. D. de verb. signif.* Subjicit Ulpianus *eod. tit. 10. Aut quatuordecim annorum filium, vel filiam duodecim amiserint.* Quia jam sic pubertatem, seu perfectam aetatem attigissent, quae duobus septenariis, hoc est quatuordecim annis complebatur. Plutarchus *vitae Aristocr. tit. 24. lib. 5. cap. 24. ἀρχαῖον τοῖς δώδεκα τοῖς ἑπτὰ τοῖς ἑπτὰ ἰσοδυναμεῖν.* i. e. perfici incipere homines circa secundum septenarium. Nec dissimulandum in optimo Cod. Ms. J. Tili licet legi: *Aut quatuordecim annorum filium, vel filiam amiserint: & tamen duodecim*, in vulgatis editionibus adjectum esse. Ulpianus *eod. tit. 16. vel si duos trimes.* Cur duo trimi potius, quam bimī, aut quadrimi, proficiunt ad solidi capacitatem? quia cum in trimatu sit dimidia cuique staturae mensura, sic duo trimi perfectum unum efficiunt. Plinius *lib. 7. cap. 16. In trimatu suo cuique dimidiam esse mensuram staturae certum est.* Quid ergo duo trimi liberi amissi proficiebant ad solidi capacitatem conjugibus non frustra id positum in lapidib. antiq. inscript. Romae. 710. 10.

QUAM DI AMAVERUNT
HÆC MORITUR INFANS
ANNORUM III. MENS.
SEX. D. XIII. &c.

Et alia in sepulcro vetere, quam retulit V. C. Jac. Guterius, hujusmodi rerum solertissimus indagator, *lib. 2. de jur. man. cap. 21. TI. CLAUDIO VITALI F. V. A. III. M. VII. D. VIII.* Hoc est, *Vixit annos tres, menses septem, dies novem*: ut scilicet trimos liberos conditos debere prod-

desse, ita probaretur. Ulpianus eod. tit. 16. *Vel si tres post nonum diem amiserint*, ita legitur in Cod. Tiliano, sed in tit. 15. *post nonum diem*, ut supra observavi: quia videbatur, tres liberos post nonum diem amissos debere proficere, quibus jam nomina fuissent impolita: nec dubitarem, ita liberis post nonum, seu magis placet post nonum diem amissis tumultum fuisse inscriptum, cum ita proficerent vel ad decimas capiendas, vel etiam ad solidi capacitatem. Ulpianus d. tit. 16. Ibi etiam legendum uno ductu, *Ut intra annum tamen, & sex menses, etiam unus cujuscumque aetatis impubes amissus, solidi capiendi jus praestat*; ita (non item, ut vulgò,) *si post mortem viri intra decem menses uxor ex eo peperit, solidum ex bonis ejus capis*. Tempus illud anni, & sex mensium. fuit tempus vacationis à repudio ex lege Papia. Ulpianus sup. tit. 14. Inferit ergo Ulpianus, ut quemadmodum unus cujuscumque aetatis amissus post repudium intra tempus vacationis prodest; ita si uxor post mortem pariat, id ei ad solidum capiendum prodesse debeat. Ratio verò manifesta est, cur post divortium, vel mortem cujuscumque aetatis amissi liberi prodesse deberent, non constante matrimonio; quia post filium, filiamve, amissum, amissamve conjuges à liberis tollendis cessare potuissent, qui solidi capiendi jus habuissent. Non satis igitur visum est unum, unamve amisisse, nisi aut duos trimos, aut tres post nonum diem amisisse. Sed quia solutus matrimonio, vel divortio, vel morte liberi amplius gigni non poterant, ideo unus cujuscumque aetatis, post divortium, vel mortem amissus, conjugibus ad solidi capacitatem proderat.

Res facti facilius, quam res juris ante constitutionem Justiniani confirmari poterant ratihabitione. Exponitur

L. 7. D. de jure codicill.

C A P U T XXXVIII.

SUBLATA est hodie differentia inter res juris, & facti; ut tam res juris, quam facti per ratihabitionem retro possint confirmari. L. donationes. 25. C. de donation. inter vir. & uxor. sed ante Justinianum videtur res facti facilius, quam res juris confirmari potuisse: ut maleficia, L. 1. §. 14. l. 3. §. 10. D. de vi, & vi armat. L. 192. D. de reg. jur. ut pignus, L. si fundus. §. 1. D. de pignor. & hypothec. precarium, L. si servus. D. de precar. solutio, L. 12. §. ult. L. solutam. §. ratam. D. de solutionib. venditio, L. 3. C. de rei vindicat. L. 4. C. de usucap. pro emptor. quae facti sunt, L. consilio. §. ult. D. de curatorib. furios. & aliis. Atque ita certum est, res facti per ratihabitionem retro confirmari potuisse. Non praebet argumentum in contrarium L. 7. D. de jure codicill. ubi non agitur de ratihabitione, sed de confirmatione codicillorum. In iis, quae sunt juris, tempus codicillorum refertur ad tempus confirmationis; & quod codicillis scribitur, perinde

est, ac si testamentò scriptum esset, quo codicillis confirmantur. Puta, si servo legatum abique libertate testamentò relictum sit, deinde codicillis libertas adscripta; uile est legatum, quasi testamentò libertas adscripta fuisset. *L. conficiuntur. §. si servo. D. eod. tit. de jure codicill.* Ac in iis, quae sunt facti, spectatur tempus codicillorum, non tempus confirmationis. Pinge: codicillis legatum relictum est servo, si Titius viveret. Vivebat Titius tempore testamenti, seu tempore confirmationis codicillorum: sed inter vivos esse desierat tempore codicillorum: legati conditio deficit; quia in iis, quae sunt facti, non inspicitur tempus confirmationis, sed tempus codicillorum. Inde igitur non colligas facilius ea, quae sunt juris, ante Justiniani constitutionem retro confirmari potuisse. Jus illud codicillorum singulare est, ut quaecumque his scribuntur, perinde habeantur, ac si testamentò scripta essent. *L. 2. §. 2. D. eod. tit. de jure codicill.* si id singulari jure receptum est in codicillis, sequeretur, alias res juris praeterquam in codicillis minimè confirmari potuisse, neque etiam in ipsis codicillis res facti, d. *L. 7.* quas tamen ratihabitione retro confirmari potuisse constat.

Ope consiliò, non fuit propria actio furti, sed formula accommodata aliis actionibus furti. Exposita Labeonis, & Sabini controversia. Plauso lux ex Sabini sententia.

C A P U T XXXIX.

VIRI haudquaquam indocti putarunt, inter alias furti actiones proditam fuisse quandam propriam actionem furti, *ope consiliò*, & moventur ex *L. si servus. 27. §. si quis de manu. D. ad leg. Aquiliam.* Non tamen putarem, propriam fuisse actionem furti, sed formulam accommodatam vel furto manifesto, vel nec manifesto. Puta, si alicujus ope consiliò furtum factum esset, adversus eum agebatur non ope consiliò, quasi propria actione; sed ope consiliò furti manifesti, aut nec manifesti: si ageretur furti manifesti, poena fuit quadruplum; si nec manifesti, duplum. *L. ultim. C. de uxoriis action.* non fuit aliqua poena, si ageretur ope consiliò. Denique nec Paulus in *collat. leg. Mosaic. tit. 7.* nec *lib. 2. senat. tit. de furtis*, nec Justinianus *instit. de obligat. quae ex delictis.* eam inter actiones furti referunt; sed tantum ajunt, furti agi posse, non modò adversus eum, qui furtum fecerit, sed & cujus ope consiliò furtum factum sit; puta furti manifesti, aut nec manifesti, adversus eum, cujus ope consiliò furtum manifestum, aut nec manifestum factum esse dicatur. Sabinus verba illa *ope consiliò*, conjunctim accipiebat, ut is, qui consilium dedisset, licet opem non tulisset, fortè teneri crederet. *L. qui servo. §. idem componens. D.*

de

de furt. idque ex Sabini verbis colligit Gellius lib. 11. cap. 18. *Partum sine ulla quoque attritione fieri posse, solâ mente, atque animo, ut furtum fiat, annitente.* Quod sanè Trachalio Plautinus respiciebat in *Rudente*, act. 4. Sc. 3. v. 81. seq.

- - - *num qui minus,*

Si veniat nunc dominus, cuius est, ego qui inspectavi procul.

Te hunc habere, fur sum, quàm tu?

Quali anniteretur iste furtum fieri solâ mente, atque animo, cum procul inspectans opem non ferret, nec contrectaret. Sabinus quoque putabat, eum, qui opem tulisset, furti teneri, licet consilium non dedisset. d. *L. si servus. § si quis de manu. D. ad leg. Aquil.* Labeo separatim accipiebat haec verba, *ope consilio, quia aliud factum est ejus, qui ope; aliud ejus, qui consilio furtum facit. L. saepe. § 3. §. ultim. D. de verbor. signific. & ita separatim accipit Ulpianus. L. 6. D. de condic. furtiv.* atque ita ex Labeonis sententia, qui nullam opem tulit, sed tantum consilium dedit, atque hortatus est ad furtum faciendum, furti non tenetur: quam retulit Iulianus *§ interdum quoque. Instit. de oblig. quas ex delict. nasc.* licet ex eo consilio contrectatio secuta sit.

Caput pars hominis principalis. Truncus absque capite religiosum locum facit. Ad L. cum in diversis. D. de religios. & sumptib. funerum.

C A P U T . XL.

SI in diversis locis corpus sepultum fuerit, eum solum religiosum fieri Paulus existimat: *Ubi, quod est principale, conditum est; id est caput, ejus imago sit, inde cognoscimur, L. cum in diversis. D. de religios. & sumptib.* Caput principalis pars corporis. Artemidorus lib. 1. *cap. 17.* *τὸ κεφάλαιον τῆς σώματος μέρους.* i. e. potissimae in corpore partium. Et rationem adfert ejusdem libri *cap. 36.* *ἐξ ἧς τῆς κεφαλῆς τῆς τοῦ σώματος κεφαλῆς, καὶ τῆς κεφαλῆς τῆς τοῦ σώματος κεφαλῆς, καὶ τῆς κεφαλῆς τῆς τοῦ σώματος κεφαλῆς.* i. e. pendet enim quodammodo ex capite, & cervice totum corpus, & valentium valet, laborantium verò & infirmatur, & non valet. Caput pars corporis melior. Cyprianus de discipl. & habit. virginum: *Capilles jam tibi flammis aspicaris, & peccas, pro nescis! capite, id est, corporis parte meliore.* Donat. in *Andriam*: *Ridiculum caput pro toto homine; nemo enim ore contempto ex aliis membris hominem velit significare.* Servius passim observat Virgilium, historiam tangere, & jus pontificium, cujus fuerat peritissimus. Annon utrumque complexus 2. *Aeneid. v. 557.* seq.

- - - *jacet ingens histore Truncus,*

Avol.

Avolvamus humeris caput, & sine nomine corpus. Ut scilicet historiam Pompeji Magni tangat sub persona Priami, & sit *ingenus truncus* Pompejus Magnus. Corpus *sine nomine*, rectissime interpretatur Servius, *sine agnitione, aut dignitate*: & in schedis, aut simpliciter *sine nomine*, à capite enim quis nomen habet. Servius *sine agnitione*. Paulus in d. L. *cum in diversis*, inde cognoscitur. Lucanus de Pompejo, lib. 8. v. 710. seq.

- - - nullaque manente figura,

Una nota est Magni capitis iactura revulsi.

Et quidem Pompeji corpus non fuit sine nomine, seu inscriptione. Lucanus *ibid.* v. 792. seq.

Inscripsit sacrum semusto stipite nomen:

Hic situs est Magnus.

Sed fuit *sine nomine*, sine capite, vel *sine agnitione*, ut Servius. Quod si solus sepultus fuisset truncus absque capite, ut Pompeji, religiosum locum factum esse existimo; & id Paulus non negat in d. L. *cum in diversis*: tantum ait, utrumque locum non esse religiosum, cum in alio truncus, in altero caput sepultum fuerit. Ulpianus indistinctè in L. 2. D. *eod. tit. de religiosis*: Sepulcrum est, ubi corpus, ossa hominis condita sunt. Lucanus *eod. lib. 8. v. 772. seq.*

- - - si quis placare peremptum

Fortè velit, plenos & reddere mortis honores;

Inveniatur trunci cineres, & noris avenas.

Ad quas, Magne, tuum referat caput.

Quasi minus pleni essent honores trunco facti absque capite, parte corporis principali: sed tamen sepulcrum dixit postea, 783. seq.

- - - placet hoc fortuna, sepulcrum

Dicere Pompeji.

Quod scilicet iustum erat, iustis perfolutis, succensò truncò Pompeji, collectis reliquiis humò clausis, & positò monumentò cum inscriptione nominis.





EMUNDI MERILLII J.C.

OBSERVATIONUM

LIBER TERTIUS.

*Ventrale, Sinus, Pannicularia, in L. Divus. D. de bon. damnator.
Locus in ea exponitur, illustratur, & à mendo levi
quidem, sed veteri, & noccio purgatur.*

C A P U T I.



VENTRALE est fascia ventri adposita, in qua & num-
mos, & res alias ferebant. Ulpian. in *L. Divus. D. de
bon. damnat. Aut nummulos in ventralem, quos victus
sui causa in promptu habuerit. Plinius lib. 27. Nauseas
maris arces in navigationibus potum, inguinum tumo-
rem in ventrali habitum. Valerianus lib. 2. cap. 43.
Abrynthiumque habere in ventrali prodest. Marcellus de
medicamentis, cap. 34. Uincta oleo lanula involutum in
ventrali gesser. Sinu & pecunias excipiebant. Qui su-*

*vanti sinum praebeuit, L. 6. §. 1. D. ad leg. Jul. peculat. seu gremio: Juvenal.
Sat. 14. v. 327.*

Si nondum implevi gremium, si panditur ultra.

Sed & alias res sinu gestabant. Ulpian. in *d. L. Divus. Vel si quod chiro-
graphum magnae pecuniae in sinu habueris. Porro locus ille interpretatio-
ne indiget, quem non recte Basilicorū auctores, ut ex eis refert Gujaci-
us lib. 6. observat. 33. videntur accepisse: Pannicularia sunt ea, quae in custo-
diam receptus secum attulit, spolia; quibus indutus est, cum quis ad sup-
plicium ducitur, ut & ipsa appellatio ostendit: ita neque speculatores ulro
sibi vindicent, neque optiones ea desiderent, quibus spoliatur, quo momento
quis punitus est. Putarem in his verbis leve mendum subesse, & legi de-
bere: neque speculatores ultra sibi vindicent. Quaelitum erat, quomodo
spo-*

spolia damnati inter speculatores, & optiones essent dividenda, cum ea sibi tam hi, quam illi vindicarent. Speculatores sunt carnifices, qui de damnato supplicium sumunt; optiones autem, commentarienses, ut ibidem Ulpianus, seu carceris custodes. D. Adrianus rescripserat, panniculariam quidem ad speculatores pertinere, & panniculariae appellatione contineri non bona damnati, sed vestem, qua indutus esset, & res alias levioris pretii, quae quinque aureos non excederent. Rescripto D. Adriani Ulpianus subjicit, *Ita neque speculatores ultra sibi vindicent*, id est, nihil ex bonis damnati sibi vindicent, praeter vestes, & spolia levioris pretii, quibus indutus est, dum ad supplicium ducitur. Neque optiones ea desiderant, quibus spoliatur, quo momento quis punitus est, quia ad speculatores ista, non ad optionem pertinent. Cetera optiones retinebant, quorum rationes faciebant, servabantque, ut jussu praefidis erogarent. Quemadmodum autem spolia damnati ad speculatorem pertinent, ita & spolia captivi ad eum, qui bello coepit. Heliodorus lib. 9. Aethiop. cap. 26. *ἡ τὰ σπώματα ἀπὸ τοῦ πο. κρατισταὶ ἐκδιδοῦν, ὃ πάλιν δίδωσι τῷ πο.*, i. e. deinde & corpus captivi spoliari victori jus belli concedit. Si quid tamen magni pretii fuisset in spoliis captivi, non poterat sibi vindicare; veluti nec speculator in bonis damnati. Quare cum is, qui ceperat Oroondatem, pupionem illius lapillis distinctum, magnique pretii, sibi retinere vellet; exclamabant alii apud Heliodorum d. cap. 26. *ὦ πόρνη ἰδὲν ἰδὲ, ὃ πάλιν βασιλεὺς τὸ κερμαῖον*, i. e. supra privatum hominem esse, & magis regium minus.

Titulus militum, Titulus Clericorum.

C A P U T II.

PLERAEQUE in militia Ecclesiastica exemplū militiae Romanae fuerunt instituta; quod factū utriusque militiae collatione in officiis, dignitatibus, disciplina, exercitiis, regulis, facile ostendi posset. Id tantum nunc ostendemus, clericos exemplū militum titulum habuisse. De titulo militum Suetonius in Claudio, cap. 25. *Stipendiaque instituit, & imaginariae militiae genus, (quod vocatur supra numerum) quo absentes & titulus tenus fungerentur*. Titulus militum erat, ut essent hujus, vel illius cohortis, aut centuriae: quem habebant in scuto. Vegetius lib. 2. *de re militari*, cap. 18. *Praeterea in averso semo uniuscujusque militis erat nomen adscriptum, addito ex qua esset cohorte, quāve centuriā*. Ita Clerici suum titulum habuerunt, ad quem ordinati pronuntiabantur, ut essent illius Ecclesiae, aut martyrii, aut monasterii, Concilii. Chalcedonensis. Can. 6. Milites sine titulo esse non poterant. Petrus Chrysologus serm. 109. *Quis sine titulo militem se ausus est profiteri? quis sine dignitatis insulis nomen dignitatis invadit?* Ita nec Clerici absque titulo ordinari poterant, d. Can. 6.

Con-

Concilii Chalcedonens. & Concilii Meldensis *Can.* 52. Militibus ex numeris, quibus inscripti erant, ad alios transire, seu ex militia, in qua habebant titulum, ad aliam transire non licebat. *L. 4. C. de offic. magist. milit. L. ultim. C. Theodos. de re milit.* ita nec clericis de minore titulo ad majorem transmigrare, Concil. Rhemens. sub Leone III. *Can.* 20. Concil. Turconens. 2. *Can.* 14. seu ab una Ecclesia in aliam Ecclesiam, *Novell.* 3. *cap.* 3. *Can.* si quis presbyter. 7. q. 1. *Can.* placuit. 21. q. 2. Milites in duabus militiis eodem tempore inferi prohibentur, *L. 5. C. qui milit. poss.* Ita & Clerici in duabus Ecclesiis titulari, *Can.* 2. 70. *distin.* seu in duabus Ecclesiis militare, *Can. presbyteros.* 16. q. 1. *Can.* 1. & 2. 21. q. 1. Ita ut titulus Clericorum omnino fuerit ad instar tituli militum.

*Ritus quidam à manumissionibus translati ad Baptismum;
Circumactio, Alapa, Vestis alba, Pileus.*

C A P U T III.

CUM manumissiones ex Constantini legibus in Ecclesia fieri coepissent, *L. 1. & 2. C. de his, qui in Eccles. manumit.* Sozomenus *lib.* 1. *cap.* 9. inde ritus quidam manumissionum ad Baptismum translati fuisse videntur. Circumvertebatur in manumissionibus servus; quod notum facit. Cujus circumactionis licet nullum rationabilem exitum inveniri posset dixerit Iustin. *Novell.* 81. tamen apparet, statum imitationem, eam ipsam circumactione ostendere voluisse; cum ex servo liber fieret *novus homo*, *L. 27. D. de adimend. vel transf. legat. alius homo*, *L. qui res.* 98. §. 8. *D. de solut. & liberation.* Ita baptizandi ab occidente in orientem circumvertebantur. Iustinus martyr *Apolog.* 2. sub finem, Cyrillus *cateches.* 1. *myrtagogic.* In manumissionibus alapae, seu *παλιγματι*, servis impingebantur: Salpistae Arnobio, *lib.* 7. Salpitta *gloss. veter.* Sidonio verbera, *carmin.* 2.

- - - & ad illos poscunt

Te fora, donabii quos libertate Quiritet,

Quorum gaudentes expectant verbera malae.

Ita malo legere, quam exceptant. In Confirmatione etiamnum hodie alapa impingitur, ex antiquo ritu baptismi; cum eodem die confirmatio, quo baptismus, olim perageretur. Manumissi vestem candidam accipiebant, Tertullianus de *resurrect. carnis*, *cap.* 57. *Atquin & vestis albae nitore, & aurei annuli honore, & patroni nomine, ac tribu, mensque honorantur.* Artemidor. *lib.* 2. *imag.* *cap.* 3. *Αδελφὲ ἱματίου τῆς λευκοῦ μένους συμπίπτει, καὶ δέλεος ἐμμένει.* i. e. Albae autem vestes Sacerdotibus solis conveniunt, & servis Graecorum. & post: *δὲλεος ὁ Ρωμαίων μένους τῆς αὐτῆς οὐκ ἐστίν.* i. e. servis vero Romanorum solis bene se gerentibus. Baptizati quoque vestem candidam accipiebant, Cyrillus *cateches.* 3. *ἱματίον λαμπρότατον ἐκδοσάμενος τοῦτο.* i. e. solis vestimentum splendidissimum induens. Idem Cy-

Par. L

L

Idem Cy-

rillus catech. mystagog. 4. ἐνδεδείχθη τὴν ἀνδραγαθὴν λατρίαν, καὶ λαχρῶν δια-
 waris. i. e. indutum alba spirituali oportet albis indui semper. Pileus da-
 batur manumissis, quod pueri sciunt; ita & baptizatis. Rabanus de insti-
 clericorum, lib. 1. cap. 29. quod ex eo relatum est in Can. post baptismum,
 de consecrat. distin. 4. Tegitur post sacram unctionem capus ejus mystic ve-
 lamine, ut intelligat se diademate regni, & sacerdotali dignitate potiri. An
 verò hæc solennia manumissionum in baptismo Christiani peragebant,
 ut ita ostenderent Gentiles baptizatos verè manumissos, & à manu, seu
 potestate diaboli (cui antea serviebant) esse liberatos?

*Jure magis, quàm naturâ filius una cum patre persona esse
 intelligitur. Ad L. ultim. C. de impuber. & aliis sub-
 stitutionibus.*

C A P U T IV.

QUANDIU filius est in potestate patris, cum adhuc personam non
 habeat, una cum patre persona esse intelligitur, *L. quod dicitur. 330.*
D. de verber. obligat. & pater cum filio non magis, quàm cum se-
ipso agere potest. Paulus L. ne cum. 16. D. de fart. ex Aristotel. lib. 1.
idm. metaph. cap. 34. Sed tamen in plerisque persona patris, & filii di-
 stinguitur: nam & filiusfamilias pro parte fidejubere potest, *L. 10. §. 1. D.*
de fidejussorib. & mandat. quamvis nemo pro seipso fidejubere possit. Fi-
 lius potest esse arbiter, & judex in causa patris, *L. quintem. D. de recept.*
arbitr. L. in privatis. D. de judic. quamvis nemo in causa sua arbiter, ju-
 dexve esse possit. *L. penult. D. de recept. arbitr. L. unic. C. ne quis in sua*
causa. Naturâ etiam filius eadem cum patre persona esse intelligitur. Ar-
 temidorus lib. 1. *hæsem. cap. 2.* ἑστὶν ὁ ἄλλος ἄνθρωπος, καὶ ἡ αὐτοῦ σάρξ, καὶ ψυ-
 χὴς μὴτ' ἄλλ' ὅς ἐστιν. i. e. qui erat alter ipse, quod corpore, & anima ea-
 dem participaret. Filii sunt viscera parentum. Idem Artemidorus lib. 1.
cap. 46. καὶ γὰρ οἱ παῖδες σπλάγχνα λέγουσι τοῦ πατρὸς, i. e. etenim filii visce-
 ra dicuntur non secus ac intestina. & lib. 5. cap. 57. Filii sunt membra
 parentum. Salvianus lib. 3. de gub. Dei: Nam licet omnes admodum filii
 parentum membra esse videantur, non putandi sunt tamen membra eorum
 esse, à quibus affectu coeperunt discrepare. Veruntamen inspectis solum
 jure naturali, non est eadem omnino persona patris, & filii; sed ea-
 dem penè, ut observat Justin. in *L. ult. C. de impub. & aliis substit.* D.
 August. epist. 23. Ceterum cum infans non redeat in parentem, ut cum illo,
 & in illo unus homo sit; sed omnino alter sit, habens carnem suam, &
 animam suam; anima, quæ peccaverit, ipsa morietur.

Servi urbani, & rustici. Suppellex, Vestis, Toga urbana, & rustica: Cibaria, penus urbana, & rustica: aedes urbanae, & rusticae. Ad legem servis. 99.

D. de legatis 3.

C A P U T V.

PAULUS in *L. servis. 99. D. de legat. 3. Quidam urbana mancipia non locò, sed opere separant. Labeonem intelligit, & ex ea schola auctores.* Ita enim Labeo suppellectilem, penum urbanam, atque rusticam, non locò, sed genere usùs distinguebat. *L. 4. §. quid si. D. de penu legat. L. quemadmodum. D. de supellect. legat.* Vestis, seu toga rustica eodem modò dicitur non quae in urbe fuit, sed quam in rus profecturi accipiebant. *Titinnius Geminà:*

Si rus cum scorto constituit ire, claves illico

Abstrudi jubeo, ne togae rusticae sit copia.

Quem locum Non. Marcellus pertridicùle interpretatur, de varia significat. ferm. in v. toga. Adjicit Paulus in *d. L. servis. D. de legat. 3. Dicendum autem est, quod urbani intelligendi sunt, quos paterfamilias inter urbanos adnumerare solitus sit: quod maximè ex libellis familiae, & cibariis deprehendi poterit. Siquidem cibaria pro numero servorum solebant constitui, qui rustica, urbanave ministeria exercerent. Martialis villae sterilitatem mirè expressit, quae alendo vinitori non sufficeret, lib. 3. Epigram. 58. v. 48.*

Et vinitorem farre pascis urbano.

Vinitor servus rusticus farre urbanò urbe adductò, atque urbanis servis destinàtò pascebatur: erat tamen far urbanum, licet eo vinitor pascere-tur, quia urbana penus est etiam si in villa sit urbico usui destinata. *d. L. 4. §. quid si. D. de penu legat.* Quemadmodum autem servi, supellex, vestis, penus; ita aedes urbanae, vel rusticae genere usùs distinguuntur. *L. cetera. 41. §. sed si quis. D. de legatis. 1.*

De modo dotibus imposito, species quaesita in L. 2. C. Theod. de inofficiol. dotibus.

C A P U T VI.

MODUM certum dotibus lege Papià praestitutum nonnulli existimant; quod & fortasse verum est: sed malè probant ex *L. 2. C. Theod. de inofficiol. dotib.* Dote ab uxore marito datà, filios ex priori matrimonio, si neque ultra dodrantem, neque in fraudem legis Papiac constitutur, de hac

L. 2

797e-

repetenda nullam constat habere actionem. Potius lege Julia de maritandis ordinibus, quam lege Papia modus ille dotibus praestitutus fuisset; quia ex L. Julia tutor dabatur ad dotem dicendam, promittendamve. Ulpianus lib. sing. reg. tit. 11. edque pertinet lex, sive generalis. 61. D. de jure dotium, ex lib. 3. Terentii Clementis ad L. Jul. & Pap. ubi curatorem locum tutoris positum nemo non videat. Sed si certus modus lege Papia dotibus praestitutus fuisset, puta decies centena millia, & amplius in dotem mulier dedisset; id non in fraudem legis, sed contra legem ipsam fieret. L. contra de legib. In fraudem legis Papiae dos ab uxore marito dari poterat: puta, si constante matrimonio dotem dixisset. L. 2. §. 3. D. de rebus credit. vel etiam dotem auxisset, ut poterat nugere. L. ult. in princ. C. de donationib. ante nupt. idque in fraudem legis Papiae, si decimam solum, aut etiam nihil conjuges inter se propter legem Papiam capere possent. Ulpianus lib. sing. regul. tit. 15. & 16. L. 2. C. de infirmam. poen. coelibat. ut ita maritus titulus dotis haberet, quod ex testamento capere non poterat. Liberi autem, ut liberi, de dote inofficiosa repetenda actionem habere poterant, cum ultra dodrantem data fuisset: si verò in fraudem legis Papiae, ut delatores, dotem fisco caducam revocare.

*Liberi monumenta, sive munimenta, aedificia. Ad L. 220.
D. de verb. signific.*

C A P U T VII.

CALLISTRATUS in L. liberorum. D. de verb. signific. Idcirco filios, filiarum concipimus, atque edimus; ut prole eorum, earumve, diuturnitatis nobis memoriam in aeternum relinquamus. Quare liberi dicuntur monumenta. Plautus in Milite glorio. Act. 3. Sc. 1. v. 109. seq.

At illa laus est, magno in genere, & in divitiis maximis,

Liberos hominem educare, generi monumentum, & sibi.

Artemidorus lib. 2. cap. 54. μνημόνιον ὁ ἄνθρωπος, οἱ μὲν τοῖς αὐτοῦ. i. e. monumenta enim habebunt isti filios. Et cap. 66. ὁ δὲ γὰρ ἀναμνηστικὸν αὐτῶν μνημόνιον αὐτοῦ. i. e. hic relinquet filium monumentum sui. Nam veluti monumentum est, quod memoriae servandae gratia existit, L. 2. §. 6. D. de religio. & sumptib. Ita liberi sunt monumenta ad diuturnitatis memoriam, ut Callistratus. Liberi etiam sunt munimenta Tacitus lib. 4. hist. 52. Non legiones, non classes, perinde firma imperii munimenta, quibus numerum liberorum. Hebraeis aedificia Hieronymus in Genesis cap. 16. Diodo Hebraica, filius, venit à verbo aedificare, eo quod filius sit quoddam aedificium patris, in quo & nomen parentum, & facultates, & domus remaneat. et filius.

*An venditi actio detur ad resolvendum contractum emptionis.
Indicata auctorum Juris dissensio : utriusque scholae
probata sententia. Ad L. 2. C. de pact. in-
ter empt. & vendit. compos.*

C A P U T VIII.

SI quando conventio appositae esset contractui emptionis, quae ipsum contractum resolveret, tractatum fuit inter Juris auctores, an venditi actio competere ad resolvendam venditionem; puta, si pactum legis commissoriae appositum fuisset. Et quidem Sabiniani in ea videntur fuisse sententia, ut actio ex vendito daretur, si venditor commissam lege venditionis ageret: quia dicebant, hujusmodi venditionem non contrahi sub conditione, sed solvi. *L. 2. §. Sabinus, & §. si in diem. D. pro emptore.* Proculeriani dabant actionem praescriptis verbis, quasi sub conditione contracta esset emptio, quae cum deficeret pecunia non soluta, venditionem non esse contractam; & propterea ex contractu, qui non fuerat, actionem non competere. Haec autem inter eos quaestio rescriptis Impp. Severi, & Antonini decisa est, ex vendito actionem competere. *L. 4. D. de leg. commiss.* non quidem ut ex vendito solum actio competere, sed cum Proculeriani contenderent, actione praescriptis verbis agendum esse, Impp. rescripserunt etiam ex vendito agi posse, magisque probata est Sabini sententia, ut ex vendito ageretur. At cum aliis ageretur ad distrahendam emptionem, amborum sententia probata est. Proculus dabat actionem praescriptis verbis. *L. si vir uxori. D. de praescript. verb.* Imperator utramque concessit, praescriptis verbis, vel ex vendito. *L. 2. C. de pact. inter emptor. & venditor.* nempe ex utriusque scholae sententia. Sabinus dabat actionem ex empto ad distrahendam emptionem. *L. 6. D. de rescindend. vendit.* Julianus ex eadem schola, *L. 11. §. 6. D. de action. empt.* Paulus etiam proximam empti in factum, *d. L. 6.* Potest utraque actio simul concurrere; ut cum Labeo scripserat, actione praescriptis verbis agi posse, Ulpianus etiam ex vendito agi posse existimat, *L. 50. D. de contrab. empt.* Tam probabiles igitur utrinque fuerant rationes, ut utramque actionem ex utriusque scholae sententia deinde admiserint.

Cconciliatur L. 6. §. 6. D. comm. dividund. cum L. 2. §. 1. de religiof. & sumptib. funerum.

C A P U T IX.

QUI mortuum in locum alterius intulit, tenetur in factum actione, ut mortuum tollat, aut loci pretium praestet. *L. 7. D. de religiof.* Sed si

socius in communem locum mortuum intulerit, non tenetur illâ actione in factum; sed aut communi dividundo, aut familiae erciscundae, L. 2. §. 1. *D. eod. tit. de religiof.* aut etiam pro socio actione, L. 39. *D. pro socio.* Veruntamen plerique sic existimant, etiam in factum actionem socio adversus socium competere, qui mortuum in locum purum communem intulerit: & sic intelligunt L. 6. §. 6. *comm. dividund. Trebatius autem, & Labeo, quamquam putant non esse locum religiosum factum, tamen putant in factum agendum;* quasi concurrere possit illa actio in factum, cum actione communi dividundo, vel familiae erciscundae: quod quidem durum est admittere; ubi enim civilis actio competit, non opus est actione in factum praetoriâ. L. 7. §. 2. *D. de pact. L. 3. §. 1. D. nauis. coupon. stabul.* Haec autem propria ratio est, cur socius non posset agere adversus socium in factum actione, quia datur, ut mortuus tollatur ab eo, qui jus inferendi non habuit: sic verò adversus socium agi non potest, ut mortuum tollat, quasi jus inferendi non habuerit; imò jus inferendi in communem locum cuique ex dominis in solidum competit. *d. L. 6. §. 6. D. comm. divid.* Superest igitur, ut socius loci pretium consequatur communi dividundo actione. Veluti si unus ex dominis in communi loco aedificet, non potest ei alter opus novum nuntiare, quasi jus aedificandi non habeat; sed communi dividundo iudiciò prohibet L. 3. §. 1. *D. de nov. oper. nuntiat.* Alia est actio in factum, quae competit ei, qui cum jus haberet inferendi, & mortuum inferre vellet, prohibitus fuerit. L. 8. §. ultim. *D. de religiof.* Veluti si socius mortuum in fundum communem inferre vellet, & prohibeatur à socio, interdictò de mortuo inferendo agat utiliter. *L. sunt personae. D. eod. tit. de religiof.* Quemadmodum igitur favore religionis admissum est, ut interdictò de mortuo inferendo agat utiliter, qui locum non potest facere religiosum: eodem favore admittitur, ut si interdictum omiserit, agere possit actione in factum, quanti interest socium; dum mortuum inferre vellet in communem locum, à socio, non fuisse prohibitum. *L. liberum. D. eod.* Et hoc est omnino, quod Trebatius, & Labeo putabant in d. L. 6. *D. comm. dividund.* socium, qui prohibente sociò mortuum in communem locum inferret, eum non facere religiosum: sed tamen socium, qui prohibitus fuerit mortuum inferre, in factum actione adversus socium, qui prohibuerit, posse agere. Id suadet maxime, quod d. L. 6. sumpta est ex lib. 19. Ulpian. ad edictum, & d. L. liberum. *D. de religiof. ex lib. quoque 19. Gaji ad edictum provinciale.*

Differentia quaedam legati sub alternatione relictæ, & stipulationis alternatae. Conciliatur L. cum is. 32. §. ult. tim. D. de condiç. indebit. cum L. si is, cui. 19. D. de legat. 2.

C A P V T X.

SI Stichus, aut Pamphilus debeatur sub alternatione, & unum debitor per errorem solverit; in conditione indebiti multum interest, utrum debitor fuerit ex testamento, puta heres, qui Stichum, aut Pamphilum dare damnatus sit. Hoc enim casu si heres Stichum solverit, repetere non poterit. *L. si is, cui. 19. D. de legat. 2.* At si debitor fuerit ex stipulatione, qui Stichum, aut Pamphilum promiserit, & Stichum per errorem solverit, repetere poterit. *L. cum is. 32. §. ult. D. de condiç. indebit.* Ratio hæc differentiae vulgò non perspecta, quia cum legatarii est electio, legato puta relictò per vindicationem, unò electò optio consumitur: ita cum heredis electio est, unò electò optio consumitur; ut non possit repetere quem elegerit, quemve solverit. *d. L. si is, cui.* Secus est in stipulatione alternata, ex qua debitor alterum per errorem solvens, non consumit optionem. Atque ut post solutionem inter legatum, & stipulationem differentia intercedit, ita & ante solutionem. Nam debitor ex stipulatione, qui illud, aut illud promisit, ante solutionem, quoties voluerit, mutare potest voluntatem: puta, si Stichum se velle solvere dixerit, nihilominus Pamphilum solvere poterit. *L. cum, qui. 38. D. de verb. oblig.* sed debitor ex legato, puta heres, non sic posset mutare voluntatem; quia nec legatarius mutare potest, si voluntatem suam semel expresserit: cum jus omne legati primâ testatione, seu voluntatis significatione consumatur. *L. apud. D. de option. vel elect. legat.* Quamvis igitur utroque per errorem soluto Julianus in *d. L. cum is*, in princip. *D. de condiç. indeb.* à Cello dissentiret in *L. si non forte. §. penult. D. eod. tit. de condiç. indeb.* non tamen consequens erat, ut Julianus in *d. L. cum is. §. ultim. D. de condiç. indeb.* à Cello dissentiret *d. L. si is, cui. D. de legat. 2.* cum manifestò inter debitorem ex causa legati, & debitorem ex causa stipulationis differentia statui debeat.

Electio retinetur in L. si cum dotem. 22. §. si pater. D. solut. matrim. Vitium interpolationis tollitur.

C A P U T XI.

SI Pater absente filiâ dotem exegerit, quam non nisi adiunctâ filias personâ repetere potest; non consumpta est de dote actio, quam habet

bet filia ex sua persona. *L. Titia. 34. §. qui invita. D. de legat. 2.* sed denegatur actio filiae, si amplius, vel tantumdem acceperit testamentum patris; puta, si heres instituta fuerit, legatum, fideicommissumve acceperit. Ulpianus ex Juliano, *L. 22. §. si pater. D. solut. matrim.* *Compensandum ei in dotem, quod à patre datur, lucroque ejus cedit: si tantum ab eo consequuta sit, quantum ei dotis nomine debeat à marito, qui patri solvit.* Sed quid lucro filiae cedet, si tantum à patre consequuta fuerit, quantum à marito actione de dote consequi potuisset? Cujacius emendat, & legit, si amplius ab eo consequuta sit, *lib. 3. observat. 16.* Accursius non omnino male, filiae lucro cedere, si jam teneat, quod agendo posset consequi, *L. 3. §. si rem. D. de legat. 3.* Sanè verba illa interpunctionis viciò non videntur carere in Pandectis Florentinis, & sic uno ductu legi debere: *Compensandum ei in dotem, quod à patre datur filiae, lucroque ejus cedit: si tantum à patre consequuta fuerit, quantum à marito actione de dote consequi potuisset.* ut ea fuerit Juliani sententia, non aliter compensandum in dotem filiae, quod à patre datur, nisi lucro illius cesserit. Finge enim, filiam heredem institutam à patre, finge legatum ei relictum, sed rogatam restituere: datur quidem, nihil tamen ejus lucro cedit. Denique ita compensandum in dotem, seu actionem dotis, si tantum consequuta fuerit: alioqui non denegabitur filiae actio de dote, ut quod minus habuerit, consequatur. d. *L. Titia. §. qui invita. D. de legat. 2.*

Cujusnam scholae auctores senserint, unum esse testamentum patris, & filii; vel duo esse testamenta.

C A P U T X I L

DISSENSEERANT Juris auctores, an cum pater sibi, ac deinde filio testamentum fecisset, unum esset testamentum patris, & filii, vel duo testamenta. Alii unum esse testamentum sentiebant, *L. 2. §. 2. D. de heredit. vel act. vendit. L. 2. §. 4. L. 16. & 20. D. de vulgar. & pupill. substit.* ita ut testamentum, quod pater fecit filio, testamentum patris dixerit Papinian. *L. in tabulis. 36. D. de statuliber.* Contra alii, duo esse quodammodò testamenta, §. *igitur. Instit. de pupill. substitut.* vel duplex testamentum, *L. 79. D. ad L. Falcid. L. 1. §. 1. D. si cui plus, quam per leg. Falcid.* Verum non satis liquidum est: quod nonnulli existimant ex *L. paterfamilias. 28. D. de reb. auctorit. judic. possid.* Sabinianos unum putasse testamentum patris, & filii; Proculianos, duo testamenta: haec enim verba, *Me illud maxime movet, quod praecceptoribus suis placet, unum esse testamentum,* tam accipi possunt ex parte Javoleni alium (ex Proculianis fortè) consulentis, quam aliis Javolenum consulentis; vel etiam possunt accipi ex parte Javoleni ad quaestionem respondentis: & quidem Javolenus ita videtur respondere, ut substitutus non teneatur creditoribus paternis satisfacere.

facere, si filius abstinuerit hereditate patris; sed eo solum casu teneatur substitutus, quo se filius paternae hereditati miscuerit, unaque hereditas patris, & filii esse coeperit. Quod si Javolenus unum testamentum patris, & filii esse putasset, substitutum omnimodò paternis creditoribus obligasset, quasi testamentò patris hereditatem consequutus esset. Gajus, ex eadem schola Sahinianorum, duplex vocat testamentum. d. L. 79. D. ad leg. Falcid. Contra Neratius diversae scholae unum testamentum esse patris, & filii; & qui patri heres extiterit, eundem filio impuberi necessarium heredem fieri, quasi ex eodem testamento. L. qui patri. D. de acq. vel omitt. hered. Marcellus quoque (quem Proculianum fuisse suspicor) unum esse testamentum, etiam jure praetoriò; quod & septem signa patris sufficiant, & satis sit patris tabulas esse signatas, licet resignatae sint filii tabulae. L. patris. 20. D. de vulg. Et hoc quidem magis placuerat Triboniano, unum potius esse testamentum, quàm duo testamenta; ut in ademptione legatorum, L. 16. D. de vulg. in contributione legatorum, L. 11. §. quod vulgo. D. ad leg. Falcid. in deductione legis Falcidiae, d. L. 79. D. ad leg. Falcid. & L. 1. §. 1. D. si cui plus, quàm per leg. Falcid. & in quaestione L. 4. C. de necessar. serv. hered. instit. L. 20. C. de jure deliberandi, quae ex hac pendebant controversia; & generaliter pro uno testamento habendum esse. d. L. 20. & L. 38. D. de vulg. & pupill. substit. d. §. instit. de pupill. substit.

Jurisjurandi voluntarii, necessarii, judicialis distinctio.

C A P U T XIII.

NON modò Latini interpretes in triplicis illius jurisjurandi distinctione à Graecis, sed etiam Graeci inter se, & Latini quoque invicem dissentiunt. Voluntarium jusjurandum plerique ex Latinis dicunt, quod à parte parti defertur extra judicium. Et quidem ex Graecis, ut Balsamo ad Nomocan. Photii, tit. 13. cap. 18. Voluntarium nempe, quod videlicet de voluntate partium extra judicium praestatur. Quidam alii ex Graecis, voluntarium id esse dicunt, quod à parte parti defertur, sive extra judicium, sive in judicio. Ecloga Basilicòr lib. 22. tit. 5. cap. 116. & nov. 124. tit. 1. §. 1. de jurajurando, & divinis. i. e. de jurejurando & relato, & judiciali. Accaliates in Synopsi, tit. 18. voluntarium jusjurandum, interpretatur delatum, & voluntarium, sive in judicio. i. e. voluntario, seu delato. Et Balsamo ex Basilicis d. cap. 18. in principio. Necessarium quidam ex Latinis dicunt, quod à iudice defertur actori, vel reo, in dubiis causis, propter inopiam probationum: idque esse necessarium, quia is, cui iudex jusjurandum detulit, jurare teneatur, nec jusjurandum referre possit. Alii ex Latinis, quod à parte parti defertur in judicio, vel refertur. Balsamo d.

Par. I.

M

cap.

cap. 10. *Necessarium*, quod deferente alore, ex interloquutione iudicis datur. Quidam ex Graecis, necessarium id esse, quod refertur, in *Ecol. Basilic. d. tit. 5. ἀπαραίτητον*, idque esse necessarium, quod est, cui iusjurandum refertur, necesse habeat jurare; is verò, cui deferitur, referre possit. Judiciale quidam ex Latinis illud existimant, quod à parte parti deferitur in iudicio; idque esse iudiciale, quod in iudicio deferatur. Alii ex Latinis, & Graeci in eo consentiunt, iudiciale esse, quod propter inopiam probationum à iudice deferatur; quasi iudiciale dicatur non quod in iudicio, sed quod à iudice. deferatur. Cujacius primùm Latinos sequutus ad *lib. 5. sent. Paul. tit. 32.* à Latinis ad Graecos transfuga, in *paratis. Digest. ad tit. de iurejurando*; ac deinde à Graecis ad Latinos refuga exitit *lib. 18. Paul. ad edict. in L. 17. D. cod. tit. de iurejurand.* Inter diversas illas Graecorum, Latinorumque distinctiones, potior haec videtur; voluntarium iusjurandum id esse, quod extra iudicium à parte parti deferitur; nemo enim iusjurandum extra iudicium sibi delatum suscipere cogitur, aut referre, d. *L. 17. D. de iurejurand.* & si quis susceperit, voluntarium est: Necessarium verò iusjurandum id esse, quod à parte parti deferitur in iudicio, vel refertur. Id, quod deferitur, necessarium est ex parte illius, cui deferitur; quia praetor eum jurare cogit, vel solvere, vel referre. *L. iusjurandum. 34. §. aut praetor. D. de iurejurando.* Neque ideo minus necessarium est, quod delatum referre possit: nam ut delationem subsequitur referendi necessitas, *L. i. l. d. 25. §. 1. D. de pecun. constit.* licet quis jurare possit, non referre; ita delationem sequitur iurandi necessitas. *Per iudicem solvere, vel jurare, nisi referat iusjurandum, necesse habet, L. delata. C. de reb. credit. & iurejurand.* licet quis referre possit delatum sibi iusjurandum, non jurare. Necessarium est, etiam quod sub alternatione necessarium est, & cogit. Plutarchus in *Romais: βασιλεὺς πρὸς Ἰσίδωρον τὸν ἑρμῆος δῶν. i. e. tormentum liberorum est iusjurandum.* Et Theagenes cum iurejurando à Chariclea adigeretur apud Heliodor. *lib. 4. Αἰθιοπικῶν*, aiebat, ἀγανάκτησιν οἷόν τι πρὸς τὸν νόμον καὶ τὴν δίκην. i. e. voluntatem metu potentioris coactam esse. Sed magis necessarium est ex parte illius, cui refertur, quia omnino jurare necesse habet. d. *L. 34. in fin. D. de iurejurand. & L. 12. §. 1. C. de reb. credit. & iurejurand.* Denique iusjurandum voluntarium à necessario debet distingui, non ex parte deferentis; sed ex parte suscipientis, ex ipsa suscipiendi voluntate, aut necessitate. Quod extra iudicium deferitur, ex voluntate suscipitur; & propterea voluntarium est: quod in iudicio deferitur, vel refertur, ex necessitate suscipitur; & propterea necessarium est. Iusjurandum iudiciale, id est, quod à iudice deferitur in dubiis causis, propter inopiam probationum, *L. admenendi. 31. D. de iurejurand. & L. 3. C. de reb. credit. & iurejurand.* quodque jam olim in usu fuisse refert Dionys. Halicarn. *lib. 11. Origin. αὐτὸν οὐχ οὐκ ἔστιν ἀλλὰ τὴν δίκην τὰ πάλαι τὴν ἀμνηστίαν τοῖς ἐν τῇ πόλει οἰκτοῖς ὁ νόμος δίδωσι. i. e. & magistratus, & iudices maximam controversiarum partem fidei iurejurando interposito dirimebant.*

L. 5. D. de transactionib. rectè sub eo titulo positam esse.

C A P U T XIV.

Non video, cur non referri possit L. 6. D. de transactionib. ad eum titulum, sub quo posita est: etsi enim sumpta sit ex L. 1. §. ratio. D. testam. quemadmodum. aperiant. adhuc tamen pertinere potest ad tit. de transactionibus: & verbum *Transigi* in d. L. 6. propriè sumi, non per translationem. Ait Gajus: *Neque enim sine iudice transigi, neque apud iudicem exquiri veritas de his controversiis, quae ex testamento proficerentur, aliter potest, quam inspectis, cognitisque verbis testamenti.* Quidam sic intelligunt, quasi controversia, quae pendet ex testamento, non possit sine iudice transigi, hoc est, judicari; & ideo cum apud iudicem veritas exquiratur, inspicienda esse verba testamenti. Sed alia est mens Gaji; siquidem unum genus est transactionis, quod sit sine iudice, puta, ex conventione litigantium, vel iurejurandò voluntariò. L. 17. in princ. D. de iurejurando. Alterum genus transactionis est, quod sit apud iudicem, cum res sententià transigitur, L. quid ergo. §. poena. D. de his, qui notant. infam. vel iurejurandò necessariò, L. admonendi, in fin. D. de iurejurando. Gajus de utroque genere transactionis loquitur, de eo, quod sit sine iudice; & de eo, quod sit apud iudicem: neutram aliter fieri posse vel sine iudice, vel apud iudicem, si controversia sit ex testamento, quam inspectis verbis testamenti. Ita verbum *Transigi* & propriè, & per translationem sumi poterit in d. L. 6. D. de transactionib. ut propriè sumptum ad tit. de transactionibus pertinebit.

*Concubina, concubus, concubina, uxor gratuita, fœdalitaria:
Dubitatur de ea inscriptione, in qua viceconjux.
Ad L. libro. 144. D. de verb. signif.*

C A P U T XV.

CONCUBINATUS per legem nomen assumpsit, L. 3. D. de concubin. hoc est, per leges Juliam, & Papiam, quae procreationi sobolis favabant. Sed extra legis poenam est, hoc est, legis Juliae de adulteriis, quae vetabat adulteri damnatas uxores haberi, non concubinas. L. 1. §. 2. D. eod. tit. de concubin. Cum igitur concubinatus ex legibus Julia, & Papia nomen assumpsisset, ideo Paulus lib. 10. ad leg. Jul. & Pap. in L. libro. 144. D. de verb. signif. ex Masurio Sabino referebat: *Pellicem apud antiquos nam habitam, quae cum uxor non esset, cum aliquo tamen vivebat: quam*

nunc verò nomine amicæ, paulo honestiore concubinam appellari. Sic igitur in antiquis inscriptionibus convitricem & σύμειον, intelligere, debemus concubinam, quæ cum aliquo, ut Paulus loquitur, vivebat. Convitrix dicitur pag. 795. numer. 8. τῆ γλυυτάτῃ συμείῳ, i. e. dulcissimæ convitrici, numer. 9. eadem videtur dici Uxor gratuita in antiquis inscript. pag. 800. numer. 21. utpote quæ coempta non esset, nec aquâ, aut igni accepta, aliisve solennibus, quæ in nuptiis per coemptionem intercedebant. An non eadem fodalitria? pag. 602. numer. 5. Amantissimæ foderatissimæ fodalitriae consilii boni. Ut enim fodalitia Græcis ἰταίρια, iisdem concubina ἰταίρα. Hefychius, ἰταίρα, εἷμα, σῆμα, καὶ ἰταίρια. i. e. comes, amica, meretrix, concubina. Paul. in d. L. 144. Quam nunc verò nomine amicæ, paulo honestiore concubinam appellari. Et quidem si ea uxor fuisset, qui inscriptionem ponebat, honestius uxorem, aut conjugem, quàm fodalitriam appellasset. Sunt qui concubinam viceconjugem in antiquis inscriptionibus etiam retulerint; quod tamen adhuc reperire mihi non contigit. Fortè illa decepta inscriptio, fol. 70. numer. 3. Cum Valoria Nice conjugē, in qua legerant viceconjugē, cum in ea dissuisset, ut Ausonius de quadam alia inscriptione,

Saxi fragrine caesus apex.

Nice est nomen proprium, in antiquis inscriptionibus pag. 413. numer. 4. *Julia Nice* conjugii charissimo. pag. 672. numer. 14. *Clandia Nice*. atque in inscriptione leg. 10. C. de pact. & L. 1. C. de pact. convent. Hand dubito, quin nobis aliàs inscriptionibus illis suppositiciis saepe illudum fuerit.

*In quibusdam Concubina uxorem imitatur, sed magis differt.
Concubinatus non est legitima conjunctio.*

C A P U T X V L

CONCUBINA est uxoris locò. *L. libro. 114. D. de verb. significat.* Suetonius in *Vespasian. cap. 3. Revocavit in contubernium, habuitque etiam Imperator patrem iustae uxoris loco.* Uxorem legitimam imitatur. Julianus Antecessor ad *Nervell. 18. adeo, ut quandoque dubium esse possit, an uxor sit, vel concubina. L. donationes. 31. D. de donatien.* Est uxor, sed injusta. *L. si nuxor. D. ad leg. Jul. de adulter.* Hebraeis legitimae conjugii dimidium. Concubinitus per leges nomen assumptis, *L. 3. D. de concubin.* Cum concubina est licita consuetudo, *L. 5. C. ad Senatufc. Orphitiam.* non tamen dicemus, concubinatum esse legitimam conjunctionem, ut Balsamo, & alii; eorum enim demum iustae, & legitimae sunt nuptiae, qui secundum praecepta legum coeunt, *§. 1. Instit. de nupt.* hoc est, secundum praecepta legis Juliae, & Papiae. Aliud est concubinam, seu concubinatum per leges Juliam, & Papiam nomen assumptisse; aliud ex his legibus legitimam esse conjunctionem; quod vix admittendum est. *D.*

Am-

Augustin. *lib. 4. confession. cap. 2.* In illis annis unam habebam, non eo, quod legitimam vocatur, conjugii cognitam; sed quam indagaverat vagus ardor, inops prudentiae; sed unam tamen, ei quoque servans thori fidem. Iusti, seu legitimi liberi sunt secundum legem Juliam, Papiamve quaelibet. Gajus *lib. 2. l. iustit. in fragm. leg. Mos. rit. 16.* Liberi ex concubina sunt naturales tantum. Isidor. *lib. 9. Origin. cap. 5.* Concubina quidem in eo uxorem imitator, quod ut unam solum uxorem habere licet, *L. 3. C. comm. de manumiss. L. 18. C. ad leg. Jul. de adult.* ita unam solam concubinam, *Novell. 18. cap. 5. §. si autem.* Nec etiam concubina cum uxore haberi potest. *L. ultima. D. de divorti. L. ex ea. 121. D. de verb. oblig. Cassiodorus lib. 9. variat. epist. 18.* aut si habeatur, ea pellex est, non concubina. *d. L. 144. D. de verb. signific. cuius nomen minus, quam concubina, seu amica, honestum est.* Testatio fiebat in nuptiis, *L. 4. D. de fid. instrum.* ita & in concubinatu testatio interponi debuit, liberam, ingenuamve concubinae loco affirmi: eam, puta, quae obscuris locis nata esset, vel corpore quaelibet fecisset. *L. 3. D. de concubin. alioquin* liberae mulieris consuetudo non fuit concubinatus, sed matrimonium. *L. in liberae. D. de rit. nupt. L. stuprum. D. ad leg. Jul. de adult.* Concubinae nomen honestum est, *d. L. 144. D. de verb. signific.* liberi ex concubina suscepti, ex testamento, & ab intestato, in quasdam partes patri succedunt, *d. Nov. 18. cap. 5. & matri in viriles cum ceteris legitimis, d. L. 5. C. ad Senat. Orphitian.* Verum concubina ut ab uxore differt nomine, Leo Papa *epist. 92. ad Rustic. Narbonens. cap. 4.* Aliud est uxor, aliud concubina; aliud est nupta, aliud concubina: ita & differt conditione, *L. qui concubinam. 29. D. de legat. 3.* differt animi destinatione, *L. 2. D. de concubin. seu affectione:* alia est enim affectio maritalis, *L. 32. §. si mulier. D. de donation. inter vir. & uxor.* alia affectio erga concubinam, *L. 3. §. 1. D. eod.* sed maxime differt dignitate. *L. item si. 49. §. 1. D. de legat. 3.* Uxor est nomen dignitatis, Spartianus in *Aelio Vero*; concubina non retinet matrisfamilias dignitatem. *L. probrum. D. de ritu nupt.* Differt honore: uxor pleno honore diligitur. *L. cum tabulis. §. quoniam. D. de iis, quae ut indign. Magis honestum est nomen matrimonii. D. Augustin. lib. 6. confiss. cap. 12.* Delectationes consuetudinis meae, ad quas si accessisset honestum nomen matrimonii; non cum mirari oportere, cur ego illam vitam nequirem spe. nere. Itaque concubina non erat materfam. *d. L. probrum. D. de rit. nupt.* nec matrona, *d. L. si uxor. D. ad leg. Jul. de adult.* nec domina vocabatur, quo nomine mariti uxores suas vocabant. Antiq. inscript. 707. num. 4. Dominae, & conjugii charissimae ob proximam erga se pudicitiam. Et Scaevola in *L. Titia. 19. §. 1. D. de ann. legat. & fideic.* Domina sanctissima, scio te de amicis meis curaturam. Quod erat nomen dignitatis. Salvianus *epist. ad Hypatum, & Quietam.* Quae vobis per varia nomina nunc fuit mater, nunc avicula, nunc domina: cuos esset unum vocabulum, scilicet generis, aliud infantiae, tertium dignitatis. Concubina non habebat jus uxorium, *d. L. qui concubinam. D. de legat. 3.* quod est jus domini. Salvian. *lib. 7. de gubern. Dei:* Habuisse enim illic matresfamilias jus suum, & dominarum honorem, potestatemque tenuisse verum est; habuerunt quidem mulpae integrum jus domini, sed

nub.

nulla ferè impollutum jus matrimonii. Praeterea eas concubinas habere licet, quas non licet habere uxores. *L. 1. §. 2. D. de concubin.* Idque fortè Servius intelligebat ad *Virgil. 2. Aeneid. v. 678.*

Coniux quondam tua dicta relinquitur.

Et est sensus, quam semper conjugem nominasti: haberi enim quævis poterat; nominari non nisi nobilis, Cujuscumque ætatis haberi poterant concubinae, d. L. 1. in fin. D. de concubin. non uxores, L. si quis. C. de nuptiis. Ulpianus lib. singul. reg. tit. 16.

Defenditur vexata lætio Florentin. in L. cum tabulis. §. 1. D. de iis, quæ ut indign. ab adjectione, & trajectione verborum vindicatur; locus exponitur.

C A P U T XVII.

FRUSTRÀ verba quædam adjiciunt, & trajiciunt in *L. cum tabulis. §. 1. D. de iis, quæ ut indign.* si aliter ex eo manifesta sententia eruatur. Cassianus V. C. Ruffinam quandam ingenuam plenò honore dilexerat, hoc est, honore maritali: Idem Cassian. Ruffinae filiam testamentò alumnā appellaverat, & nepti còheredem dederat. Ruffinae filia hæres ex parte instituta controversiam à fisco patiebatur, quasi indigna; cum nec matri Ruffinae, nec filiae ejus quidquam Cassianus testamentò relinquere potuisset: non matri Ruffinae; vulgaris fuerat, quæ filiam vulgò quæsitam habuerat, ut hîc Papinianus innuit, *Cujus filiam vulgò quæsitam apparuit*; atque ita Cassiano uxor esse non poterat: siquidem Senatores, eorumque liberi, lege Juliâ prohibentur famosas, probrosas, aut etiam vulgares feminas uxores ducere. Ulpianus *lib. sing. reg. tit. 13.* eoque spectat *L. probrum, & L. palam. D. de rit. nupt.* aut si hujusmodi uxores contra leges duxerint, nihil inter se vir, & uxor capiunt. Ulpianus *lib. sing. reg. tit. 16.* Nihil igitur Ruffina vulgaris femina, quam adversùs leges Cassianus uxoris affectione habebat, ex ipsius testamentò capere poterat: nec Ruffinae filia, quasi in fraudem legis instituta, ut ipsa caperet quod mater capere non poterat. Veruntamen actionem non esse denegandam filiae heredi institutæ Impp. judicarunt, quòd apparuisset eam vulgò quæsitam esse, & (ut existimo) à matre susceptam, antequam cum Cassiano consuetudinem haberet: quam quia Cassianus aluerat, ideo testamentò alumnā appellaverat. Si filiam ex Ruffina Cassianus suscepisset, eam non alumnā, sed filiam testamentò appellasset. Quod ergo Ruffina vulgaris fuisset, uxor Cassiano esse non poterat, licet eam uxoris animò Cassianus haberet; plenòque honore (ut hîc loquitur Papinianus) diligeret: maritalis honor facit matrimonium, sed personis comparatis, *L. donationes. D. de donationibus*; scilicet si inter personas matrimonium esse possit: affectio, seu animus eam uxorem non facit, quæ uxor esse non potest.

potest. L. 12. §. 3. D. ad leg. Jul. de adult. Sed quamvis Cassiano non esset matrimonium cum Ruffina, non tamen stuprum cum ea commiserat: quia Rursum cum ingenua non committitur, si corpore quaestum fecerit. L. in liberae. D. de rit. nupt. L. stuprum. D. ad leg. Jul. de adult. Concubinae haberi possunt, in quas stuprum non committitur. d. L. 1. D. de concubin. Itaque Ruffina, quae uxor esse non poterat Cassiano, concubina illi fuit: & quia Ruffina concubina heres institui poterat, filia ipsius heres institui potuit; quod Papinianus proposuerat in concubina initio hujus §. respondit in filia concubina. Leges non prohibebant, concubinam heredem institui, eive donationem fieri, L. 3. §. 1. D. de donat. inter vir. & uxor. sed videbatur Cassianus Ruffinam contra leges uxorem animò habitam non potuisse heredem instituere, ut nec ei donare. d. L. 2. §. 1. & L. 32. §. ult. D. de donat. inter vir. & uxor. At Imp. judicarunt, Ruffinam Cassiano potius fuisse concubinam, quam uxorem: quia non duxerat solenniter, non fecerat tabulas nuptiales, ideoque ipsam, ipsiusve filiam heredem institui potuisse; nec quasi indignis hereditatem auferri oportere. Ex his, qui non ita pridem locum istum attigerunt, quidam existimant Ruffinae filiam fuisse Cassiani concubinam, privignamque in concubinam haberi potuisse. Quod non facile admittitur: quamvis enim eas concubinas haberi liceat, quas uxores habere non licet, d. L. 1. D. de concubin. id verum est inspecta solum ratione juris civilis, non juris naturalis. L. etiam. §. 6. D. de rit. nupt. Filia uxoris vulgò quaesita nobis privigna est, L. 7. D. de gradib. & adfinib. sed quemadmodum nefaria est conjunctio, si concubina patris deinde sit filii concubina, d. L. 1. §. 1. D. de concubin. ita nefaria esset conjunctio, si maritus privignam, aut filiam uxoris haberet concubinam.

Professores Civitatum, & Principum judiciis probati. Ad
L. Magistros C. Theodof. de medic. & professoribus,
& L. 7. C. eod.

C A P U T. XVIII.

EX Luciano totam illam constitutionem videtur sumpsisse Julianus, ut refert Socrates lib. 3. Histor. Eccles. Lucianus in Eunuche: τοῦ ἀμωνοῦ βιωῦντα μάλλον, ἢ τοῦ ἐν τοῖς λόγοις αὐτοῦ ἀποκαταστήσαντος ἑστῆ, ὃ ἀναισθητὸν τῇ νύκτι νομίζω. i. e. melius viventem potius, quam ad disputandum promptiorem quaerens, & proximiorē victoriā existimans. Julianus in d. L. magistros: Magistros studiorum, doctoresque excellere oportet moribus primum, deinde scientiā. Idem Julianus in Epistola, qua interdicat Christianis professoribus lectione Graecorum: αὐτὰρ πρὸς τὸ χεῖρ ἔχειν. καὶ ἀμωνοῦ βιωῦντα, ἢ τοῦ ἐν τοῖς λόγοις ἀποκαταστήσαντος. i. e. decebat igitur omnes professores quidvis docere, esse bonis moribus. Lucianus paulò supra in Eu-

πικρο. ἀποδιδόντες αὐτῶν τινας ἄλλοις ἀντιμαδίσταται διαμαρτυρεῖται ἴσως ἢ ἀρί-
στον. i. e. mortuo aliquo ipsorum alium subrogari optimatum suffragiū pro-
batum. Julianus, *Decretum curialium mereatur optimorum consensu con-*
sensu. Et hoc quidem vetus fuerat decretum Atheniensium, ut nemo
eorum, qui philosophiam profiteri vellent, id absque iudicio publico face-
ret, aut eis poena mortis esset. Diogenes Laërtius in *Theophrast. Madistra* ἢ
φιλοσόφον σχολῆς ἀφαιρῶν, ἀρ μὴ τῇ βουλῇ, καὶ τῷ δήμῳ δοῇ. ἢ δὲ μὴ,
δάνατος ἢ τῶν ἑταίρων. i. e. nullum philosophorum scholae praeesse, nisi decreto
senatus, & populi; qui secus faceret, capitale esset. Ita Eupapius in *Proce-*
ressio refert, Julianū sophistā mortuū, civitatem in ipsius locum professio-
res delegisse: ἀπαλθόντος Ἰουλιανῷ, τὰς Ἀθήνας ἔχον ἱπὸς τῶν διαδόχων, ἢ δὲ
ταῖς λόγους πλειονότηματι. i. e. extinctū autem Julianū, Athenienses desiderii sta-
gravant alicujus, qui in docendo praerogativas ferret. Verūm praeterea
Julianus voluit in d. L. magistros. C. Theodos. de Medic. & professorib. decre-
tum ad se tractandum referri: Ut altiore (inquit) quodam honore nostrū
iudiciū studiis civitatum accedant. Quae verba immeritū desunt in *Cod.*
Justin. Non autem primus id Julianus voluit, ut professores iudiciū Prin-
cipum probarentur; sed alii ante eum retro Principes. Alexander Aphro-
disaenus in lib. de fato ad Severum, & Antoninum, ait, se testimonio illo-
rum philosophiae doctorem fuisse renuntiatum: ἢ τῶν φιλοσοφίας σχολῶν καὶ
τῶν ἐκτελέγει μαθημάτων διδασκαλίας αὐτῶν πανηγυρίων. i. e. cuius (Aristotelis)
philosophiae praefectus vestro testimonio magister ejusdem renunciatus. Sanē
professores, qui Principum iudiciū probari merentur, altiore quodam hono-
re, ut Julianus loquitur, studiis civitatum accedunt: eoque potissimum in-
centivo studiis civitatis, in qua nunc versor, accessisse non negaverim.

*Pauci, rarique Jurisconsulti; tres inter alios maximi
diversis aetatibus profecerunt.*

C A P U T XIX.

QUAMVIS Jurisprudentiam plurimi, & maximi viri professi sint,
haud tamen plurimi ad perfectam ejus artis scientiam pervenerunt.
Theodosius Novell. de Theodos. Cod. auct. Tam pauci, rarique extiterint, qui
plenā juris civilis scientiā ditarentur; & in tanto incubrationum tristi pa-
lore vix unus, aut alter receperit soliditatem perfectae doctrinae. Theodo-
sius unum, aut alterum meminit: tres verd praecipuae dignationis, ce-
terisque antepositos fuisse reperio; Serv. Sulpitium, Salv. Julianum, Aemi-
lium Papinianum. De Servio M. Tullius Philipp. 9. Omnes ex omni aetate,
qui in hac civitate intelligentiam juris habuerunt, si unum in locum conse-
rantur, cum Servio Sulpitio non sunt comparandi. Julianus omnium juris
conditorum, qui olim fuerant, prudentissimus dicitur L. 3. §. 18. C. de vet.
jur. enucleand. Papinianus, per suam scientiam magnus; Spartianus in Se-
vero.

vero, merito inter alios excellens, L. cum acutissimi. C. de fideicommissis. cuius auctoritas aequali hinc & inde dissentientium auctororum numero praevalet, L. unic. C. Theodos. de responsis. prouidet. At tres illi diversis aetatibus proficerunt: Papinianus primâ aetate; nam cum triginta sex annis solum vixerit, (si vera est inscriptio, quam Aldus protulit, quaeque Romae extat) dicendum, Papinianum admodum juvenem juris studium attigisse, ut qui triginta sex annos natus illius studii plenam, perfectamque cognitionem esset assequutus. Servius Sulpicius mediâ jam & provectâ aetate coepit acriter illi studio incumbere, cum à Q. Mutio Scaevola, quasi parum sciens oburgatus fuisset: non poterat tunc non esse provectae aetatis Sulpicius, qui jam primum in causis agendis locum aut post M. Tullium obtinisset, L. 2. §. Servius. 43. D. de orig. jur. Salv. Julianus extremâ aetate adhuc proficiebat, cum annum agens septuagelimum & octavum semper aliquid vellet addiscere: ut ex eo refert Pomponius L. apud Julianum. D. de fideicommissis. liberatis. I nunc, & aetatem vitae ullam discendae juris scientiae idoneam esse difficere.

Alia est remissio, quae fit interdictis de remissionibus, ubi nuntiatio novi operis non tenet; alia remissio, quae fit cognitione Praetoris, ubi nuntiatio tenet. Locus diffinitis in L. unica. D. de remissionibus, exponitur. Lectio Florentina retinetur.

C A P U T XX.

DIFFICILEM, & anxiam hujus loci interpretationem esse constat ex eo, quod primi Glossographi lectionem turbarunt, expunctâ negatione in §. 2. quod agnoscit Accursius. Lectio Florentina habet, *Verba praetoris ostendunt remissionem ibi demum factam, ubi nuntiatio non tenet.* Quidam legebant, *ubi nuntiatio tenet*, quia videbatur illis remissionem ibi fieri debere, ubi nuntiatio tenet; nec esse remissionem, ubi nuntiatio non tenet. Alii nuperè verba §. 4. transmutarunt, ubi legitur in Florent. *Remissio inutilis erit*, legunt *utilis erit*; ubi legitur *remissio utilis erit*, legunt *remissio inutilis erit*. Distinguenda est remissio, quam praetor interdictis facit, ab ea, quae fit cognitione praetoris: siquidem ubi is, qui nuntiavit novum opus, non habet jus prohibendi, & nuntiatio ab eo facta non tenet; praetor interdictis remissionem facit. Praetor quidem edictis novi operis nuntiationem permittit, sed & interdictis remittit prohibitionem, quatenus is, qui nuntiasset, prohibendi jus non habet: L. 1. in princip. D. de nov. oper. nuntiat. Ait praetor in L. unic. in princip. D. de remissionibus. *Nuntiationem missam facio, non faciam.* Ulpianus, *verba praetoris ostendunt remissionem factam, quae praetor*

Par. I.

N

tor

tor eam facit interdictō. Et de hac quidem remissione, quam praetor interdictō facit, absque ulla causae cognitione, intelligere debemus d. L. unie. §. 1. D. de remissionibus, eo interdictō remissionem fieri à praetore, ubi nuntiatio non tenet; scilicet quando facta est ab eo, qui jus prohibendi non habet. Alia est remissio, quae fit cognitione praetoris, L. 5. §. si ita, cui. 17. D. de nov. oper. nuntiat. ubi nuntiatio tenet, & facta est ab eo, qui jus prohibendi habet. Cognoscebat praetor, an iusjurandum calumniae exigeret ab eo, qui novum opus nuntiaverat, L. 5. §. 14. D. de nov. oper. nuntiat. & ab eo, cui nuntiatum erat novum opus, satisfactionem exigeret, L. in conventionalibus. 52. D. de verb. obligat. vel si de iure illius apparet, permittebat aedificare, L. 20. §. 13. D. de nov. oper. nuntiat. & de ista quidem remissione, quae fit cognitione praetoris, agitur in §. 4. d. L. unieae: Item Juliano placet fructuario vindicandarum servitutium jus esse, secundum quod opus novum nuntiare poterit vicino, & remissio utilis erit: ipsi autem domino praedii, si nuntiaverit, remissio inutilis erit. Ex Juliani sententia, quia fructuarius habet jus nuntiandi novum opus vicino, nuntiatio tenet: & quia nuntiatio tenet, utilis est remissio; id est, debet vicinus adire praetorem, & desiderare, ut missam faciat nuntiationem: nam ubi nuntiatio tenet, necessaria est remissio. d. L. 5. §. si in pluribus. 16. At si fructuarius domino praedii novum opus nuntiaverit, inutilis est remissio; id est, non est opus adire praetorem, qui remissionem faciat: nam quia inutilis est nuntiatio, L. 2. D. de nov. op. nuntiat. nec ullum effectum habet, d. L. 5. §. 1. D. eod. inutilis est quoque remissio. Quare male jungitur §. 1. cum §. 4. in d. L. unie. D. de remission. In §. 1. agitur de remissione, quam praetor facit interdictō, ubi nuntiatio non tenet; in §. 4. agitur de remissione, quae fit cognitione praetoris: quae utiliter postulatur, si facta sit nuntiatio ab eo, qui habet jus prohibendi; inutiliter autem postulatur, si facta sit nuntiatio ab eo, qui non habet jus prohibendi.

Pacta quaedam ex intervallo apposta contractibus bonae fidei insunt etiam ex parte actoris. Exponitur §. adeo in L. juris gentium. D. de pactis.

C A P U T XXI

PACTA apponuntur contractibus incontinenti, vel ex intervallo: Incontinenti, id est, initio contractus, L. contractus. 23. D. de reg. jur. in ingressu contractus, L. 7. §. quinimo. D. de pactis: cùm inchoatur actio, L. 27. D. de reg. jur. vel statim post contractum, L. lecta est. D. de reb. credit. ante, & statim post contractum, L. petens. C. de pact. L. 3. C. de Aedilit. actionib. si ex intervallo apponantur, non pariunt actionem; sed tantum proficiunt ad exceptionem, ut vulgò creditum est. Veruntamen certum est, quaedam pacta ex intervallo apposta bonae fidei contractibus parere actio-

actionem; nam si per pactum excipiat, aliquid ex natura contractus, exceptiones hujusmodi insunt ex parte agentis. Ulpianus in d. L. 7. §. adeo. *D. de pactis*, Adeo autem bonae fidei iudicii exceptiones postea factae, quae ex eodem sunt contractu, insunt. Exceptiones sunt, cum aliquid, quod est ex natura contractus, in contrahendo excipitur. *L. in emptioibus. D. eod. tit. de pact.* L. 3. *D. de rescind. vendit.* Exceptio ex contractu nihil aliud est, quam pactum, quod detrahit contractui. *L. pacta conventa. D. de contrah. empt. pacta*, quae postea facta detrahunt contractui, sunt exceptiones postea factae ex eodem contractu. Subjicit Ulpianus in §. adeo: Quod cum est, ex parte agentis pactio locum habet, ut & ad actionem proficiat re nondum sequuta. At quomodo ex intervallo pactum inesse potest ex parte agentis, ut proficiat ad actionem? Ex parte rei quidem inesse constat, ut exceptio ipso jure insit; puta, in contractu venditionis, quia assidua est in mancipiorum venditione duplae stipulatio. *L. quod si nolit. §. quia. D. de Aedilit. edict.* Finge, inter emptorem, & venditorem mancipii ab initio convenisse, ut duplae cautio praestaretur; & ex intervallo, re tamen nondum sequuta, inter eosdem convenisse, ne duplae cautio praestaretur. Si emptor agere velit adversus venditorem, ut de dupla caveat; venditor tutus est ipso jure, cum exceptio insit contractui; vel, ut loquitur Papinianus in d. L. 72. *D. de contrahent. emptio.* contractu ipso contineatur: ex parte vero agentis pactum ex intervallo factum inesse potest. Finge contra, ab initio convenisse inter emptorem, & venditorem mancipii, ne duplae cautio praestaretur; & postea, seu ex intervallo, nondum tamen re sequuta, aut traditione facta, inter eosdem convenisse, ut duplae cautio praestaretur: ex hoc pacto quamvis postea facto agere poterit emptor adversus venditorem, ut de dupla caveat; quia exceptiones, quae sunt ex eodem contractu, etiam ex parte agentis locum habent, ut & ad actionem proficiant. d. L. 7. §. adeo. *D. de pactis*. ubi sane difficillimum erat ostendere, quomodo exceptio ex parte agentis locum habere possit, quae non nisi ex parte rei locum habere posse videatur.

Expositio plana, & facilis L. pacta conventa. D. de contrah. empt.

C A P U T XXII.

ILLUD est omnino responsum Papiniani in *L. pacta. 72. D. de contrah. empt.* cuius meminit Ulpianus in *L. 7. §. quinimo. D. de pactis*. & admodum Ulpianus cum Papiniano convenit. Papinianus in d. L. 72. *Pacta*, quae postea facta detrahunt aliquid emptioni, contineri contractum videntur. Ulpianus in *L. 7. §. adeo. D. de pactis*: Exceptiones postea factae, quae ex eodem sunt contractu, insunt. Exceptio ex contractu, nihil aliud est quam pactum, quod detrahit contractui, ut *super. cap.* ostendimus. Pa-

pinianus: *Quae verò adiciunt, credimus hoc non inesse.* Ulpianus: *Si post emptionem ex intervallo aliquid extra naturam contractûs conveniat, ob hanc causam agi ex empto non posse.* Pacta, quae detrahunt, fiunt de his, quae sunt ex natura, seu adminiculis venditionis; & ideo insunt contractui: pacta, quae adiciunt, fiunt de his, quae sunt extra naturam, & ideo inesse non creduntur. Utriusque pacti exemplum Papinianus subjicit in d. L. 72. Hoc pactum detrahit aliquid emptioni, si conveniat, ne duplae cautio praestetur, puta, in venditione Mancipii, in qua assidua est duplae stipulatio. *L. quod si nolit. §. quia assidua. D. de Aedil. edic. L. qui erat. D. famul. ere. sc. L. si quis Mancipii. D. de inst. act. L. 2. D. de evictionibus.* Hoc pactum adicit emptioni, si conveniat, ut cum fidejussore duplae cautio detur: etenim venditor duplae nomine tenetur tantum repromittere, non etiam satisficere per fidejussorem. *L. 1. §. stipulatio duplae. D. de stipulat. praetor. L. illud, L. emptori. 37. D. de evictionibus.* Subjicit Papinianus: *Sed quo casu agente emptore non valet pactum, idem vires habebit jure exceptionis agente venditore.* Pactum ex intervallo factum, quod detrahunt contractui, inest etiam ex parte agentis, ut supra ostendimus; pactum verò, quod adicit contractui ex intervallo factum, non inest, ut ex eo agi possit: sed quod non proficit ad actionem, proficit ad exceptionem. Finge, ex intervallo convenisse inter emptorem, & venditorem Mancipii, ut venditor cum fidejussore de dupla caveret; emptor eo nomine agere non poterit, quia pactum illud adicit aliquid extra naturam contractûs. Sed si venditor Mancipii pretium petat actione ex vendito, proficiet hoc pactum agente venditore, ut possit emptor excipere, si ita convenerit cum fidejussore de culpa caveri. Papinianus: *An idem dici possit aucto postea, vel diminuto pretio, non immerito quaesitum est.* Ea pacta, quae adiciunt, & detrahunt, habent locum in adminiculis emptionis; non in iis, quae sunt de substantia. Quare Paulus rectè notavit Papinianum, cum id quaesitum non immeritò diceret, in pactis, quae aliquid venditionis pretio detraherent, aut adicerent: nam per adjunctionem, aut diminutionem pretii à priori contractui receditur; atque ita illi contractui, à quo recessum est; pactum inesse non potest.

Alia est substantia, atque alia natura contractûs emptionis.

C A P U T XXIII.

SUNT qui naturam, & substantiam contractûs emptionis permisceant; sed ut in aliis rebus substantia, & natura distinguitur. *Idior. lib. 7. Origin. cap. 4. Verè substantia apud Graecos persona intelligitur, non natura.* Ita & in contractibus, qui suam habent naturam, & substantiam. Alia igitur est substantia, atque alia natura emptionis. Substantia emptionis

ex pretio consistit. *L. pacta. 72. D. de contrab. empt. L. si donationis. C. eod.* Res quoque est de substantia emptionis. *L. nec emptio. D. de contrab. empt.* Evidtio est de natura emptionis, ex his, quae insunt naturaliter hujusce iudicii potestate, *L. ex empto. in princip. D. de actionib. empti*: ex ceteris venditionis. *L. si duo. §. si quis iuraverit. D. de iureiur.* Item duplae cautio est ex natura emptionis, *L. quod si nolis. §. quia. D. de Aedilic. editio.* ex his, quae sunt adminicula emptionis. *d. L. 72. D. de contrab. empt.* sed neque evidtio, neque duplae cautio, sunt de substantia emptionis. Pacta, quae sunt contra substantiam, immutant contractum; veluti ne pretium rei venditae detur; ne rei venditae dominium in accipientem transferatur. *L. nuda. 55. & L. cum manu. 80. §. ult. D. de contrab. empt.* Et quae sunt circa substantiam, veluti si pretium rei venditae augeatur, vel minuat. *d. L. 72. At pacta possunt fieri contra naturam contractus, L. 7. §. 2. D. de pact. L. 5. §. 4. D. de praescript. verbis,* veluti ne duplae cautio praestetur, *d. L. 72. D. de contrab. empt.* ne venditor de evictione teneatur, non tamen ut re evicta venditor pretium reddere non teneatur, *d. L. ex empto. §. ult. D. de actionib. empti*: quia contractus bonae fidei hanc legem pati non potest, ut emptor rem non habeat, & pretium amittat. *Salvianus lib. 5. de gubernat. Dei*: Novum quippe hoc genus emptionis, & venditionis est; venditor nihil tradit, & totum accipit; emptor nihil accipit, & totum amittit. Pacta igitur fieri possunt contra naturam emptionis, non contra substantiam; quia alia est substantia, atque alia natura emptionis.

Pacta incontinenti apposita stipulationi insunt ex parte actoris, & rei. Rejesta Stephani Graeci interpretis sententia.

Ad L. petens. 27. C. de pactis.

C A P U T XXIV.

GRAECORUM interpretum sententiae primū suā novitate placent; quae si attentius expendantur, minus verae sunt: ut haec Stephani, pacta apposita contractibus stricti iuris inesse ex parte rei tantum, non etiam ex parte actoris; id enim malè probat ex *L. rogasti. §. si tibi decem. D. de rebus credit.* Si tibi decem dederō, ut novem debeas, novem tantum peti possunt: non quia in mutuo, ut in aliis contractibus stricti iuris, insit istud pactum ex parte rei; sed quia creditor novem tantum animo credendi, reliquum animo donandi dedisse videtur. Si verò decem tibi dederō, ut undecim debeas, non nisi decem peti possunt: non quia pactum non insit ex parte actoris, sed quia mutuum re contrahitur, & pactō contrahi non potest, ultra quam datum est. *L. si tibi decem. D. de pact. L. cum ultra. C. de non numerat. pecun.* Non juvatur haec sententia ex *L. 7. §. quinimo. D. de pact. & L. in bonae fidei. C. eod.* quasi id, quod de bonae fidei iudiciis dicitur, aliter in iudiciis stricti iuris intelligi debeat:

beat: nam non est differentia inter contractus bonae fidei, & stricti iuris, circa pacta incontinenti facta, quae his, & illis insunt ex parte actoris, & rei; sed circa pacta ex intervallo, quae inesse possunt contractibus bonae fidei ex parte actoris, & rei: nunquam verò inesse possunt contractibus stricti iuris aut ex parte actoris, aut ex parte rei. Contra autem facile probatur ex *L. potens. 27. C. de pact.* pactum stipulationi appositum inesse ex parte actoris. Praecipua in ea lege 27. fuerat dubitatio, an ex stipulatione agi posset, quae pactum antecesserat; quasi pactum post stipulationem factum, non esset stipulatione comprehensum. Minus dubitabatur de pacto, cui erat subdita stipulatio, quaeque pactum claudebatur, ut in *L. 7. §. quod ferè. D. de pact. L. cum essent. D. de servis. rustic. praedior. L. qui Romae. §. Callimachus. D. de verb. obligat.* Ajunt Impp. ex stipulatione siue antecessit pactum, seu post statim interpositum sit, rectè peti: quasi nulla sit differentia utrum pactum praecedat stipulationem, vel statim, seu incontinenti subjiçiat stipulationi; ut scilicet ex eo agi possit. Et Paulus quidem in *L. lecta est. D. de reb. credit.* ita sentiebat, pactum incontinenti appositum stipulationi inesse, non tantum ut proficeret ad exceptionem, sed etiam ad actionem: non ut inesset tantum ex parte rei, sed etiam ex parte actoris. Denique pacto stipulationi subiecto, perinde esse, ac si per singulos menses P. Maevius certam pecuniam stipulatus, quoad tardius soluta esset, usurar adiecisset, ut ita inesse posset pactum ex parte P. Maevii creditoris, non tantum ex parte L. Titii debitoris. Et hanc sententiam suam Paulus obtinuisse ait, diversam à Papiniani sententia, qui pactum stipulationi subiectum ad exceptionem tantum predesse sentiebat; & inesse tantum ex parte L. Titii debitoris, non etiam ex parte P. Maevii creditoris. Quid enim si convenisset pacto stipulationi subiecto, ut L. Titius ex quindecim millibus trecentis ante Kalendas refunderet? P. Maevius ex hoc pacto ante Kalendas agere potuisset.

Fores aedium aliàs perclusae, aliàs revulsae oh pensionem non solutam. Derisus Nerva Jurisconsultus. Ad L. pen.

D. in quibus causis pign. vel hypothec. tacite contrah.

C A P U T XXV.

SI inquilinus pensionem domus non solveret, dominus aedium obsignatis, quae erant intus, fores percludebat. *L. penult. D. in quib. caus. pign. vel hypoth. tacite contrah.* Contra verò more longe dispari, pensione non soluta dominus fores aedium revellebat, regulam auferabat, putamen obstruebat apud Scobaeum, *Sermon. 1. ex Mufonio*, ut videtur: καταστρεψαί τε αὖτις (quod ē Bior) ἐξουκλῖναι, ἢ ἂν τὸ ἀνέκλειον ἢ μὲν ἄρας ἢ ἐμὴν ἐμῶν, τῇ

ἐν δὲ τῷ ἀφῶ, τῷ ἀλεγεινῷ ἀφῶ, ἢ ὅπῃ ἰσχυρῶς. i. e. quemadmodum & à domo inquit Bion) exigimur, si locator, non accepto pretio habitationis, foras revellat, regulam adimat, puteum obscurat. Perclusis aediam foribus ob pensionem non solutam, putabat Nerva Jurisconsultus, servos intus decentos, à domino praetereunte per fenestram manumitti adhuc posse: quem & Paulus derisum fuisse ait in d. L. penult. hoc est, sententiam Nervae non modò non probatam, sed etiam cum irrisione rejectam fuisse. Donatus in Adelpb. act. 5. sc. 3. Derides, fortunatus qui istoc animo fies, amare, severique dixit: & ridet, qui simpliciter ridet; derides, qui cum alterius irrisione, & contemptu ridet. Servius ad 11. Aeneid. Is est versus Ennianus visperatus à Lucilio dicente per irrisionem, eum debuisse dicere, Horret, & alet. Unde Horatius de Lucilio, lib. 1. Satyr. 10. v. 54.

Non ridet versus Enni gravitate minores.

Actiones in factum discretæ. Actiones in factum, seu utiles accommodatæ legibus, non sunt civiles, sed prætoriae.

Exponitur §. ultim. Institut. de lege Aquil.

C A P U T XXVI.

PRAESCRIPTIS verbis in factum civilis est, L. 7. §. 2. D. de pact. L. si conveniit. 23. D. comm. dividun. L. 5. §. 2. D. de præscript. verb. ea- que sola in factum actio civilis, quæ & utilis dicitur, L. 6. C. de trans- actionib. quia prodita est exemplò directarum actionum, quæ ex certis contractibus oriuntur. Ceteræ actiones in factum, seu utiles, sunt prætoriae, non civiles; veluti quæ decernuntur ex contractibus, à prætore, ubi civiles actiones deficiunt, d. L. 7. §. 2. D. de pact. L. 1. D. si mens. fals. mod. dixer. vel quæ accommodantur, suppleuntur legibus, ex mente legum, quando ex verbis earum directà actione agi non potest. Ita prætor dat utilem actionem familiæ eriscundæ, ad exemplum directæ actionis, L. quotiens. 21. D. de præscript. verb. quæ iungenda est cum L. qui erst. 49. D. famul. eriscund. ex eod. lib. 2. disputationum Ulpiani; dat utilem furti actionem, L. si servus. 27. §. si quis de manu. D. ad legem Aquil. L. si is, qui. 66. §. si tu. D. de furt. utilem aquæ pluviae arcendæ actionem, L. si insusfructus. D. de aqua, & aqu. pluv. arcend. utilem actionem de pastu pecoris, L. qui servandorum. §. 3. D. de præscript. verb. Talis est actio utilis, seu in factum accommodata legi Aquiliæ. L. quia actionum. D. eod. tit. de præscript. verb. Directa actio à verbis legis Aquiliæ datur, cum à corpore corpori nocitum est; utilem verbò actionem prætor ex mente, & sententia illius legis accommodat, cum non à corpore in corpus damnum datur, L. boves. 53. D. ad leg. Aquil. vel à corpore non in corpus damnum datur,

datur. d. L. qui servandorum. §. 2. D. de praescript. verb. & dari dicitur, ad exemplum legis Aquiliae, d. L. §. 3. D. ad L. Aquil. Ulpianus in collat. legis Moisaic. tit. 12. quasi ex lege Aquilia, L. nam & §. 51. D. de furt. Quidam existimarunt, eam actionem in factum accommodatam legi Aquiliae esse civilem. At cum in principio d. L. 11. D. de praescript. verb. agatur de actione in factum praetoria, quod illi admittunt; inconcinne postea in eodem loco de actione in factum civili ageretur. Praeterea jus praetorium est, quod praetor supplendi juris civilis gratia introduxit. L. 7. D. de iur. & iur. Praetor autem huiusmodi actiones utiles supplet legibus. d. L. 11. D. de praescript. verb. Non movet, quod actio in factum, quae datur de damno dato, distinguatur ab utili actione, quae datur ad exemplum legis Aquil. §. ultim. Infit. de lege Aquil. quasi haec sit civilis, illa verò in factum praetoria: Imò utraque praetoria est; & utilis actio, ex lege Aquilia, dicitur etiam in factum actio. L. quemadmodum. 29. §. magistratus. d. L. boves. §. 3. D. ad L. Aquil. d. L. nam & §. 51. D. de furt. L. 2. §. 20. D. de bonor. raptor. & passim d. tit. 12. in collat. leg. Moisaic. Ideo autem utilis actio ex lege Aquilia ab actione in factum distinguitur d. §. ultim. Infit. de L. Aquil. non quia haec sit praetoria, illa civilis; sed quia utilis accommodatur ex mente, & sententia legis; in factum praetoria decernitur, ubi damnum datum est, quod nec ex sententia legis vindicari potest: cum tamen aequum sit, damnum illud datum à domino sarciri, actio in factum à praetore decernitur.

Ordo mortalitatis turbatus, retrogradit, sacris litteris indigitatus. Ad L. Nam & fi. 15. D. de inoffic. testam.

C A P U T XXVII.

ORDO mortalitatis est, ut qui prior venerit in lucem, prior moriatur. Aufonius in Epitaphiis Heroum, carm. 37.

Condatur, natu qui prior, ille prior.

Quod si aliquando ante parentes, filios mori contingat, turbatur ordo mortalitatis. Evander de Pallante filio occiso apud Virgil. 11. Aeneid. v. 160. seq.

Contra ego vivendo vici mea fata, superstes

Restarem ut genitor.

Servius: Namque hic ordo naturalis est, ut sint parentibus superstites liberi. Aufonius in Epitaph. Heroum, carm. 7.

Servatò Antilochus Nestore patre, obii:

Non hic ordo fuit.

Antiqua inscriptio Gruter. pag. 669. num. 4. *Mors immatura fecit, ut facerent parentes filio contra ordinem.* Atque ita Papinianus turbatum ordinem mortalitatis dixit in L. nam & fi. 15. D. de inoffic. testam. qui etiam

re-

retrogradus dicitur in antiqua inscript. *Ordine retrogrado defuncto*. Votum parentum est, ut superstites habeant liberos, & successores. Papinianus in d. L. 15. Parentibus non debetur filiorum hereditas, propter votum parentum. & in L. scripto. D. unde liberi. At si praemoriuntur liberi, contra votum parentum est. Antiq. inscript. 716. 7. Mater infelicissima contra votum pietatis posuit: & saepe alibi. Turbatus ille ordo mortalitatis sacris libris indigitatur, cap. 11. Genes. v. 28. Mortuus est Aran ante Thare patrem suum. Id enim sacrae litterae observari voluerunt, primum Aran turbato ordine mortalitatis ante patrem fuisse mortuum. Epiphanius lib. 1. adversus haereses in princip. ideo praemortuum fuisse Aran, ut in eo pater Thare graviter puniretur, qui primus defuncti statuas fecerat, atque idololatriae materiam praebuerat: Οὐδὲν, inquit, πάρεστι τῆς ἀρετῆς ἀνθρώπων πρὸ πατρὸς ὡς ἐπαύται, ἀλλὰ πατὴρ πρὸ πατρὸς πολλῶν τῶν εὖ διαδόντων κατελύματα. καὶ μὴ πρὸς λόγῳ οὐκ τῷ Ἀβελ, οὐ γὰρ δαπάνη ἰδίῳ τίθειν. i. e. Nullus unquam primorum hominum ante patrem filius mortuus est; sed pater ante filios defuncti successores ipsos reliquerunt; nec mihi aliquis Abelem opponat, non enim naturali morte mortuus est. Et postea: Ἰδοὺ δαυμάζεσθαι ἐν αἰῶνι γράφει, ἐκασμὶν αὐτῶν. καὶ ἀνιδαν Ἀβελ ὡς οὐκ ὀφείλει τῷ πατρὶ, ἐν τῷ γὰρ τῷ ἰσχυρισμῷ αὐτοῦ. i. e. Unde mirata sacra scriptura, notavit dicens: Mortuus est Aran in conspectu Tharae patris in terra nativitatis suae.

Emptionis definitio quaedam non probatur.

C A P U T XXVIII.

VIX probari possit illa emptionis definitio: *Emptio est conventio nuda, qua id agitur, ut rei tradendae dominium in accipientem transeat, dato certo pretio*. Nam conventiones nudaе sunt, quae remanent in suo nomine conventionis, nec transeunt in proprium contractum. L. 7. in princ. D. de pactis, quae placiti sine sunt, L. 27. C. de locat. & conduct. Atque huiusmodi conventionem de re certo pretio tradenda non nudam esse, sed transire in proprium emptionis contractum, plusquam manifestum est. Conventiones nudaе non sunt contractus, & vicissim contractus non sunt conventiones nudaе. Emptio quidem nuda contrahentium voluntate contrahitur, L. 1. §. 2. D. de rer. permutat. id est, nudò, sive solò consensu: neque enim opus est, rem tradi; ad hoc ut emptio contrahatur; idque dicitur ad differentiam permutationis, quae nudà voluntate non contrahitur, sed traditione rei interveniente. Praeterea id agitur in conventionem emptionis, non ut dominium rei tradendae in accipientem transeat, sed ut res tradatur. L. ex empto. §. 2. D. de actionib. empti. At qui tradit, non semper dominium transfert, L. traditio. 20. D.

Par. I.

O

de

de acquir. rer. dom. In traditione consideramus factum, *L. consilio. §. ultim.* *D. de curator. furios. & aliis*, & effectum, *L. 4. in princip. D. de usuris*, *L. si rem. 28. D. de verbor. obligat.* venditor tenetur solum ad factum tradendi, non etiam ad effectum dominii per traditionem transferendi.

Alimenta relicta ad quod tempus debeantur. Alimentarii pueri, & puellae. Spartiano lux, & Capitolino. Ad L. Mela. 14. §. 1. D. de aliment. & cib. legat.

C A P V T XXIX.

SI testator alimenta reliquerit, & certum tempus non expresserit, per totum vitae tempus debentur: si certum tempus expresserit, per illud tempus debentur. *L. Atrilius in princ. D. de liberat. legat.* si verò ad pubertatem reliquerit, favore alimentorum pubertatis tempus usque ad decimum quartum in puellis, & decimum octavum in pueris extenditur, licet citius puberes extiterint. *L. Mela. §. 1. D. de alim. & cib. legat.* Tempus illud decem octo annorum est, quo plerique pubescunt. *Paulus lib. 3. sent. tit. 14.* Adrianum autem constituisse refert *Ulpianus in d. L. Mela*, ut pueri usque ad decimum octavum annum, puellae usque ad decimum quartum annum alantur. An non illud incrementum liberalitatis intelligere debemus apud *Spartianum in Adriano*? *Pueris, ac puellis, quibus etiam Trajanus alimenta detulerat, incrementum liberalitatis adjecit*: ut incrementum illud fuerit non alimentorum, sed temporis diutius alimentis fruendis prorogati. *Trajanus, puta, usque ad pubertatem alimenta pueris, ac puellis detulerat*: cum quidam citius pubescerent, & ita alimenta eis puberibus factis jam non deberentur, *D. Adrianus incrementum liberalitatis adjecit*, ut quamvis puberes, pueri usque ad decimum octavum annum, & puellae usque ad decimum quartum alimenta acciperent. Aut fortè *incrementum liberalitatis* illud fuit, ut praeter alimenta, etiam vestiarium, & habitationem haberent, aut disciplinam. Alimentis quidem legatis vestiarium, & habitatio continetur, non cetera, quae ad disciplinam, *L. 6. D. de aliment. & cib. legat.* sive eruditionem puerorum, *L. si quid. 117. D. de legat. 1.* Alii etiam post Adrianum principes pueris, & puellis alimenta detulerunt, ut *D. Antoninus Pius. Julius Capitolinus in Antonino Pio*: *Puellas alimentarias in honorem Faustinae Faustianas constituit.* Antiqua inscriptio pueros adjicit: *Alimentarii pueri, & puellae Imp. Antonini Pii.*

Non

Non pugnat Lex cum probatio. D. de probationib. cum L. quaero. § 8. §. ult. D. de Aedilitio edicto.

C A P U T XXX.

SI servus venditus apud emptorem fugerit, & velit emptor servum quasi fugitivum redhibere, aut eo nomine ex stipulatu duplae agere, emptor probare debet servum fugisse, antequam eum emeret. L. 4. D. de probationib. Quod si emptor priorem fugam probare non possit, servus quaestioni, tormentisve subicitur, & responsioni servi credendum est, L. 7. D. de probationib. scilicet in quaestione factae. Ita Graeci in Eclog. Basilicā lib. 22. τὸ ἐκ βασάνων αὐτοῦ ζήτησιν ἀναμένοντες. i. e. examini ejus in tormento credimus. Servus quaestioni subicitur, quia, ut ait d. L. 7. in se potius interrogari, quam pro domino, aut contra dominum videtur: vel quia servi in pecuniariis causis de facto suo interrogari possunt, habitā quaestione non solum ex rescriptis Principum, L. Divus. 9. D. de quaestionib. sed jure antiquo etiam de facto domini. Plautus in *Moscellar. act. 5. sc. 1. v. 38. seq.*

- - - Servos pollicitus est dare

Suos mihi omnes quaestioni.

Putant sibi Paulum obloqui in L. quaero. §. ult. D. de Aedilit. edicto: Non aliter responso servi credendum est, quam cum prioris fugae indicia non deficiunt. Juvare debet responsio servi quibusdam indicis, ut ei fides habeatur. At in d. L. 7. Etiam sine ulla fugae indicis servi quaestioni credendum est. Non observant, efficacissimas esse quaestiones servorum ad eruendam veritatem, L. 8. D. de quaestionib. & ita fortius esse testimonium servi, quod per quaestionem in d. L. 7. quam quod ad simplicem interrogationem in d. L. § 8. elicitur. Responso ad quaestionem facto creditur, etiam fugae indicis deficientibus; responso ad interrogationem sine quaestione facto non aliter creditur, quam si prioris fugae indicia non deficient. Haud dissimulabo apud Paulum lib. 2. sentent. tit. 17. unde sumpta est d. L. 7. D. de probationib. legi, servi responsioni credendum est, non ut in Pandectis, servi quaestioni: quam lectionem sequuti sunt auctores Basilicā. Sed consulto Tribonianus verba Pauli immutavit, ut eam inter quaestionem, & responsionem servi signaret differentiam: & si non immutasset, sibi magis Paulus fuisset obloquentus.

Interpretatio tituli Digestorum de rebus creditis , si certum petatur , & de conditione .

C A P U T XXXI.

CONCEPTIO hujus tituli varias peperit interpretationes , nullusque alius in Pandectis titulus tam multas . Alii verba trajiciunt hoc modo , *De rebus creditis , & de conditione si certum petatur* : alii aliter , *si certum petatur , de rebus creditis , & de conditione* : alii adjiciunt , *& de conditione certi* : alii intelligunt , *& de conditione incerti* . Inter quas magis probarem his verbis , *de rebus creditis* , proponi titulum generalem , non solum ad mutuum , sed alios contractus , de quibus sub hoc titulo praetor edixerat : tum quia tertiam partem Digestorum Justinianus vocat , *libros octo de rebus* , in constitut. ad *Antecess.* §. 2. & in constitut. ad *Senatum* , §. 4. his verbis , *si certum petatur* , proponi conditionem certi , qua certum petitur ex mutuo , L. 1. D. de *condict. triticar.* & in *tit. C. si cert. pet.* & qua certum petitur ex alio contractu , cum in personam est actio , L. 1. D. de *interrogation. in jur. faciend.* quaeque concurret cum aliis propriis actionibus . L. 9. D. de *reb. credit.* L. in *duobus.* 28. §. *exceptio.* D. de *jurejurand.* Neque illa verba , *si certum petatur* , propria esse conditioni ex mutuo , sed etiam alii conditioni , qua certum petitur ; veluti de *chirographis* , & de *suffragiis* , aut ex aliis contractibus . His autem verbis , *& de conditione* , novam sententiam inducerem , ut accipiantur non solum de conditione certi generali , aut de speciali conditione certi ex mutuo , aut de conditione incerti , sed de omni conditione , seu de conditionibus in genere ; de quibus postea subjiciuntur tituli speciales : nam & sub hoc ipso *tit. de reb. credit. si certum petat.* agitur de *condictione ob injustam causam* , L. 4. §. *res pignori* : quod satis verba illa innunt , & *fructus ex injusta causa percepti condicendi erunt* , nempe conditione ob injustam causam . Eadem conditione *res pignori data pecuniâ solutâ repetitur* , qua non dare creditorem , sed facere oportere intendit debitor , seu restituere pignus , quod ex injusta causa apud eum fuenit . Agitur & de *condictione de bene deensis* , L. nam *etsi.* 13. & L. *non omnis.* 19. §. *ult.* & passim , & de *condictione triticaria* in L. *vinum.* 22. quia aestimatio vini mutuo dari peti non potest conditione certi ex mutuo , sed tantum ut vinum aequè bonum reddatur . L. 3. D. *eod.* Peti igitur debet conditione triticaria , quae arbitraria est , & datur ad aestimationem propter varia pretia rerum hujusmodi , L. *ult.* D. de *condict. triticar.* quae jungenda est cum L. *ult.* D. de *eo , quod certo loco agitur.* & de *condictione sine causa* , L. *si eum servum.* 23. L. *si & me.* 32. & de *condictione indebiti* , L. *cum fundus.* 31. §. *servum tuum* ; *posse se hominem mihi condicere* , scilicet conditione indebiti , ut *seq. cap.* declaratur .

Declaratio loci obscuri in L. cum fundus. 31. §. servum. D. de rebus creditis.

C A P U T XXXII.

REFERRI potest principium *L. cum fundus. D. de rebus credit.* vel ad conditionem indebiti, si jungatur cum *L. in summa. 65. §. ei, qui. D. de condict. indeb.* vel ad conditionem causâ datâ, causâ non sequutâ, si jungatur cum *L. 9. D. de condict. causa data, & L. si ei. 39. D. de mort. caus. donation.* vel ad conditionem certi ex stipulatione, si jungatur cum *L. si servum. 91. D. de verb. oblig. ex eod. lib. 17. Pauli ad Plautium.* At §. *servum. d. L. cum fundus*, referri omnino debet ad conditionem indebiti, non ad conditionem sine causa. Finge, Titius Stichum servum Maevio domino subreptum à fure emerat bonâ fide, cum putaret furem esse dominum. Stichus, qui habebat peculiares nummos, & ad dominum Maevium pertinentes, ex iis servum alium, puta Pamphilum, à Sempronio comparavit: Sempronius venditor Pamphilum ex causa emptionis tradidit non Maevio vero domino Stichi; non ipsi Sticho, qui emerat; sed Titio, cui Stichus serviebat. Sabinus, & Cassius putabant, Maevium posse Pamphilum Titio condicere, scilicet condictione indebiti, qua Sempronius Pamphilum Titio indebitum solvisset. Equidem condictione sine causa indebitum repetitur, *L. 1. D. de condict. sine caus.* cum nulla causâ indebiti solvendi praecesserit, puta, si quis solverit ex causa emptionis, cum nullus contractus emptionis praecessisset. At Sempronius non solverat sine causa Pamphilum Titio, cum emptio inter eum, & Stichum facta esset, indebitum per errorem nihilominus solvit: quia Titio solvit, cum aliiolvere debuisset, ideo Sabinus, & Cassius dabant Maevio condictionem indebiti, ita ut Maevius, qui non solverat, indebitum condiceret. Quod novum non est, *L. nec novum. D. de condict. indeb.* sed quemadmodum Proculus in *L. dominus. 53. D. eod. tit. de condict. indeb.* maluit rectâ viâ condictionem dare ei, qui solverat indebitum, quàm alii, qui non solverat: & Paulus in *L. si mandavero. §. fugitivus. D. mandati*: ita Julianus in specie hujus §. maluit condictionem indebiti dare Sempronio adversus Titium, qui Pamphilum illi solverat, potiùs quàm Maevio, qui non solverat: idque *lib. 15. Digestor. L. si servus. 24. §. servum. D. de act. empr.* ubi Sabini, & Cassii sententiam ita probavit, ut hoc tamen de suo adjiciendum putaverit.

Emissa manus, Professio natalium, in L. 15. & 16. D. de probationibus. Lucæ Capitolino.

C A P U T XXXIII.

MODESTINUS legalia Graecorum voce se enarrasse scribit in *libris excusationum, L. 1. de excusationib. tueror.* Ille & nonnunquam Graecis

cis locutionibus utitur, ut in *L. quidam. 15. D. de probation. propter emissam manum*, Graecissimus est; namque ita Graeci manum pro chirographo dixerunt. Artemidorus *lib. 1. de iur. cap. 44. χηρογραφία, ἢ ἡ ἀπὸ χηρῶς λίγρα*. i. e. chirographa, quod & ipsa manus dicuntur. Julius Pollex *lib. 2. cap. 4. ex Hyperide in libro de Lycophrente: τρομαζόμενος χηρογραφῶν, χηρὴν ἀνέμασεν, οἷόν τι τὴν ταύτην χηρὰν δυνάμεν ἀπὸ τοῦ αἵματος*. i. e. quod chirographum nominatur, manum nominavit, dicens neque posse manum suam negare. Ita & posteriores Imp. Innocentius, i. e. graecizantes, in *L. 1. C. Theod. si cert. petat. de chirograph. si verò suam manum fateatur obnoxius*, id est, chirographum, ut sup. ead. leg. *si chirographi fides sub silentio*. Ex inscriptione legis etiam. 16. *D. de probation. & L. qui in continentib. 147. D. de verb. significat. quae sunt ex l. b. 3. Terentii Clement. ad Leg. Jul. & Pap. tentari potest, professiones natalium ex lege Papia fuisse inductas*: cum enim ex ea lege liberi nati, & post nonum diem amissi proficerent ad decimas capiendas, vel etiam ad solidi capacitatem inter virum, & uxorem, ut est apud Ulpian. *lib. sing. reg. tit. 15. & tit. 16. cumque Romae aliter, quàm in Italia prodescent, professionem natalium fieri necesse fuit, ut sciretur, quo tempore nati essent. d. L. 16. D. de probationib. quove in loco, d. L. 147. D. de verb. signif. Sanè verum non est, quod Julius Capitolinus scribit in D. Marco: Primus iussit, unumquemque civium natos liberos profiteri*: cum alii antea huiusmodi professionum natalium meminissent, quae fierent in libris aetorum, & Celsus in *l. 13. D. de probationibus*, qui sub Adriano vixit, ut constat ex *L. item. 20. §. praetor. D. de heredit. petit.* Fortè D. Marcus primus addidit tempus, intra quod unusquisque civium natos liberos profiteri deberet, puta intra tricesimum diem à nomine imposito. Budaeus legerat apud Capitolinum, *intra tertium diem*, quod magis placet: quia cum post nonum diem nomine jam imposito liberi proficerent ad decimas capiendas inter virum, & uxorem, videtur potius professionem liberorum intra tertium, quàm tricesimum diem à nomine imposito fieri debuisse. Observandum est in *d. L. etiam. 16. matrum professionem recipi de aetate filiorum*, quae id facile meminisse possunt, viris fortè absentibus, vel peregrè agentibus: non si quaeratur de statu filii, *L. 29. §. 1. D. eod. Sidorius lib. 4. epist. 21. Est quidem princeps in genere monstrando partis paternae praerogativa.*

De aestimatione rei debitae facienda vel ex tempore contrahitis, vel ex tempore morae, vel ex tempore litis contestatae, vel ex tempore rei iudicandae.

C A P U T XXXIV.

SI agatur ex stipulatu, sit aestimatio rei debitae ex tempore litis contestatae. *L. hominem. 37. D. mandati. L. fundum. D. de novationibus. Si mer-*

merces petantur conditione triticariâ, puta vinum, triticum, oleum, fit quoque aestimatio ex tempore litis contestatae, *L. vinum. 22. D. de reb. credit. seu iudicii accepti. L. ult. D. de conduct. triticar.* Iudicium acceptum non est res iudicata, sed lis contestata. *L. cum fundus. 31. D. de reb. credit. L. videamus. 38. §. si actionem. D. de usuris.* Si autem species certa petatur conditione triticariâ, fit aestimatio ex die morae. *L. pen. D. de conduct. triticar.* Non dicerem in *d. L. vinum. 22. D. de reb. credit.* moram non fuisse commissam, & propterea fieri aestimationem ex die litis contestatae: vix enim est, ut mora non praecedente perveniat ad iudicem. *L. 3. in princip. D. de usur. L. nemo. 82. §. 1. D. de verb. obligat.* Differentia autem videtur constituenda, cum species certa petitur conditione triticariâ, veluti Stichus, d. *L. pen.* aut cum merces petuntur, vinum, oleum, frumentum. d. *L. 22. D. de reb. credit. & L. ult. D. de conduct. triticar.* Quando igitur species certa debetur, & debitor moram fecit, fit aestimatio ex die morae, quanto res deterior facta est, d. *L. penult.* quia post moram periculum pertinet ad debitorem: fit, inquam, aestimatio ex die morae propter periculum rei debitae, non etiam ut crescat illius aestimatio, si melior res facta sit. At cum res in genere debetur, vinum, oleum, nec perire potest, nec deterius fieri, cum semper ejusdem bonitatis reddi debeat, *L. 3. D. de reb. credit.* ideo fit aestimatio ex die litis contestatae, quo res dari debuit. Denique servus mercis appellatione non continetur, *L. mercis. 207. D. de verb. signific.* quae jungenda est cum *L. cum quis. 22. D. de verb. obligat.* ut ita differentia constitui debeat, cum servus, aut merx petitur conditione triticariâ. Si agatur de bonae fidei iudicii, aut agitur ad id, quod interest; & si debitor moram fecerit, fit aestimatio quanti plurimi res fuerit vel tempore contractus, vel tempore condemnationis, *L. 3. §. si per venditorem. D. de act. empt.* quia ex quo mora facta est, venditoris interest vinum non fuisse traditum: Aut agitur ad restitutionem rei debitae, & juratur in litem, cum debitor dolo, & contumaciâ rem debitam ex contractu bonae fidei non restituit, & fit aestimatio ex tempore rei iudicandae, *L. 3. §. in hac. D. commodat.* quia punitur contumacia non restituentis, non solum quanti interest actoris; sed quanti actor ipse in litem juraverit, seu rem aestimavit, iusjurandum sequitur sententia iudicis, *L. 1. §. 1. D. de in litem iurando.*

Deprehensa mens Justiniani. Paulum sine effectu dereliquisse querelam inofficiosi testamenti, in L. penult. C. de Adoptionibus.

C A P U T XXXV.

FILIO in adoptionem dato Papinianus negabat querelam inofficiosi testamenti adversus testamentum patris naturalis, hac ratione: quod
filius

filius ad patrem adoptivum totam spem extendere debeat, non successionem patris naturalis molestare: siquidem filius adoptivus abdicabat se familiam patris naturalis, cum in adoptionem daretur. Servius in schedis ad 2. Aeneid. Consuetudo apud antiquos fuit, ut qui in familiam, vel gentem transfret, se abdicaret ab ea, in qua fuerat, & sic ab alia reciperetur. Id etiam in emancipatione agebatur, ut in familia patris non esset. Augustinus lib. 1. contra secundam Juliani responsionem: Emancipatum hominem dicis à Deo: nec attendis hoc cum emancipato agi, ut in familia patris non sit. Ulpianus Papiniani sententiam probaverat, impunè filium in adoptiva familia constitutum à patre naturali exheredari posse. L. 8. §. 10. D. de bonor. poss. contra tab. Paulus quoque querelam inofficiosi sine effectu dereliquerat, ut Justinianus in d. L. pen. C. de adoption. quod nonnulli malè accipiunt; quasi Paulus quaestionem indecisam reliquerit, ut plerumque Juris auctores in re dubia subsistebant, remque indecisam relinquebant. L. si quis filium. 34. C. de inoffic. testam. Verùm alia mens est Justiniani in d. L. pen. eaque parum adhuc deprehensa. Filius, qui agere volebat querelam inofficiosi testamenti, petebat prius bonorum possessionem litis ordinandae gratià, L. 8. D. de inoffic. testam. L. iure. §. ult. D. de testament. tut. ut litem inofficiosi ordinaret, seu praepararet. Si filius obtinisset apud Gentium viros, bonorum possessio erat cum re, id est, cum effectu, Ulpianus lib. sing. reg. tit. 28. L. quod vulgo. 19. D. de bonor. poss. contra tab. si non obtinisset, bonorum possessio erat sine re, id est, sine effectu. Paulus igitur non negabat abscisè querelam inofficiosi testamenti filio adoptivo adversus testamentum patris naturalis, ut Papinianus; sed sine effectu dereliquerat, hoc est, putabat eam bonorum possessionem sine re, seu sine effectu fore.

Differentia inter eum, qui petit ante tempus, & ante conditionem.

C A P U T XXXVI.

SIve quis peteret ante tempus, sive ante conditionem, plus tempore petebat. §. si quis agens. *Institut. de actionib.* sed qui ante tempus petebat, actionem consumebat; ita ut die obligationis existente iterum agere non posset. L. si pater. 36. D. de solutionib. §. temporales. *Institut. de exception.* Qui verò ante conditionem petebat, actionem non consumebat; sed potius nihil agebat, ut ex his verbis Javoleni deprehendi potest in L. pecuniam. 36. D. de reb. credit. Si pendente conditione petam, an nihil acturus sim. Ita optimè in Pandect. Florentin. atque etiam ex L. si decem. 21. D. de solutionib. qui ante tempus petit, nihil agit, quia actionem consumit, ita ut iterum agere non possit: qui ante conditionem petit, nihil

nihil agit quidem, sed actionem non consumit, dieque conditionis existente agere potest. Ratio differentiae est, quod ex eo, quod in diem debetur, actio nata est, §. *omnis. Institut. de verb. obligationib.* & plus tempore petendo consumitur; non debetur, sed spes est debitum iri: ideoque actio, quae nondum nata est, ante conditionem non consumitur. Stipulatio conditionalis ex praesenti vires accipit, *L. ususfructus. 26. D. de stipulat. fruct.* sed petitio ex ea suspenditur, & creditores conditionales sunt, quibus non competit actio. *L. conditionales. 54. D. de verb. significat.*

In mixto imperio nihil est magis imperii, quàm jurisdictionis; aut magis jurisdictionis, quàm imperii. Explicatur

L. 4. D. de jurisdictione.

C A P U T XXXVII.

DE stipulatione praetoris, & de missione in possessionem damni infecti nomine Ulpianus agebat in *L. 4. D. de jurisdict.* ut deprehendi potest ex inscriptione *L. 1. & 4. D. de damno infecto*: quae sunt ex eod. *lib. 1.* Ulpiani ad edictum, & ex inscriptione *L. ea, quae. D. ad municipalem*: quae est etiam ex *lib. 1.* Pauli ad edict. & jungenda est cum *L. 5. D. de damno infecto*. Agebat ergo Ulpianus in d. *L. 4. D. de jurisdict.* magistratus municipales non posse satisfactionem exigere, aut in possessionem mittere damni infecti nomine; quod illa sint magis imperii, quàm jurisdictionis, id est, magis imperii mixti, quod habet praetor, quàm jurisdictionis simplicis, qualem habent magistratus municipales. Et propterea Ulpianus in d. *L. 1. & L. 4. §. duas. D. de damno infecto*, id praetorem, vel praesidem magistratibus municipalibus delegare, cum res celeritatem desiderat, scilicet cautionem, & missionem: cetera jurisdictioni suae reservare; hoc est, ut si post missionem ex primo decreto non caveatur, mittat praetor ex secundo decreto; aut si res ita postulet, jubeat de possessione decedere, ubi ille, cujus bona possessa fuerant, cautionem obtulerit. Sic constituta specie *L. 4.* quam nemo adeo coartumax rejicere potest, apparet ex ea malè vulgò colligi in mixto imperio quaedam esse magis imperii, quàm jurisdictionis; in quibusdam magis imperium, in aliis magis jurisdictionem eminere: nam certum est, ea omnia, quae sunt imperii, etiam tribui jurisdictioni; ut nihil magis imperii, quàm jurisdictionis dici possit. Tum etiam mens Ulpiani repugnat in d. *L. 4. & Pauli in d. L. ea, quae. D. ad municipal.* Non loquebantur comparative de iis, quae sunt imperii mixti ad invicem, ut vulgò existimant; quasi in mixto imperio quaedam sint magis imperii, quàm jurisdictionis; sed positive de imperio mixto praetoris, vel praesidis ad jurisdictionem simplicem magistratuum municipalium; nempe cautionem, & missionem damni infecti nomine, ita imperii mixti esse, seu ad eos, qui habent imperium mixtum

Par. I.

P

mixtum

mixtum pertinere, ut non sit jurisdictionis; seu ad magistratus municipales non pertinere, qui habent jurisdictionem sine imperio.

Incertus contractus, incerta actio, incerta stipulatio, incerta nomina.

C A P U T XXXVIII.

CERTUS contractus est nominatus, qui qualis sit nomine suo ostenditur; incertus contra innominatus, qui, qualis sit, non apparet, licet ex eo certum debeat. *L. 9. D. de reb. credit.* Alia ratione incerta stipulatio dicitur, ex qua incertum debetur, *L. ubi autem. 75. D. de verb. oblig.* incerta actio, ex qua incertum petitur. *L. 22. C. de donationib.* Certa nomina, quae sciuntur, apud Horatium *lib. 2. epist. 1.* de qua lectione nullatenus dubitandum fuit: incerta nomina, Senatusconsult. Macedon. *Qui pecuniam, ne quid amplius diceretur, incertis nominibus crederet. L. 1. D. de Senatusc. Macedon.* erant nomina, quae ignorabantur. *Mar. Varro lib. 4. de ling. Latin. Incertus is ager, qui de his quatuor, qui sit, ignoratur. Tertull. Apologetic. cap. 7. Fama nomen incerti, locum non habet, ubi certum est.* Incerta nomina apud Horatium, occultum foenus, *lib. 1. epist. 1. v. 80.*

Multis occulto crescit res foenore.

Certa nomina Porphyrio ad *d. ep. lib. 2.* rectè interpretatur legitima, certis nominibus idoneis, ac legitimis nominibus. Legitima nomina eorum, qui usuras secundum modum lege definitum capiebant; incerta autem, seu occulta nomina eorum, qui ultra legitimum modum: qualia erant nomina Macedonis foeneratoris, qui filiusfamilias pecuniam credebatur sub gravibus usuris, quas post mortem patris dissolverent, & illius apud Horatium *lib. 1. Sat. 2. v. 16. seq.* jam ante Senatusconsultum Macedonianum:

Nomina scilicet, modo sumpta veste virili,

Sub patribus duris tyrannus.

Defenditur lectio in L. 2. Cod. Theodosian. ne oper. à conlatorib. exlgantur, in L. 3. C. qui dar. tutor. vel curator. & L. 17. D. de excusationibus tutor. & curator.

C A P U T XXXIX.

VIRI haud quamquam indocti aliquando tentant in libris nostris lectiones immutare: vellem, minus libi licere crederent, eaque parcius im-

immutarent, quia immutatis verbis, longè à mente legum, constitutio-
numve receditur, ut in his verbis *leg. 2. Cod. Theodos. ne oper. à conlatorib.*
exigantur: operas ad prosecutionem equorum, vel diversorium, meminimus pro-
vincialium praebere permittemus. Quidam legendum putant, *operas ad pro-*
secutionem equorum, vel diversorium; quasi duo exigerentur, operas, &
diversorium; & utrumque prohibeant Impp. Imò lectio ista retineri de-
bet, vel *diversorium*, de qua huiusce constitutionis tota ratio pendet: nam
cum aliquando major equorum numerus repente adveniret, collegiati ad
prosecutionis officium deputati, qui se impares numerò reperiebant, id
obsequium tabernariis inungebant: quod cum aliquà occasione priùs fa-
ctum esset, ac deinceps etiam fieri solet, ideo prohibent Impp. ne pro-
vinciales operas praebere cogantur *ad prosecutionem equorum, vel diver-*
sorium, id est, quamvis diversi equi advenirent, seu quamvis, ut paulò
post subiiciunt, collegiati sunt impares *maior animalium numerò repen-*
teniente. Quod si utrumque Impp. prohibere voluissent, operas & diver-
sorium, ita titulus conceptus fuisset, *Ne operas, vel diversorium à conlatori-*
b. exigantur. Verùm diversorium praebere non debuit iis equis, quos pro-
sequi debebant: neque erat cur diversorium iis praebere, quos cum so-
litatione prosequi deberent. Idem in *L. 3. C. qui dar. tutor. vel curator.*
legit, Luminibus captum curatorem habere debere falsò sibi persuasum est:
quasi quidam curatorum caeco petuisset, & rescripserit Imperator, caeco
non esse dandum curatorem. Verùm in eo titulo agitur de iis, qui cu-
ratores dari non possunt; non verò de iis, quibus curatores dari non pos-
sunt: & si ita legeretur in d. *L. 3.* sub alio titulo collocanda fuisset, ve-
luti sub titulo de curatore fugiosi, & prodigi, in quo agitur de iis perso-
nis, quibus curatores dari possunt. Lectio igitur vulgata retinenda est,
luminibus captum curatorem haberi debere. Pinge: caecus datus fuerat cu-
rator, & se excusaverat: cum excusatio illius non reciperetur, Imp. re-
scripsit, excusationem illius recipiendam esse, quod luminibus captus cura-
tor haberi non debeat. Non ait d. *L. 3.* caecum haberi non posse cura-
torem, quia haberi potest, si velit; sed haberi non debere, si se excu-
saverit, quia excusatio illius recipienda sit. *L. 1. C. qui morbo excus.* Mi-
nùs ferenda est ea emendatio *L. non tantum. 17. §. ult. D. de excusat. tu-*
tor. & curator. Domini navium non habere videntur inter privilegia, ut à
tutelis vacent: lectio vulgata retineri debet, non videntur haberi inter pri-
vilegia, quae elegans est: si quidem privilegia dicuntur personae, quae
privilegiis uti possunt, ut creditores. *L. 7. §. 2. D. deposit. L. si ventri. 24. §.*
2. D. de rebus auctoris. judic. possid. Ait igitur Callistratus, dominos navium
non haberi inter privilegia, id est, personas privilegiatas, ut tutelis vacare
debeant.

Adoptio per baptismum, per sacras preces, per poenitentiam; per mitrae impositionem, per mallones capillorum.

C A P U T XL.

AD OPTIO fiebat per baptismum inter susceptorem, & susceptam: *quod etiam Harmenopulo lib. 4. tit. 6. §. 18. Matthaeo Monacho Symmachio, qui videtur quidam, i. e. Quaesitum, & controversiarum nuptialium. cap. 102. ubi dicitur & dicitur baptismum ad adoptionem, i. e. De susceptione a sancto baptisate: ubi etiam filia per baptismum fieri dicitur: & in Eclog. Basilic. lib. 18. tit. 25. cap. 17. Alias tamen adoptiones videtur intelligere Leo Philosophus Novell. 24. dicitur nasci iscus, i. e. per ceremoniam facram, praeter eam, quae fiet per baptismum: nam per baptismum duobus modis fiebat adoptio inter susceptorem, & susceptam, inter baptizantem, & baptizatum; atque etiam duobus modis per chrisma, si quis per chrisma tenuisset, vel Christianitatis ministerium dedisset, *Can. si quis ex uno. 30. q. 4.* Per poenitentiam quoque sic filia spiritualis sacerdoti, *Can. 8. q. 10. 30. q. 1.* Per mitrae impositionem, Optatus Afer Milevitanus lib. 2. de schismate Donatistar. Memoratus Felix inter crimina, & facinora sua nefanda, ab eo comprehensa puella, cui mitram ipse imposuerat, a qua pater paulo ante vocabatur, usque incestare minimè dubitavit. Mitra videtur fuisse muliebri capitis indumentum, quo ascetriae in Africa uterentur. Servius ad 9. Aeneid. Pilei virorum sunt, mitrae feminarum, quas calanticae dicunt. Idem tamen ad 4. Aeneid. Multa enim lectio mitras propriè meretricum esse docet. An verò iste Felix per mitrae impositionem patet effectus erat, quod Alcetrinae tonderentur, quae fuit species adoptionis, ut observabat in Adversariis V. C. Petrus Pithoeus popularis noster ex Paulo Warnefrido lib. 6. de gent. Longobard. cap. 15. Caesariem incidenti pater eis effectus est. Atque ita Benedictus II. Constantini IV. filios in suos recepisse, & veluti adoptasse videtur, cum mallones capillorum ab eis susciperet. Anastas. Bibliothecarius in Benedic. II.*





EXCELLENTISSIMO PRINCIPI
HENRICO BORBONIO
 CONDAEO, GALLIARUM
 PROTOPRINCIPI, PARI, AC DUCI
 Primo Proregi Biturigum, & Bojorum,
 Academiae Bituricensis Conservatori

EMUNDUS MERILLIUS S.



DEERAT hoc fortasse ingentibus tuis titulis (excellentissime Protoprinceps) ut Conservator Bituricensis Academiae dicereris, eamque appellationem à Magistratibus vice tuâ cognoscentibus praeoptares . Sed non indignum Principis curâ excelsimari, eam, quam Reges, Duces instituerant, atque ornaverant, Academiam conservare : parum tibi visum est conservatoris accepisse, nisi & auctoris nomen accessisset . Quid enim ad augendam istam Academiam non praestitisti ? annonas perpetuas in Scholam Theologiae erogasti . Juris Civilis Scholae unam cathedram adjecisti, in qua solum regulae juris, & verborum significationes traderentur, ne quid ineuntia adolescentium studia moraretur . Jamque Jatricis paras auditorium, & praemia institueres

ut

ut omnium scientiarum studia conspiratione mutua coalescant. Bibliothecam insuper in Palatio extruendam curasti, atque omnimodis Codicibus instruendam, quae singulis subsidio esse possit. Sodalitia nationum, quandoque propter Etnarchias rixantia, distributis inter ea provinciis, datisque conditionibus pacatissima, & sedes nostras omni strepitu vacuas, prorsusque Alcedonias effecisti, dum studiosi summotâ rixarum materiâ conquiescunt: vetus illud est sodalitorium Academiis malum, quod & vetitum semper, & retentum; quod nec tolerari, nec tolli omnino potest. Germanis quò frequentius Academiam adventarent, & lubentius civitatem incoherent, privilegia à Rege impetrasti, ut jus Collegii, & Bibliothecae propriae haberent, aequo jure cum Gallis censerentur, atque etiam ut nationis inclytæ. Procurator honoribus Academiae potiretur. Nec tantum isti, sed & aliis regni Academicis prospexisti, cum Edicti Regii sancienti auctor fueris, ut eis solum ad dignitates, & patrocina causarum in summis, atque inferioribus tribunalibus pateret aditus, qui praestitutum tempore in Academicis Juri discendo operam praebuissent. Ista sunt curae tuae, (Excellentissime Protoprinceps) ex quo Provinciam Bituricensem subactis, & fractis perduellionibus mirâ celeritate tranquillasti magnorum Heroùm instar, qui belli, pacisque studia alternabant. sed quanta est etiam in ceteris rebus obeundis publicis, privatisque acerrimi, & sublimissimi tui ingenii solertia, quod natura genesi aequum fingere studuit, ut quemadmodum sanguinis origine, ita & ingenii praestantiâ quoscunque anteires; eoque perfectius est, quod omnium disciplinarum, rerumque optimarum notitiâ quotidie excolis: nosti enim Bellerophontem facile Chimaeram expugnasse, cum prius Minerva alatum equum domuisset, frenosque injecisset, atque ita celeres impetus animorum sapientiae studiis veluti quibusdam frenis esse cohibendos: & quia juris civilis prudentiam, quam tibi omnes innatam agnoscunt, ex ipsis libris cultiorem facere non aspernaris, observationes nostras ex devotis locis concinnatas, & ad proritandam orexim plerisque jus merum fastidientibus variegatas, video feliciter excuturas, si tanti Principis judicium, oculosve mereantur. Vale.



EMUNDI MERILLII J.C.

OBSERVATIONUM

LIBER QUARTUS.

Consensus aliter quàm verbis exprimitur, vultu, oculis, superciliis, manu, digitis, articulis. Ad L. obligamur. §2. §. penult. D. de obligat. & actionib. Natus Graecorum. Lux Aristopani, & lux Svidae.

• C A P U T I.



ODESTINUS in L. obligamur. §2. §. penult. D. de oblig. & action. etiam nudus consensus sufficit obligationi, quamvis verbis hoc exprimi possit; sed & nutu sola pleræque consistunt. In his contractibus, qui nudò consensu contrahuntur, consensus aliter quàm verbis exprimi potest; vultu, oculis, superciliis, manu, digitis, articulis. Vultu, Ovidius lib. 1. de Arte, v. 574.

Sarpe tacens vocem, verbaque pulvis habet.

Priscianus de declinatione nominum: Vultus quoque ipsa res esse videtur à verbo volo. Oculis, Agrippa apud Philonem Judaeum lib. de legatione ad Caium: ἡ τῶ φωνῆ μὲν, ἀλλὰ καὶ τῶν ὀφθαλμῶν ἐδίσταται. ἡ δὲ ἐν τῷ πνεύματι διαμαρτυρεῖται. i. e. non voce tantum, verum etiam oculis loquor magis, nec minus ac si denotarent singula. Superciliis, Plinius lib. 2. cap. 37. supercilia homini pariter, & attentè mobilia, & in iis pars animi, negamus, annuimus. Manu, Tacitus lib. 13. Annal. nihil antiquam se domi nisi nutu, aut manu significasse. Philostratus lib. 1. de vit. Apollon. cap. 2. πρὸς τὴν χειρὸς, καὶ οἱ ὁδῶνται πρὸς ἐπιστάμην, καὶ οἱ χεῖρ, καὶ τὴν κεφαλὴν κύμα. i. e. circa ea, quae dicebantur, oculi etiam aliquid significabant, & manus. & capitis nutus. Athenaeus lib. 1. δεικνύει τὰς χεῖρας τὴν χειρὸς διαμαρτυρεῖται. i. e. manibus dicta monstrantibus. Digitis, qui-

fuerit. *L. ex iudiciorum. 20. D. de accusat. ex privatis delictis, & actionibus poenalibus transeunt lite contestata. L. ultim. D. de fideiussorib. & nominatorib. L. omnes. 39. L. poenalia. 164. D. de regul. jur. L. unic. C. Ex delictis defunctorum.* Poenae ex criminibus extraordinariis transmittuntur, si vivus conventus fuerat, id est, solâ conventione rei. *L. constitutionibus. 33. D. de obligat. & actionib.* Cur hoc tam variè? quia diversò jure constitutum fuit. Poenae ex criminibus iudiciorum publicorum transeunt tantum condemnatione secuta, si legibus ipsis comprehensum fuerit, ut reus perageretur, veluti in lege Julia de adulteriis. *L. 5. D. ad leg. Jul. de adulter.* nam, ut poena transiret ad heredes, reus peragi, & condemnatio sequi debuit: quandoque ipsis legibus cavebatur, ut in heredes actio daretur ante condemnationem; veluti in crimine Majestatis, d. *L. 20. D. de accusationib. peculatus, repetundarum. L. 2. D. de leg. Jul. repetundar. L. ultim. D. ad leg. Jul. pecul.* Ex privatis delictis actiones poenales transeunt lite contestata; constitutione civili, id est, regulâ juris civilis, quae voluit lite contestatâ heredes teneri, quasi cum defuncto contractum fuisset; quia in iudicio quasi contrahitur. *L. 3. §. idem scribit. D. de pecul. & haec ratio tantum obinet in privatis, non in publicis iudiciis.* Poenae ex criminibus extraordinariis transmittuntur, si vivus conventus fuerat, & conventio sola pro litis contestatione habetur: quia jus illud constitutionibus inductum est in poenarum persecutionibus, quae fiebant extra ordinem. *L. bodie. 13. D. de poen. quod ipsum persecutionis verbum satis indicat in d. L. constitutionibus. D. de obligationib. etiam poenae persecutionem transmissam videri.* Cum igitur persecutiones illae haberent extra ordinem, nec haberent juris ordinarii executionem, *L. pecuniae. 178. §. a signis. D. de verbor. significat.* conventio fuit pro lite contestata.

Liberi ob crimen paternum non puniendi. Cur de eo DD.

Fratres ad Hierapolitanos rescripserint in L. crimen.

26. D. de poenis.

C A P U T III.

MORE Romanò liberi ob crimen paternum non puniebantur, Dion. Halicarnassæus lib. 8. *originum.* Tacitus lib. 13. *annal.* Nec filius pro patre, aut invidiâ patris puniendus. Vulcatius in Avid. Cassio: *Vixeruntque non quasi tyranni pignora, sed quasi Senatorii ordinis in summa securitate: quum illis etiam in lite obijci fortunam propriae veluisset domus, damnatis aliquibus injuriarum, quod in eos petulantes fuissent.* Sed in plebisque Asiae gentibus aliter servabatur, ut in Palaestina praeter eos, qui legem Moysi observabant. lib. 2. *Paralipomen. cap. 25.* Jugularis servos, qui occiderant regem patrem suum, sed filios eorum non interfecit, sicut scriptum est in libro legis Moysi. De Graecis, Halicarnassæus lib. 8. ubi cum

Par. I

Q

mo.

morem Romanorum retulisset, Πάρ. Εἰμίον θ' ἐκ τῶν εἰρησίων ἔχουσιν, ἀλλὰ τίς ἐν νεότητι ἡμῶν, οἱ μὲν εὐνοοῦντες τοῖς πατράσι διακρίνουν, οἱ θ' ἀπορρίπτειν παράσχουσιν. i. e. Ceterum apud Graecos nonnullos diversa lex est, nam ex tyrannis natos alii cum patribus interficiendos censent, alii perpetuo exilio mulctant. Si non de iisdem, apud Virgil. 2. Aeneid. v. 138. seq.

Nec dulces natos, exoptatamque parentem;

Quos illi fors ad poenas ob nostra reposcent

Effugia, & culpam hanc miserorum morte piabunt.

Aelianus lib. 13. cap. 2. innuit etiam hunc morem Graecorum fuisse. De Atheniensibus, Dio Prusaeus oratione 8a. De Macedonibus, Quintus Curtius lib. 6. Lego Macedonum cautum erat, ut propinqui eorum, qui regi infidiatu erant, cum ipsis negarentur. De Persis, Herodotus lib. 3. Ammianus Marcellinus lib. 23. Leges apud eos impendio formidatas, inter quas diritate exasperant latae contra ingratos, & desertores; & abominandae aliae, per quas ob noxam unius omnis propinquitas perit. Quare non frustra ait Callistratus, DD. Fratres Hierapolitani rescriptisse, quod est in L. crimen. 26. D. de poen. nempe Hierapolitani Asiae, ut in L. 1. §. idem Labeo. D. de aqu. quotid. & aestiv. cum leges servarent adversus morem Romanum, & liberis ob crimen paternum poenam infligerent. Ad eas partes Graeciae Inpp. etiam videntur rescriptisse, L. sancimus. 22. C. eod. tit. de poen. Quin & Novella Athanasii in iisdem partibus lata, ut caedis convictus solus proscribatur, non liberi: quam refert Harmenopolus lib. 6. tit. 6. §. 6.

Ratio differentiae inter acceptilationem, & apocham. Ad
L. si acceptolatum. 19. §. 1. D. de acceptilat.

C A P U T IV.

ACEPTILATIO est modus tollendae obligationis, quae verbis, non quae re contrahitur: si tamen creditor accepto tulerit ei, qui re fuerat obligatus, debitor quidem non liberatur ipso iure; sed tueri se poterit exceptione doli mali, vel pacti conventi. L. si accepto latum. 19. D. de acceptilat. quia licet inutiliter facta sit acceptilatio, quae obligationem re contractam non potest dissolvere, tamen habet vim pacti. L. 8. D. eod. huiusmodi ergo exceptione debitor liberatur, etsi pecuniam non solverit; si tamen creditor apocham dederit debitori, non liberatur, L. 6. §. 13. C. de solutionib. nec exceptione juvatur, L. 7. C. de exceptionib. quae differentia traditur in d. L. 19. §. 1. D. de acceptilat. cujus principium repetendum est, ut scilicet acceptilatio, & apocha differat, quando creditor accepto tulit, vel apocham dedit ei, qui non verbis, sed re obligatus erat. Ratio differentiae est, quod acceptilatio fit semper eo animo, ut tollatur obligatio, ac licet creditor pecuniam debitam non acceperit, donationis gratia, acceptum fecisse intelligitur, L. 2. C. de acceptilat. sed apo-

apocha plerumque fit sub spe futurae numerationis. *L. interest. 21. C. de solutionib.* Et quemadmodum obligationes nominum fiebant contra fidem veritatis, cum caveret debitor se pecuniam debere, quam non acceperat. *L. 4. §. 1. D. de pecul. L. 6. C. de compensat.* Ita & apocha fiebat contra fidem veritatis, cum creditor profiteretur, se pecuniam recepisse, quam non acceperat: obligationi nominum obijci potuit exceptio non numeratae pecuniae, apochae non solutae pecuniae. *d. L. 7. C. de exceptionib.*

Restituitur inscriptio L. quod vulgo. 45. D. de manumiss. testament. & libro primo, non secundo Pandectarum Modestini vindicatur.

C A P U T V.

SUNT qui *L. quod vulgo. 45. D. de manumiss. testament.* (cujus inscriptio deest in Pandectis Florentinis) lib. 2. Pandectarum Modestini vindicandam esse putaverint, & jungendam cum *L. sub conditione. 20. D. de liber. & postum.* magis tamen placet eam libro primo vindicare, in quo Modestinus edicti perpetui ordinem sequutus egerat de statu personarum, de legitimis liberis, *L. 23. D. de stat. homin. emancipatis, L. ultim. D. de his, qui sui, vel alien. jur. sunt. adoptivis, L. 42. D. de adoptionib. de libertinis seu manumissis vindicta, & testamentò, L. 4. D. de capit. minut. L. 13. D. de jur. patronat. L. 21. D. de manumiss. vindict. L. 21. D. qui, & a quib. manumiss.* cum igitur eò librò primò ageret de manumissis testamentò, & conditionibus, quibus servi testamentò manumitti possunt; praemiserat, quod est in *d. L. 45. D. de manumiss. testament.* sub pluribus conditionibus datà libertate separatim, levissimam spectandam: sub pluribus conjunctim datà, omnibus parendum esse; deinde subjecerat, quod est in *L. si is, cui. 27. D. de statuliber.* conditionem dandi transire ad emptorem, si is cui statuliber dare jussus est, eum alienaverit. Librò secundò Pandectarum Modestinus egerat de testamentis, heredum institutionibus, substitutionibus, *L. 1. D. qui testament. facer. poss. L. 20. D. de liber. & postum. L. 62. D. de hered. instit. L. 1. D. de vulgar. & pupill. substitutis.* quibus haud ita aptè cohaerere potest *d. L. 45. D. de manumiss. testament.*

Praetorem Sacerdotes cogere noluisse, ex dictis quibusdam indicatur.

C A P U T VI.

PRAETOR edictò de jurejurando omni, à quo iurjurandum potestur, solvere, aut jurare cogit. *L. iurjurandum. 34. §. ait Praetor. D. de jurejur.*

Q 2

& quae

& quaedam est jurandi necessitas. *L. delata. C. de rebus credit. & jurejurandi.* sed Praetor exceperat Flaminem Dialem: verba Praetoris ex edicto perpetuo apud Gellium *lib. 10. cap. 15. Sacerdotem Vestalem, & Flaminem Dialem, in omni sua jurisdictione jurare non cogam.* Cujus edicti optimam aSSERTIONEM rationem Plutarchus in *Romaicis: Δὲ ὃ ἀπαράντων τῶ κῆρ τὴν αἰμα, ὃ τὰν ἱερῶν τὴν ἱερόν.* i. e. decet enim a vexatione esse immunita corpus, & animam sacerdotis. Praetor ait edictū de procuratoribus, *Procuratorem ad litem suscipiendam datum, pro quo consentiente dominus iudicatum solvi exposuit, iudicium accipere cogam, L. 8. §. 4. D. de procuratorib.* sed non compellitur procurator iudicium suscipere propter religionis beneficium, *L. aut religionis. 18. D. eod.* puta, si ei sacerdotium obveniat. Praetor edictū de iudiciis: cogit iudicem datum pronuntiare, *L. de qua re. 74. D. de iudiciis,* & est quaedam iudicandi necessitas. *L. ult. §. iudicandi. D. de munerib. & honorib.* sed non cogit, imò excusat sacerdotem, si quis iudex datus sacerdotium nactus. *L. Praetor. 13. D. de vacat. & excusat. muner.* quae iungenda est cum *L. si longius. 18. D. de iudic.* Praetor edictū de arbitris cogit arbitrum officio, quod suscepit, perfungi, & sententiam dicere; *L. 3. §. ultim. D. de recept. qui arbit. receper.* sacerdotio obveniente non cogit: id enim non tantum bonori personarum, sed & maiestati Dei indulgetur, cuius sacris vacare sacerdotes oportet. *L. non distinguemus. 32. §. sacerdotio. D. eod.* At si quis post sacerdotium iudicium suscepit, coget eum Praetor; quia renuntiassē videtur excusationi. *d. L. 13. §. ult. D. de vacat. & excusat. muner.* Idem est si postea arbitrium receperit. *d. L. 32. §. sacerdotio.* Et tunc quidem cogi non videtur, qui cum privilegio uti posset, sponte ei renuntiaverit.

Interpretatio L. 6. D. de evictionib. non ex jure Hebraeo, vel Attico, sed Romano.

C A P U T VII.

QUAM *L. 6. D. de evictionib.* ad jus Hebraeorum referendam existimant, quod Hebraei annō *Jobel* rustica praedia ipsis emptoribus evincerent; an non potius ad jus Atticum referri debeat? quo venditor de dupla non cavebat, sed si emptori res evinceretur, ὃ ὃ ἡν δὲ τὸν πῦρ αὐτὸν τὴν εὐνοφάνθησιν ἰσχυρῶν, i. e. qui evinceretur, multam à calumniatore reportabat, ut est apud *Julium Pollucem lib. 8. Onomastic. cap. 6.* id est, pretium, vel aëstimationem, praeterquam id nimis longe accessum est ex jure Hebraeo: non ait *Gajus* in *d. L. 6.* venditorem non teneri de evictione; sed aliter, atque aliter, secundum consuetudinem regionis, in qua negotium gestum est, pro evictione caveri oportere. Mahim igitur ad jus ipsum Romanum referre, & in *d. L. 6.* aliquam rerum mancipi, & nec mancipi differentiam deprehendere. Si-

qui

quidem praedia Italici soli erant res Mancipi. Ulpianus *lib. fug. rez. tit. 19.* & cum venirent, satisfidabat venditor *secundum Mancipium*, ut notum est ex Valerio Probo. Praedia verò provincialia erant res nec Mancipi, quae nec usucapi poterant. *L. cum sponsus. 10. §. 2. D. de public. in rem action.* Id igitur vult Gajus, aliter venditorem Italici fundi, aliter Provincialis, pro evictione cavere oportere; quia venditor Italici fundi, secundum Mancipium satisfacere debeat, non Provincialis: & suadet maxime, quod d. *L. 6. sumpta est ex lib. 10. Gaji ad edictum provinciale*, & iungenda cum *L. quod saepe. 35. §. ultim. D. de contrab. empr.* ubi egerat de praestationibus venditoris.

Defenditur lectio Florentina in L. sed si is. §. ultim. D. de evictionibus.

C A P U T VIII.

STIPULATIO duplae committitur, si aut res vendita, aut pars ipsius evincatur: & quidem parte fundi evicta, pro diviso fit aestimatio bonitatis fundi; ut secundum eam aestimationem, non secundum pretium dupli ratio ineatur. Fit (inquam) aestimatio, quanti ea pars fuerit tempore venditionis, non cum evinceretur. *L. 3. D. de eviction.* At si parti evictae aliquid per alluvionem accreverit, fieri debet aestimatio ex eo tempore, quo incrementum illud accesserit. *L. 15. D. eod.* quae iungenda est cum d. *L. 13.* Ratio differentiae est, quia per alluvionem portio portioni accrescit, *L. si Titius. 33. D. de usufruct. & quemadmodum.* ita ut ex se ipsa incrementum illud esse videatur. At bonitas, quae aliunde fundo accesserit, post venditionem culturae emptoris videtur provenisse, ejusque non debet fieri aestimatio. Veluti autem parte evicta sit aestimatio pro bonitate fundi, ita etiam sit pro bonitate fructuum, si usufructus evincatur. *§. 1. d. L. 15.* quia usufructus est pars fundi. *L. si unus. 27. §. penult. D. de pact. L. cum filius. 76. §. Dominus. D. de legat. 1. L. qui usufructum. 58. D. de verb. oblig. L. si a reo. 70. §. 2. D. de fidejussorib. & mandat.* dubitari etiam poterat, an servo inquilino fundi evicto committeretur duplae stipulatio, quasi parte evicta; quia servi fundis adhaerentes sunt veluti partes fundorum. Julianus Antecessor ad Novell. 7. *Mancia rustica veluti membra rerum immobilium sunt.* Ideo Modestinus cum differentias inter totum, & partem colligeret *lib. 6. differentiar. in L. 11. D. de servitut. & L. 3. D. pro derelict.* ait, in *L. 3. D. de divers. & temporal. praescription.* ex eodem *lib. 6. longae possessionis praescriptionem habere locum tam in praediis, quam in Mancipiis*: quia sunt partes praediorum, & eodem tempore acquiruntur, nec sine praediis legari possunt. *L. si quis inquilinus. 112. D. de legat. 1.* Paulus tamen in *§. ult. d. L. 15.* ait, si servus evincatur, non committi duplae stipulationem, sed

sed emptorem agere debere adversus venditorem aestimatoris iudicio, quanti minoris fundum emisset, si servus in eo fundo non fuisset: ut non ipsius servi tantum, sed fundi cum servo fiat aestimatio, cum utrumque uno pretio venierit. *L. Aediles. 38. §. si forte. 13. D. aedilic. edict.* ita perquam optime species d. §. *ultim.* secundum lectionem Florentinam constitui potest.

Differentia quaedam actioum, & exceptionum. Exceptio L. nemo. 43. D. de regul. juris, nisi lex impedit, refertur ad L. ultim. C. de compensationibus.

C A P U T IX.

ACTIO de dolo non datur, nisi ceterae actiones deficiant. *L. 1. §. 3. D. de dol. mal.* Exceptio doli concurret cum exceptione pacti. *L. rescriptum. 10. §. 2. D. de pact. L. 4. D. de servitutib.* Actiones quaedam sunt temporales, & quae ejusdem rei nomine competunt exceptiones perpetuae. *L. 5. §. ultim. D. de dol. mal. & met. except. L. 5. C. de exceptionib.* Cum plures ejusdem rei nomine actiones competunt, non omnibus uti licet. *L. plura. 53. D. de obligat. & actionib.* at pluribus defensionibus, seu exceptionibus uti permittitur. *L. 5. & L. 8. D. de exception.* Ratio est, quod ubi de liberando quaeritur, faciliores esse debeamus ad liberationem. *L. Arriani. 28. D. de obligation. & action.* quae jungenda est cum d. *L. 8. de exceptionibus ex eodem lib. 14. Pauli ad Plautium.* Eandem differentiam asserit Ulpianus in *L. nemo. 43. D. de regul. jur. & quod ait, nisi lex impedit, referendum videtur ad L. ultim. C. de compensation.* quae impedit exceptionem, seu compensationem debiti non liquidi, cum ante Justinianum obijci posset. *L. 7. D. eod. tit. de compensation.* ita plerumque Tribonianus solet hujusmodi emblemata adungere propter constitutiones Justiniani, ut in *L. patri. 27. §. ult. D. de minorib.* propter *L. ultim. C. qui, & advers. quos in integ. L. 1. C. de reb. credit. & iurejurand.* propter *L. ultim. C. eod.* Et quidem ea verba, *nisi lex impedit*, referenda ad *L. ultim. C. de compensation.* suadet maxime, quod d. *L. 43. D. de regul. jur.* jungenda est cum d. *L. 7. D. de compensation.* ex eodem lib. 28. Ulpiani ad edictum. Sanè aptius multo referantur ad d. *L. ultim. C. de compensation.* quam, ut alii, ad *L. ultimus. C. de exceptionib.* quae non est Justiniani; aut, ut quidam omnino ineptè, ad *legem Leboriam*; aut ut Harmenopulus lib. 3. epitom. tit. 3. §. 88. ad Novell. Justiniani 18. cap. 8. quae quidem exceptionem solutae pecuniae impedit, si debitor prius exceptionem non numeratae pecuniae objecerit, & creditor pecuniam numeratam probaverit; sed cum Digestorum editio Novellam praecesserit, ad eam Tribonianus respicere non potuit.

An

An restitutio in integrum proſit fidejuſſori minoris . Improbata diſtinctio , quae vulgò colligitur ex L. 7. in fin. D. de exceptionibus . Lectio Florentina deſenditur , ſenſus novâ ratione aperitur .

C A P V T X.

PER in integrum reſtitutionem minoris fidejuſſoribus ſuccurritur , *L. minor ſi. D. de procuratoribus* , ſed non ſemper . *L. 3. §. ſed utrum. D. de minorib.* vulgò ex *L. 7. in fin. D. de exceptionib.* eam diſtinctionem adhibent , fidejuſſori dari exceptionem reſtitutionis in integrum , ſi minor dolo adverſarii circumſcriptus , non ſi facilitate ſua deceptus ſit : quam tamen ex eo loco haud ſatis liquidò probari video . Id enim vult Paulus , fidejuſſori minoris ante non dandam eſſe exceptionem , quàm ſi minor *deceptus ſit in re* , & reſtitutus fuerit (quae lectio Florentina retineri debet , & rejici negatio) ſinge enim , minorem ſe circumſcriptum dicere , non ſtatim danda fidejuſſori exceptio , ſed ita deum , ſi minor deceptus in re ſit , *in re* , hoc eſt , ſe verà , re ipſa , in rei veritate . Ita Paulus amat loqui , *plus in re eſt , quàm in exiſtimationis mentis* , *L. penult. §. qui ignoravit. D. de jur. & ſact. ignor. ſi in re mora fuit* , *L. videamus. 38. in princ. D. de uſur. plus ſit in re , quàm in exiſtimatione* , *L. 2. §. ſi à pupillo. D. pro emptor.* id eſt , in rei veritate . Nec video ſanè ullam differentiae rationem , cur ſi minor dolo adverſarii circumſcriptus ſit , exceptio fidejuſſori prodeſſe debeat ; non ſi facilitate ſua deceptus , lapſuſve fuerit , quia pariter utroque caſu beneficiò Praetoris minori ſubvenitur . *L. quidam. 38. D. de dol. mal. L. praefecti. 17. & L. non omnia. 44. D. de minorib.* Non melius probatur ea diſtinctio ex *L. 1. & 2. C. de fidejuſſorib. minor.* in quibus fidejuſſor pro minore ſciens , prudensque intervenerat , & ita reſtitutione in integrum minori conceſſa juvari non debuit . Paulus *lib. 1. ſenten. tit. 9. L. in cauſae. 13. in princ. D. eod.* ſed & ſi fidejuſſor ſciens pro minore interveniſſet in ſpecie d. *L. 2. C. de fidejuſſorib. minor.* cum decretum interpoſitum eſſet , tamen ei reſtitutio in integrum prodeſſe debuit ; non propter aetatem , non quia minor vendiderat , ſed propter dolum , quo in venditione deceptus fuerat . Decretum interpoſitum faciebat , ut propter aetatem ſolum reſtitui non poſſet , niſi dolus interceſſiſſet . Sive igitur minor dolo adverſarii , ſive facilitate ſua deceptus fuerit , danda eſt exceptio fidejuſſori reſtitutionis in integrum , dummodò *in re deceptus ſit* , hoc eſt re verà , re ipſa . d. *L. 7. in fin. D. de exceptionib.* Sunt & alii caſus , quibus reſtitutio in integrum minoris fidejuſſoribus prodeſt , & non prodeſt , quos perſequi ſuperforaneae eſſet induſtriae .

*Supelleæ ex auro, atque gemmis : quaedam alia observata
in L. 7. D. de supelleæ. legat. Lux Juvenali,
& Tacito.*

C A P U T X I.

SENATUSC. refert Tacitus lib. 2. *Annal.* 33. Tiberii temporibus factum, *Ne vasa auro solida ministrandis cibis fierent* : quod diu non fuit observatum, immo ad usus viliores aureis vasis postea usi sunt, ut ille apud Martialem, qui onus ventris auro excipiebat. Juvenalis *Sat.* 3. v. 106. seq.

- - - Laudare paratus

Si bene rucurvit, si rectum minxit amicus,

Si trulla inverso crepitum dedit amica fundo.

Trulla vas aquarium, & vinarium; notatque Juvenalis eum, qui in Trullæ aureæ fundum inversum mingens creparet. Ita Heliogabalum in vasis myrrhinis, & onychinis minxisse refert Lampridius. Celsus, qui sub Adriano in L. 7. §. 1. *D. de supelleæ. legat.* jam ex auro etiam, atque gemmis supellectili utimur, dici quidem potest supellectilem ab auro escario, & potorio separandam. L. 6. 7. §. 1. & 8. *D. eod.* Verum eo Senatusconsulto non modò vasa escaria, seu ministrandis cibis, ut Tacitus, sed & alia quæque ad communem usum prohibita videntur: nec nili ad sacrorum usum concessa, ut Dio lib. 57. *περὶ τῶν ἱερῶν*, i. e. exceptis iis, quæ erant ad usum sacrorum concessa. eod. lib. 2. 23. Tacitus subjicit: neque in familia, & argento, quæque ad usum parentur, nimium aliquid, aut medicum, nisi ex fortuna possidentis, ad usum parentur, id est, ad supellectilem, quæ ad quotidianum, seu communem usum parata est. L. 7. *D. de pignori. & hypothec. d.* L. 6. *D. de supelleæ. legat.* Idque rursus fuit prohibitum, & postea concessum, Vopiscus in *Aurelian.* Idem dederat facultatem, ut aureis, qui vellent, & vasis uterentur, & poculis. ait Celsus in d. L. 7. §. 1. *D. eod. moribus civitatis*, & usu rerum, appellationem eam mutatam esse: & §. 2. non ex opinionibus singulorum, sed ex communi usu nomina exaudiri debere. Varr. lib. 8. *de ling. Latin.* Quotus quisque jam servos habes prisca nominibus? quæ mulier suum instrumentum, atque vasa auri veteribus vocabulis appellat?

Factum judicium an sit lis contestata, vel sententia lata?

Species L. si post. 13. D. de exceptionibus.

C A P U T X I I.

TITULUS heres legitimus epit petitione hereditatis adversus Naevium heredem institutum, & post litem contestatam, necdum tamen sententia

tiâ finitam res singulas ejusdem hereditatis adversus alium possessorem petiit; Julianus ait, Titio res singulas petenti non obstat exceptionem praejudicalem, seu quod praejudicium hereditati non fiat, quia futuri iudicii, non facti nomine huiusmodi exceptiones comparatae sunt. Futuri igitur iudicii nomine obstat exceptio; puta, si heres legitimus prius vellet res singulas petere, repelleretur exceptione praejudiciali, ut prius ageret de universae hereditatis, quàm singularum rerum petitione; ne per minorem cognitionem majori praejudicium fieret. *L. per minorem. §4. D. de iudic. L. res maioris. 21. D. de exceptionibus.* At factò iudiciò, seu lite contestatâ universae hereditatis, iam nullum praejudicium fieri potest hereditati; cujus iudicium suò ordine, prius quàm singularum rerum finiri debet, utpote prius lite contestatâ ordinatum. *Sext. Pompejus V. contestari.* Longè diversum, cum mota est, aut speratur moveri controversia hereditatis, & legata, fideicommissa, libertates petuntur à possessore hereditatis, vel creditores hereditarii agunt: tunc quidem exceptio objici potest, etiam post litem contestatam hereditatis. *L. 7. §. 1. D. de heredit. petit. L. ultim. C. eod.* quia minora illa sunt iudicia legatarum, fideicommissorum, libertatum, & prius finiri possent petitione hereditatis, siquæ praejudicium fieret hereditati. Verum hîc nullum praejudicium fieri potest, si agatur de singulis rebus hereditariis post litem de universa hereditate contestatam: Ideo factum iudicium in hac *L. 13.* accipere debemus litem contestatam, (ut initio Julianus) nec aliquid supplendum: factum iudicium dicitur, ut acceptum, *L. ult. D. de condict. trit. L. amplius. 15. D. rem rat. habet.* Quod si dici magis placeret, sententiâ finitum, ut in *L. à quo. §8. D. de rei vindic.* quidnam fuerit dubitationis, iudiciò universae hereditatis finitò, si res singulae petantur, non obstat exceptionem praejudicalem? cum satis certum sit, ei iudicio praejudicium fieri non posse, quod iam finitum est.

Statuae non nisi permissu Senatûs, aut Decurionum positae; ex pollicitatione debitae. Defenditur L. 2. sub tit. D. de loco pub. fruend. Species L. penult. D. de exceptionibus.

C A P U T XIII.

QUOD D. Claudius edixerat, ne quis privatus statuas in civitate poneret, nisi Senatûs permissu, ut refert Dio *lib. 60.* id etiam in municipiis observatum, ut statuae non nisi permissu Decurionum ponerentur. Ipsi in civitatibus *minor Senatûs*, ut loquitur Cassiodorus. Si quis igitur sibi statuam ponere vellet in ornamentum civitatis, Decuriones solebant concedere. *L. 2. D. de loco pub. fruend.* quae de concessione Decurionum ita debet intelligi; neque fugitiva est, immo quàm rectissimè sub eo

Par. l.

R

tit.

sic. collocata ex lib. 5. sentent. Pauli sit. de interdictis. (ubi tamen deest) nam quemadmodum Praetor interdicto publicanos tuetur, qui loca publica conduxerunt: ita & eos, quibus concessum erat, ut statuæ eorum in publico ponerentur. Plerumque Decuriones ipsi locum assignabant. L. Titius. 14. D. de condit. & demonstr. L. 5. D. de operib. public. Antiqua inscriptio pag. 479. numer. 7.

Huic ordo Municipi
Fravassonligitanorum
Cenas publicas decrev.
Et locum in quo sta-
tuas sibi uxori liberisq.
poneret
loco assignato
ponendas curavit.

Finge igitur, cuidam permissum fuisse, ut statuam in civitate poneret, locumque assignatum, & ei vim factam, dum vellet ponere: Praetor interdicto tuebitur *de loco publico fruendo*. Et si quis positam statuam sustulerit, interdicto *quod vi, aut clam*. L. 5. §. 1. D. *quod vi, aut clam*. finge contra, positam fuisse statuam in loco publico, cum id municipes non permisissent; & eum, qui posuit, petere velle, aut tollere, praescriptione in factum excludetur. L. penult. D. de exception. Movet, quod municipes eam liberalitatem nondum acceptam habuerint; veluti Labeo putabat, epistolam, quam tibi misero, non esse tuam, antequam tibi reddita fuerit. L. si epistolam. 65. D. de acquirend. rer. dom. cujus principium, & extremum jungi potest cum d. L. penult. D. de exception. ex eod. lib. 6. Labeonis. At id, quod ob honorem, seu ornamentum civitatis promissum est, ex pollicitatione solius offerentis debetur, & traditum ex nuda pollicitatione vindicari non potest. L. 3. §. 1. D. de pollicitation. Antiq. inscriptio. 422. numer. 3.

C. Julio Augusti l.
Heleno
Ex decreto Decur.
Municipi l. Aletrinat.
& pollicitatione sevir.
& municipum, & incolar.
Ob merita ejus.

Quare potestativæ conditiones dicantur promiscuæ, & casuales non promiscuæ in L. 11. D. de condition. & demonstration. Ratio nova affertur.

C A P U T XIV.

NON satis liquet, quare Paulus potestativas conditiones, seu in arbitrium collatas, dixerit promiscuas; & casuales non promiscuas. Pro-
mi-

miscuae dici non videntur, quia sint in facili, & facili iterari possint: aut quia potestativae conditiones possint esse non potestativae, sive in dando, aut faciendo consistant. *L. 4. §. puto. D. de hered. instituend. vel quod partim ex potestate nostra pendeant, ut fiant; & partim ex eventu; ut non fiant, namque illae sunt conditiones mixtae. L. unic. §. sin autem. 7. C. de cad. tollend. & ut potestativae differunt à mixtis, ita & promiscuae. Magis putarem, potestativas conditiones dici promiscuas, quod sub illis conditionibus tam liberi, quàm extranei heredes instituuntur. Promiscuum, & commune idem est. L. 9. D. de usu, & habitat. L. hoc legatum, 45. D. de legat. 3. L. 1. §. ultim. D. de acquir. vel amitt. possess. Ita igitur potestativas conditiones Paulus dixit promiscuas, quasi communes liberis, & extraneis: & casuales non promiscuas, quasi non communes liberis, & extraneis. Nec enim liberi sui sub casuali, sed sub potestativa tantum conditione rectè heredes instituuntur. d. L. 4. D. de hered. instituend. L. ultim. D. de condition. institution. L. 1. §. sciendum. D. de suis, & legitim.*

Interpretatio L. in his. 16. D. de condition. & demonstration. jungitur cum L. illa. 32. D. de hered. instituend.

C A P U T XV.

QUAE extra testamentum incurrunt, ex bono, & aequo interpretationem capere possunt. *L. 16. D. de condit. & demonstr. veluti conditiones; puta, cum quaeritur, an impleta sit conditio necne, benignè sit interpretatio. L. 10. D. eod. vel cum quaeritur, quomodò conditio impleri debeat. L. Marvia. 13. D. de ann. legat. vel de voluntate testatoris, qui ambiguit, aut etiam perperam aliquid scripsit. L. cum in testamento. 24. D. de reb. dub. Ea verò, quae ex ipso testamento oriuntur, necesse est secundum juris scripti rationem expediri. d. L. 16. D. de condition. veluti si quis heredes instituerit, quos Titius voluerit, dicendum est, nullam esse huiusmodi institutionem, secundum juris scripti rationem, & veterum definitionem, qui testamentorum iura ipsa per se firma esse oportere non ex alieno arbitrio pendere decreverunt. L. illa. 32. D. de hered. instituend. quae jungenda est cum d. L. 16. ex eodem lib. 1. Gaji de testamentis. Legatum quidem confertur in voluntatem alterius, L. Senatus. 43. §. legatum. D. de legat. 1. tanquam in arbitrium viri boni. L. 1. D. de legat. 2. L. fideicommissa. 11. §. quamquam. D. de legat. 3. non heredis institutio, quae est caput, atque fundamentum totius testamenti.*

Non erravit Ulpianus in nomine Adriani, nec Adriani nomine D. Marcum intelligere voluit tit. 24. de legat. Progreffus juris ostenditur, quod ab hoc, vel illo introducendum est.

C A P U T XVI.

NOn putarem, Ulpianum errasse in nomine Adriani, aut nomine Adriani D. Marcum intelligere voluisse *lib. sing. regul. tit. 24. de legat. Civitatibus omnibus, quae sub imperio populi Romani sunt, legari posse; idque à Divo Nerva introducendum, postea à Senatu, auctore Adriano, diligentius constitutum est.* Putarem magis, Senatufconsultum auctore Adrianò prius factum fuisse, ut civitatibus omnibus legari posset, sive ad honorem, sive ad ornamentum civitatis. *L. 1. §. 5. D. ad leg. Falcid. L. civitatibus. 112. D. de legat. 1.* Et quod Adrianus civitatibus, & municipiis concesserat, id Senatufconsultò aliò D. Marci temporibus factò productum fuisse ad collegia, & corpora licita. *L. cum Senatus. 21. D. de reb. dub. nam si collegiis licitis permillum fuerat ad exemplum reip. habere res communes, arcana communem, & aedorem, sive syndicum,* consequens erat, ut ad exemplum civitatum, collegiis licitis legari posset: & si non inòdò toti civitati, sed etiam parti civitatis legari potuit, *L. si quis à filio. 32. §. ult. D. de legat. 1.* consequens est, ut collegiis legari potuerit, quae partes, seu membra sint civitatum. Symmachus *lib. 10. epist. 27. corporatos omnes membra aeternae urbis.* Quod Adrianus civitatibus concesserat, ut legata caperent; id D. Marcus ad vicos quoque produxit, *vicis legata penè inde capere, atque civitatibus, rescriptò Imperatoris nostri significatur.* Ubi Gajus D. Marcum intelligit, ut in *L. 9. D. ad Senatufc. Terryll.* Vici enim à civitatibus differunt. *L. qui ex vico. 30. D. ad Municipal. L. 2. §. ultim. D. de vacat. & excusat. muner. civitatis dignitate non ornantur.* Ildorus *lib. 15. Origin. cap. 2.* itaque D. Marcus collegiis, & vicis concessit, quod Adrianus civitatibus, seu municipiis antea concesserat, ut legata capere possent, nec jam inutilia fierent, quasi incertis personis relicta. Collegiis illicitis nihil resigni potest. *d. L. 21. D. de reb. dub. & qui illicita collegia ineunt, licèt sine armis, eadem tamen poenà tenentur, qua hi, qui cum armatis hominibus loca publica, aut privata occupant, L. 2. D. de colleg. & corporib. hoc est, poenà legis Juliae de vi publica, seu aquae, & ignis interdictione. L. penult. D. ad leg. Jul. de vi public.*

De obscuro legato propter diversitatem personarum, & rerum.

Conciliatur L. 3. §. si duobus. D. de adimend. vel transfereud. legat. cum L. si fuerit. 11. in princ.

D. de reb. dub. in qua latio Florentina defenditur.

C A P U T XVII.

SI testator Sempronio amico legaverit, & duo sint Sempronii, diversitas personarum obscurum facit legatum, & neutri debetur. *L. si fuerit. 11. D. de reb. dub.* nihilominus uterque probare poterit de se defunctum sensisse, & qui probaverit, ad legatum admittetur. *L. falsa. 31. §. 1. D. de condit. & demonstr.* puta, si factò testamento expresseit testator se de uno, non de alio sensisse. *L. heredes. 21. §. 1. D. qui testament. facer. poss.* inter sim heres utrique debet legati servandi causâ satisfacere. *L. si duo. 16. D. ut legator.* vel si malit heres, eligere potest, cui solvat legatum. *L. 8. §. si inter. D. de legat. 2.* Aliud est, cum diversitas rerum obscurum facit legatum; puta, si testator fundum Cornelianum legaverit, & duos ejusdem nominis fundos habeat: legatum enim semper debetur, & si per vindicationem relictum fuerit, legatarii est electio, quem ex duobus habere velit. *L. qui duc. 20. L. si quis à filio. 32. §. ultim. D. de legat. 1.* si per damnationem relictum fuerit, heredis est electio, quem dare velit. *L. qui concubinam. 29. §. 1. D. de legat. 3. L. cum servus. 39. §. scio. D. de legat. 1.* quam de legato damnationis intelligendam esse satis deprehenditur ex §. constat. Sed hinc, duobus Sempronii legatum relictum fuisse, & postea uni ademisse, Ulpianus ait, *ademptionem in utrumque valere. d. L. 11. D. de reb. dub.* Et ita legitur in Pandectis Florentinis, id est, legatum utrique ademptum esse, quasi neutri legatum fuerit. Alii ex manuscriptis Codicibus legunt, *ademptionem in utrumque valere*, contrariò omnino sensu, id est utrique legatum deberi: quasi ademptio nulla sit, ut conveniat *L. 3. §. si duobus. D. de adimend. vel transfereud. legat.* quae eundem auctorem habet. Dici quidem potest, ibi legatum fuisse duobus Titiiis separatim; & quia non apparet, cui ademptum fuerit, utrique legatum deberi, in d. *L. 11. D. de reb. dub.* conjunctim legatum fuerat duobus Sempronii, & ademptio uni facta in utrumque valet, ut neutri legatum videatur: quasi testator in adimendo conjungere voluerit, quos in dando conjunxerat. At certè uni tantum ademittit, & duobus legavit: & cum uni tantum ademerit, in re dubia magis est, ut neutri ademptum sit, quam utrique; ut legatum valeat, nec pereat. *L. quotiens. 13. D. de reb. dub.* An igitur potius dicemus in *L. 3.* Titiiis certis personis, quas testator demonstraverat, legatum fuisse; & ademptionem incertam non valere, quominus utrique legatum debeat: in *L. 11.* legatum fuisse duobus Sempronii incertis personis, cum

cum plures essent ejusdem nominis, & ademptionem licet incertam in utrumque valere. id eò magis probarem, quia in d. L. 11. agitur de legato incertis personis relicto.

Usurae modicae, modestae, minimae, leviores. Lux Capitolino.

C A P U T XVIII.

SEMISSES usurae sunt civiles, & modicae. Plinius lib. 14. *natural. hist. cap. 4.* *Usura multiplicata semissibus, quae civilis, ac modica est.* Civilis, id est, quae inter cives Romanos frequentaretur, ad quam rationem semissium usurarum reducit fructus vinearum Columella lib. 3. c. 3. Quincunces usurae modestae, Persius sat. 5. v. 149. seq.

--- *nummi, quos hic quincunce modesto*

Nutrieras. ---

Trientarias usuras minimas fuisse ait Capitolinus in *Anton. Pio*: *Poenus trientarium, hoc est, minimis usuris exercuit*, quibus verbis glossematis mendum subesse non temere vir doctus suspicatur. Sunt quidem minimae usurae ex constitutione Justiniani in L. eos. C. de usur. Leviores usurae ad tertiam centesimae. L. cum quidem. 17. §. ultim. D. de usur. L. 5. D. de operib. public. Sed aliae erant usurae leviores trientariis. Ulpianus in L. 7. §. quae autem 10. D. de administrat. & peric. tutor. Ex ceteris causis secundum morem provinciae praestabit usuras aut quincunces, aut trientes, aut si quae aliae leviores in provincia frequentantur. Theophilus in §. si quis agens. 34. Instit. de actionib. ait Romae pecuniam usuris quadrantariis, seu quartâ centesimâ inveniri posse: *quarta pars est dari solentis*, i. e. cum multi sint, qui foenus exercent; & propter magnam vim pecuniarum, quae Provinciis Romam inferebatur. Et ideo usurae leviores, aut graviores secundum morem regionis ex contractibus veniunt. L. 3. D. de eo, quod cert. loc. dar. oport. L. 1. D. de usur. & d. L. 7. D. de administrat. & pericul. tutor.

Solius temporis adjectio in stipulatione arbitriam non facit actionem. Ad L. 4. D. de eo, quod cert. loc. dar. oport.

C A P U T XIX.

SI quis stipulatus fuerit certò locò dari, certòque tempore, & agat eo loco, eoque tempore, quo dari debnit; summam petet stipulatione comprehensam actione ex stipulatu, non arbitriâ; quia cessat arbitrium judi-

judicis, ubi loci utilitas aestimanda non est. *L. ult. D. de eo, quod cert. loc.* Praeterea tempore, quo pecunia dari debuit, licet stipulator eodem loco, vel alio petat, propter temporis utilitatem arbitraria actione agat; nec minus ratio lucri, quam damni habebitur: puta, si stipulator merces solebat comparare. *L. 3. §. ult. D. eod.* In qua haec verba uno ductu ita legenda sunt: *Quid enim, si trajecticiam pecuniam dederit, Ephesi recepturus, ubi sub poena debebat pecuniam; vel sub pignoribus, & distracta pignora sunt; vel poena commissa mora tua, vel fisco aliquid debebatur, & res stipulatoris vilissimo distracta est? in hanc arbitrariam, quid interfuit, venit, & quidem ultra legitimum modum usurarum.* (quae aliter distincta sunt in quibusdam Codicibus) temporis adjectio juncta loco arbitrariam facit actionem, nec enim videtur promissio loco solvisse, qui non & promissio tempore solverit. At finge, Titium stipulatum fuisse Kalendis proximis dari, nullam mentionem loci factam, licet promissor Kalendis non solverit, non ideo Titius agere poterit arbitrariam. Usurae veniunt post litem contestatam, vel poena committitur, non etiam fiet aestimatio lucri intercepti. Alioqui si quidem ex mutuo, & ex testamento certa die dari deberet, praeterita die arbitraria actio fieret. In conditione triticiaria eadem est ratio loci, & temporis, *L. ultim. D. de conduct. triticiar.* quia res ipsa aestimatur ex loco, & tempore, non utilitas. In actione arbitraria non est eadem ratio loci, & temporis; & si utilitas veniat ex loco, non tamen venit ex tempore. Denique solius temporis adjectio arbitrariam non facit actionem, sed cum tempus loco adjicitur, & ita omnino intelligenda est *L. 4. D. de eo, quod cert. loc.* neque ad eam tam improbabilis sententiae fuit Cujacius, ut putet, solius temporis adjectione arbitrariam fieri actionem, si absque cavillatione expendatur. Praeterea in *d. L. 2. §. ult. D. eod. tit. de eo, quod cert. loc.* observanda est differentia, cum pignora à privatis, vel fisco distraherentur; nam officium fisci per gratiam vilius distrahere solebat. *L. si quos. 16. C. de rescindend. vendition. L. 2. C. de fide, & jur. habsae fiscal.*

Arbitraria judicia, bonae fidei, & stricti juris. Ad L. 7.

D. de eo, quod cert. loc. dari oport.

C A P U T XX.

JUDICIA arbitraria à bonae fidei judiciis separantur. *L. 3. §. in his. D. de usur.* sed tamen in his, & illis aequitas spectatur. In arbitraria actione iudex ante oculos aequitatem habere debet. *L. 4. D. de eo, quod cert. loc.* licet veniat ex contractu stricti juris, veluti stipulatione, mutuo, aut ex testamento. In funeraria actione iudex solutius aequitatem sequi debet, quam in negotiorum gestorum actione, quae est bonae fidei. *L. & si. 14. §. Idem Labeo. 13. D. de religiof. & sumptib.* In arbitrariis actionibus

per-

permittitur iudici, rem ex bono, & aequo aestimare; in bonae fidei actionibus non tam permittitur, quàm permitti videtur. §. *in bonae fidei*. 31. & §. *praeterea*. 32. *Instit. de actionib.* non dicerem propterea, arbitrarías actiones magis esse bonae fidei, quàm ipsas bonae fidei actiones. Nam si convenerit in bonae fidei contractu rem certo loco praestari, vel tradi, competit actio ex ipso contractu bonae fidei, non arbitraria, L. 7. D. de eo, quod cert. loc. hac, vel illa actione, quod interest propter utilitatem loci, actor consequi posset; sed cum civilis actio bonae fidei sufficiat, non opus est praetoria utilis, seu arbitraria. L. 7. §. 2. D. de pa. 7. L. 3. §. 1. D. naut. canon. stabular. si autem venditor stipulatus sit, id est, promiserit merces, quas vendidit, certò locò traditurum, venditioni subiecta stipulatione; adhuc dicerem, bonae fidei actione agi oportere, non arbitraria: quia licet contractui venditionis adhibita fuerit stipulatio, ex empto actio superest, qua emptor consequitur, quod actione ex stipulatu consequi non posset. L. 3. §. 1. D. de action. empt. L. emptori. 37. D. de evictionib. Verùm si absque venditione quis rem certò locò tradi promiserit, ut in L. si rem. 28. D. de verb. obligat. quia nulla actio competit quàm ex stipulatu, arbitraria actione utendum erit. Atque ita Paulum in d. L. 7. D. de eo, quod cert. loc. intelligere malim, stipulatum fuisse, rem certò locò tradi, cum nulla venditio processisset.

Quomodo deportati mortuorum locò habeantur.

C A P U T XXI.

INTEREUNT homines maximà, aut medià capitis diminutione, L. verum. 63. §. ultim. D. pro soc. qualis est deportatio, quae amissionem civitatis irrogat. L. 1. §. 8. D. ad Senatusc. Tertullian. L. 5. D. de extraord. cognition. idem est decedere, & civitatem amittere. L. 5. D. qui satisf. cogant. Filius deportatione patris, ut morte, sui juris efficitur. L. 1. §. alienatio. D. quand. adh. de pecul. Nuptiae deportatione uxoris, & morte dissolvuntur. L. si quis. 56. D. solut. matrimon. In petendis bonorum possessiõnibus deportatus non obest ceteris, qui posteriore locò sunt, quia mortui locò habetur. L. 1. §. filium. D. de bonor. possesi. contr. tab. L. 4. §. 2. D. de bon. libertor. Deportatus non obligatur, quod personam non habeat. L. quotiens. 14. §. 1. D. de novationib. Et hoc quidem verum est, quamdiu poena deportationis manet; sed in iis, quae in futurum, & eventum conferuntur, deportatus mortui locò non habetur; quia spes est, deportatum aliquando restitutum iri: ideo legatum, aut fideicommissum deportato sub conditione relictum non extinguitur. L. intercidit. 59. & L. cum, qui. 204. D. de condit. & demonstr. in quibus nihil singulare constitutum est in odium caducorum, & deportatus jus eligendi non amittit. L. cum pater. 77. §. 4. D. de legat. 2. L. ex facto. 17. §. si quis regatur. D. ad Se-

Senatusc. Trebellian. nec stipulatio, quas in tempus mortis collata est, contingente deportatione, committitur. *L. ex ea. 121. §. 2. D. de verb. obligat.* nec donatio, quae morte donatoris confirmatur, deportatione ipsius confirmatur. *L. sed si. 13. §. 1. D. de donat. inter vir. & uxor.* quia ista in futurum conferuntur. At quamdiu deportatus est, ita pro mortuo habetur, ut conditione existente, legatum, aut fideicommissum ei non debeatur; nec possit eligere unum ex liberis, cui hereditatem restituat, nec donationem possit revocare.

Conditiones juris; & facti. Defenditur lētio Florentina in L. cum servus. 18. D. de condit. institut. & L. avia. 77.

D. de condit. & demonstr.

C A P U T XXII.

DOMINUS jure servo libertatem testamentò dedit, deinde eundem servum sub conditione heredem instituit, puta, *si navis ex Asia venires*; & in defectum conditionis si heres non esset, legatum reliquit: *D. Pius rescipserat, in legato repetitam videri libertatem*, Papinianus in *L. avia. 77. in princ. D. de condit. & demonstr.* Martianus aliter retulit id rescriptum *D. Pii in L. cum servus. 18. D. de condit. institut. in legato repetitam videri conditionem*. Sunt qui Martianum à Papiniano emendari debere existimant, & legendum esse, *repositam videri libertatem*: quia si in legato repetita esset illa conditio, *si navis ex Asia venires*; deficiente conditione, ut hereditate, ita & legato servus deficeretur. Alii Papinianum à Martino potius emendant, & legunt *repositam videri conditionem*: quod magis convenit cum *d. L. 77. D. de condit. & demonstr.* ubi quaerebat Papinianus, an repetita videretur conditio emancipationis, quam cum *d. L. 18. D. de condit. institut.* ubi repetitam videri libertatem dicendum est; non conditionem. At nihil mutandum prorsus apud Papinianum, vel Martianum: nec enim novum est, auctores juris eadem rescipia Imperatorum, easdemque sententias immotatis verbis retulisse: & licet diversa videantur, admodum tamen consonant; quod nos deprehenderunt. Ait Papinianus, *repositam videri libertatem*, id est, conditionem libertatis, quam & Martianus intelligit, non conditionem facti, *si navis ex Asia venisset*. Conditiones quaedam sunt juris, & quaedam facti. *L. nulsam. 21. D. de condit. & demonstr.* Condicio illa juris est, ut servus heres non possit institui absque libertate, neque ei legari. *L. quaedam. 7. & L. 3. §. si ei servus. D. de iure codicillor.* Ait igitur Martianus, repetitam videri illam conditionem juris, id est, libertatem, ut Papinianus.

In commissoria venditione venditor retinet accessiones pretii, emptor non retinet accessiones rei venditae. Diversae accessiones in contractu venditionis.

C A P U T XXIII.

PRAETER accessiones personarum, quae in contractu venditionis possunt accedere, sunt quaedam aliae accessiones rei venditae: puta, si vendito fundo servus accedat, vel dolia vendito fundo accedant, *L. si in emptione. 34. D. de contrah. empt. L. itaque. 32. D. de aedilit. edict. vel si peculium vendito servo accedat. L. iustissimi. 44. D. eod. quaedam sunt accessiones pretii, cum aliquid venditori praeter pretium datum fuesit. L. 6. D. de lege commissor. L. debet. 27. & L. redhibitoria. 45. D. de aedilit. edict. commissaria lege venditionis venditor retinet actiones pretii, id quod arrae, vel alio nomine datum est. d. L. 6. D. de lege commissor. Emptor tamen non retinet accessiones rei venditae, quia nihil penes eum remanere oportet ex ea re, in qua fidem sefellent. Cum pretium amittit, fructus interim perceptos lucratur. L. 4. in princ. D. eod. Nec dubitarem, etiam alias accessiones lucrari, veluti mercedes, pensiones colonorum, operas servorum, quae fructuum vicem obtinent. *L. mercedes. 29. D. de heredit. petit. L. 2. §. 1. D. de in diem addit.* non tamen id, quod ab initio rei venditae accessurum convenerit. Aliae igitur sunt accessiones, quae ex re vendita percipiuntur, de quibus agitur sub tit. de usuris, & omnibus accessionibus: aliae accessiones, quae ab initio rei venditae accedunt, de quibus agitur sub tit. de aedilitio edicto: has emptor non retinet, licet venditio resolvetur, & pretium amittat; illas retinet humanitate suggerente, ut cum iis pretium amissum compenletur. d. L. 4. D. de leg. commissor.*

*Cui hypothecaria actio fuerit extraordinaria. Defenditur
Lectio in L. pignoris. 17. D. de pignorib. &
hypothec.*

C A P U T XXIV.

NIHIL est elegantius verbis istis, & quae nullò modo immutatione adtentari debuerunt: *Pignoris persecutio in rem parit actionem creditoris. L. pignoris. 17. D. de pignorib. & hypothec.* Nam actiones extraordinariae sunt persecutiones. *L. pecuniae. 178. §. actionis. D. de verb. significat.* Hypotheca autem petitur extraordinariâ jurisdictione, seu cognitione magistratûs, *L. mandati. 14. C. de fideiussorib. & mandator. & propterea persecutio dicitur L. pignoris. 18. C. de pignorib. & hypoth. L. sicut. 21. C. de fideiussor.*

*Festum esse diem hic quartum bodie. iterant ita
Conventum.*

Perparcus, & frugi paterfamilias queritur, ob advenientem amicum die tertio nuptiarum transactio quartum agi debere, atque ita iterari conventum; id est, conventam conditionem, quali primum de nuptiis ageretur. Sextus Pompeius lib. 3. *de verbor. significat. Conventa conditio dicebatur, cum primus sermo de nuptiis, & earum condicione habebatur.* Et ita fortè notas illas apud Paulum Diaconum, & Papiam melius acciperemus C. E. *conditio conventa est, quàm ut illi causa conventa est, Servius ad 10. Aeneid. conciliata, conventa, Padia sponsa. Juvenalis sat. 6. v. 25. seq. ut Turpilus conventum dicit.*

*Conventum tamen, & pactum, & sponsalia nostrâ
Tempestate parat.*

separat conventum & pactum, ut conventam & pactam Servius.

*Cur obligationes ex aliis contractibus novarentur in verborum,
atque nominum obligationem.*

C A P U T XXVI.

OBLIGATIONES ex aliis contractibus novabantur in stipulationem, atque in litterarum obligationem, ut auctor est Theophilus. Et quidem ex bonae fidei contractibus descendentes ideo novatas fuisse vulgus novit, ut adhibitò vinculo stipulationis firmiores essent; utque minus liceret arbitrio iudicis, cujus latissima erat potestas in bonae fidei iudiciis. Verùm haec ratio cessat in iudiciis stricti juris, veluti in actionibus ex testamento, quae in stipulationem novationis causâ deducebantur. *L. si deicommissum. 62. D. de condict. indebit. L. 8. §. 1. D. de novation. & delegation. atque etiam in mutuo, quod novabatur in verborum obligationem. L. certi. 9. §. numeravi. D. de reb. credit. L. si ita. 126. §. Chrysogonus. D. de verbor. obligat. L. 7. D. de novation.* Stipulatio non magis facit mutuum stricti juris, nec strictius astringit debitorem, si quidem fides maximè in pecunia credita servari debuit. Plautus in *Cistellar. Act. 4. Sc. 2. v. 94.*

Aequum est tenere, per fidem quod creditum est.

Gellius lib. 20. cap. 1. *Hanc autem fidem majores nostri non modo in officiorum vicibus, sed in negotiorum quoque contractibus sanxerunt, maximè quae in pecuniae mutuaeque usu, atque commercio.* Alia igitur ratio videtur fuisse, cur obligationes in verborum, aut litterarum obligationem novarentur: nempe ut obligatio verbis, aut litteris contracta faciliùs tolleretur. Nec enim ita facile erat aut asses librales pensare, aut aera minuta numerare, quàm verbis acceptum ferre, aut rescribere, id est, obligationem verbis contractam dissolvere. Neque acceptilatio, neque apocha tollebat ipso jure obligationem ex mutuo, *L. si acceptilatum. 19. D. de accepti-*

ceptilation. At cum novata erat obligatio mutui in verborum, aut nominum obligationem, *acceptilatione*, vel *apochâ* tollebatur.

Judicium de libris Tertulliani ad Nationes,

C A P U T XXVII.

QUI nuperè prodierunt libri Tertulliani nomine ad Nationes, Tertullianicam descriptionem omnino redolent; quod præterquam Jacobus Gotofredus vir judicii recti in accuratis suis notis ita probatum fecit, ut nullum vel malignae suspicioni locum reliquerit: perisphae crebrò in his libris Jurisconsultorum locutiones manifestius arguunt, veluti ex lib. 1. cap. 5. à quo *universitas munda est*, universitatem pro toto dixit, quae locutio Jurisconsultis, & Javoleno inter alios juris auctores propria L. 10. D. de legat. 2. L. 8. D. de aur. & argent. legat. L. 23. D. de usurpat. & usucap. L. 2. §. 6. D. pro emptore, non longè à temporibus Tertulliani. Eodem lib. 1. cap. 10. Privatos enim Deos, quos Lares, & Penates domesticâ consecratione perhibetis, domesticâ & licentiâ inculcatis; venditando, pigurando pro necessitate, ac voluntate: essent quidem tolerabiliora ejusmodi contumaciae sacrilegia, nisi quid eo jam contumeliosiora, quod modica. Objiciebat, contumeliam Dñs fieri, cum veneunt, cum pignerantur; sed excipiebant modica tantum loca Diis sacra venire, aut venditioni accedere. Ulpianus in L. hanc legem. 22. D. de contrab. empt. Hanc legem venditionis, si quid sacri, vel religiosi est, ejus venit nihil, supervacuam non esse; sed ad modica loca pertinere. & L. 24. D. eod. In modicis autem ex empto esse actionem, quia non specialiter locus sacer, vel religiosus venit, sed emptioni majoris partis accessit. Eod. cap. 10. Derisus quanto lascivior, tanto denotatior ad contumelias morsum. Ita derisus Nerva Jurisconsultus L. penult. D. in quibus causis pign. vel hypoth. M. Seneca lib. 4. Contr. 25. Initio contumelias causâ à deridentibus discipuli laconis auditores dicebantur. Donatus in Adelphos: Deridet, qui cum alterius irrisione, & contempn. ridet. Eodem lib. 1. cap. 16. Tot sanguinis mixtiones, tot compagine generis: sanguinis mixtiones, id est, seminis. Ulpian. in L. liberorum. 11. D. de his, qui vocant. infam. Propter turbationem sanguinis. Acron ad Horat. lib. 3. carm. od. 6. Quidam enim volunt, Augustam sangi bis versibus, qui alienam conjugem tulerit, & genus bonum patris, sanguinis alieni, coitus admixtione polluerit. Tertull. ad Nationes, lib. 2. cap. 11. Et candelis, ra, quoniam ad candelae lumina pariebant. In edicto Praetoris de inspiciendo ventre, L. 1. §. de inspiciendo. 10. D. de inspiciend. vent. Tria lumina ne minus ibi sint, scilicet quia tenebrae ad subjiciendum aptiores sunt. Quod si Tertullianus auctor non fuit istorum librorum ad Nationes, vix est, ut alius ita Tertullianum referre potuerit, non est enim aqua aquae magis similis, aut lac lacti, ut Plautus loqueretur.

De

De Senatusconsulto facto ad legem Fabiam de Plagiariis; & cum servi, qui sunt in fuga, nec vendi, nec donari possunt.
Luce Apulejo.

C A P U T XXVIII.

SI quis liberum hominem sciens pro servo vendiderit, tenetur lege Fabiâ de Plagiariis, atque etiam lege Corneliâ. Apulejus *lib. 8. Milesiar. Prædens crimen Cornelia: legis incurram, si Civem Romanum pro servo vendidero.* Non putarem tamen, legem aliquam Corneliam de Plagiariis latam fuisse, aut eam Apulejum intelligere voluisse. Nam loquitur de venditore, qui liberum hominem vendit, quique & lege Fabiâ, & lege Corneliâ de falsis teneri potest; ut qui falsum nomen adseveravit. *L. falsi. 17. D. ad leg. Cornel. de falsi.* Poena legis Fabiæ fuit olim pecuniaria, *L. nlr. D. de leg. Fab. seu nummaria.* (Ita enim legendum apud Paulum *lib. 5. sent. in collat. leg. Mosae. tit. 14.*) Alia erat poena legis Corneliæ de falsis: utraq; igitur lege venditor teneri potuit; emptor verò solum lege Fabiâ. Senatusconsulto facto ad legem Fabiam servi, qui sunt in fuga, neque vendi, neque donari possunt. *1. 1. §. 2. D. de serv. fugit. L. actor, 19. §. 3. D. com. divid. L. 2. D. de lege Fab. L. in fuga. 6. C. eod. & ita conjungi potest L. 8. D. de divers. & temporal. præscript. cum L. 1. D. de leg. Fab. ex eodem lib. 1. regul. Ulpiani.* Rationes quasdam hujus Senatusconsulti commenti sunt, ne emptores servorum ita plagii crimen eludant, si servos fugitivos emerint: atque ut servi à fuga deterreantur, si nullos emptores invenerint. At Senatusconsulto prohibentur servi potius vendi, quam emi; & magis adversus venditores, quam emptores Senatusconsultum factum est; magisque adversus dominos, quam servos. Ea igitur ratio Senatusconsulti potius fuisse videtur, ne servi per venditionem potentiores haberent adversarios, si vellent se in libertatem vindicare: nam qua ratione prohibita est rei litigiosæ alienatio. *L. bona. 27. §. 1. D. ad Senatuse. Vellejan. L. 1. §. 1. D. quæ res pignori.* Eadem Senatusconsultum prohibuit, ne servus in fuga vendi, donative posset, qui per fugam se adversarium domino præparat, *L. 3. §. si servus. D. de adquir. vel amitt. possess. & paratus est pro sua libertate litigare. L. si is, qui. 15. §. 1. D. de usurpat. & usucapionib.*

De actione praescriptis verbis utilis ex contractibus incertis, & ut proxima sit directae actioni ex contractibus certis.

CAPUT XXIX.

ACTIO praescriptis verbis varias habet appellationes; modo enim dicitur, *incerti civilis actio*, L. 7. §. 2. D. de pact. L. si convenitis. 32. D. com. dividund. L. permixisti. 16. D. de praescript. verb. incerti conditio, L. duo. 19. §. ult. D. de precario. intentio incerti, L. 6. D. de praescript. verb. Civilis est, quod jure civili, seu interpretatione prudentum prodita fuerit, ne litigantes causâ caderent, si ex incerto contractu hac potius, vel illâ actione agerent. Incerti est actio, quia agitur ad id, quod interest, quod semper incertum est. Dicitur quoque *incertum judicium*, L. legem. 9. C. de donationib. incerta actio, L. cum rei. 22. C. eod. quia incerta est actio, ut contractus incertus, ex quo oritur *propria actio*, L. petenti. 27. D. de pignorat. 28. est actio praescriptis verbis in factum, quia ibi merces quaedam intervenerat, cum debitor creditoris pecuniâ uteretur, L. 5. §. rem tibi. 12. D. commodat. & *propria actio*, id est, civilis; ut proprius contractus, d. L. 7. in princ. D. de pact. L. rogasti. 19. D. de praescript. verb. est civile negotium, L. 1. D. de aestimator. utilis actio, L. 6. C. de transactionib. utilis conditio, L. 1. C. de pact. convent. quod prodita sit exemplò directae actionis, si quidem actiones praescriptis verbis ex contractibus inominatis dantur, ut proximè accedunt ad contractus nominatos: veluti in factum proxima locat. d. L. 5. §. 12. D. commodat. L. 1. §. si quis. 9. D. deposit. in factum proxima emptioni. L. 6. D. de rescindend. vendit. & in L. his consequenter. 18. §. 2. D. famil. eriscund. quali ex permutatione in factum proxima actioni pro socio, L. si tibi. 13. §. 1. D. de praescript. verb. in factum proxima commodati, L. si gratuitam. 17. D. eod. in factum proxima mandati, L. 8. D. de precar. L. 5. §. 4. D. de praescript. verb.

De jurisdictione magistratuum Municipaliū: quid concessum ipsis, vel denegatum. Annui, & quinquennales fuerunt.

CAPUT XXX.

MAGISTRATUS Municipales habuerant jurisdictionem, & coercitionem. Hygenus de limitib. constituend. In eis agris jurisdictio, coercitioque esto coloniae illius, cujus civibus agri assignabuntur. Habuerunt fasces, L. duumvirum. 53. C. de Decurionib. & lictores, qui submoverent, L. pupillus. 139. §. territorium. 8. D. de verb. signif. Secures, Aulonius Idyllio 10.

— — — purumque tribunal

Sanguine, & innocuas illustrare secures.

ait Antonius d. l. 10. v. 405. seq. *purum tribunal sanguine*, quia nihil quidquam Imperii meri habuerunt, fures comprehensos ad Praesidem transmittabant, Paulus lib. 5. *sentent. in collat. leg. Mosae. tit. 7.* & ne quidem eis de servo supplicium sumere licuit. *L. magistratibus. 12. D. de jurisdictione.* nec quidquam Imperii mixti. *L. eaque. 26. D. ad Municipalem.* Imperium habent soli magistratus P. R. *L. cum Praetor. 12. D. de iudic.* Magistratus minores, ut sunt Municipales, sunt sine imperio. *L. nec magistratibus. 32. D. de iur.* nec jurisdictionem suam poenali iudicio defendere concessum est. *L. unic. D. si quis ius dicent. non obtemp.* Multae quoque dictionem habuisse non videtur; nam in *L. 2. §. ult. D. de iudic.* magistratus P. R. intelligere debemus, quibus publice iudicium datum est, & in *L. aliud. 131. D. de verbor. sign. fr.* ubi Praelides subiiciuntur P. R. magistratibus, ut in *L. 3. §. 1. D. quod met. caus.* multae dictio iure magistratui Pop. R. more maiorum competit. Gellius lib. 11. cap. 1. Praefidibus mandatis permixtum est, quamvis non essent magistratus. Vix quidquam magistratus Municipales facere poterant absque iussu Praefidis: nam & si ius dandi tutores haberent, *L. 3. D. de tutor. & curator. dat.* iussum tamen Praefidis expectare debuerunt, ut pupillis etiam modicas facultates habentibus tutores darent. *§. sed hoc iure. Instit. de Atilian. tutor. L. Lucius. 46. §. cum testamento. 6. D. de administratione. & pericul. tutor.* Ita potest intelligi Apuleius lib. 1. *de Asin. Anreo: liberis tuis tutores Iuridici Provinciae decretis dati*, vel quod ipse dedisset, vel quod decreto suo dari iussisset. Atque etiam Praefes Provinciae videtur praescripisse certam illam summam magistratibus Municipalibus, intra quam ius dicebant. Paulus lib. 5. *sentent. tit. 5. L. inter. 28. ad Municipalem.* Veruntamen ius capiendi pignoris habuerunt lege Municipali, *L. quemadmodum. 29. §. magistratus. D. ad leg. Aquil.* ut quaedam alia, *L. magistratus. 25. D. ad Municipalem.* eaque jurisdictionem suam tuebantur, *L. 4. §. 2. D. de damn. infect.* pignoribus capitis, etiam absque iussu Praefidis in *L. nominatori. 11. C. de pignorib. & hypothec.* Sine Praefidis auctoritate pignus capere non licet, quia Praefes cognoscebat, an nominatus iusta de causa munus recusaret. *L. 1. §. solent. D. quando sit appellatus.* quamvis autem magistratus ius capiendi pignoris habuerint, non ideo dicendum est, imperium habuisse. Magistratus, qui sunt cum imperio, pignus capiunt pro imperio. *L. sacrilegi. 9. §. eum quoque. 6. D. ad leg. Jul. peculatus.* magistratus Municipales capiunt ex lege Municipali. *d. L. 29. ad leg. Aquil.* Porro magistratus Municipales quinquennales fuerunt, ut & defensores Civitatum. *L. 4. C. de defensorib. civitat.* Apuleius lib. 10. *de Asin. aur.* Gradatim permenis honoribus, quinquennali magistratui fuerat destinatus, id est, Duumviratui. Antiq. Inscript. apud Gruter. 100. S. II. VIV. I. D. QUINQ. sed non ex instituto omnium Municipiorum, nam pro varietate locorum annui fuerunt. *L. si ad magistratum. 18. C. de decurionib. Can. 56.* Concilii Eliberitan. Magistratum verò uno anno, quo agit Duumviratum, prohibendum placuit, ut si ab Ecclesia cohibeat, atque ita potest intelligi antiq. Inscript. Gruter. pag. 124. 1. MAG.

MAG. ANNUM IN-ERUNT. Et D. Chrysostom. *oration. Corinthiac. 37.*
ἀσμεν γὰρ οὗ ἀρχόντων οὗσιν οἱς ἐκαστὸν ἀρχόμεθα, καὶ ἀδελφοὶ ἢ τῶν ἀρχῶν,
ἢ τοῦ γένους ἐκαστὸν ἡμεῖς οἱς ἐν ἡμέρᾳ ἀρχῶν διατελῶν ait, *magistratus in annis*
electos licet indignos, in id tempus manere: puta, licet minus digni, aut
non omnino sint indigni.

Poenale iudicium adversus non obtemperantes jurisdictioni. Ex-
ceptum in jurisdictione, terminus iustitiae. Ad L.
unic. D. si quis. jus dicent. non obtemper.

C A P U T XXXI.

ADVERSUS contemntes jurisdictionem magistratûs datur poenale
 iudicium, seu poenalis actio; veluti si libertus sproetâ Praetoris edi-
 cto patronum, aut patroni filium in jus vocaverit, *L. quamvis. 11. & L. si*
libertus. 12. D. de in jus vocand. aut si quis falsas litteras nomine Prae-
 toris reddiderit, edictumve falsum proposuerit. *L. qui nomine. 25. D. de leg.*
Cornel. de fals. Ita & poenale iudicium datur adversus non obtemperantes
 jurisdictioni, quam sic magis contemunt. *L. unic. D. si quis jus dicent.*
non obtemper. ait Ulpianus: *Omnibus magistratibus, non tamen duumviris,*
secundum jus potestatis suae concessum est jurisdictionem suam defendere
poenali iudicio, id est, datâ actione in factum poenali, quanti ea res est;
vel etiam multâ, L. 2. D. si quis in jus vocat. non ierit. Ait Ulpianus, *secundum*
jus potestatis suae: multae quidem dicendae jus omnes magistratûs R. ha-
 buerunt, licet minores, ut Aediles, Gellius *lib. 10. cap. 6.* sed secundum jus
 potestatis suae. Tacit. *lib. 13. annal. 28.* *Statutumque quantum Curules, quan-*
tum Plebei pignoris caperent, vel poenae irrogarent, id est, multae; sub poe-
na multa continetur. Aliis magistratibus libera erat potestas, quantum
 multae dicerent. *L. si qua. 244. D. de verb. significat.* nisi lege aliqua con-
 stitutum erat, quantum dicerent, ut Aedilibus, ut Praesidibus Provincia-
 rum. *L. 5. C. quand. provocare non est necess.* Majores magistratus etiam in
 carcerem duci jubebant non obtemperantes, *L. 2. D. de in jus vocand. L.*
injuriarum. 13. §. 2. D. de injur. aut pignoribus captis, multisve coërce-
 bant. *L. 1. §. 3. D. de inspiciend. vent.* Ait Ulpianus, *non tamen Duumviri:*
excipit Duumviri, vel quod ad certam summam jus dicere poterant,
Paulus lib. 5. sent. tit. 5. non pro arbitrio, & quanti ea res esset; vel quod
 eis multae dicendae jus non esset: habuerunt nihilominus coërcitionem,
 pignoris capionem, ut *sup. cap.* ostendimus: & si quis eis non obtempera-
 ret intra territorium, impune non fuit. *L. ult. D. de jurisdiction.* Subjicit
 Ulpianus, *is videtur jus dicenti non obtemperasse, qui, quod extremum in*
jurisdictione est, non fecit. Puta, si rem mobilem duci, vel ferri passus
 non sit, vel si missus in possessionem non admittatur. *d. L. 4. §. 2. D. de*
damn. infest. utroque casu extra ordinem manu militari res auferitur, *L.*

Par. 1.

T

qui

qui restituere. 68. D. de rei vindication. vel per manum militarem in possessionem inducitur. L. 3. D. ne vis fiat ei. Cassiodorus lib. 6. variar. cap. 13. Aliud est tantum dicere legitimam, aliud ad terminum deduxisse iustitiam, laudabiliter quidem bonum dicitur, sed multo gloriosius statuta complentur: verba tantum diriguntur à Praefidis, à militibus autem postulatur effectus. Ait Ulpianus, facere id, quod extremum est in iurisdictione. Cassiodorus ad terminum deduxisse iustitiam. Ulpianus, manu militari rem auferri. Cassiodorus, à militibus postulari effectum. Sozomenus lib. 1. hist. Eccles. cap. 9. eis ἱερὴν ὃ τὰ νεκρῶνα ἀγῶ τὸς ἀγῶνας, καὶ τὸς διαπορούλους αὐτοῖς σπαρτάς. i. e. iudicata reipsa exequi voluit magistratus, militesque ipsis inservientes.

*Errans dominium, & possessionem quandoque transfert. Conci-
liatur novâ ratione L. ejus, qui. penult. D. de reb.
credit. cum L. si procurator. 35. D. de ad-
quir. rer. domin.*

C A P U T XXXII.

SERVUS, qui foenerandis pecuniis domini praepositus fuerat, domini testamento liber, & heres esse iussus, cum ignoraret, dominum decessisse, post mortem ipsius pecunias foeneraverat, ait Africanus, eum pecunias pro parte sua alienasse, & creditas fecisse. *L. ejus, qui penult. D. de reb. credit.* errabat ille servus, qui pecunias domini putabat se credere, cum suas crederet: nec ita videtur etiam pro parte sua alienasse; si quidem is, qui errat, non transfert dominium in accipientem. *L. & si is. §. 1. D. de contrabend. emptio. L. si procurator. 35. D. de adq. rer. domin.* consensu opus est in iis rebus, in quibus dominium transfertur. *L. in omnibus. §. 3. D. de obligat. & actionib.* at qui errant, non consentiunt. *L. 3. D. de judic.* Video jam pluribus placuisse, servum pro parte sua pecunias creditas fecisse, & dominium earum transulisse; quod cum servus heres esset defuncti, eademque cum defuncto persona, non in magno errore fuerit, si pecuniam, quae sua erat, defuncti esse putaverit. Verum haec potior videtur ratio, quod servus errans dominium pecuniae transfulerit, ita tamen ut condictio certi ei competeret; nec id, quod per errorem dabat, amitteret: nemo errans dominium rei suae amittit, d. *L. si procurator*, sed non amittit pecuniam, qui habet conditionem adversus debitorem. Atque ut possessio rei legatae ab errante herede transferatur in legatarium, cui res dari debet, *L. 1. §. si legatarius. D. ad leg. Falcid.* non enim id nocet heredi, si errans quod debebat, dederit, dummodo obligatione rei non supra dodrantem legatae liberetur: ita nil nocet servo suam pecuniam, quam domini esse putabat, credidisse; & do-
mi-

minium illius pecuniae per errorem transulisse, dummodò eam possit condicere.

Novem actiones ex uno, eodemque facto, seu delicto nascentes.
Ad L. cum ex uno. 32. D. de obligat. & action.

C A P U T XXXIII. •

SI quis arbores furtim reciderit, plures actiones ex eo delicto nasci possunt. Actio ex lege XII. tabular. L. 1. D. *arbor. furt. casar.* cujus poena fuit 25. aeris in singulas, Plinius lib. 15. cap. 1. Actio legis Aquiliae de damno dato, d. L. 1. D. *arbor. furt. casar.* actio praetoria in duplum, L. 7. §. *ultima.* & l. 8. D. *eod.* Actio, seu interdictum, quod vi, aut clam, L. *competit.* 16. §. 1. D. *quod vi, aut clam.* Actio extra ordinem, si quis non frugiferas arbores reciderit, Paulus lib. 5. *sentent. tit.* 20. coercetur poenâ capitali in opus publicum, vel relegatione: & hanc Servius intellexit ad Eclog. 3. fuerat capitale supplicium alienas arbores incidere: capitale, propter poenam operis publici, vel relegationis, non propter poenam capitis. Nec movet, quod qui arbores reciderint, ut latrones puniantur, L. 2. D. *arbor. furt. casar.* quia & quidem latrones in metallum dantur, aut relegantur, L. *capitalium.* 28. §. *grassatores.* 10. D. *de poen.* Quod si quis arbores reciderit, & lucri faciendi eas contrectaverit; furti tenebitur lignorum causâ, & conditione, & ad exhibendum. d. L. 8. §. 2. D. *de arbor. furt. casar.* Et si colonus id fecerit, etiam ex locato tenebitur, L. *in duobus.* 28. §. *colonus.* D. *de iurejurand.* L. *si merces.* 25. §. *ipse quoque.* D. *locat.* Atque ita novem actiones unius, ejusdemque delicti nomine possunt competere, ut non aliud aptius exemplum Hermogenianus asserere potuerit in L. *cum ex uno.* 32. D. *de obligat. & actionib.*

Cur in L. si paterfamilias. 40. D. de hered. instituend. hereditas divisa fuerit inter heredem institutum, & substitutum.

Conciliatur ex diversitate temporum cum L. 3. C.

eod. tit. de hered. instituend. Cretionis senlennia, & rationes eorum.

C A P U T XXXIV. •

TESTATOR Parthenium Tyberii servum heredem instituerat, quem ingenuum esse putabat; hujus Parthenii mequinie antiq. inscript. Gruter. 616. 5.

PARTHENIO CAESARIS
ULPIA RESTITUTA
UXOR

Facile verò fuerat, ut testator Parthenium Caesaris servum ingenuum esse crederet, quia servi Caesarum ut liberi homines agebant, interque liberos versabantur. Spartianus in *Adrian.* *Quum quodam tempore servum suum inter duos Senatores à conspectu ambulare vidisset, misit, qui ei colaphum daret.* Vopiscus in *Aurelian.* *Servis suis vestes easdem Imperator, quas & privatus dedit, praeter duos senes, quibus quasi libertis plurimum detulit.* Parthenio heredi instituto testator Sempronium substituerat, si heres non esset; Parthenius jussu domini hereditatem adiverat, & Sempronius in partem hereditatis admissus est: Ita hereditas dividebatur inter heredem institutum, & substitutum, si institutus sub imperfectam cretionem non cerneret hereditatem; sed pro herede gereret. Ratio haec videtur fuisse, quod sic hereditas contra voluntatem testatoris adiretur. Multa erant solennia cretionis, & commenta, L. 1. C. Theodof. de matern. bon. verba concepta, testes praesentes, percussiones, seu crepius digitorum, saltationes. Ambrosius lib. 3. de officiis cap. 11. *Non ego in adendis hereditatibus digitorum percussiones, & nudis successoribus saltationes notabo, nam haec etiam vulgo notabilia.* Gloss. vel ad illam digitorum percussione respicit, cernitque. *in ynde Caro*, ita enim legendum, percutiebant digitos, & pedibus saltabant, ut ita manibus, pedibusque ire ad hereditatem viderentur, testibus multis praesentibus, veluti LXII. in cretione Cluvii apud M. Tullium lib. 12. ad Attic. quidam testatores maximè volebant. Varro lib. 5. de ling. Latin. *facito videant se esse heredem, itaque in cretione adhibere jubens testes.* Pro herede gestio fuit simplex additio. L. 1. C. Theodof. de legitim. hered. Ideo igitur heres institutus, qui non cernebat solenniter, sed pro herede gerebat, quia contra voluntatem testatoris faciebat, dimidia parte hereditatis multabatur in d. L. 40. D. de hered. instit. Parthenius heres institutus non adiverat ex voluntate testatoris, quia testator putabat, ut quasi ingenuus adiret, & solennia cretionis perageret; ille verò jussu domini ut servus adiverat, licèt dominus per servum heres fiat, non tamen venit ex judicio testatoris. L. qui liberis. 8. §. 1. D. de vulg. & pupillar. substit. Eà igitur ratione hereditatem inter Parthenium institutum, & Sempronium substitutum dividendam esse Tyberius constituit: §. ultim. Instit. de vulg. substit. & L. 41. D. de heredib. instituend. quod non ex voluntate testatoris hereditatem crevisset: non dicendum est, in re dubia id Tyberium ex aequo constituisse, immo secundum jus, quod temporibus ipsius obtinebat; & usque ad D. Marcum, qui voluit, substitutum excludi, licèt heres institutus non cerneret, sed tantum pro herede gereret, Ulpianus d. §. 22. sub finem, & propterea post D. Marcum in L. 3. C. de heredibus instituend. (cujus eadem est species cum d. L. 40. D. eod.) si servus, quem testator liberum putabat, jussu domini hereditatem adiverit, substitutus excluditur, nec in partem admittitur.

Ho-

Hodie post L. ultim. C. de compensatione. admitti compensationem speciei ad quantitatem, seu corporis cum pecunia.

C A P U T XXXV.

ANTE Justinianum compensatio fieri non poterat speciei ad quantitatem, puta, specie commodatâ non potuit commodatarius eam rem, seu speciem commodatam cum pecuniâ sibi ex mutuo, aliove contractu, debitâ compensare. *L. ult. C. de commodat.* In commodato quidem compensatio admittitur, *L. in rebus. 18. §. ult. D. commodat. & retentio. L. creditoris. 15. §. 2. D. de furt.* propter mutuas praestationes ex eodem contractu, non ex diversis contractibus, ut & in rei uxoriae actione propter impensas in res dotales factas datur retentio, & fit reputatio, seu deductio. *L. 1. §. 1. & L. ultim. D. de impens. in res dotal. fact.* Fit etiam compensatio corporis, seu speciei, cum quantitate in mutuis petitionibus: (ita enim debet intelligi *L. Seneca lib. 6. de benefic. cap. 4.*) sic debitori suo creditor saepe damnatur, ubi plus ex alia causa abstulit, quam ex credito petit: non tantum inter creditorem, & debitorem iudex sedet, qui dicat pecuniam credidisti, quid ergo? pecus abegisti, servum ejus occidisti, agellum, quem non emerat, possides, aestimatione fuctâ debitor discede, qui creditor venerat. Verum cum Justinianus ex omnibus actionibus compensationem ipso jure fieri voluerit, nullâ differentiâ actionum in rem, vel in personam observandâ, *L. ultim. C. de compensat.* hodie fiet compensatio corporis, vel speciei cum quantitate: finge, possessorem rei mobilis, vel immobilis conventum actione in rem, compensare poterit pecuniam sibi debitam, ut in possessione rei maneat, aut retentionem habeat. Finge etiam, Titium debere pecuniam Maevio, & ab eodem Maevio Stichum vindicare; poterit Maevius compensationem objicere, & Stichum retinere. Denique cum Justinianus solam actionem depositi ut causam momenti exceperit d. *L. ultim.* dicendum est, ex omnibus aliis causis compensationem esse admittendam, & posse hodie commodatarium, cui pecuniam dominus debeat, rem sibi commodatam oppositâ compensatione retinere; nam si, cum agitur actione in rem, compensatio admittitur, multò magis, cum agitur actione in personam. Id igitur adjecit Justinianus, ut cum agitur actione in rem, hodie possit fieri compensatio, quae tantum fiebat, cum ageretur in personam: id etiam induxit, ut speciei ad quantitatem, seu corporis cum pecunia fiat compensatio.

Quo-

Quomodo electione unius fidejussoris, alter liberaretur ante constitutionem Justiniani.

C A P U T XXXVI.

SI creditor à debitore fidejussores accepisset, ante constitutionem Justiniani in *L. ult. C. de fidejussorib.* poterat debitorem, vel fidejussores in solidum convenire, *L. 5. & L. 21. C. de fidejussorib.* vel etiam pro parte agere adversus debitorem, & pro parte adversus fidejussores. *L. 3. §. 1. D. de duob. reis.* Electione fidejussoris reus non liberabatur, fidejussor electò reò liberabatur, *Paulus lib. 2. sentent. tit. 17.* non modò si creditor à reo pecuniam exegisset, (quod satis verum est) sed & si litem cum eo contestatus esset. Electione unius fidejussoris alter liberabatur: Finge, creditorem duos fidejussores accepisse, primum, & secundum, si partem à primo petiisset, non poterat ad secundum regredi, ut solidum ab eo peteret: & si partem à secundo servare non posset, non erat regressus ad primum, ut reliquum ab eo peteret; veluti si partem ab uno fidejussore accepisset, ab eodem reliquum petere non poterat. *L. inter. 51. §. 4. D. de fidejussorib.* multò minus si creditor adversus duos litem contestatus fuisset, petitionemque divisisset, & unus solvendo non esset, adversus alterum agere poterat. *L. amissi. 52. §. 1. D. eod. L. liberum. 16. C. de fidejussorib.* si creditor primum elegerat, & solidum ab eo petiisset, neque debitum servare posset, adhuc secundum non poterat convenire, d. *L. ult. C. de fidejussorib.* licet petitionem non divisisset: & duos fidejussores videretur accepisse, ut si ab uno debitum servare non possit, ab alio servaret. Igitur electione unius fidejussoris, si in solidum conventus esset, alter liberabatur electione unius mandatoris, alter non liberabatur, sive pro parte, sive in solidum conventus esset. *L. reos. 23. C. eod. tit. de fidejussorib.* quae loquitur de mandatoribus, non de fidejussoribus. Justinianus differentiam sustulit, & fidejussores cum mandatoribus, & correis debendi aequavit.

Tabulae pictae in praeseptis, seu stabulis. Ad L. fundi. 17. §. 2. D. de act. empt. Luc. Juvenali.

C A P U T XXXVII.

CHRYSIPPUS ὁ πρὸς πολιτίας i. e. in lib. de administratione reipublicae, apud Plutarchum σιγ. Στοιχ. ὁρισμῶν. de Graecis, ἐπὶ τῶνδε ἰσχυρὸν καὶ τὰς κοινὰς ἐργασίας. Jam stabula, seu loca sergulinis parata pingere. quod postea ad mores Romanorum transit, Juvenalis sat. 8. v. 196. seq.

ju-

Solam Epomam, & facies olida ad praesepia pictas.

An non ideo Ulpianus, cum de stercolino locutus est? probatâ Trebatii distinctione, ut si quidem stercorendi agri causâ comparatum sit, emptorem sequatur; si vendendi causâ venditorem: & subjecit in *L. fundi. 17. §. 2. D. de act. empt. Quae tabulae pictae pro tectorio includuntur, itemque crassae marmoreae aedium sunt.* eas potissimum tabulas intelligere voluit in praesepiis, seu stabulis positas, quas aedium esse ait, ut perpetui usus causâ paratas. *L. malum. 242. §. ult. D. de verb. significat.* opere structili, aut tectorio includebantur, neque erant exemptiles, neque aliis partibus aedium, quàm stabulis, usui, ornamentove esse poterant.

Media Pauli sententia deprehenditur, non Triboniani manus in princip. L. qui servum. 34. D. de obligat. & actionib.

In §. ultimo lectio Florentina defenditur.

C A P U T XXXVIII.

NON putarem, Triboniani manum rectè deprehendi in his verbis *L. qui servum. 34. D. de obligat. & actionib. Rationabilius itaque est, eam admitti sententiam.* Nam cum alias saepe Paulus inter diversas Auctorum sententias medius fuerit, ut in *L. illud. 40. D. de heredit. petit. L. de eo. 12. §. 3. D. ad exhibend. L. 3. §. 8. & 9. D. de adquirend. vel amittend. posses.* quod attigimus *lib. 1. observation. cap. 6. & 7.* ita & hîc media Pauli sententia apertè deprehenditur. Quidam existimabant, si quis prius actionem injuriarum elegisset, non posse deinceps agere lege Aquilâ; aut si actionem legis Aquiliae elegisset, non posse agere injuriarum, & unâ electâ alteram consumi. Alii sentiebant, unâ electâ alteram non consumi; sed distinguebant, utrum prius graviori, aut leviori actione actum fuisset: si graviori, puta, legis Aquiliae, quae & poenam, & rem persequitur; leviori consumi, puta, injuriarum, quae poenam solum persequitur. Contra si leviori prius actum fuisset, gravio rem non consumi; & ita post actionem injuriarum adhuc lege Aquilâ agi posse. Paulus medius est inter utramque sententiam; etenim sic existimat, unâ actione electâ alteram consumi, secundum priorem sententiam; sed ex parte, non in totum consumi: & secundum posteriorem sententiam, unâ electâ alteram non consumi. In eo, quod amplius est in *§. si is, cui d. L. 34.* si prius actum fuerit conditione furtiva, commodati actio extinguitur ipso jure; si prius commodati actum fuerit, conditio furtiva per exceptionem tollitur. *L. si is, cui. 71. D. de furt.* In ima lege verba illa, *sed verius est, remanere, quia simpli accedit, & simpli subdûcto locum non habet, vanam lectionem patiuntur.* Florentinam magis probarem, nec quidquam muta-

tarem. Etenim id vult Paulus, post commodati actionem, remanere actionem legis Aquiliae; quia *simplo accedit*, id est, ultra simplum est; & *simplo subducto locum non habet*, id est, in eo simpli, quod per actionem commodati subductum, seu deductum est, locum non habet. Quasi diceret, per actionem commodati non consumi debere actionem legis Aquiliae, quae locum non habet in eo, quod per commodati actionem subductum est, ut ita bis de eadem re agi videatur: sed tantum in eo, quod simpli accedit, propter repetitionem triginta dierum. In negationibus ponendis, & tollendis, *sub auctoritate juris scientiae*, ut loquebatur Celsus adolescens, perniciosissimè saepe erratum est; quod & plerisque aliis in locis ostendi olim. posse, mens augurat.

*De testamento in scriptis; & per nuncupationem, ac rursus
de testamento mystico feminarum.*

C A P U T XXXIX.

QUOD scriptum lib. 2. *observation.* feminas testamentum mysticum facere non potuisse; quidam amicus noster monebat, parum liquidò probari apud Papinianum in *L. cum pater. 77. §. mundo. D. de legat. 2.* nec Graecorum interpretum in eam rem testimonium sine exceptione admittebat. Sciscitabatur ille, quam ratione testamentum mysticum feminae facere non potuerint? multa quidem in testamento solennia ex jure civili observari debuerunt, quibus conficiendis propterea Jurisconsulti adhibebantur; eaque ratione non videtur concessum feminis, quae jus ignorabant, ut solae testamentum arcanum facerent, vel ut praetextu testamenti moechis scriberent.

- - - *Arcana verba notata manu,*

ut est apud Ovidium lib. 2. *de art. amand. v. 596.* & Juvenalem *sat. 14. v. 29. seq.*

- - - *Ceras nunc hac dictante pusillas*

Implet, & ad moechum dat eisdem ferre cinaedis.

Quae ratio etiam videtur fuisse Concilii Eliberitani *Can. 81. ne feminae suo potius, quam maritorum nominibus Laicis scribere audeant, qui fideles sunt, vel litteras alicujus pacificas ad suum solum nomen scriptas accipiant.* Ex constitutionibus in testamento arcano subscriptio testatoris generalis, aut specialis erat necessaria, *L. 1. §. inter. & L. Divus. 15. §. 2. D. de lege Cornel. de falsi.* at feminae praesumuntur litteras nescire, interque eos referuntur, qui litteras nesciunt apud Harmenopolum, Scholiasten Harmenopoli, Acaliatem, Leonem Sophum Novell. 69. Conjecturam vero nostram in d. *L. 77. de legat. 2.* ideo patrem de salute filiae fuisse sollicitum, quod tantum per nuncupationem facere posset testamentum, juvat maxime Theophilus in §. *sed & illa. quidem. Instit. de testam. ordinand.* in testamen-

tis

ris per aes, & libram nuncupationem fieri desiisse, & testamenti mystici usum invaluisse ne testatores, qui heredes palam nuncupabant, insidiis essent obnoxii. Sextus Pompejus, *internecinum testamentum est, propter quod dominus ejus necatus est*. A. Marcellinus lib. 8. *allicientes eos technis, quum supremis judiciis ordinatis, quae habebant, reliquerint his, quibus morem gerendo testati sunt, illico pereunt*. At contra illi videbatur, feminas testamentum in scriptis facere potuisse, quia passim occurrit, feminas heredes scripsisse, *L. mater. 19. D. de inoffic. testam. L. 3. C. cod. L. si mater. 33. D. de vulgar. & pupill. atque etiam testamentum manu sua fecisse. L. cum qui. 37. §. Titia. D. de legat. 3.* Verum quamvis feminae heredes scriberent, vel tabulas facerent, testamentum erat per nuncupationem, non mysticum. Nuncupari id dicebatur, quod fiebat palam, & in tabulas referebatur, ut *nuncupatae pecuniae*, id est, scriptae, apud Varro- nem; & *nuncupata vota*, quae in tabulas multis praesentibus referebantur, apud Sext. Pompejum: ita in testamento per aes, & libram (quod adhuc in usu erat temporibus Papiniani) nuncupatio in tabulas referebatur. Ulpianus tit. 20. & nuncupationem in tabulis testator ipse recitabat, *Uldorus lib. 5. origin. cap. 25. de instrument. legalib.* ita ut quandoque plus nuncupatum, minus scriptum esset. *L. quotiens. 9. §. 2. D. de heredib. instituend.* In testa- mento igitur per aes, & libram, faeminae heredes nuncupabant, & scribe- bant in tabulis; sed non erat testamentum mysticum, quod erat, nuncu- patum. Malè verò contenderet aliquis doctorum hominum errore ductus ex d. L. 37. §. Titia. *D. de legat. 3.* feminas testamentum mysticum, & manu propria facere potuisse, quia nec testamentum Graecis verbis fieri, nec legata iis verbis relinqui poterant. Ulpianus tit. 25. *de fideicommiss.* Titia quidem testamentum fecerat per nuncupationem: sed cum sciret, Callimachum non posse capere ex testamento, alià scripturà post testa- mentum caverat, & mercedis nomine decem millia dari, ut haberet ex fideicommissò, vel ex cautione, quod capere non poterat ex testamento: sic testamentò factò per nuncupationem, legata in tabulas referuntur. *L. ult. D. de iure Codicillor.* Ex his apparet, feminas quidem heredes scri- psisse, puta, cum nuncupatio in tabulas referebatur; non tamen arcanum testamentum, seu in scriptis facere potuisse, quod scripturà solà constab- bat abique nuncupatione.

*Sabinianos proportionem Geometricam, & Proclejanos Ari-
thmeticam secutos fuisse ostenditur.*

C A P U T XL.

CUM testator pluribus heredibus relictis Titium, & Maevium certò le-
gato damnavit, sub appellatione heredum manifesta est testatoris vo-
luntas, pro hereditariis portionibus legatum praestari voluisse; si verò no-
Par. I V mi-

minatim damnaverit, vel sub certa demonstratione, quae nominis vice fungitur, quaestio est voluntatis, in qua & auctores utriusque scholae differenterunt. Sabiniani adhuc putabant, Titium, & Maevium pro hereditariis partibus teneri, quia hereditas eos obligaret. *L. five. 17. D. de duob. reis.* Eam igitur testatoris voluntatem fuisse conjiciebant, ut pro ea parte legato tenerentur, qua fuerant heredes instituti; idque secundum proportionem Geometricam, quam sequebantur. Proculejani, legato nominatim relicto, putabant, viriles partes deberi; quia personarum enumeratio hunc effectum habere debeat, ut in legato praestando exaequantur. Neratius ex Proculejanis *L. si heredes. 124. D. de legat. 1.* eam testatoris voluntatem fuisse conjiciebat, ut aequaliter heredes legato teneri vellet, quos non ut heredes, sed nominibus propriis damnaasset; Idque secundum proportionem arithmetica, quam Proculejani ex doctrina Stoicorum sequebantur, ut ostendimus *lib. 1. observat. c. 24.* Pomponius inter utramque sententiam medius fuisse videtur, nam si pars heredum nominata sit, viriles partes deberi probat, secundum Proculejanos, si omnes heredes nominati sint, hereditarias deberi, secundum Sabinianos. *L. turpia. 54. §. ult. D. de legat. 1.* Frustra locos istos pugnantes conciliare tentant, & quidem levis ista est ratio differentiae, si testator ita legaverit, *Titium, & Maevium heredes meos damno dare*, viriles partes deberi: si ita legaverit, *heredes meos Titium, & Maevium damno dare*, hereditarias partes deberi. Cum utroque modo sub appellatione heredum legatum sit, nec adjectio nominis aliam testatoris voluntatem inducere debeat, quod etiam secundum Sabinianos magis admittendum putarem, hereditarias partes deberi, ubi non sub appellatione heredum, sed tantum nominibus expressis legatum fuerit. Plerumque alias quaeritur, an secundum hanc, vel illam proportionem res accipi debuit, veluti in *L. penult. D. pro socio.* Geometrica proportio est, ut arbor eruta sit communis pro partibus, quibus in fundo fuerat: Arithmetica vero proportio est, ut in arbore eruta vicini aequales partes habeant.





EMUNDI MERILLII J.C.

OBSERVATIONUM

LIBER QUINTUS:

De mulieribus Atticis, & Romanis. Ad L. feminae. D. de regul. juris. D. Chrysoſtomus, & Suidas viciffim illustrantur.

C A P U T I.



MULIERES Athenienſium aliquando publicis conſultationibus interſuiſſe, & calculis ſuis viros ſuperafſe memorat D. Auguſtinus *lib. 18. de civit. Dei. cap. 9.* quod poſtea illis ademptum fuit: nec modò ab officiis civilibus, ſed etiam privatis, ita remotae fuerunt, ut de re majori, quàm de modio hordei, contrahere non potuerint lege Athenienſium. D. Chryſoſtomus *oration. 219. de viſtis 75. ἐπὶ γυναικὶ καὶ Ἀθηναίων* *ὡσαύτως οὐκ ἔχει μὲν καὶ ἐπὶ ἡμῶν, ἀλλὰ τὸ πρὸς τῷ νόμῳ ἀδυνάτου. i. e. apud Athenienſes mulieri de re majori, quàm de modio hordei contrahere non licet propter mentis imbecillitatem.* quem ita plerique intelligunt, quaſi propter conſilii infirmitatem adempta fuerit omnibus mulieribus rerum privatarum adminiſtratio; ſed tamen videtur ſolùm referri debere ad mulieres nuptas. Primum enim Chryſoſtomus de ſerviſ, qui erant in poteſtate dominorum; & de pupillis, qui erant in poteſtate tutorum; & poſtea de mulieribus, quae erant in poteſtate maritorum, ſine quibus in jus non vocabantur. Suidas in verb. *οἰκὸς*, generalis quidem eſt illa ratio, & ad omnes mulieres pertinet, *ἀλλὰ τὸ πρὸς τῷ νόμῳ ἀδυνάτου, i. e. propter mentis imbecillitatem.* Id verò dixit habità ratione viſorum, quorum conſilium eſt validius: movet maximè, quòd D. Chryſoſtomus pueris feminas adjunxerit, ut & Suidas. (neque ad hunc, neque

ad illum noviter adnotarunt) Chrysostomus d. oration. 79. *ὅτι καὶ οἱ τοῦτοῦ ἱσὺν νόμος ἐν τῇ συμβάσει, ὅς ἀπὸ τοῦ ἡσίου . i. e. Juniores aetas lex non permittit contrahere, utpote qui fidem non habeant.* Svidas in v. *ἐν ξίφους . ἐν αὐτῇ καὶ γυναικί, ἐν τῇ συμβάσει παρὰ κεινῇ μὲν.* i. e. quod puero, & mulieri non licebat contrahere ultra hordei modium . rectius apud Chrysostomum *συμβάσει*, id est, contrahere, quam apud Suidam, *ἐμβάσει*. Sed quae ratio fuisset, mulieres sui junis non potuisse ultra modium hordei contrahere, nisi tutoris auctoritas interponi debuerit in alijs contractibus . Romanae mulieres, quae erant in tutela, etiam absque tutoris auctoritate res nec mancipi alienare poterant, Ulpianus tit. 11. de tutel. & privata negotia gerere, L. 3. §. 1. D. de negot. gest. in publicis officijs Praefecto annonae denuntiare, quae ad utilitatem annonae pertinebant . L. ultim. D. de lege Jul. de annon. atque ita intelligi potest antiqua inscript. Gruteri 452. 4.

PLANCIAE RO. INGENTI PRAEDIO DONATAE IN AGRO ACCITANO OB OPER. BENE IN REMP. NAVATAM C. LONGIN. CON. OF. SOL.

Eaque ratione testator ille mulierum arbitrio filii sui diurnum aestimari voluit . L. Titium. 47. §. 1. D. administrat. & pericul. tutor. Aliae ab omnibus officiis civilibus remotae erant, L. 2. D. de regul. jur. ubi impuberes feminis, ut apud D. Chrysostomum, & Suidam, adiunguntur.

Dies, quibus pater scivit infanti filio competere bonorum possessionem, non cedunt filio. Interpunctionis vitium deprehenditur in L. 7. §. ultim. D. de bonor. possessionib.

C A P U T II.

EXtranei heredes instituti habent centum dies utiles, quibus scierint, & potuerint bonorum possessionem sibi delatam admittere. L. 2. D. quis ord. in poss. servet. Scientia verò alterius non nocet, neque etiam ignorantia alterius prodest. L. 5. D. de jur. & fact. ignorat. Si filiusfamilias fuit heres institutus, patris scientia non nocet filio, L. 3. D. quis ord. in possession. servet. & contra si filiusfamilias sciverit, patris ignorantia non prodest filio, quominus dies petendae bonorum possessionis cedant. L. 5. D. quis ord. in poss. servet. Sed videtur tutoris scientia nocere pupillo infanti, & patris scientia infanti filio, L. 7. §. ult. D. de bonor. poss. nisi ita intelligatur, ut scientia tutoris ipsi tutori tantum noceat, non pupil-

pillo; & scientia patris ipsi patri, non filio infanti. *L. 1. D. de bonor. poss. furios.* Nec differentia constituenda est inter tutorem, & patrem, qui pupilli, aut filii infantis nomine bonorum possessionem petere possunt, *L. si infanti. 18. C. de iur. deliberand.* nec quidquam mutandum est in *d. L. 7. §. ultim. D. de bonor. poss.* si aliter interpungatur, quàm in Pandectis Florentinis; & verba praecedentia cum *d. §. ultim.* ita conjungantur, quia tutor pupillo, & pater infanti filio bonorum possessionem petere possunt, dies quibus tutor, aut pater scit, cedere placet. ut sit haec ratio, ideo tutori, aut patri dies cedere, quia bonorum possessionem petere possunt, infantis scilicet pupilli, aut filii nomine. Postquam infantiam exceßerint, ipse pupillus petere debet tutore auctore, non tutor; filius patre consentiente, non pater. *L. 7. C. qui admitti ad bonor. poss.* *d. L. 18. §. ult. C. de iur. deliberand.* & quemadmodum tutor nesciente pupillo, qui infantiam exceßerit, non potest hereditatem adire, *L. 9. D. de adquir. vel amitt. hered.* nec pro herede gerere, *L. 5. C. de iur. deliberand.* ita nec bonorum possessionem petere. Sic igitur intellige *L. 8. D. de bon. poss.* consequenter post *L. 7. D. eod.* ut tutor petere possit bonorum possessionem, scilicet infantis nomine, *L. servo. 65. §. si pupillo. D. ad Senatufc. Trebell.* non maioris infante.

Non est major potestas tutoris in pupillum, quàm patris in filium.

C A P U T III.

MAGNA quidem fuit potestas tutoris in pupillum; nec enim rebus dumtaxat, sed etiam moribus pupilli erat praepositus. *L. cum plures. 12. §. tutor. D. de administrat. & pericul. tutor.* Utrumque bellè indicat Plautus, tutorem bonis praepositum esse, in *Trucul. Act. 4. Sc. 4. v. 6.*

Qui mansutorem me adoptavit bonis.

& moribus quoque ita praepositum esse, ut victus rationem curaret. In *Anular. Act. 3. Sc. 2. v. 15. seq.*

- - - *Quid tu (malum) curas,*

Utrum crudum, an coctum edim: nisi tu mihi es tutor.

Non tamen facillè admitterem, maiorem fuisse potestatem tutoris in pupillum, quàm patris in filium, licet enim femina tutore auctore facere possit testamentum, Ulpianus *tit. 20.* non filiusfamilias auctore patre. *L. 6. D. qui testament. fac. poss.* Ideo dicendum non est, maiorem esse potestatem tutoris, quàm patris: quia femina pubes, & sui juris de bonis propriis testatur; non filiusfamilias, qui nihil suum habet. Ulpianus *d. tit. 20.* Ac licet pupillus tutore auctore obligari possit, non filiusfamilias auctore patre; non etiam sequitur, maiorem esse potestatem tutoris, quàm patris: Id enim propter utilitatem pupillorum receptum est. *§. 10. & 11. Institut. de inutilib. stipulationib. L. 6. D. rem pupilli.*

pill. vel adolef. quod in filiisfamilias necesse non est. Et si concederemus propter tutoris scientiam dies petendae bonorum possessionis cedere, scientiam patris non nocere filio, *L. 1. D. de bonor. possess. furios. L. 3. D. quis ord. in possess. servet.* non propterea est major potestas tutoris, quam patris; nam si tutor bonorum possessionem petere neglexerit, tutelae iudiciò convenitur, ut quando bonorum possessionem onerosam petierit. *L. si tutor. 11. D. de bonor. possession.* At si dies petendae bonorum possessionis propter scientiam patris filio cederent, nullam filius adversus patrem haberet actionem. *L. 4. D. de iudic.* Diversa igitur ratione propter scientiam tutoris potius pupillo, quam propter scientiam patris filio dies petendae possessionis bonorum cedere debeant.

Quatenus Jus accrescendi, & conjunctionis Lege Papiâ sublatum fuerit. Nihil pertinet ad Legem Papiam L. si ex pluribus. 9. D. de suis, & legitim.

C A P U T IV.

LEX Papia sustulerat jus accrescendi inter heredes scriptos. Si deficerent vivo testatore, aut ante apertas tabulas, fiscus partes vindicabat, quae erant in causa caduci, aut caducae, & conjunctis praeferebat. *L. unic. §. 3. & 4. C. de caduc. tollend.* At cum apertis tabulis hereditas adita fuerat, non fuit amplius locus caducis, & post Legem Papiam mansit inter coheredes jus accrescendi; ita ut partes deficientium, aut repudiantium, adeuntibus accrescerent, & conjuncti filco praeferrerentur. *L. qui ex duobus. 53. §. 1. D. de acquir. vel omitt. heredit. ex lib. 14. Gaji ad leg. Jul. & Pap. L. haec scriptura. 26. §. 1. D. de condit. & demonstr. L. 2. §. si duo. D. de bonor. possess. secund. tabul.* Nihil igitur pertinet ad legem Papiam, *L. si ex pluribus. 9. D. de suis, & legitim.* ubi Martianus tantum conferre voluit jus accrescendi cum jure substitutionis. Heredes scripti jus substitutionis ad heredes non transmittunt, quod eis vivis solum defertur. *L. totiens. 81. D. de acquir. vel omitt. heredit. Paulus lib. 4. sentent. tit. 8.* Heredes legitimi, atque etiam scripti jus accrescendi ad heredes transmittunt. Finge, primus, secundus, & tertius fuerunt heredes instituti; secundus tertio substitutus, secundus aditam hereditate decedit, postea tertius partem suam repudiat: Jus substitutionis, quod habebat secundus, heredem secundum non sequitur; at cum secundus hereditatem adiverit, tertio postea partem suam repudiante, pars tertii non solum primo, sed etiam secundum heredibus accrescet, jure quidem substitutionis secundus totam partem tertii habuisset jure accrescendi, heredes secundi tantum dimidiam habebunt, & ita verum fuit post legem Papiam, heredi heredis instituti, qui adiverat ex sua institutione, jure accrescendi obvenire portionem coheredis

dis non adeuntis, quae non fuerat delata defuncto: quia jus accrescendi, quod erat inter heredes scriptos post aditam hereditatem, lex Papia non sustulerat. Ideo verò Martianus jus accrescendi cum iure substitutionis in heredibus legitimis, quàm in heredibus scriptis conferre maluit; quòd inter legitimos heredes jus accrescendi omnimodò manserat post legem Papiam, & inter bonorum possessores, *L. 4. D. de bonor. poss. s. si.* sed aliquatenus inter heredes scriptos sublatum fuerat, puta, si quid deficerent aut vivo testatore, aut ante aperturam tabularum.

Stationes fori, stationes militum, stationes Christianorum.

C A P U T V.

STATIONES in foro habebant Bibliopolae circa pilas, vel columnas, Acron ad *Horatium lib. 1. sermon. sat. 4.* necnon alii artifices, circa eas debitores creditorum occursum vitantes laticabant, *L. 7. §. si in diem. 14. D. ex quib. caus. in poss. est.* & ita saepe elusus creditor ad ipsum introitum expectabat. *Juvenalis Sat. 11. v. 9. seq.*

- - - quos saepe elusus ad ipsum

Creditor introitum solet expectare macelli.

Stationes militares sunt loca, in quibus milites adversùs latrocinia, & grassatores, vel praelidii causà collocantur; sed & stationes sunt munia militum in expeditione. *L. 3. §. qui stationis. D. de re milit.* ubi Modestinus jungit explorationem, stationem, excubationem, qui stationis munus relinquit plusquam emausor est, licet diu vagatus non fuerit, quia milites stationibus magis parent, ut est apud Tertullianum *adversus Psychicos, cap. 10.* A militari exemplo Christianorum stationes nomen accepisse, idem Tertullianus auctor est. Stationes erant jejunia certorum dierum, veluti quintae, & sextae seriae, *Isidorus lib. 6. origin. cap. ultim.* ubi plures locos ex Tertulliano contextit. Nimis supinus error, stationes fuisse loca, in quibus Christiani die Dominico stantes orabant, quia stationes eo die non habebant, Tertullianus de coron. milit. *Stationes aut alii magis faciet, quàm Christo, aut & Dominico die, quando nec Christo.* id est, Christianus miles alii potius faciet stationes, puta Tribuno, praeposito, quàm Christo, & alio die, quo non sunt Christo. Tum quia Christiani in stationibus stantes non orabant, sed cernui, aut in genua provoluti, nec laetantes, sed lacrimabundi, ut ostendit Gabriel Albalpineus decus Episcoporum Galliae *lib. 1. de veterib. Eccles. ritib. cap. 16.* Milites alii mane, alii post meridiem stationes, seu agrarias faciebant, *Vegetius lib. 3. cap. 8.* quandoque perpetuas imminentiibus hostibus. *Caesar lib. 1. de bello civili, milites disponit non certis spatiis intermissis, ut erat superiorum dierum consuetudo, sed perpetuis vigiliis, stationibusque.* Ita Christiani suas stationes perpetuas faciebant, tanquam Ecclesia in aeternum esset, ut loquitur Tertullianus *de fuga cap. 1. vel tanquam*

quam infidantes inimicos repellerent, ut Ambrosius *sermon.* 25. Ideo Tertullianus exemplor militari stationes non tantum ad nonam, sed ad vesperam usque fieri debere contendebat *cap. 10. adversus Iseebie.*

Aliis rationibus probatur, quod in permutatione dominium transferri necesse non sit.

C A P U T VI.

QUOSDAM non satis probasse audio, quod antea scripsimus, non esse necesse, ut in permutatione dominium transferatur; id igitur aliis rationibus firmandum est, ut vel nolentes, atque inviti tandem verum esse fateantur. In permutatione sufficit rem tradi; res tradita initium obligationi praebet. *L. 1. §. 2. D. de rer. permutat.* at traditio non infert necessitatem transferendi dominii. *L. traditio. 20. D. de acquir. rer. domin.* *L. si rem. 28. D. de verb. obligat.* Finge, bonae fidei possessorem, qui nondum usufrucit, rem ex causa permutationis tradidisse; an non dicemus, eum permutationem contraxisse, posseque agere, ut sibi res alia vicissim detur? Et tamen dominium, quod nondum habuit, ante impletam usufrucionem transferre non potuit. Equidem is, qui dat rem alienam, non contrahit permutationem. *d. L. 1. §. 2. D. de rer. permutat.* At non dat rem alienam, in qua quis habet possessionem, & ideo permutationem contrahit, si inferas, is qui rem alienam dat, non contrahit permutationem; ergo propriam rem dare debet: non tamen sequitur, dominium transferri debere, nam sufficit rem propriam dari domino possessionis, licet propria non sit dominio juris civilis. *L. 4. §. 2. C. de alienat. judic. mutand.* *L. verbum. 181. D. de verbor. significat.* aliud est dicere, eum, qui rem alienam dat, non contrahere permutationem, quod verum est: aliud in permutatione dominium transferri debere, quod falsum est. Satis est, si aliquod modò propriam dederit, dammodò alienam rem dederit. Dominium possessionis, medium est inter rem alienam, & dominium juris civilis. Praeterea re alienâ acceptâ permutationis causâ, datur actio praescriptis verbis ei, à quo evincitur. *d. L. 1. §. 1. D. de rer. permutat.* At non daretur actio praescriptis verbis, nisi contracta esset permutatio: nec enim tantum datur, quod rem suam dederit, sed & quod alienam acceperit. Denique in *d. L. 1.* Paulus persequitur differentias inter emptionem, & permutationem, eamque attingere voluit; quod re alienâ venditâ, nihilominus venditor habeat actionem adversus emptorem; sed eum, qui rem alienam dedit in permutationem, non posse agere adversus eum, qui accepit, ut sibi res alia tradatur. Ratio differentiae est, quod venditio solo consensu contrahitur, necesse non est rem dari, aut tradi, sufficit de ea convenisse: permutatio ex re tradita initium obligationis habet, non sufficit convenisse de re permutandâ, sed opus est rem tradi, vel dari,

dari, ut permutatio contrahatur. Ideo is, qui rem alienam dat, non contrahit permutationem, nec agere potest praescriptis verbis, ut sibi res alia tradatur; sed tantum conditione ob rem datam, quasi non contrahat permutatione.

*Ineptiae Astrologorum. Tributum stultorum. Ad L. 8. C.
de malefic. & mathematic.*

C A P U T. VII.

NON cessat curiosa caecitas in res futuras, atque etiam regnorum, & Principum fata, vitam, mutationem inquirere.

Et aeternis minores

Consiliis animum fatigat.

Quod plurimis Imp. constitutionibus jam inde ab initio vetitum, & severe vindicatum fuit, ne quis omnino hujusmodi ineptiis se immisceret. Ulpianus lib. 7. de offic. Proc. in collat. leg. Moysic. tit. 15. Tributum Alexandriae pendebant Astrologi, idque stultorum dicebatur, quod à stoltis consulerentur. Svidas in v. *ἰσχυρολογία*. Nusquam vero severius in hujusmodi homines saevitum est, quam cum Valens ea de causa omnes Philosophos extinxit; nec solum Philosophos, sed & qui Philosophorum habitu utebantur: adeo ut nemo jam palliis indui vellet ob periculi metum, ne ex eorum numero videretur; qui futura praedicerent, Sozomenus lib. 6. hislor. Ecclesiastic. cap. 36. Et tempore congesti innumeri Codices, & acervi voluminum multi sub conspectu judicium concremati sunt, Am. Marcellinus lib. 29. & lata est L. 8. C. de malefic. & mathematic. Culpa similis est tam prohibita discere, quam docere, cujus portio est etiam L. 8. C. Theodos. de malefic. & mathematic. ad eundem Modestinum P. P. Quod pariter de haereticorum doctrina constitutum fuit, nemo ulterius conetur prophana praecepta vel docere, vel discere. L. 2. C. de haeretic. Philo Judaeus sup. *ἡσυχία*, *ἡσυχία* ὅτι καὶ τὰ μαθητικά, καὶ τὰ διδασκαλικά, ἢ μὴ ἀπορρίψαντα, i. e. utrumque enim & discere, & docere exiit, non parva impietas est. Id tantum docere licet, quod discere, M. Seneca in probem. lib. 2. Controversiar. Minime probabili more turpe erat docere, quod honestum erat discere. Procopius in Anecdosis refert, Justinianum fuisse Astrologis infensum, eosque Camelis per civitatem vectos humeris cecidisse: & tamen nulla lex Justiniani in tit. C. de malefic. & mathematic. adversus eos reperitur, cum fortè jam anterioribus constitutionibus satis prohibiti fuissent.

Conciliatur L. sed si quid. 15. cum L. ex mille. 64. §. quod si modo. D. de evictionib.

C A P U T VIII.

SI fundus venditus fuerit, eique fundo aliquid per alluvionem accesserit, & postea pars fundi evincatur; fit aestimatio ejus, quod per alluvionem parti venditae accesserit. *L. sed si quid. 15. D. de evictionib.* Et tamen si fundus mille jugerum venierit, eique fundo ducenta jugera accesserint, ac deinde quinta pars fundi evincatur; non habetur ratio ducentorum jugerum, nec amplius quam quintam partem fundi mille jugerum venditor praestare debet, licet ducentis auctor factus sit. *L. ex mille. 64. §. quod si modo. D. cod. tit. de evictionib.* Non dicendum est *L. 15.* intelligi debere de actione ex empto, & *L. 64.* de actione ex stipulatu, nam & *d. Lex 15.* pertinet ad actionem ex stipulatu, & jungenda est cum *L. 13. sup. cod. tit. ex lib. 5. Pauli ad Sabinum*. Vix etiam admittendum in *d. L. 15.* expressim convenisse, ut si quid fundo vendito per alluvionem accederet, id venditor ex stipulatu duplae praestaret; quod commentitium est. At verò in *d. L. 15.* agitur de evictione partis divisae. Alia est ratio partis divisae, & indivisae *d. L. 64. §. quod si modo, & §. ceterum*. Parte divisâ evictâ, fit aestimatio pro bonitate regionis; parte indivisâ evictâ, fit aestimatio pro modo jugerum. Ratio differentiae est, quia id, quod parti divisae accedit per alluvionem, partem eam meliorem facit, portio portioni accrescit, *L. si Titia. 33. D. de usufruct. & quemadmod.* & fit bonitatis aestimatio ex tempore evictionis, non ex tempore contractûs; si quid aliud praeter alluvionem accesserit, inspicitur tempus contractûs; & bonitas, quae aliunde fundo advenerit, culturâ, & diligentia emptoris videtur provenisse. At incrementum alluvionis è re ipsa est; parte indivisâ evictâ, pro modo jugerum fit aestimatio, quia id, quod per alluvionem accessit, non tam certae parti, quam omnibus, & toti fundo accessisse intelligitur; & ideo si fundo mille jugerum per alluvionem ducenta accesserint, deinde fundi pars indivisa evincatur, in quantitate evictionis non habetur ratio, quod ducenta accesserint.

Cur heres scriptus ex asse clausis tabulis hereditatem adire poterit, non heres ex parte scriptus; & an aliud fuerit in herede ex parte nuncupati.

C A P U T IX.

NOTA est differentia inter heredem ex asse, & ex parte scriptum, quam ex Justiniano attigit *L. unic. §. in novissimo. E. de cad. tollend.*
 Heres

Heres ex asse scriptus clausis tabulis hereditatem adire potuit, & bonorum possessionem petere. *L. 1. §. ultim. D. de iur. & fact. ignorant. L. 10. D. de bonor. possessionib. L. 1. §. 2. D. de iur. poss. secund. tabul. L. 3. C. de iur. deliberand.* At ex parte scriptus non nisi apertis tabulis. *L. nullum. 21. D. de condit. & demonstr. L. si patrum. 44. D. de bon. libertor. si ante decessisset, partes caducæ erant. L. item. 20. §. ait Senatus. D. de heredit. petition.* Ratio differentiae hæc videtur fuisse, quod heres, qui adit hereditatem, certus esse debet, quemadmodum hereditatem adeat, an ut purè, vel sub conditione heres institutus. *L. heres. 32. §. 1. L. sed etsi. 34. §. 1. D. de acquir. vel omittend. heredit.* at non nisi apertis tabulis faciliè scire potest, quota ex parte hereditatem adire debet. Heres quidem ex asse non incertus est, quia ex parte adeat, cum totam hereditatem adire velit: ac licet partem habere destinaverit, si ex asse sit institutus, videtur in assem pro herede gessisse. *L. si ex asse. 10. D. de acquir. vel omitt. heredit.* Unde putarem, testamentò palam factò per nuncupationem, heredes sive ex asse, sive ex parte institutos statim mortuò testatore adire potuisse; cum quisque sciret, ex qua parte heres institutus esset. Ulpianus *lib. 5. reg. tit. 17.* de herede scripto loquitur, *aut si ex parte heres scriptus, vel legatarius ante apertas tabulas decesserit, quasi aliud sit in herede nuncupato, qui aperturam tabularum non expectat.*

Aqua legitima. Leges Julia, & Papia in quibusdam locis indicantur.

C A P V T X.

UT per eminentiam Lex de XII. Tabulis dicitur, ita & Legitimum, quod ex ea lege descendit. *Legitima cognatio*, Gajus *lib. 3. in collat. leg. Mos. tit. 16. Legitima conventio*, *L. 6. & L. 7. §. si paciscar. D. de pact. Legitima poena*, *L. 7. §. 1. D. de condit. furtiv.* *Aqua legitima*, Servius ad *1. Georgic. Cantum in libris sacris est, feriis dentialibus aquam in pratum ducere nisi legitimam non licet; ceteris feriis omnes aquas licet ducere. Aqua legitima*, id est, aqua pluvia, cujus in XII. Tab. facta mentio, *L. Labeo. 21. D. de statulib.* ejusque arcendae actio legitima, *L. si ususfructus. 22. D. de ag. & ag. pluv. arc.* Legum appellatione intelliguntur leges Julia, & Papia, quod quidem ex indice Florentino satis constat; sed tamen placet, locos non vulgares indicare in *§. 1. Instit. de nupt. Qui secundum præcepta legum coeunt*, id est, Juliae Papiae. *Paulus lib. 7. sentent. in collat. leg. Mosiac. tit. 16.* Nec interest, adoptivi sint, an naturales, & secundum legem Juliam, Papiamve quaesiti. Idem *Paulus lib. 3. sentent. tit. 4. de testament. Conditiones contra leges, si uxorem non duxeris, si filios non susceperis*, id est, contra leges Juliam, & Papiam, quae sobolis procreandae cau-

sâ latae, *L. hoc modo. 64. D. de condit. & demonstr.* In *L. 3. §. 1. D. de concubin.* Concubinatus per leges assumptus, id est, in *L. Papia*, quia iis legibus liberta patrono nupta alii nubere non poterat. *L. in eo. 45. D. de rit. nupt. ex lib. 3. Ulpiani ad legem Juliam, & Papiam*, sed quae in concubinato erat, ab invito patrono poterat discedere. *L. 1. D. de concubin. ex lib. 2. Ulpiani ad leg. Jul. & Pap.* ubi verba retulit. In *L. nemo. 55. D. de legat. 1. Nemo potest in testamento suo cavere, ne leges in suo testamento locum habeant.* Puta, si testator caverit, ut si legatarius intra centum dies legi non paruerit, nihil in legato consequatur; cum enim aditâ hereditate legatum deberi coeperit, obligatio heredis nec tempore, nec conditione finiri potest. In *L. Atilicinus. 17. D. de pa3. dotalib. Statutâ legibus tempore*, id est, Julia, & Papia, quibus constitutum fuisse videtur; ut res pondere, numero, & mensurâ constantes in dotem datae, annuâ, bimâ, trimâ die redderentur. In *L. liberorum. 220. D. de verbor. sign. sic. Toties enim leges necessarium ducunt, cognationum singularum nominibus uti*, id est, Julia, & Papia, quae jus antiquum in capiendis hereditatibus usque ad tertium gradum servaverant. Ulpianus *lib. sing. reg. tit. 18. L. unic. in princ. C. de caduc. tollend. in §. & cum triplici. 2. d. L. unic.* Ea non pro scriptis esse leges existimabant, non intelli gerem leges veteres ante legem Juliam, & Papiam, sed ipsas leges Juliam, & Papiam, quae egerant de iis, quae pro non scriptis habebantur. *L. penult. D. de iis, quae pro non script. habent. ex Ulpiano lib. 13. ad leg. Jul. & Pap.* Aliquando tamen legis appellatione enunciat, Ulpianus *tit. 17. d. L. 64. D. de condit. & demonstr. L. ult. D. de statuliber.*

*Leges quaedam perfectae, aliae minus perfectae. Sanctio legis
Juliae Papiae.*

C A P U T XI.

EX legibus quaedam erant perfectae, quaedam minus perfectae. Perfectae, quae quod adversus leges factum erat, sanctione rescindebant; veluti si adversus legem Juliam fundus dotalis alienaretur, nec dominium transferebatur; nec fidejussor datus tenebatur. *L. cum vir. 42. D. de usurpationib. & nsuc. L. cum lex. 46. D. de fidejussorib. L. unic. §. & cum lex. C. de rei uxor. action.* Et si adversus legem Juliam Papiam nuptiae fiorent, nec vir, nec uxor, nec nuptiae, nec matrimonium intelligebatur, quod ex ipsa legum sanctione videtur retulisse Justinianus §. *si adversus. 13. Instit. de nupt.* neque enim tantum impares nuptias ratione aetatis sanctio comprehendebat, puta, inter impuberes, aut majores annis 50. ut 60. annis; aut impares ratione dignitatis, puta, inter Senatores, & libertinos: sed etiam nuptias ratione cognationis, & adfinitatis prohibitas. Ita demum justae erant nuptiae, si secundum praecepta eorum

rum legum contraherentur; nec aliter conditio nuptiarum implebatur, nisi ex lege mulier nupisset. *L. ult. D. de statulib.* Ipso jure etiam non valebat, quod in fraudem legis Papiæ factum erat; veluti si libertus centenariò minorem se fecisset. *L. si libertus. 16. D. de jur. patronat.* Minus perfectæ leges fuerunt, quæ id, quod factum erat, non rescindebant; sed poenam imponebant: ut lex Furia testamentaria, Ulpianus *tit. 1. De hujusmodi legibus Imp. Theodosius, & Valentinianus Novell. 4. Licet legislator fieri prohibuerit tantum, nec specialiter dixerit inutile debere esse quod factum est.* Edque respicit Justinianus *L. 1. §. ult. C. de annal. ex-ceptionib. Ne autem imperfecta sanctio videatur.* Ita Ulpianus imperfectam cretionem fuisse ait, non adjectis his verbis, *si non creveris, exheres esto*; perfecta erat cretio, cum adiciebantur. Hodie post d. *Novell. Theodol. 4.* leges omnes perfectæ sunt; nam id, quod fit adversus leges, & in fraudem legum, rescidit, & pro infecto haberi voluit.

Senatusconsulta circa leges facta, & circa leges Juliam Papiam. Interpretatio L. idque. 26. D. de heredib. instituend.

C A P U T XII.

SI quid latis legibus supplendum, aut detrahendum videretur, id Senatusconsulto fiebat. Senatusconsulta quaedam circa legem Aeliam Sentiam, Falcidiam, Papiam, fuerunt jam observata; & adhuc observari possunt, veluti Senatusconsultum Largianum circa *L. Juniam Norbanam* apud Ulpianum *tit. 3. de Latin. L. unie. in princ. C. de Latin. libert. §. ultim. Instit. de success. libertor.* Senatusconsultum Plancianum circa *L. Falcidiam, L. beneficio. 59. D. ad leg. Falcid.* Libonianum, & Claudianum circa *L. Corneliam de fallis, L. 3. C. de his, qui sib. a scrib. in testam. Pernicianum, & Claudianum* circa *L. Papiam, Ulpianus tit. 16. Suetonius in Claudio, cap. 23. & Senatusconsultum, quod captatorias institutiones improbat, L. illae. 71. D. de heredib. instituend.* circa leg. Fabiam de Plagiariis. *L. 2. D. de leg. Fab.* Tamen *L. filio. 48. D. de rit. nupt.* non referri debuit ex inscriptione ad Senatusconsultum factum circa legem Papiam, sed ad Claudianum. *L. 1. D. de assignand. libert.* Non uno, sed pluribus Senatusconsultis legi Papiæ adjectum, vel detractum est; atque idprehenditur *L. Julianus. 60. D. de legat. 2. L. Senatus. 35. D. de mort. caus. donationib. L. idque. 26. D. de heredib. instituend.* quæ ita non debet accipi, quasi Senatusconsulto post legem Papiam factò cautum fuerit, ut pars legatarii vivò testatore mortuò caduca non fieret, quæ lege Papiæ erat in causa caduci. *L. unie. §. cum triplici. C. de caduc. tollend.* Sed voluit Senatus partem heredis, partemque legatarii caducam non fieri; sive mortuò

tuò testatore, siue post mortem testatoris decederet, si vel tacite haberet substitutum. Lex quidem Papia sustulerat jus accrescendi inter heredes, & legatarios, ut deficientes portiones sisco potius vindicarentur, quam conjunctis accrescerent; ut ostendimus sup. cap. 4. jus substitutionis non sustulerat; ideoque substitutiones reciprocae introductae, ne caduca fierent. d. L. unic. in princ. C. de cad. tollend. At cum in d. L. 24. D. de heredib. instituend. tacita esset, non expressa substitutio reciproca, Senatus censuit, non minus tacitâ, quam expressâ substitutione legatarium sisco praeferi debere. Non est igitur verum, partem legatarii vivò testatore mortui caducam non fieri ex Senatusconsulto; sed ita demum, cum legatarii reciproca substitutione tacitâ, vel expressâ invicem fuerint substituti.

Quomodò servitus poenae morti adsimiletur in lege Papia. Conciliatur L. intercidit. 59. D. de condit. & demonstrat. cum L. servitutem. 209. D. de regul. jur.

C A P U T XIII.

ALIA erant legata in causa caduci, quae deficiebant post testamentum factum vivò testatore; alia erant propriè caduca, quae deficiebant post mortem testatoris ante apertas tabulas. In illis servitus poenae morti non comparatur; nam si legatarius vivò testatore decesserit, legatum est in causa caduci. L. unic. §. pro secundo. C. de cad. tollend. At si in metallum damnatus fuerit, legatum pro non scripto habetur, L. 3. §. 1. D. de his, quae pro non script. habent. L. in metallum. 12. D. de jur. fisci, & ita servitus in lege Papia, fert, sed non omnino mortalitati comparatur. L. servitutem. 205. D. de regul. jur. cujus inscriptio est ex lib. 4. Ulpiani ad leg. Jul. & Pap. In hoc mortalitati comparatur, quod ut ab initio legatum mortuo relictum pro non scripto est, ita & relictum ei, qui post testamentum servus poenae efficitur; in hoc differt, quod mors legatarii contingens vivò testatore, faciat legatum pro non scripto. In caducis verò, quae deficiant post apertas tabulas, siue puris, siue conditionalibus, servitus poenae morti adsimilatur. L. intercidit. 59. D. de condit. & demonstrat. Si legatum purè relictum fuerit, & legatarius post mortem testatoris ante apertas tabulas ad peregrinitatem redactus fuerit, legatum est caducum, Ulpianus tit. 17. multò magis caducum erit, si legatarius in metallum damnatus fuerit, cum major sit poena servitutis, quàm deportationis. Si legatum quoque sub conditione relinquatur, & pendente conditione legatario poena servitutis irrogetur, legatum est caducum, non minus quàm si legatarius mortuus esset. d. L. intercidit. 59. D. de condit. & demonstrat. quae est etiam ex lib. 13. Ulp. ad leg. Jul. & Pap. quaeque accipienda videtur, quando legatarius post mortem testatoris

flatoris ad servitutem poenae damnatus fuerit. Sed cur hoc tam variè in lege Papia? an quia lex de iis, quae erant in causa caduci, solum expresse casum mortis, si legatarius vivò testatore moreretur? Ad quem casum mortis naturalis, alii casus mortis civilis facile trahi non debent, praesertim in iis, quae sunt odiosa. *L. sed etsi. 13. D. de donat. inter vir. & uxor. L. ultim. C. eod.* De iis verò, quae erant propriè caduca, casum mortis, & servitutis, atque etiam deportationis expresse, ut Ulpianus d. *tis. 17. Vel legatarius ante apertas tabulas decesserit, vel poteger factus sit.*

An usurae, & fructus rei donatae ex mora debeantur. Ad
L. liberalitatis. 16. D. de usur. & fructib.

C A P U T XIV.

SI privatus aliquis pecuniam donationis causâ promiserit, interpositâ stipulatione, & moram fecerit, usurae liberalitatis ab eo non exiguntur, *L. cum, qui. D. de donationib.* fructus tamen post litem contestatam restituendi sunt in actione ex stipulatu, *L. videamus. 38. §. si actionem. D. de usur. & fructib.* & in actione in rem, si donator ut possessor conveniatur. *L. Nofennius. 41. D. de re judic.* At si pecunia reip. donationis causâ promissa fuerit stipulatione, vel etiam nudâ pollicitatione, etiam absque interpellatione usuras exigi posse videretur; nam respub. pupillo comparatur. *L. 4. C. ex quib. caus. major. L. 3. C. de iure Reip.* Veluti igitur pupillo mora fit reipsa, & absque interpellatione, *L. cum verò. 26. §. 1. D. de fideicom. libertat. L. 3. C. in quib. caus. in integ. restit. necess. non est.* ita & reip. *L. cum quidam. 17. §. eos, qui. D. de usur. L. ult. D. de administrat. rer. ad civitat. pertinent.* Et haec ratio dubitationis subest in *L. liberalitatis. 16. in princ. D. de usur.* ut etiam in §. 1. cum emptor pretium non solvisset, quia fisco mora fit reipsa. Paulus tamen ait, *liberalitatis in reimp. factae usurae non exiguntur*, d. *L. 16. D. de usur.* hoc est, moram re ipsâ non fieri, si quis donationis causâ pecuniam reip. promiserit; alioqui vel ex nuda pollicitatione usurae accedunt, si promissor moram facere coeperit. *L. 1. D. de pollicitation.* Neque alia ratio est donatoris, quàm heredum, qui post tempus praestitutum à Praefide usuras pendere tenentur ex pecunia, quae civitati ad opus publicum, vel ornamentum civitatis legata est. *L. cum quidam. 17. §. ultim. D. de usur. & L. 5. D. de operib. publicis.* Ante interpellationem neque donator, neque heredes donationis moram re ipsâ committunt, sed ita demum cum interpellati fuerint.

Jungitur, & *conciliatur* L. ultim. D. comm. praedior. cum
L. usufructus. 26. D. de stipulation. fervor.

C A P U T X V.

SI plures socii habeant fundum communem, & unus ex his servitutum vicino cesserit, inutiliter cedit; donec alii quoque cesserint, & novissimâ cessione prima cessio confirmatur. At si unus ex sociis cesserit, & alter legaverit servitutem, die legati cedente non confirmatur cessio primùm facta. Rationem differentiae Paulus subjicit in L. ult. D. comm. praedior. *Nec enim sicut viventium, ita & defunctorum actus suspendi receptum est.* Cessio prima, quae est actus viventis, suspenditur, donec novissima subsequatur, & primam confirmet: quasi tunc pariter omnes cederent, qui & viventes cedere possent. Sed qui legavit servitutem, eo tempore, quo dies legati cedit, non posset eam cedere, ut posset eam primus ex sociis cedere, quo tempore novissimus cedit. Vulgò d. L. ultim. obstat existimant L. usufructus. 26. D. de stipulat. fervor. (quae tamen jungenda est ex eodem lib. 1. Manualium Pauli) in qua stipulatio pura usufructus (quae est actus viventis) non suspenditur; & tamen legatum purum usufructus post mortem testatoris suspenditur, donec dies legati cedat, seu adita fuerit hereditas. L. unic. §. dies. D. quando dies usufruct. legat. ced. Non negat Paulus in d. L. ultim. actus defunctorum suspendi, quos in pendentem esse constat, donec adeatur hereditas, vel etiam tempore, modo, conditione differri, L. fin. autem. 29. D. de legat. 1. sed negat eodem modo suspendi, quo actus viventium. Stipulatio ex praesenti vires accipit, legatum ex die aditae hereditatis. Stipulatio conditionalis, & legatum conditionale suspenduntur conditione: verum stipulatio vires accipit ex tempore factae stipulationis, non ex tempore conditionis existentis, L. is, cui. 42. D. de obligat. & actionib. L. filiofamilias. 78. D. de verb. obligat. & ita quidem actus defunctorum, non tamen sicut, id est, eodem modo, quo actus viventium suspenduntur.

Indefinitum tempus pubertatis ante constitutionem Justiniani.
Lexio Florentina in plerisque locis defenditur. Locus
D. Pauli exponitur.

C A P U T X V I.

ULPIANI temporibus, & ante L. ult. C. quand. tutor. vel curat. esse def. fin. non erat satis definitum tempus pubertatis; cum alii numerò anno-

An id, quod fundo fructuario accessit per alluvionem, ad proprietarium, vel fructuarium pertineat: de ea re non dissentire Ulpianum à Paulo evidenter probatur.

C A P U T XVIII.

FRUCTUARIUS, & creditor plerumque comparantur. *L. si finita. 15. §. item. 25. D. de damn. inf. et. L. si hominem. 69. D. de solutionib. Uterque jus habet in re, L. eorum. 19. D. de damn. inf. et. Uterque possidet naturaliter, L. quacunque. 13. §. 1. D. de public. in rem act. L. naturaliter. 12. D. de acq. vel amittend. possess. Julianus dat utrique petitionem servitutum, L. ei, qui. 16. D. de servitut. L. ius. §. 4. D. de remissionib. utrique datur actio furti, L. ult. C. de furt. Neque pignus, neque usufructus, usucapione perimitur, L. iusto. 44. §. non minus. D. de usurp. & usucap. utrumque rei mutatione extinguitur, L. quid tamen. 10. D. quib. mod. usufruct. vel us. exting. L. si contenerit. 18. §. si quis. 3. D. de pignorat. action. & rei interitu. L. sicut. 3. D. quib. mod. pign. vel hypoth. Crescit pignus alluvione, L. si fundus. 16. D. de pignorib. & hypothec. sic & usufructus. L. item. 9. §. 4. D. de usufruct. & quomadm. Aut Ulpianus, placuit alluvionis quoque usufructum ad fructuarium pertinere, id est, fructuarium habere usufructum in eo, quod per alluvionem fundum fructuario accesserit. Nec ab Ulpiano Paulus dissentit lib. 3. sentent. tit. 6. Accessio alluvionum ad fructuarium fundum non pertinet, quod de proprietate intelligendum, nec eodem modo alluvionem esse in fructu, ut venationes, & aucupia; licet fructuarius accessione alluvionis uti frui possit. Usufructus alluvionis est fructuarius, proprietas alluvionis est proprietarii; veluti id, quod per alluvionem accedit, quaeritur debitori, L. inter. 21. §. 2. D. de pign. & hypothec. & jus pignoris in alluvionis accessione, creditori. id. L. 16. D. eod. Ita inter auctores juris pugnantias saepe faciunt, quae nullae sunt, si pensulatiùs observentur; non negaverim tamen, aliàs saepe Ulpianum à Paulo dissentisse.*

Quibus modis pignus, legatum, usufructus rei mutatione extinguitur.

C A P U T XIX.

CUM quaeritur, an pignus rei mutatione extinguatur, non tantum mutationis genera sunt distinguenda; sed etiam res ipsae, in quibus contingit mutatio. Aut enim sunt res soli, aut superficies, aut res mobiles: si quidem in rebus soli mutatio contingat, pignus non tollitur;

nam si ager, vel locus certus fuerit pignorus, non tollitur pignus, quod vinea ex horto, vel hortus ex vinea factus sit: vel quod ex novali sylva, aut ex sylva novale factum sit: vel quod ager inundatione stagnum factum sit, aut stagnum exaruerit, non ideo tollitur jus pignoris in solo, quod superficies soli mutata sit. *L. si fundus. 16. §. si res. 2. D. de pignoris. & hypothec.* Idemque est in praediis urbanis; nam si domus pignorata fuerit, eaque postea diruatur, area manet pignori obligata. *L. domo. 21. D. de pignorat. action.* manet jus pignoris, ut servitutis. *L. servitutis. 14. §. si sublatum. D. de servit. praedior. urbanor. L. certo. 13. D. de servit. praed. rusticor.* Ut si area fuerit pignorata, aedificium areae superpositum pignori tenebitur, siye debitor, siye alius aedificaverit. *L. Paulus. 29. §. dominus. & L. ult. D. de pign. & hypoth.* Quod si superficies tantum fuerit pignorata, veluti sylva, seu materia sylvae; materia caesa nihilominus pignori manet obligata; non tamen navis ex ea facta. *L. si convenerit. 18. §. penult. D. de pignorat. action.* Si vindemia fuerit pignorata, uvae demptas pignori teneri dicerem, non mustum ex uvis factum; quia species nova esse incipit, & dominium ei quaeritur, qui mustum fecerit, si ignorans fecerit. *L. de eo. 12. §. si quis. 3. D. ad exhibend. M. Aurelius lib. 11. de vita sua: supaē, caput, capis eam mutata in his. si pū ēr, adū cū tū vū pū ēr. i. e. Uva acerba, uva, uva passa & omnia mutabilia non in id, quod non est, sed in id, quod nunc non est.* Cum nova sit species, quae non fuit, dominium rei mutatione amittitur; & secundum Proculianorum sententiam; tunc quoque pignus amittitur, quamvis alijs pignus nulla societate domini conjungatur. *L. iusto. 44. §. non mutat. D. de usurpat. & usucap.* Mense pignorata spicas delectas pignori teneri dicerem, & frumentum ē spicis exortium, quia nova non sit species, sed quae erat, detegitur. *L. adeo. 7. §. cum quis. 7. D. de acquit. rer. domin.* In rebus mobilibus sit commutatio, & immutatio. Eugraphus ad Terent. in Andr. *Moris species sunt commutatio, & immutatio; & est illud circa quantitatem, & ad circa qualitatem; ut cum quis ex magno parvus sit, commutatur; si quis ex nigro albus, immutari dicitur.* Addere transmutationem, cum species nova sit, quae non fuit; vel pristina species in aliam transmutatur. Commutatione pignus non tollitur, si species pignorata augeatur, vel minuatur; neque immutatione, veluti si lana tincta fuerit; in transmutatione distinctio adhibenda videtur, nam si materia ad priorem speciem reverti potest, pignus manet: veluti si vasa conflata fuerint, ac si lana pignorata fuerit, & ex ea vestimentum factum, pignus tollitur, argumentō *L. in omnibus. 24. & L. si si. 26. D. de acqu. rer. domin.* Non verō recte pignus cum legato, aut usufructu comparatur; legatum enim facilis, quam pignus rei mutatione tollitur: domo pignorata, eaque diruta pignus manet in arca, atque etiam aedificio, quod superponitur, d. *L. 29. §. domus. D. de pignor. & hypothec.* domo legata, eaque diruta, & postea restituta legatum non debetur, *L. si ita legatum. 65. §. ult. D. de legat. 1. arca legata, eaque postea aedificata, legatum quoque peti non potest secundum sententiam Celsi. L. si choros. 79. §. arca. 2. D. de legat. 3. cui non convenit Javolenus diversae scholae. L. si arcae. 39. D. de legat. 2.*

In rebus mobilibus rei mutatio contingens legatum extinguit, veluti si lana legata tincta, infectave fuerit, *L. sicut. 70. §. 5. sciendum. 4. D. de legat. 3. & si aliter species mutata sit. L. lana. 88. D. eod.* Ratio differentiae inter pignus, & legatum est, quod plus juris habeat creditor in pignore, quam legatarius, cui legatum nondum quaesitum est: sed & usufructus facilis, quam legatum rei mutatione extinguitur, *L. quid tamen. 10. §. 2. D. quib. mod. usufruct. vel us. ut ad proprietatem redire possit; Quid si mutatio speciem perimat, similiter & pignus, & legatum, & usufructus extinguitur. L. sicut. 8. D. quib. mod. pign. vel hypothec. tollit.*

Quare D. Commodus cognoverit in negotio L. Procula. 26.

D. de probationib.

C A P U T XX.

MULTA argumenta inducebant praesumptionem, ut Procula tacite fideicommissum fratri remisisse videretur; personarum necessitudo, quod soror fratri donare voluerit: ita enim inter conjunctas, & necessarias personas donandi animus facile praesumitur, *L. cum post. 69. D. de jur. dot. L. cum alienavi. 10. C. de legat.* Tum quia in rationibus fratris nullam fideicommissi reputationem fecisset; nec facile oblita putaretur fideicommissi illius, quod erat magnae quantitatis. Ita simul praesumptionem inducebant, alioqui nec mulieres facile donare praesumuntur, *L. 4. in fin. D. ad Senatusc. Velljan.* quae natura pecuniarum sunt avidiores, Artemidorus lib. 2. *in praef. cap. 5. xxi §. quoniam non xxi quibusdam, xxi quibusdam, i. e. etenim natura sunt & pecuniarum avidae, & calens studiose; & tenaciores, Columel. lib. 12. de re rustica. cap. 1. quoniam hunc seum custodiat, & diligentiae assignaverat, idcirco rursus reddidit, quam virilem; nam metus plurimum confert ad diligentiam custodiendi.* Ac licet Procula, quod debebat fratri, nullam facta reputatione, seu compensatione fideicommissi, solvisset; non tamen remisisse videretur id, quod tibi debebatur ex fideicommissum, argumentum *L. si cum dos. 8. D. de act. rer. amittar. nisi saepius fratri solvisset.* Nec si longo tempore Procula à fratre vivo fideicommissum petere desisset, ideo minus ab heredibus ipsis petere posuit. *L. libertis. 18. §. 1. D. de aliment. & cib. legat.* D. autem Commodus de eo negotio cognovit, quod esset magnae quantitatis fideicommissum, major summa Principis cognitionem faciebat, ut ex appellatione Magistratum, vel aliarum Potestatum cognosceret. *L. si quis. 10. §. 1. D. de appellation.* Ammianus Marcellinus de Juliano lib. 18. Ipse iurgia dirimens, ubi causarum coequebat magnitudo, vel personarum, erat inaccessibilis iustorum, iniustorumque distinctior.

Obstetrices Medicae . Antiqua inscriptio , & Helladius apud Photium ex Artemidoro illustrantur . Ad L. 1. §. 2.
D. de extraordinar. cognitionib.

C A P U T X X I .

JUSTINIANUS in L. ult. C. comm. de legat. medicos utriusque sexus memorat; sunt enim obstetrices medicae. Anianus ad Paulum lib. 2. fecit. tit. 24. Donatus in Andriam act. 3. scen. 2. Specta, quam fecit expressa sit consuetudo medici, vel medicae egredientis ex aegri domo. Zeno Veronensis. Episcop. sermone. 6. de nativitate. Obstetricis incredulae periclitantis, enixa in testimonium reperta esse ejusdem virginis, incenditur manus; qua tacto infante statim edax illa flamma suppositur, sicque illa medica feliciter curiosa, dum admirata mulierem virginem, admirata iusantem Deum ingenti gaudio exultat, quae curata venerat, curata recessit. Aetiqua inscript. apud Gruter. fol. 312. 4.

SECUNDA
LIVILLAES
MEDICA.

TI. CLAUDIUS
CAESARIS. L.
CELER. AEDITIUS
A VESTA.

Abutitur ea inscriptione, qui retulit ut probaret, inter servos medicas fuisse; quod quidem verum est: non tamen SECUNDA ancilla videtur fuisse, sed uxor Celeris liberti Caesaris, illaque medica, seu obstetrix LIVILLAES, id est Livillae Sejanii: ad differentiam alterius Livillae. Sejanus enim gener fuit Tiberii, Tacitus lib. 5. Annal. & Livillam sororem Germanici uxorem habuit. Ita Graecis largi de viro, & femina. Eustathius Iliados A. Oδ' ἄνθρωπος ἔστι γυνὴν ἀποκρίνεται, ἀλλὰ καὶ δουλεύει, καὶ γὰρ Αἰνὸς ἀποκρίνεται γυναικί. i. e. Non solum generis masculini est nomen hoc largi apud Graecos, sed etiam feminini; ait itaque Aelius Dionysius largi mulierem. Helladius apud Photium in Bibliotheca: καὶ γυναῖκα τὴν Σεβαστῆς γυναικὸς ἀποκρίνεται. insigniter erravit interpres cum vertit, mulierem illam dicimus, quae consulit medicum de abscondito: vertere debuit, dicimus medicam, seu obstetricem quarentem quod absconditum est. Artemidorus lib. 3. Interpretum. cap. 32. Μαῖα ὁραμένη τὴν ἀποκρίνεται, ἀλλὰ τὴν τὴν γυναῖκα, καὶ ἀποκρίνεται γυναῖκα, i. e. obstetrix conspecta, oculis revelat, propterea quod arcana, & oculis perscrutetur. & postea: ἐξ αὐτῆς τὸ τὴν ἀποκρίνεται ἀνὴρ τὸ ἀποκρίνεται. i. e. educit enim & continet.

mente semper quod continetur. Obstetrices illae medicae, quae medicamentum dant, L. item si. D. ad L. Aquil. medicinam exhibent, L. 1. §. 2. D. de extraord. cognition. mulieribus scilicet difficilium partum expertis. Julius Pollux lib. 4. inopastri. cap. 25. διδοσεν τὴν φαρμακίαν αἰ μαιῶν ταῖς δυσχερεῖς. Cuius id videtur lignum. i. e. dant medicamenta obstetrices mulieribus male se habentibus, Plato ait. ad quem locum Platonis Ulpianus fortē respexerat d. L. 1. §. 2. D. de extraord. cognition. Maximus Tyrius sermon. 28. de obstetrice: καὶ διαγνῶν τὰς ἰδιώτας, καὶ ἰσχυρὰ τὸ πλῆθος αἰσθῆναι οὖς, καὶ ἀπαλλάττει τὰς ἰδιώτας τὴν ἐπιστάτην. i. e. & curat dolores, & foetum iam maturum in lucem educit, puerperamque dolore liberat. Zeno Veronensis supra: quae curatum venerat, curata recessit. Erant igitur medicae obstetrices, quae medicinam exhibebant, easque mores medicorum imitatas fuisse observat Donatus ad Terent. in And. Vide ut auctoritatem, & jactantiam medicorum imitetur, dicendo (quod iussi) & non sufficebat, sed etiam (imperavi) dixit: simul haec quae solent medici promittere frequenter, mox ego haec revertar.

Quaedam alia observata ad L. 1. D. de extraordinar. cognitionib.
de mercedibus Professorum, Medicorum, deque exorcistis Christianorum, Judaeorum, Gentilium, & quos Ulpianus intellexerit. *Lux*
Juvenalis.

C A P U T XXII.

DE mercedibus Professorum fuit Praetoris, vel Praesidis cognitio. L. 1. §. penult. D. de extraordinar. cognitionib. Juvenalis eam cognitionem Tribuno tribuit Sat. 7. v. 228. seq.

Rara tamen merces, quae cognitione Tribuni
Non eget.

Tribuni appellatione, non quemvis judicem intelligere debemus, sed Tribunalium plebis, qui de mercedibus olim, ut Pretor, cognoscebat. Concurre potuit Tribuni cognitio, & Praetoris Urbani, veluti in dandis tutoribus, §. 1. Institut. de Adstikan. tut. veluti etiam in fideicommissis, & libertatibus, Consulibus, & Praetoris iurisdicatio concurrebat; quod aliis ostendimus. Postea vero desitit cognitio Tribuni Praetor solus cognovit, & Praeses in Provinciis, Lucianus in Hermotimo, de Dione quodam: ἰὼν τὴν μίσην μὲν ἀνδρῶν καὶ γυναικῶν, ἀνδραγὰς αὖτε τὴν ἀρχόντων ἱσχυρὰς, πεισθέντες γὰρ αὐτῷ διπλοῦνται αὐτὸν τὸν πτόχοντα, καὶ ἰβία, καὶ ὀφθαλμοῖς. i. e. quod mercedem non reddiderat in tempore, ad praetorem paulo ante rapuit, palliū ejus collo. injeclō multā irā percitus vociferabatur. In cognitione Praetoris versabatur, ut pactam mercedem discipulus solveret, vel in syngrapha expressam. Plu.

Plutarchus in lib. *πῆρ. Σπεία. Σαυπομάτ.* i. e. de Stoicorum repugnantibus, vel
Chrylippo: *ὁδὸν συγγεῖν ἐν ἀργυρίῳ τὰς ἀρετὰς παραδίδει*, i. e. qui accepta
syngrapha pro argenteo virtutem tradidit. & postea: *ἐκαστὸν ἄνθρωπον μὴ ἀδυνατῆν
ἀπὸ τοῦ μετρίως*, i. e. qui cautione usitat, ne mercedula defraudetur, vel
etiam ut pro facultatibus mercedem penderet. Philostratus de Scopeliano
lib. 1. de vit. *Σοφιστῶν*. ὁ ἢ μετρίως ἐν ἄλλοις ἀμύσσει, καὶ ἀπὸ ἐκαστοῦ ἀμύσσει.
i. e. atque alius alia merces fuit, & pro ratione domus cuiuscumque. Ulpianus
in princ. d. L. 1. D. de extraord. cognitionib. inter Professores liberalium ar-
tium refert *Rhetores, Grammaticos, Geometras*. Paulus Aegineta lib. 1. cap.
14. *περὶ διαίτης νεύλου*, i. e. de victus ratione infantium: τὸς ἢ ὀδυνάστας
ἢ παίδων ἀπὸ τῆ γεωμμετρικῆς. οὗτοι δὲ τιν, καὶ γεωμετράς. i. e. pueros autem
duodecim annorum grammaticos solum, & geometras adire. In §. 1. d.
L. 1. distinguit professores à medicis, & in §. 4. à Philosophis. Etenim Pro-
fessores propriè sunt liberalium artium, vel qui profiteantur, L. eos, qui.
9. Dade vacation. & exensat. muner, veluti Rhetores, Grammatici, Geome-
træ, Sophistæ. Gloss. vet. Professores *σοφισταί*. Galenus tamen Medicos re-
tulle inter Professores in *protreptice ad artes*: οἱ μὲν ἵστανται τὴν διάνοιαν, καὶ οὐ
τὴν αὐτὴν ἐν πύλαις κινεῖται, γεωμετράς, ὁ ἀριθμητικὸς, ὁ φιλοσοφῶν, καὶ ἰα-
τρικὸς, καὶ ἀσκητικὸς, ὁ γεωμμετρικὸς. i. e. qui primam sedem, Deoque proximi-
tatem in anabisi occupant, ii geometrae, arithmetici, astronomi, philosophi,
medici, & grammatici sunt. Item Ulpianus non putat inter medicos re-
ferri oportere eos, qui exorcismis sanaverint, non tamen si incantavit, si
imprecatus est, si ut vulgari verbo impostorum utitur, exorcizavit. Plerique
Ulpianum Christianos intellexisse existimant, qui impostores vulgò audiebant,
quique exorcismis morbos, & daemones fugabant, tam Laici,
quàm Clerici illà aetate, ut constat ex Tertulliano lib. de coron. milit. cap.
11. & lib. de idololat. cap. 11. ubi exorcizandi verbum utitur, ut & Ulpianus,
sed non adeo iniquus fuerit Christianis Ulpianus, ut eis praestigias,
& mercedem exprobraret, qui sine praestigijs, & mercede morbos sanabant,
daemonesque ejiciebant. Tertullianus in *Apologes. cap. 39. Quis autem
vos ab illis occultis, & utique quaque vastantibus mentes, & valetudinibus
vestras hostibus raperet, & daemoniorum incurfibus dico, quae de vobis
sine praemio, (alii Codd. sine pretio) sine mercede depellimus*. Irenaeus
apud Eusebium lib. 5. *hystor. Ecclesiastic. cap. 7.* referens, ut Ecclesia morbos,
& daemones depelleret, adjicit, eam praestigijs, aut deceptionibus usam non
fuisse: *μὴτὲν ἐξαπατῶσα τὰς ψυχὰς, μὴτὲν ἐξαγγελλομένης ὁμοῦ τῶν δαιμόνων
καὶ τοῦ δαιμονίου καὶ δαιμόνων*, i. e. utpote illa, quae nullum dolo, & fallacis
deludis, neque agit pecuniae cupiditate ducta: nam sicut à Deo acceptis gratis,
sic cuique gratis administrat. Alios igitur impostores intelligere potuit,
puta Judaeos, & Gentiles, qui ad morborum curationem exorcismis
utebantur, & ingentes mercedes capiebant, Lucianus in *Philopside* de Syro
quodam ex Palaestina: *ἵππος ἀνίσταται καὶ ἀποκρίνεται ἀπὸ τοῦ ἐπὶ μετρίως ἰατρῆς.
καὶ ἀπαλλάσσει ἢ δαιμόνιον*, i. e. erigit tamen, ac sanos remittit magnà mer-
cede acceptà diris eos mali liberans. ubi & refert, quomodo ipse exorci-
zando daemone[m] sugari viderit. Julius Martyr in *dialog. advers. Trif-*

buit: ubi observandum, auditores juris initio sacramentò, id est, jurejurando obstrictos fuisse; ut & medicae artis auditores. Hieronymus *epist.* 2. ad Nepotianum: Hippocrates adjuvat discipulos, antequam doceat, & in verba sua jurare compellit. Extorquet sacramentò silentium, sermonem incessum, habitum, moremque praescribit. In §. 6. d. L. 1. D. de extraordinar. cognitionib. Ulpianus leparat à Professoribus ludi literarii magistròs, id est, primos informatores litterarum, ut Tertullianus in *lib. de Pallio*. Ita Graeci distinxerunt γερμαναῖς, & γερμανιστής, Apulejus in *Floridis* sect. 20. litteratores, & grammatikos, prius cratera litteratoris ruditate eximit, secunda grammatice doctrinà instruit. Philo Judaeus αὐτὸ τῶν αἰτ τὰ γραμματικὰ ματὰ σωδόν, i. e. de congressu quaerendae eruditionis gratià, distinguit ea, quae sunt γερμαναῖς τῶν ἀπαιστέας, i. e. grammaticae minus perfectae, live γερμανιστικῆς, i. e. grammaticae, & τὰς περφέστεας, i. e. perfectioris. Grammatici sunt professores, non Grammatistae, seu litteratores; & tamen eis ut professoribus jus extra ordinem dici ait Ulpianus.

De salariis Comitum, deque dicastis, & mercedibus Judicum in §. 8. L. 1. D. de extraordinar. cognitionib.

C A P U T XXIV.

COMITES Proconsulum, Praesidum, Procuratorumve Caesaris, qui in aerarium, aut commentarium Principis relati erant, *L. obesse.* 32. D. ex quibus causis major. salariò publicò fruebantur, *L. 14. & L. ult. D. de offic. adfessor.* idque studiosi juris adfessores, seu consilarii Praesidum extra ordinem petere poterunt, *L. 4. D. de extraordin. cognitionib.* licet Juris professores petere non possent. Sed apud quem petere poterant? Cum Praeles iis, quos secum habebat, id est, comitibus jus dicere non posset. *L. 10. D. de jurisdict.* fortè in alio auditorio, in quo non adsidebant. *L. 5. D. de offic. adfessor.* Sed à quo etiam petere poterant? an ex fisco? Cum Principes salaria instituisent, ut Pescennius Niger apud Spartianum, & Alexander Severus apud Lampridium; cumque in commentarium Principis relati essent. d. *L. 32. D. ex quibus causis major.* an potiùs ex aerario populi? ut apud Plinium *lib. 4. epist. 12.* quod magis videtur; nam salaria de publico accipere in d. *L. 4. D. de offic. adfessor.* id est, ab ordine civitatis. *L. alimenta. 16. §. 1. D. de aliment. & cibar. legat. L. 4. D. de decret. ab ordin. faciend.* Ideo Comites salariò publicò fruebantur, annonas, & capita habebant, *L. unic. C. de annuis, & capitat. administrant.* quia nihil ob judicandum accipere debebant. *L. 5. D. de leg. Jul. repetundar.* Judices vero pedanei, quia salaria non habebant, sportulas accipiebant, quae *diastinae* dicuntur. *Novell. Justinian. 82.* ut apud Athenienses, Julius Pollux *lib. 8.*

bre-

δικαστῆς. cap. 5. δικαστὴν τριόβολον, ὃ τὸ δικαστὴν διδίδωμι μισθῷ, i.e. *Dicasitum*, triobolus, qui iudici pro mercede dabatur. & cap. 9. eiusdem lib. καὶ τὸ δικαστὴν, ὅστις τὸν τριόβολον, καὶ δωκόλον, καὶ ἰσθλὸς. i.e. *dicasitum*, quod. & triobolus erat, & duo oboli, & obolus. Ab initio quidem merces iudicium fuerat ἰσθλὸς, Aristophanes ἐν νεφέλαις, i.e. *In nubibus*: ὅν πρώτον ἰσθλὸς ἔλαβον ἡλιαστῆς, i.e. *quem primum obolum acceperant iudicalem*. Postea δωκόλον, Svidas in verb. φῶδ. τὸ δικαστὴν μισθάζειν, δὲ δωκοὶ ἦσαν, ἢ τὸν καὶ τριόβολον βλακείας χάριν ὅτι στρατηγὸν προσεδίοντο. i.e. *iudiciale stipendium duo oboli evane*, fuit etiam triobolum propter iudicium molliorem, ac ineptiam, ut eorum benevolentiam sibi conciliarent. Cleonem intelligit, qui ad triobolum auxerat, Svidas in verb. τριόβολον. ὅστις δὲ ὁ Κλέων ἐπαρτήσιν αὐτὸν τριόβολον, i.e. *postea vero Cleon id effecit triobolum*. Ex qua mercede plerique victitabant, Libanius declamation. 8. πολλὰς ὑμῶν οἷα μὲν ἔσαν καὶ ἐμυζῶν, τὸν ὠδῶν μισθῷ. i.e. *multos vestrum novi, unum facultatis genus habere mercedem, quae hinc proveniebat*. Sed Iudices mercedem illam non nisi post factum iudicium accipiebant, Svidas in verb. *Εκτετα*. τὸν κρίσιν ἀποδίδοντες ἡμετέροις τριόβολον, i.e. *lata sententia triobolum recipiebant*, & in verb. ἡμετέροις. τριόβολον λαμβάνοντες μισθῷ δικαστῆς καὶ τὸ κρίναι, i.e. *triobolum accipientes pro iudicali stipendio post factum iudicium*. Et qui in iudicatam litem relinquebant, non nisi obolum accipiebant, idque Lucianus innuit in *his accusato*, ubi cum iudices in iudicata lite discederent, ait, satis esse si tertiam partem δικαστῆς acciperent, ἡμετέροις αὖ τετραμύριον λάβον, i.e. *satis est, si trientem accipiant*. sive, obolum, tertiam partem trioboli; sed ex aliis (ut videtur) iudicium olim drachmam unam capiebant, Harpocration, & ex eo Svidas in verb. *παραστὰς*. atque etiam sponsonem sacramenti causâ depositam, Julius Pollux lib. 8. cap. 6. ἡμετέροις τὸν αὐτὸν δὲ δικαστῆν, i.e. *accipiebant autem ipsam iudices*.

De honorariis Advocatorum in §. 10. & §. 12. L. 1. D. de extraordin. cognitionib. & de nutriciis in §. penult. Lux Lampridio.

C A P U T XXV.

QUI sibi honestiores visi sunt, ob defensionem negotiorum mercedem accipere noluerunt. Quintilianus lib. 12. cap. 7. iisdemque ferè verbis utitur Chrysostomus homil. 10. ad Philippens. cap. 3. Plinius de scripto lib. 5. epist. 14. Symmachus de Juliano fratre lib. 1. ep. 27. *Nonquam in mercedem ornamenta linguae corrupit, fortunae tenuis opulentiam fide, quæstus laude mutavit*. his autem, qui gratis agebant, etiam in provinciis annonas dederat Alexander. Lampridius in *Alexandro Severo*. *Etiam in provinciis oratoribus forensibus multum deiecit, plerisque etiam annonas dedit*.

dit, quos constitisset gratis agere. quod usque ad tempora Constantii permanisse videtur ex L. 2. C. Theodos. de concussionibus Advocator. five apparitor. Nec laetæ mansuetudinem nostram scholasticis ultra modum acceptis honorariis, in defensione causarum omnium, & annonas, & sumptus accipere voluisse. Verba ista desunt in L. 2. C. de Lucris Advocator. Voluit perstringere Constantius scholasticos de foro, seu Advocatos, qui acceptis honorariis, nihilominus annonas, & sumptus acciperent; cum annonae illis tantum concessae essent, qui gratis agerent. At qui annonas non habebant honoraria extraordinaria cognitione petere poterant, vel de iis pacisci, non quidem pendente lite, L. 6. §. 2. C. de postuland. in Eclæg. Basilicôn lib. 8. tit. 1. cap. 1. sed peractis negotiis, ut Plinius lib. 5. epistol. 21. post causam actam, L. 1. §. 12. D. de extraordinar. cognitionib. gesta negotiis, lib. 3. C. de postuland. In §. penult. ait Ulpianus nutricia quoque extraordinem peti posse, quandiu infantes uberibus aluntur. Aristides orat. 1. Platonis. pro Rhetorica, nutricis mercedem constituit duarum, aut trium minarum, οὗτοι δὲ αὐτῶν πάλιν ἀξιοῦσι δούλιον ἰσχύος, ἢ τριῶν μνῶν, i. e. itaque maximum nutricis pretium duarum est fortasse, vel trium minarum, quae summa prope ad decem aureos accedit, quos pater pueris, & puellis cibarii nomine legat in annos singulos, L. Quintus. 7. D. de ann. legat. & fideic.

An debitor post oblationem rei debitae liberetur ipso jure, vel per exceptionem. Expedita inter Sabinianos, & Proculejanos controversia.

C A P U T XXVI.

IN stipulatione unius rei non dissentiebant juris auctores; puta, si quis servum dari stipulatus esset, & promissor servum obtulisset, ac deinde servus decelisset, Sabinus putat, promissorem *continuo liberari*, id est, ipso jure, L. stipulatus. 105. D. de verb. obligation. Marcellus ex Proculejanis, ipso jure *desinet teneri*, L. qui decem. 72. D. de solution. & liberation. In eo etiam non dissentiebant, si debitor post moram rem debitam obtulisset creditori; sed inter eos convenerat, tunc debitorem non ipso jure, sed per exceptionem doli mali liberari: quia moram fecerat, perpetuatâ obligatione debitoris, actio creditori competebat. L. si ex legati. 23. D. de verb. obligat. Verùm doli mali exceptione creditos repelli potuit, qui rem debitam sibi oblatam accipere noluit, in eoque Celsus, & Julianus utriusque scholae consentiunt, L. si servum. 91. §. sequitur. 3. D. eod. Marcellus ex Proculejanis d. L. qui decem. 72. D. de solut. & liberat. Paulus in L. sed & si. 17. D. de pecun. constitut. L. interdum. 73. §. ult. D. de verb. obligat. qui loci ita accipiendi sunt, debitorem exceptione doli mali liberari, quando prius moram fecerit, & deinde rem debitam obtulerit. In stipulatione

ne

ne alternata illud, aut illud dari fortè dissentiebant: Sabinus, & Javolenus existimabant, debitorem continuò seu ipso jure liberari, si per creditorem stetit, quominus alterum acciperet, & deinde perisset. d. L. 105. *de verb. obligat.* Proculejani non ipso jure, sed per exceptionem doli mali, quia altero sublato alterum in obligatione remanebat, *L. cum is. 32. D. de condict. indeb. L. cum res. 47. §. si Stichus. 3. D. de legat. 1. L. Stichum. 95. D. de filius. & liberat.* idque Julianus ex Sabinianis in legato generaliter per damnationem, cum electio esset debitoris, probare maluit. *L. busjussmedi. 84. §. si cui bono. 3. D. de legat. 1.* Tantùm igitur dissentiebant aut in legato generaliter, aut in stipulatione alternata; non in stipulatione, aut legato unius rei: quod non ita satis distinctum fuisse video.

Jungitur L. quaestio. 115. D. de verb. significat. cum L. furtivam. 76. D. de furt. ex utraque lux mutua.

C A P U T XXVII.

JUNGENDA est *L. quaestio. 115. D. de verbor. signification. cum L. furtivam. 76. D. de furt. ex eodem lib. 4. epistolarum Javoleni.* Ibi Javolenus scripserat, duobus poenam furti ejusdem rei nomine praestari debere, domino ratione proprietatis, & bonae fidei emptori ratione possessionis; ut fructuario, & domino proprietatis data actio furti, *L. inter. 46. §. si servus. colono, & domino, L. Fullo. 82. §. 1. D. de furt. quatenus cujusque interest.* Postea Javolenus subjecerat quod est in *L. quaestio. 115. D. de verbor. significat.* ut ostenderet, in rebus mobilibus, exemplo rerum immobilium, possessionem à proprietate distingui oportere, *possessio ab agro juris proprietate distat; quidquid enim adprehendimus, cujus proprietatem ad nos non pertinet, aut nec pertinere potest, hoc possessionem appellamus: possessio ergo usus, ager proprietatem loci est.* Id plerique referunt ad praedia tributaria, & stipendiaria, quae nec ulucapi poterant, *L. cum sponsus. 10. §. 2. D. de publician. in rem act.* nec mancipatione tenebantur. Sextus Pompejus in verb. *possessiones.* Verùm si non proprietatem ex jure civili possessores in provinciis, saltem dominium quoddam possessionis habuerunt, *L. quotiens. 15. C. de rer. vindic. L. 2. C. de probationib.* atque etiam proprietatem, quae possessionis appellatione continetur. *L. interdum. 78. D. de verbor. significat.* Melius igitur refertur possit d. L. 115. ad res furtivas, de quibus supra Javolenus egerat in d. L. 76. *quarum proprietatem ad nos non pertinet, nec etiam pertinere potest,* obstante lege xii. tabular. Et tamen rei furtivae bonâ fide emptae possessionem, sive usum habemus, cujus contrectatio fraudulosa furtum est, *L. 1. §. 2. D. de furt. veluti rei donatae à marito uxor habet possessionem, L. si inter. 24. & L. si eum. 26. D. de donation. inter vir. & uxor. L. 1. §. si vir. 4. D. de acquir. vel amitt. poss. li-* cèt non possit usucapione dominium acquirere. In his quoque rebus,

qua-

quarum proprietates ad nos pertinere potest, usus à proprietate distinguitur; nam & bonae fidei emptor antequam ufucapiat, habet tantum possessionem, quae usus dicitur, ut in XII. tabul. *usus auctoritas. L. denique. 19. L. 10. L. 23. §. 1. D. ex quib. caus. major. & ufucapere nihil aliud est, quam per possessionem capere. L. 3. in fin. D. de acquirend. vel amittend. possess.*

Ex veteri more apud Sextum Pompejum deprehenditur, servos nec statum, nec personam habuisse. Philostrato luxc.

C A P U T XXVIII.

SERVQS statum non habuisse nimis vulgare est, L. 4. D. de capit. munit. nec personam, Cassiodorus lib. 6. *variar. cap. 8. Quid enim prius facerent inter servos jura publica, qui personam legibus non habent?* Sed eò respicere voluit Philostratus lib. 8. de *vit. Apollon. & ὃ μὴ αὐτῷ ὄνομα, μὲν δὲ ἐν ἰσῷ, μὴ αἰεὶς, μὴ ἀλλῆς ὄν, ἢ χεῖ, ὃ θυῖ, ὅτι οὐκ ἐν ἀνδραγάδων χεῖρ ἡμῶν; ἀνόνυμα δὲ πάντα. i. e. qui enim ipse neque nomen habet, neque quibus parentibus natus sit constat, non civitatem, non heredem habet, nomine, prob. Dii immortales, hic inter servos habentur, oportet? innominat a enim omnia. Interpret Latinus sententiam non assequitur; nec enim servi sunt sine nomine, L. si in nomine 32. D. de verber. obligat. sed sine cognomine, quo liberi dumtaxat, nuncupantur. L. cum precum. 9. C. de liber. caus. Vult Philostratus, eum inter servos referri debere, qui neque originem, neque civitatem, neque patrimonium habeat; quia servi tales sunt, obscuri, sine nomine, sine statu, & persona. Placet id ex veteri more Romanorum observare, quod alius fortasse praeteriret. Sextus Pompejus: *Pilae, & effigies viriles, & muliebres, ex lana Compitalibus suspendebantur in compitis: quòd hunc diem festum esse deorum inferorum (quos vocabant lares) putarent, quibus tot pilae, quot capita servorum; tot effigies, quot essent liberi, ponebantur, ut vivos parcerent, & essent his pilis, & simulacris contenti.* Pilae, & effigies distinguit: quia pilae pro servis, qui personam non habebant, suspendebantur: effigies, & simulacra pro liberis, quae personam eorum referebant. Pilae istae stramentitiae, aut foenae non erant effigatae, sed rotundae in modum pilae. Sextus Pompejus non expressit, ex quo fierent effigies viriles, ut muliebres ex lana, in verb. laneae, non distinguit viriles, & muliebres; sed si effigies istae eadem sunt, quae Maniae apud Macrobium lib. 1. *Saturnal. cap. 7. fiebant ex farina.* Sextus Pompejus in verb. Maniae: *Manias Aelius Stilo dici ait ficta quaedam ex farina in hominum figuras.* Ita igitur pilis stramentitis servorum vilitatem; simulacris ex farina hominum industriam, & laborem in quaerendo victu; simulacris ex lana feminarum artem, vel molitiam ostendebant. Non praetermittendum in eam rem, quòd sacerdotes Diis manibus servi-*

libus

libus separatim, & extra urbem olim facerent. Varro *lit. 5. de ling. Lat.* ibi prope facient diis manibus servilibus sacerdotes, qui uterque locus extra urbem antiquum fuit. Ita volebant ostendere, servos nec vivos, nec mortuos ullam habere communionem civitatis.

*Species L. paterfamilias. 28. D. de reb. auctorit. judic. pos-
sidend. Secundum lectionem Florentinam negatio
retinetur.*

C A P V T XXIX.

AMBIGUA sunt verba illa, *substituit heredem*, an ad eum referenda sint, quem pater sibi heredem fecerat, vel quem pater filio substituerat; sed ex iis, quae sequuntur, deprehendito, patrem filium heredem instituisse: *Idem in substituto filio herede servandum non est*, id est, in eo, quem pater sibi heredem instituit, & filio substituit. *Me illud maxime movet*, dubitari potest, an haec verba sint vel ex parte illius, qui Javolenum consulabat, vel ex parte Javoleni ad quaestionem respondentis, quod posterius magis placuit *lib. 3. observat. cap. 12.* ita prius contrariam sententiam retulit, ut in *L. 6. D. de liberat. legat. ex lib. 6. epistolar.* nec mirum est, aliquem ex Proculianis Javolenum consuluisse, ut in *L. alius. 11. D. de hered. institu. ex lib. 7. epistolar.* ejusdem Javoleni; nempe ut sciret, quid utriusque scholae Auctores sentirent. Et quidem non tantum auctores nrius scholae, sed etiam alterius sese invicem consulabant, ita Aristo Julianum consulit ex Sabinianis, *L. Salvius. 6. D. de legat. praestand. & Neratius ex Proculianis Aristonem consulit, L. 3. D. quae res pignor.* Ceterum ibi retinenda est negatio secundum lectionem Florentinam: *Idem in substituto filio herede servandum non est*. Etenim assert differentiam inter filium, & substitutum heredem: institutus filius impubes, & si se immiscuerit paternae hereditati, habet beneficium abstinendi. *L. necessariis. 57. D. de acquir. vel mitt. heredit.* substitutus, qui adiit hereditatem patris, postea eam repudiare non potest: Immo fit necessarius & patri, & filio, *L. qui patri. 59. D. eod. L. quidam. 20. C. de jure deliberand.* nec tantum tenetur creditoribus paternis, si filius se paternis bonis immiscuerit, ut hic dicitur, sed etiam si abstinerit. Verum substitutus filio, & a patre heres ex parte institutus, potest institutionem omittere, & ex substitutione adire: quo casu non tenetur creditoribus patris, *L. quaesitum est. 40. & L. Julianus. 42. D. de acquir. vel mitt. heredit.* quia non patris, sed tantum filii bona ad substitutum pervenerunt. *L. sed si. 10. §. ad substitutos. D. de vulgar.* Ita igitur respondit Javolenus, quasi existimaret, duo esse testamenta patris, & filii; nam si pro uno, eodemque testamento accepisset, substitutum testamento filii creditoribus patris obligasset, periurum ac si testamento patris adisset.

D:

De luctu feminarum, & turbatione sanguinis; deque ea, quae parit undecimo mense, vel ulteriori.

C A P U T X X X.

CUM duo menses anno adjecti fuissent, nihilominus uxor maritum non duodecim, sed tantum decem mensibus lugere debuit; si quidem tempus illud luctus constitutum fuerat propter turbationem sanguinis, *L. liberorum. 11. §. 1. & 2. D. de his, qui notant infam.* ne incertum esset, an mulier ex priore, secundove marito praegrans esset: quam sanguinis turbationem eleganter expressit Libanius in *progymnastis*: *ἔτι καὶ ἀλλοδαύς ἀγνοῖ τὸ ἑστῆνα ἡμεῖς δὲ νοστήμεθα, ὁ δὲ ἄλλος τὸ ἀποστῆναι καὶ μὴ γινώσκει*. i. e. ubi saepe pater ignorat satum, quem sevis, secundulus prioris semen sibi vindicat: ac promiscua sunt genera. Acron ad *Horat. lib. 3. carm. od. 6. de Augusto*, qui alienam conjugem tulerit, & genus bonum patris, sanguinis alieni, coitus admixtione polluerit. Verum quia Decemviri scripserant in decem mensibus hominem pigni, Gellius *lib. 3. cap. 16.* post decem menses turbatio sanguinis non timebatur. Hoc autem ex jure Graeco in *xii. tabulas* translatus fuerat in decem mensibus hominem pigni. Nam Aristoteli Demarathum filium agnoscere noluit, quod ei natus esset ante decem menses à nuptiis, Svidas in verb. *Demarathus*. Contra Agis Leotychidem filium agnoscere noluit, quem Timasa uxor pepererat, postquam ab ea decem mensibus secubasset, Plutarchus in *Alciade*: quasi decem mensibus nec citiorie, aut posteriore die partus humanus abfolveretur. Ideo verò Decemviri scripserant, in decem mensibus hominem pigni, ut natus filius intra decem menses à morte patris ad legitimam hereditatem ut suus heres admitteretur. *L. 3. §. penult. D. de suis, & legitimis.* Et propter hanc legem *xii. tab.* tam saepe apud Auctores, decem mensium tempus humano partui praestitutum reperitur. Aliquando tamen contingebat, feminas ulterius gestare uterum, ut duodecim mensibus. Sospater Charisius *Institution. Grammaticar. lib. 1. ex Varrone*: *Gracchum autem à gerendo, quod mater ejus duodecim mensibus eum utero gestaverit.* Et ex eodem Terentius Scaurus de orthographia: *Negat Varro etiam Gracchus aspirandum, quoniam à gerendo sic cognominatus; matrem enim ejus, qui primus Gracchus sit dictus, duodecim menses uterum gessisse.* Ut mensibus tredecim, Plinius *lib. 7. cap. 5.* cujus fides minui non debuit, quod ex Masurio Sabino juris auctore retulerit. An non propterea decem mensibus tandem duo adjecti sunt, *L. 2. C. de secund. nupt.* ut intra duodecim menses uxor virum lugeret, quasi intra illud tempus turbatio sanguinis timeretur. Sane tempus duodecim mensium vix probari potuit. Quintilianus *lib. 5. Instit. orator. cap. 16.* *Adulterii rea est, quae quum annò vidua fuisset, emixa est, lis non erit.* Sed Adrianus in undecimo mense partum edi posse decrevit, secutus auctoritatem Hippocratis, & Aristotelis. Gellius *lib. 3. d. cap. 16.* quod Justinianus non abrogavit *Novella 39. cap.*

cap. 2. sed eo solum casu partum legitimum esse noluit, si uxor undecimo mense perfectò circa terminum anni pepererit.

De accessione possessionis inter venditorem, & emptorem. §. inter. Instit. de usucapionib. exponitur.

C A P U T XXXI.

PLERIQUE ita §. *inter. Instit. de usucapionib.* intelligunt, ut ex re. l. pto Imp. inter venditorem, & emptorem conjungi tempora coeperint in praescriptione longi temporis, quae antea non conjungebantur; & Justinianus eam temporis continuationem ad usucapionem produxerit, in qua ante Justinianum tempora non jungebantur. Id colligunt ex *L. si aedes. 32. §. si libertas. D. de servitutib. praedict. urbanor.* post Harmeno-pul. lib. 4. *episcop. tit. 4.* quod tamen non satis probat: fieri enim potest, ut qui aedes possidebat, alio modo possidere desierit, quam venditione; & sic interpellatam fuisse illius possessionem, ita ut novo possessori integro tempore ad usucapionem opus fuerit. Praeterea ante illud rescriptum Imp. tempora continuabantur inter emptorem, & venditorem in longi temporis praescriptione, Africanus *L. si duobus. 6. & Scaevola L. penultims. D. de divers. & tempor. praescript.* atque etiam in usucapione. *L. id tempus. 14. D. de usurpat. & usucap. L. 2. §. si à furioso. 16. & §. emptori. 20. D. pro emptor.* Ita ergo rescriptum Imp. intelligi debere videtur, ut continuaretur vicissim possessio inter emptorem, & venditorem; puta, ut venditoris possessio prodesset emptori, & emptoris possessio accederet quoque venditori, si venditio retro ageretur; de quo inter juris auctores non satis convenerat. *L. Pomponius. 13. §. 2. D. de acquir. vel amitt. posses.* Neque Theophilus ab ea interpretatione multum alienus, cum videret aliud rescriptò Imp. fuisse constitutum, quam venditoris possessionem accedere emptori, & hoc satius admittendum videtur, quam verba §. praecedentis transmutata fuisse. Eorundem Imp. rescriptis pleraque alias controversias sublatas fuisse ostendimus lib. 1. *observat. cap. 5.*

De continuatione temporis in usucapione rerum mobilium. Ad L. nunquam. 31. D. de usurpat. & usucapionib.

C A P U T XXXII.

CONTINUUM erat tempus usucapionis ex lege XII. tabul. sive unius anni ad usucapionem rei mobilis, sive biennii ad usucapionem fun-
Par. I. A a di.

ai. Quid igitur ait Paulus in *L. nunquam. 31. §. 1. D. de usurp. & usucap. In usucapionibus mobilium continuum tempus numeratur*. Id Tribonianus adjecit propter constitutionem Justiniani in *L. unic. C. de usucap. transformatam*. Ex qua hodie res mobilis per continuum triennium usucapitur, siue quis abiens, siue praesens fuerit; sed in usucapionibus immobilium tempus continuum non numeratur: quia habetur ratio praesentiae, vel absentiae. Jure antiquo usucapio procedebat tam adversus abientes, quam praesentes; & tam in rebus soli, quam mobilibus. d. *L. unic.* in princip. Ex eadem constitutione solum in usucapionibus mobilium obtinet, ut continuum tempus numeretur, non habita ratione absentiae, vel praesentiae. Quid consulto Tribonianus ita scriptum voluit in d. *L. 31.* & sane nimis ille supinus fuisse, si non ex lege *XII. tab.* tam in usucapionibus mobilium, quam immobilium continuum tempus numerari scisset: at voluit signare differentiam, quam Justinianus in usucapione mobilium introduxit, in qua continuum tempus numeratur.

Loci ecc Gajo, & Ulpiano relati apud Priscianum indicantur.

C A P U T XXXIII.

ARTIGRAPHI saepe laudarunt Juris auctores, penes quos verborum proprietatem, atque etiam elegantiam fuisse noverant. Eos verò locos disquirere non frustraneae est operae, ut deprehendatur quid concinnatores Pandectarum immutarint. Priscianus lib. 6. Gaius in primo institutorum, adhibitis non minus quinque testimoniis puberibus, item libripende. In eodem, qui libram aeneam teneat, qui appellatur libripens. quod Anianus in fragmentis, quae superiunt, immutatum retulit sit. 6. quibus mortis, filii exeunt de potestate patris; Quae tamen mancipatio solebat ante Praesidem fieri, modo ante curiam faciendae est, ubi quinque testes gives Romani in praesenti erunt, & pro illo, qui libripens, id est, stateram tenens, & qui Anteflatus appellatur, alii duo. Priscianus lib. 3. Ulpianus lib. 46. ad edictum, si quis proximior cognatus nasceretur. Ulpianus lib. 46. ad edictum in *L. 1. §. 8. D. unde cognat.* Si quis proximior cognatus nasci speretur. Priscianus lib. 10. Ulpianus tamen ad Sabinum, usurum fructuum dixit, non fructuum. Ulpianus lib. 18. ad Sabinum in *L. si cujus. 3. in princ. D. de usufruct. & quemadmod.* Si usufructus legatus sit, non prius dandam actionem usufructuario, quam satisfeceris, se boni viri arbitratu usum fructuum. & in *L. ultim. D. usufructuar. quemadmod.* caveat, quae jungenda est cum d. *L. 13. ex eodem lib. 18. Ulpian. ad Sabinum.* Si vasorum ipsorum usufructus relictus sit, non erit cautio Senatusconsulti necessaria, sed illa sola boni viri arbitratu usum fructuum.

Ut Sabiniani veterum regulis insisterent , & Proculejani ab his recederent ex regula Catoniana ostenditur.

C A P U T XXXIV.

Quod scripsimus lib. 1. *observation. cap. 3.* Sabinianos regulis juris antiqui instituisse , & Proculejanos ab iis recessisse , adhuc melius circa regulam Catonianam indicari potest . Si quidem regula , seu definitio Catoniana , una est ex illis regulis juris antiqui , eamque ex Sabinianis videtur retulisse . Ulpianus ex Sabino lib. 21. *ad Sabinum* , L. *celestina*. 41. §. 2. *D. de legat. 1.* Ulpianus ex Juliano Sabiniano L. *cum servus*. 39. §. *si Titius*. 2. *D. cod. tit. de legat. 1.* Martianus ex eodem Juliano L. *Julianus*. 85. *D. de condit. & demonstr.* Javolenus Sabinianus L. *omnia*. 201. *D. de divers. regul. jur.* Justinianus ex Gajo Sabiniano , exque ipsius institutionum libris (ut videtur) §. *sed si rem*. 11. & §. *an servo*. 33. *Instit. de legat.* Catonianam regulam probant auctores ex Sabinianis , cum veterum regulis insisterent , earumque rationes plerumque ignorarent , ut de Grammaticis Diomedes lib. 2. *Auctoritas tantum opinione secundum veterum lectionem recepta , nec ipsorum tamen , si interrogentur , cur id secuti sint , scientium* . Antistius Labeo ingenii qualitate , & doctrinae fiducia fretus plurima innovare studuerat , quod supra attigimus d. *cap. 3.* Idemque Philo Judaeus lib. 1. *de vita Moysis* : *περὶ τῶν ἀρχαίων νόμων ὡς ἐκείνην ἔχουσιν , καὶ ὡς αὐτοὶ αὐτοὺς ἀνέβησαν* . i. e. *communiscens ipse difficilia contemplatu ; nam multa praeclara ingenia novant circa disciplina.* Proculejani à Labeone edocti regulis antiquis insistere noluerunt , & ab iis saepe recesserunt ; ut Celsus ex ea schola adversus regulam Catonianam , legatum rei propriae domino relictæ putat consilium , si eam dominus postea alienaverit ; & eo tempore , quo legatum deferretur , sua esse deserit . L. 1. §. *ult.* *D. de regul. Catonian.* Igitur Theophilus in d. §. *an servo*. 33. *Instit. de legat.* Proculejanos intelligit , cum ait , quosdam ex Jurisconsultis eam regulam non probasse , nec inspexisse tempus testamenti facti , sed quo legatum deferretur . Haud satis est signare dissōnas Jurisconsultorum sententias , sed & rationes perpetuo inquiri oportet , quibus ad dissentiendum adduci potuerunt .

Species, & lectio defensa in L. fundum. 19. D. de in diem-addiction.

C A P U T XXXV.

TITIVS fundum vendidit Maevio sub pacto additionis in diem, Sempronius intra tempus praestitutum meliorem conditionem attulit, & pretio fundi adjecit; eique Titius fundum prius venditum, & alium quoque applicitum addixit. Titius priori emptori Maevio non tenetur, cujus causa absoluta est, id est, resoluta emptio, cum alius meliorem conditionem attulerit. *L. si quis. 41. D. de rei vindicat. L. 2. D. de in diem addic. L. 2. §. si in diem. 4. D. pro emptor.* Poterat quidem subesse dolus Titii, qui priori fundo vendito alium adjecisset, ut Sempronium ad pretii adjectionem induceret; & quamvis ita Sempronius pretio fundi adjecisset, non videretur meliorem conditionem attulisse propter fundum prius venditum, sed propter alium fundum applicitum. *L. 4. §. 1. & L. si filio. 15. §. 1. D. de in diem addition.* At Titius sine dolo malo alium fundum potuit applicare, veluti accessionis loco: ut rei venditae possunt quaedam accedere, puta servus, vel doli fundi vendito, *L. si in emptione. 34. D. de contrab. emption. L. itaque. 32. D. de aedil. edict. peculium servo, L. iussissim. 44. D. eod.* Id igitur solum intueundum esse ait Javolenus, an priori venditori bonâ fide facta sit adjectio, id est, an Titius, qui prius fundum venderat Maevio, bonâ fide alium fundum adjecerit. Idem est Titio factam esse adjectionem, vel à Titio factam esse adjectionem, vel Titium adjectionem fecisse; quod cum minus attenderent, verba istius legis perspicua frustra conturbare voluerunt.

De concurrente Consul, & Praetoris jurisdictione in fideicommissis, & libertatibus.

C A P U T XXXVI.

CONSULES cognoscebant de fideicommissis. Ulpianus *lib. sing. reg. tit. 25. de fideicommiss. L. si magistratus. 27. D. de reb. auct. judic. possid.* quae est *ex lib. 1. Ulpiani de offic. Consul.* Idem etiam arbitrum dabant discutiendis rationibus, si servo libertas sub conditione reddendarum rationum relicta fuisset. *L. si cui libertas. 50. D. de condit. & demonstr.* quae est *ex eod. lib. 1. Ulpiani de offic. Consul.* Consilium praebebant manumittere volentibus, ex Senatorum, & equitum ordine. Ulpianus *lib. sing. reg. tit. 1. & L. unic. D. de offic. Consul.* Praetor fideicommissarius de fideicommissis quo-

quoque cognoscebat. Ulpianus d. tit. 25. de fideicommissis. Idem etiam, si servus rationes reddere iussus esset, arbitrum dabat excutiendis rationibus servj; ut constitueret, quae instrumenta rationum, quaeve earum reliqua servus heredi redderet. L. si pater. 47. §. 2. D. de fideicommissis. libert. Quare concurrebat Consul, & Praetoris iurisdicctio in fideicommissis, & libertatibus. Sed veluti in fideicommissorum cognitionibus major summa apud Consulem, minor apud Praetorem petebatur, ut ex Fabio notum est lib. 3. institutionum. cap. 8. ita videtur, Consulem directâ libertate datâ arbitrum dedisse, d. L. 50. D. de condit. & demonst. fideicommissariâ autem libertate relictâ Praetorem fideicommissarium dedisse arbitrum, d. L. 47. D. de fideicommissis. libertatib. ita ut iisdem in causis, sed diversimodè Consul & Praetoris iurisdicctio versaretur.

Differentiae quaedam inter magistrum, & curatorem bonis vendendis datum.

C A P U T XXXVII.

CUM Praetor creditores in bona debitoris fraudandi causâ latitantis misisset, eaque distrahi permisisset, creditores magistrum eligebant, qui bonorum proscritionem, & venditionem faceret, cuique praecipua cura rerum incumberet. L. cui praecipua. 57. D. de verbor. significat. ex lib. 59. Pauli ad edictum, ubi de missi ne in bonorum possessionem, eorumve venditione egerat, L. 5. & 7. D. ex quibus caus. in possessionem eat. L. 10. 12. & 14. D. de reb. auct. judic. possidend. Sunt qui nullam differentiam inter magistrum, & curatorem bonis vendendis datum constituent; verum magister videtur fuisse unus ex numero creditorum apud M. Tullium lib. 1. epistol. ad Attic. curator constitui poterat ex his, qui non essent creditores. L. 2. §. 4. D. de curator. bon. dand. magistrum ipsi creditores eligebant ex permisso Praetoris, Theophilus in tit. Institur. de bonor. success. sublat. curatorem Praetor ex consensu majoris partis creditorum eligebat. d. L. 2. D. de curator. bon. dand. magister per universitatem bona debitoris addicebat, §. 1. Institur. de bonor. success. sublat. curator etiam res singulas distrahebat. L. debitor. 12. D. de negot. gest. L. 7. §. praeterea. D. de suspect. tutorib. Sed praecipua differentia fuit, quod magister oneraret famam defuncti, qui nomine debitoris bona distrahebat, §. 2. Institur. ex quibus caus. manumitti. non licet, curator non onerabat, qui nomine suâ bona debitoris vendebat. d. L. 2. in princ. D. de curat. bon. dand. Eâ ratione debitores, qui bonis cesserant, non erant infames, L. debitores. 11. C. ex quibus caus. infam. irroget. L. ultim. C. qui bon. ced. poss. quia non venibant bona nomine ipsorum, sed creditorum, quibus cesserant; & si quando bona dignioris personae in ea causa essent, ut venire deberent, ex senatusconsulto

sulto curatorem fieri permittebatur, quod venirent honestius. *L. enjas. 9. D. de curatorib. furios. & al. ext. minor. dand.*

Quaedam de sectis Jurisconsultorum. Non tantum Jurisconsulti ad auctores suae sectae scripserunt, sed & ad alios diversas sectae; nec tantum auctores suae sectae, sed & alios consulebant.

C A P U T XXXVIII.

NON adeo pertinaciter Jurisconsultos uni sectae adhaesisse sup. lib. 1. ostendimus, quin alterius sectae auctores quandoque probaverint; idque apertius ex eo cognoscitur, quod non modò ex eadem schola, sed & ex diversa sese invicem consuluerunt. Aristo Julianum consulit *L. Salvius. 6. D. de legat. praestand. &* consultus fuerat Aristo Proculianis, quibus rescriptit veluti Neratio Prisco *L. 3. D. quae res pignori*, & Celfo *L. statuliberi. 29. §. 1. D. de statuliber.* atque etiam Javolenus *L. Attius. 11. D. de heredit. institut.* Tum ex eo quod nonnulli libros ad utriusque scholae auctores scripserunt: Cassius ad Ursejum Ferocem scripsit *L. quid tamen. 14. §. si massae. D. quib. mod. usufruct. vel usufr. amitt.* Et Proculus ad eum quoque scripsit *L. supra. 11. §. apud. 2. D. de aq. & aq. pluv. arcend. act.* Javolenus ad Plautium libros quinque scripsit, & Neratius quoque ad eundem Plautium *L. 5. D. de servitut. praedior. rusticor.* sicque intelligere debemus, quod est in *L. 1. §. interdum. D. de usufruct. accrescend.* Omnes auctores apud Plautium de hoc consenserunt, id est, tam Sabianiani, quam Proculiani, qui ad eum scripserant. Javolenus libros quindecim scripsit ex Cassio, idemque libros decem ex posterioribus Labeonis: in his non semper Labeonem notavit, in illis non semper Cassium secutus est, ut in *L. si quis. 54. D. de condit. & demonstrat.* unde apparet, levem esse conjecturam, si quis Jurisconsultum ei scholae vindicare velit, quod ad auctores ejusdem scholae scripserit. Ceterum alii sunt libri posteriorum Labeonis à Javoleno epitomati, atque alii libri Javoleni ex posterioribus Labeonis: quamquam idem est numerus librorum in Indice Florentino: cum multa Labeo scripsisset in libris posteriorum, ad linguam Latinam enarrandam, illustrandamque conducenda, ut refert Gellius *lib. 13. cap. 10.* Javolenus fortè in libris epitomatis selegerat, quae potissimum ad jus civile pertinebant, alia reciderat, ut Paulus in *libris digestor.* Alpheni. In his nihil ferè Javolenus de suo retulit: ac in libris ex posterioribus Labeonis Javolenus multa de suo adjecit, probatà, vel rejectà quandoque Labeonis sententià. In his, & illis sunt diversae quaestiones.

Injusta uxor jure mariti accusari non potest, sed jure publico ; seu jure extranei. Ad L. si uxor. 13. §. 1. D. ad leg. Jul. de adulteriis.

C A P U T XXXIX.

INJUSTA uxor in *L. si uxor. 13. §. 1. D. ad leg. Jul. de adulter.* est non jure ducta, puta, non observatis ritibus nuptiarum, deductione in domum, aquae & ignis acceptione ; vel quae usu tantum habetur, non coemptione, quam & gratuitam uxorem dici in antiquis inscriptionibus alibi ostendimus ; atque ita fortasse Virgilianus pastor injustam novercam intelligere volebat, quam pater non jure duxerat, aut concubinam. Differentia tamen constitui potest inter uxorem injustam, & concubinam, quod injusta uxor animo uxoris habeatur, non concubina. *L. penult. D. de concubin.* Non probarem istam differentiam, quod concubina jure extranei tantum accusari possit adulterii ; injusta uxor etiam jure mariti, d. *L. 13. §. 1. D. ad leg. Jul. de adulter.* immo ita Ulpianus debet intelligi, ut injusta uxor jure extranei tantum accusari possit. Nam ea, cujus nuptiis pater non consensit, injusta uxor est. *L. Paulus. 11. D. de stat. homin. §. 1. Injst. de nupt.* & tamen jure extranei tantum accusari potest, ut & concubina. d. *L. 13. §. si quis uxorem.* Quenam verò ratio differentiae constituitur, ut ea, cujus nuptiis pater non consensit, quaeque uxor injusta est, jure extranei accusari debeat ; alia verò uxor non jure ducta, puta, non accepta aqua, & igni, jure mariti accusari possit ; cum utraque uxor animo habeatur. Neutra igitur jure mariti, sed jure extranei, seu jure publico accusari potest : quae distinctio plerumque aliàs videtur adhibenda, veluti cum maritus lenocinium fecerit, & publico judicio ream adulterii uxorem accusat, praescriptione lenocinii ab accusatione non repellitur. *L. 2. §. si publico. D. eod. tit. ad leg. Jul. de adulter.* & tamen si jure mariti accusari velit, ea praescriptio marito obijcitur, *L. ita nobis. 28. C. ad leg. Jul. de adulter.* quod utrique potius admittendum, quam tunc praescriptionem lenocinii obijci marito, cum quaestum fecerit : neque enim maritus aliter lenocinium facere intelligitur, quam si ex eo quaestum fecerit. *L. mariti. 29. §. quaestum. D. ad leg. Jul. de adulter.*

Cur jurisjurandi conditio in libertatibus non remittitur. Ad L. si quis. 12. D. de manumiss. testament.

C A P U T XL.

SI quid sub conditione jurisjurandi relictum sit, Praetor eam conditionem edicto remittit. *L. quae sub conditione. 8. D. de conditionib. injunct.*
L. si

*L. si à milite. 29. §. 2. D. de testament. milit. L. si quis. 112. §. penult. D. de legat. 1. L. haec scriptura. 26. D. de condit. & demonstr. Rationem edicti Praetorii affert Ulpianus in d. L. 8. D. de condition. institut. quoddam nonnulli sunt faciles ad juramentum contemptu reliquias. (Philo Judaeus in lib. de Decalogo: Εἰς δ' οἱ μὲν ἐπιδόκουν μὴ λυτῆς εἶναι τὸν ὅρκον κατὰ τὸν νόμον καὶ ἀντιθέτως ἡμῶν ἐπὶ ταῖς πυχρῶσιν, ὡς δὲ ἀμφοτέρωθεν ὁ θεὸς ἔχει, καὶ μὴ αὐτὸν ἐπὶ τοῖς λόγοις περισσεύοντα. i. e. Et sunt qui nullā spē lucrandi ob malam consuetudinem abunde, & temerè jurant de rebus nibili, nemine proptus contradicente, jurejurando suppletes orationem.) Alii perquam timidi metu divini numinis usque ad superstitionem. Servius ad 1. Georg. Celsus, orcum ut jurejurandi Deum pallidum dictum, quia jurantes, trepidatione pallescent. Ne igitur vel hi, vel illi aut consequerentur, aut perderent, quod relictum esset sub conditione jurejurandi, Praetor eam edictō remissam esse voluit: quod de graviore dejectione intellexerem, non simplici jurejurando; plerumque enim, non semper conditio jurejurandi remittitur, *L. non dubitamus. 20. D. de condit. & demonstr. heredi, legatariorum, L. Antistius. 62. D. de acquir. vel omittend. heredit. L. municipibus. 97. D. de condit. & demonstr. At servus, cui libertas sub conditione jurejurandi relicta est, omnimodò tenetur jurare, nec tamen tenetur facere, quod facturum se juraverit. *L. servum. 26. D. de manumiss. testament. L. si quis. 12. §. qui ita. D. de statuliber. Verùm cur non remittitur servo conditio jurejurandi, qui libertas sub ea conditione relicta est? nam favor libertatis suadet, ut habeat servus libertatem remissā conditione: veluti legatarius legatum consequitur, quasi conditione legato non adpositā. Nota est satis differentia: sed ratio differentiae adhuc quaerenda est, cur Praetor heredibus, legatariis conditionem jurejurandi remiserit, non servis; curve heres, legatarius, hereditatem, legatum consequatur remissā conditione, servus autem non aliter libertatem consequi possit, quàm si juraverit. Ait Ulpianus in *L. si quis. 12. D. de manumiss. testament. Si quis libertatem sub conditione jurejurandi reliquerit, edicto Praetoris locus non erit, ut jurejurandi conditio remittatur. Edicto Praetoris locus non est impositā conditione servis, quia servi pro nullo habentur apud Praetorem, *L. nullo. 7. D. de leg. Cornel. de fals. eaque ratione Praetoris edictum de jure deliberandi locum non habet servis heredibus institutis. *L. 1. D. de jur. deliberand. Cum igitur servis conditionem jurejurandi Praetor remittere non intellexerit, haud aliter ad libertatem pervenire possunt, quàm si jurando conditionem impleverint: quod non video ab his, qui locum istum attigerunt, fuisse observatum.******



EMUNDI MERILLII J.C.

OBSERVATIONUM

LIBER SEXTUS.

*De sororibus, Agapetis, subintroductis, sive extraneis, feminis
conversis, & focariis feminis Clericorum. Ad L. cum,
qui. 19. C. de Episcop. & Cleric.*

C A P U T I.



A IUNT Imp. in *L. cum*, qui. 19. *C. de Episcop. & Clericis*, & *L. 44. C. Theodos.* eod. tit. *Eum*, qui probabilis seculi disciplinam agit, decolorari consortio sororiae appellationis non decet: quae verba ita possunt accipi, ut si eos, qui in seculo existentes probabilem disciplinam agere volunt, non deceat sub sororia appellatione feminas secum retinere, multò magis eos, qui Clero nomen dederint. Suaderet hanc interpretationem Hieronymus *epist. 2. ad Nepotianum*: *Mel menuum, lumen meum, vacuum desiderium, omnes delicias, & lepores, & risu dignas urbanitates, & ceteras ineptias amatorum in comediis erubescimus, in seculi hominibus detestamur: quanto magis in Monachis, & in Clericis, quorum & sacerdotium propositum, & propositum ornatur sacerdotio?* Nam & hominibus seculi nomina ista fratrum, & sororum inter nomina nequiora. *Martialis lib. 2. epig. 4.*

Fratrem te vocat, & soror vocatur.

Cur vos nomina nequiora tangunt?

Non dicit nomina nequiora, ratione matris, & filii; sed quia amasii dilectas suas sorores vocabant, ut satis notum: suppilones quoque, & pulipremones concubinos suos fratres vocabant. Scholiastes Lycophronus: *τὸν ἑλὲν ἀδελφεῖ, καὶ ἑλὴν, τὰ ἑρῶν ὀνόματα, οἱ δὲ ἑρῶν ἐπαδόντες ἀδ.*

Par. I.

Bb

you

γυναι, ἀδελφεοὶ, ἢ συγγενεῖς αὐτοῦ, i. e. extraneos fratres, & amicos
 amatoria faciunt: amare enim deprehensi dicunt, frater meus est, aut cognatus
 meus. Ita etiam possunt verba illa d. L. 19. accipi, ut qui probabili-
 tem seculi disciplinam agere velit, id est, disciplinam seculi & tempore
 Imp. dignam, feminas extraneas sororum nomine secum habere non de-
 beat. Nam cum haeretici feminas huiusmodi sibi adfiscerent, ut Ori-
 geniani, & Hieracitae apud Epiphanium *haeresi* 63. & 67. & Paulus Sa-
 mosatenus apud Eusebium *lib. 7. hystor. Eccles. cap. 24.* & fortasse quidam
 alii Orthodoxi, synodò Nicaenà interdictum fuit, ne Clerici *συνοδικαίους*
feminas secum haberent, id est, subintroductas. Balsamo ad *epistolam* Ba-
 silii: τὰς αἰς αὐτὰς ἐκκλησίαν ἀποστέλλοντας καὶ ἀποστέλλοντας αὐτὰς ἀ-
 νδρῶν, i. e. quae subintroducebantur in domos caelibus oblatorum, & ha-
 bitabant cum ipsis, extraneas, sive alienas alii vertere maluerunt, ut
 Impp. in d. L. 19. ex mente synodi ad differentiam propinquarum, quas
 post id tempus meliores è Clero infectati sunt. Epiphanius *haeresi* 78.
 Gregorius Nazianzenus in *carmine ad virgines*. Basilus *epistol.* ad Grego-
 rium presbyterum, Hieronymus non semel, Jo: Chrysostomus in eo ser-
 mone, quem adversus *συνοδικαίους* habuit, aliaeque deinceps synodi prohi-
 buerunt, quod hoc fieret αἰς ἐκκλησίαν τὴν ἐκκλησίαν, i. e. in sacerdotii dede-
 ctis, ut Balsamo ad dictam epistolam Basilii; neque verbis tantum, sed
 factis Chrysostomus infectatus est; nam statim atque Constantinopolita-
 nae Ecclesiae praefuit, eas expulit, Palladius in vita Chrysostomi. Photius
 in Bibliotheca ex Georgio Episcopo Alexandrino: *μεγάλην τοὺς ἐκκλησίαν*
συνοδικαίους τὸν ἴδον ἐκκλησίαν, i. e. continuò habentes de more mulieres subin-
 troductas sustulit. Quod factum Chrysostomi fortasse causam dedit consti-
 tutioni Impp. (nam secuta est quindecim fere annis post mortem Chry-
 sostomi) ut quod ille prius in Constantinopolitana Ecclesia fecerat, vigore
 constitutionum Impp. in omnibus locis obtineret. Hanc igitur mentem
 Impp. magis esse probaverim, Clericos, qui disciplinam temporis con-
 gruam, & probabilem agere velint, decolorari non debere consortiū sororiae
 appellationis. Synodus Nicaena Clericis feminas extraneas habere interdi-
 xerat, in fraudem decreti synodalis sorores sibi, vel Agapetas adfisciebant:
 quasi istae non essent extraneae feminae, quae sorori affectione jungere-
 rentur, eaque appellatione dicerentur. Sed haec nomina sororum malè
 audiebant, earumque consortiū sugillabatur honor Clericorum; ideo Impp.
 earum consortium prohibere voluerunt. Et quidem ut milites olim
 uxores habere non poterant, Dio *lib. 60.* nec alias feminas, Servius ad
 Eclog. 10. *Contra morem Romanum feminas erant in castris*: ita & castris
 Dominicis feminae abesse debuerunt. Cyrillus Hierosolymit. *Catech. 12.*
ὁ αὐτὸς ἡγούμενος ἀνδρῶν γυναικῶν, i. e. qui rectè sacerdotiū fungitur, muliere
 abstinet. Excipiunt Impp. d. L. 19. *matres, filias, atque germanas* Clericorum,
 in quibus suæi criminis aliquid suspicari fons naturalis non permittit: quod
 ex synodo Nicaena translaturum. Excipiunt etiam uxores sacerdotum, quas
 ante sacerdotium sortiti fuerant, quasque initò sacerdotiū ut sorores retine-
 bant. Idatius in *Chronico* circa illa tempora: *Paulinus nobilissimus, & eloquen-*
tissimus dudum conversione ad Deum nobilior factus, vir Apostolicus, Nolae
Cam.

Campaniae Episcopus habetur insignis, cui Therasia de conjugē facta soror testimonii vitae beatæ aequatur, & meritis. Itae etiam conversae dictae, sed & quae prius subintroductae, Agapetae, posterioribus temporibus focariae in Concilio Lateranensi, sub Alexand. III. cap. 11. exemplū militum, quorum contubernales focariae. L. 2. C. de donationib. inter vir., & uxor. L. 3. C. de condit. insert.

Legem 1. Cod. de dol. mal. non esse fugitivam, tentatur conciliandi ratio cum L. si mandata. §. 1.

D. mandat.

C A P U T II.

CUM debitor & fidejussorem, & pignora dedit, liberum est creditori omnia distractione pignorum fidejussorem convenire. L. omittis. 17. C. de fidejussorib. si fidejussor solvere paratus sit, officio judicis assequitur, ut creditor in eum pignora transferat. L. 2. D. de distract. pignor. Verum debitori mandati actio competit adversus fidejussorem, ut oblata pecunia sibi pignora restituat, L. si mandata. §. 1. D. mandat. quia fidejussor in omni contractu bonam fidem servare debet; nec est ex bona fide, ut fidejussor pignora retineat, quae pecuniam solutam longè possunt excedere. Praeterea fidejussor extraneo emptori similis haberi non debet, nam quavis extraneus emptor vendita pignora debitori oblata pecunia restituere non teneatur; secus est in fidejussore, qui cum mandatum acceperit, ut fidejuberet, videtur quoque mandatum accepisse, ut solveret, L. indebitam. 47. D. de condit. indebit. & ideo si solveret susceptis pignoribus, mandati iudicio conveniri potest, ut pignora debitori restituat. d. L. §. 1. D. mandat. Mirum est, & adversus eum actionem de dolo exerceri posse, L. 1. C. de dol. mal. quae subsidiaria est, & tunc solum datur, cum aliae actiones deficient, L. 1. §. 3. D. eod. tit. Fortasse dicendum est, ubi mandatum de fidejubendo praecesserit, fidejussorem conveniri actione mandati; sed si sine mandato fidejusserit, pro invito, vel pro ignorante, ut in L. qui fide. §. 3. D. mandat. & pignora à creditore suscepit, conveniri posse actione de dolo; tum quia mandati actio deficiat; tum quia delo videtur fidejussisse, qui sponte se obtulit fidejussioni, ut pignora, quae plerunque pecuniam debitam excedunt, à creditore susciperet. Deficit quoque negotiorum gestorum actio, non enim redemit pignora à creditore, quasi negotium gerens debitoris, ut ea debitori restitueret; sed quasi suum negotium gerens, ut sibi pignora empta haberet. Id igitur supplendum videtur, fidejussorem intercessisse sine mandato, & ideo non actionem mandati, sed actionem de dolo debitori competere: quod tamen

Bb 2

bene

bene suppleveris, quàm si eam fugitivam, & sub alieno titulo collocatam esse dixeris.

Quaedam observata in Constitut. Justiniani ad Antecessores de Papinianistis, Beryto, vagantibus legum Doctoribus, ludis, & conviviiis scholasticorum.

C A P U T I I I.

EOS, qui tertio annò legalis studii Papiniani lectiones aggrediebantur, Papinianistas dictos refert Justinianus in *Constit. ad Antecessores, §. tertii. 4.* scilicet, quòd studiosè doctrinam Papiniani sectarentur; ut *Πυθαγοραῖαι, Pythagorici*, apud Photium ex Aristide de vita Pythagorae, & scholasticum Theocryti ad *Idyll. 14. Ὀρίγειαν, Origeniani*, apud Photium ex Germano Patriarcha Constantinopolitano in *Apologia pro Gregorio, & Zonaram lib. 3. Annaliis*, Enniamistae apud Gellium *lib. 18. cap. 5.* qui doctrinam Pythagorae, Origenis, aut verba Ennii studiosè sectarentur. Subjicit Justinianus in d. §. 4. *Papinianistae vocentur, & ejus reminiscentes laetificentur, & festum diem, quem, cum primum leges ejus accipiebant, celebrare solebant, peragant.* Ita pueri natalem Virgilii celebrabant, qui fuit idibus Octobris, ut notatur in veteri Calendario Romano, & relatam est apud Photium in Bibliotheca ex Phlegonte Tralliano. In eum diem, à decimo Kalendas Septembris, feriae vindemiales desinebant, *L. 2. C. de feriis.* Martialis lib. 10. Epigram. 62.

Fernaeque tristes sceptris paedagogorum

Cessent, & idus dormiant in Octobris.

Ut & apud nos etiam hodie in plerisque scholis desinunt, apud illos senus, ut videtur ex Juvenale Sat. 14. v. 190. seq.

Post finem Autumni media de nocte supinum

Clamofus juvenem pater excitat: accipe ceras,

Scribe puer, vigila, causas age, perlege rubras

Majorum leges.

Fortè quod religio eilet, aliquid novi aggredi ante brumam. Donatus ad Terentium in *Phormion. act. 4. scen. 4. Arte irrisit homines Terentius, quibus religio sit aggredi negotium aliquod decrefcentibus diebus.* Justinianus in eadem *Constitut. ad Antecessores. §. haec autem tria. 7.* Berytum nutriticem legum vocat praeter locos observatos. Gregorius Thaumaturgus in *Oration. panegyrica ad Origenem: Πάσις Παπιναντίστῃς οὐκ ἐστὶν ἡ γὰρ τοῦτον ἀνιδύναυτος αὐδωδύγη. i. e. Civitas prae caeteris Romana, & Romanorum legum schola, & auditorium habita.* Nonnus in *Dionysiacis lib. 41. Δίος αἶθερ, αὐτὸν Δίωκος, i. e. juris terra, civitas legum.* In eod. §. 7. Justinianus subjicit: *Audivimus etiam in Alexandrina splendidissima Civitate, & in*

& in Caesariensiura, & aliis quosdam imperitos homines devagari, & doctrinam discipulis adulterinam tradere. Intelligit doctores circulatorios, circumforaneos, *ωπεδωτάς*, qui in aliis civitatibus vagabantur, quàm quae erant ad legalis scientiae disciplinam constitutae; puta, Romae, Constantinopoli, Beryto: ita *vagamem operam* Sedati rhetoris Tolofani dixit Ausonius in Professoribus Burdigalens. *carm.* 19.

Quumque vagantem operam divisa impenderis urbi;

Arbitrium de te sumit origo suam.

Gregorius Thaumaturgus in d. *Oratione panegyrica ad Origenem*, talem se legum doctorem Caesareae habuisse refert, & tales multi hodie in splendidissima Parisiensium civitate, aliisque praecipuis regni civitatibus divagantur, doctores poscinummii, aeruscatores meri, *adulterinam discipulis doctrinam tradentes*, ut Justinianus loquitur, tantum legitimae docendi rationi, quantum legitimo studiorum tempori detrahentes. In §. *illud.* 9. ejusdem *Constitut.* ad *Antecessores* Justinianus summā interminatione prohibet ludos scholasticorum, quos uti Athenis fierent ex Olympiodoro refert Photius in *Bibliotheca*, novitii ad balneum deducebantur, deducentibus alii obstatebant, ita eveniebat in hujusmodi contentionibus, quae longo tempore trahebantur, rixas oriri, caedes, & crimina, ut hic Justinianus: quis enim ludos appellat eos, ex quibus crimina oriuntur? Meminit ejus latrationis balneariae Ennapius in *Proaefesso*, quae fieret cum dieteriis, & irrisione. Cum scholam ingrediebantur, pecuniam inferebant ad unguenta, coronas, sacrificia, & sustinendam Musarum procuratoris dignitatem, ut refert Athenaeus *lib.* 12. *δυνατοῖς. ἀπέρτας πανηγυρίαι τῶν καὶ διατίκων ἐσθλάς*, i. e. *splendides sumptus in conversationum Praefectos*, ut Photius ex Olympiodoro. Convivia amicis, mox ut erant Praefecti, scholasticis faciebant, Athenaeus d. *lib.* 12. ubi de Lycone Peripatetico, atque etiam lunae hebdomadibus. Gellius *lib.* 15. *cap.* 2. *Is in convivii juvenum, quae agitare Athenis hebdomadibus lunae solenne nobis fuit.* In his & Praeceptoribus libabant auditores, & Cottabum ludebant, Athenaeus *lib.* 10. *δυνατοῖς*. Qualis ludus ille fuerit, idem Athenaeus refert *lib.* 15. sed apertius Suidas in *verb.* *κοτταβίζειν*. Haud absimiles mores in Academiis nostris irreperunt, novitii pecuniam aliquam praefectis scholasticorum inferunt, praefecti convivia agitant, quos nescio magis tolli, an tolerari posse.

Cur servitutes rusticorum praediorum hypotbecae obligari possint, non urbanorum; & cur servitutes rusticorum praediorum fuerunt res mancipi, non urbanorum.

C A P U T IV.

HAEC differentia manifestè traditur in *L.* 11. §. *ult.* & *L.* 12. *D. de pignori.* & *hypothec.* jura praediorum urbanorum pignori dari non posse,

posse, nec hypothecae obligari; conventionem tamen valere; ut jura praediorum rusticorum sint hypothecae obligata: puta, dominus non potest creditori, qui vicinam habet domum, pignorate servitutem tigni immittendi, oneris ferendi, vel aliam servitutem urbanam; contra dominus potest creditori, qui vicinum habet fundum, hypothecae obligare servitutem itineris, aquaeductus, vel aliam servitutem rusticam, ut creditori per suum fundum ire, agere, aquam ducere liceat jure servitutis. In cujus differentiae rationem anxie quaesitum est: nulla est proflus quam asserunt, servitutem constitutam pignori non posse obligari, sed dominum ipsum posse servitutem pignori constituere, quia in *d. L. 11. §. 12. D. de pignorib. & hypothec.* agitur non de constituta, sed de constituenda servitute: puta, ut possit dominus servitutem rusticam pignori constituere, non urbanam. Atque haud scio an probari ista debeat, quod servitus urbana praedii inutiliter pignori daretur, quam creditor alii vendere non posset; at servitutem rusticam creditor posset alii vendere. Nam quaedam servitutes urbanae aliis possunt esse utiles, veluti altius non tollendi, ne prospectui officiator: puta, si dominus creditori servitutem altius non tollendi pignoris jure constituerit, debitore pecuniam non solvente, creditor servitutem altius non tollendi alii vicino posset vendere; cujus quoque interest, ne debitoris aedificium altius tollatur. Idemque est de servitute prospectus. Sed & servitutes istae praediis urbanis deberi possunt, ut creditor ex fonte debitoris ad usum domus suae aquam haurire, vel per fundum debitoris aquam in domum suam ducere liceat: quae servitutes aliis utiles esse possunt. An non potius differentia ex jure antiquo petenda est? Si quidem jura praediorum rusticorum erant res mancipi, non urbanorum, Ulpian. *lib. sing. reg. tit. 19. de domin. & acquisit. rer.* Servitutes rusticae erant res mancipi, ut pretiosiores urbanis, veluti villae rusticae erant majoris, quam urbanae, Varro *lib. 1. de re rustic. cap. 13.* Rusticae tribus honoratioribus urbanis, Plinius *lib. 18. cap. 3.* Rusticae tribus laudatissimae eorum, qui rura haberent. Urbanae vero, in quas transferri ignominiae esset, desidiae probrum, Asconius in *Oration. pro M. Scauro*: significasse jam puto nos, fuisse inter leges P. Clodii, quas ferre proposuerat, eam quoque, qua libertini, qui non plus, quam in urbanis tribubus suffragium ferebant, possent in rusticis quoque tribubus, quae propriis ingenuorum sunt, ferre. Varro in *praefat. lib. 2. de re rustic.* Viri magni majores nostri non sine causa praeponebant rusticos Romanos urbanis. Columella in *praefat. lib. 1.* semperque rusticam plebem praeposuit urbanae. Ea igitur ratione servitutes rusticae erant res mancipi, non urbanae: id est, mancipari poterant per aes & libram, per nexum & mancipium, ut pretiosa quaeque. Atque ita differentia ea certissima fuit olim inter servitutes rusticas, & urbanas; servitutes rusticas fiduciario pignore obligari potuisse, seu fiduciari, ut est in antiquis inscriptionibus, non urbanas: quia fiducia per mancipationem contrahebatur, Paulus *lib. 2. sent. tit. 13.* & res nec mancipi, quales erant servitutes urbanae, non poterant mancipari. Debitor servitutem fiduciario pignore mancipabat creditori contracta fiducia, ut eam creditor soluta pecunia debitori remanciparet,

paret, cuius juris antiqui vestigium fortè latet in d. L. 11. & 12. D. de pignorib. & hypothec. cum verum sit; olim servitutes rusticas, ut res mancipi, fiducia pignori potuisse; non urbanas, ut res nec mancipi.

Substitutionem à milite factam ultra pubertatis annos sive expressâ certâ aetate, sive compendiò, valere directò, non jure fideicommissi.

C A P U T V.

SUBSTITUTIONEM à milite factam ultra pubertatis annos valere directò satis probat Papinianus in L. Censurio. 15. D. de vulg. & pupill. cum ait, substitutum post pubertatem capere bona patris; nam capi dicuntur ea, quae jure directò valent: ut legata per vindicationem, quorum formula, *capito, sumito* apud Ulpianum in tit. 24. de legat. In lege Falcidia, *eam pecuniam sine fraude sua capere licet*, L. 1. ad leg. Falcid. Non est argumentum fideicommissariae substitutionis, quod substitutus tantum capiat bona patris, non quae filio post mortem patris obtigerint. Fideicommissò quidem bona propria filii non continentur. L. coheredi. 41. §. quod si. D. de vulg. & pupill. substitut. Sed quamvis in d. L. Censurio substitutus capiat tantum bona patris post pubertatem, non ideo minus directa est substitutio: Finge, militem hac mente substituisse filio Titium, ut Titius haberet bona patris, non bona filii; (quemadmodum enim ipse pro parte testatus, & pro parte intestatus decedere potest; ita & filium pro parte testatum, pro parte intestatum facere) haec substitutio à milite facta intra pubertatem valebit directò, & tamen substitutus capiet bona patris duntaxat, non quae filio post mortem patris obtigerint. L. sed si. 10. §. ad substitutos. D. eod. tit. de vulg. Ut igitur intra pubertatem, ita & post pubertatem substitutio à milite facta valebit directò; etiamsi substitutus non capiat bona filii. Nec movent in contrariam sententiam verba illa L. precibus. 8. Cod. de impuber. & al. substitut. Veluti ex causa fideicommissi bona, quae, cum moreretur, patris ejus fuerint, à te peti possunt. Nam cum filius post pubertatem intestatus decessisset, & mater bonorum possessionem ex Senatusconsulto Tertulliano obtinisset, haec bonorum possessio comprehendebat universa bona filii, quae à patre ad filium pervenerant, quaeque post mortem patris filio obveniant: Ideo substituti veluti ex causa fideicommissi à matre bona patris petere debuerunt; quod si mater bonorum possessionem non obtinisset, substituti directò bona filii cepissent. In L. Scaevola. 76. D. ad Senatusconf. Trebell. directa verba trahuntur ad fideicommissum benignâ interpretatione, quia imperitiae venia pagano dari non debet, ut
verba

verba illius directò valeant, quae directò valere non possunt post pubertatem, *L. verbis. 7. D. de vulgar. & pupill.* At militi concessum est, ut directis verbis post pubertatem substituatur, & substitutio directò valeat, si ve substituatur filiis, si ve extraneis, qui jam heredes extiterunt, *L. 5. D. de testament. milit.*

Vestimenta muliebricia, virorum & mulierum communia, Pallia, pallae. Lectio in L. vestis. 23. §. 2. D. de aur. arg. legat. ex Varrone asseritur.

C A P U T VI.

INTER vestimenta muliebricia refert Ulpianus stolas, pallia, *L. vestis. 23. §. 2. D. de aur. arg. legat.* Muliebricia sunt, quae matris familiae causa sunt comparata, quibus vir non facile uti potest sine vituperatione: veluti stolae, pallia, tunicae, capitia, sones, vitrae, plagulae, penulae. quidam legunt, stolae, pallae: quod pallae sint propria mulierum vestimenta. Sed tamen ita stolam, & pallium inter vestimenta mulierum refert Varro *lib. 8. de ling. Latin.* ut tunica virilis sit virilis similis, & toga togae, sic mulierum stola stolae proportionem, & pallium pallio simile. Pallium est omne amiculum, quod super inijcitur; milites suum habebant pallium, pagani solum, rusticiantes suum. Et ita mulieres propria pallia habuerunt. Pallia, est pallium muliebre, & Ricinium, Sext. Pompejus: Ricinium, pallium muliebre quadratum. Ulpianus in *d. L. 23. D. de aur. arg. legat.* subjicit: Communia sunt, quibus promiscui utitur mulier cum viro, veluti si ejusmodi penula, palliumve est, & reliqua hujusmodi, quibus sine reprehensione vel vir, vel uxor utatur. Ita fuit aliquod pallium commune virorum & mulierum, & aliud mulierum proprium; alia penula virorum & mulierum communis, & alia mulierum propria; quidam etiam calcei fuerunt usus promiscui. Varro eodem *lib. 8. de ling. Latin.* supra: Calcei muliebres sint, an viriles, dicimus ad similitudinem figurae; cum tamen sciamus, nonnunquam & mulierem habere calceos viriles, & virum muliebres.

Aliis rationibus iterum probatur, actiones in factum, seu utiles accommodatas legibus ex sententia legum, non esse civiles, sed Praetorias. Exponitur L. si victum. 34. D. de re judicat.

C A P U T VII.

Actiones in factum civiles, vel Praetoriae dici debent, prout originem habent ex jure civili, vel ex jure Praetorio. Quod legibus, Senatufque consultis deest, suppletur interpretatione, vel jurisdictione, *L. nam ut. 13. D. de legib. hoc est, interpretatione prudentum, L. Gallus. 29. §. 5. & 6. & §. penult. D. de liber. & postum. L. cum quasi. 3. §. quacunque. 4. D. de fideicommiss. libertatib. vel jurisdictione Praetoris. Quod suppletur interpretatione prudentum, juri civili tribuendum est, cujus propriam appellationem sibi fecit prudentum interpretatio ad leges XII. tab. L. 2. §. bis legibus, & §. ita in civitate. D. de orig. jur. Ideo actio praescriptis verbis in factum civilis dicitur, L. 7. §. 2. D. de pact. L. si convenerit. 23. D. commun. dividund. quia habet originem ex jure civili, seu ex interpretatione prudentum, fortè Appii Claudii & Sexti Aelii, quorum ille actiones ad formam redegerat, hic verbis legis XII. tab. actiones subtexuerat, ut refert Pomponius: nam cum essent valde anxii propter scrupulosam formularum conceptionem, qua actione ex incerto contractu agi oporteret; ne litigantes causâ caderent, si hac potius, quàm illâ actione ageretur, adinvenerunt actionem praescriptis verbis in factum, quam accommodarunt contractibus incertis ad exemplum directarum actionum, quae ex certis contractibus competeant. Non dicitur ea actio civilis, quòd comparata sit ad instar directae actionis civilis, sed quòd originem habeat ex jure civili. Quae verò actiones suppleantur jurisdictione Praetoris vel legi XII. tab. vel legi Aquiliae, vel aliis legibus, sunt Praetoriae: quòd originem habeant ex jure Praetorio. *L. 7. D. de justit. & jur.* Sed contra videtur, actiones, quae dantur ex sententia legum non minus civiles dici debere, quàm directas, quae ex ipsis legum verbis oriuntur; quia verbum ex legibus accipiendum est, tam ex legum sententia, quàm ex verbis. *L. 6. D. de verb. significat.* Immo utilis actio in factum, quam Praetor supplet ex sententia legis Aquiliae, est ex lege Aquilia, vel quasi ex lege Aquilia, *L. nam & §. 1. D. de furt. & tamen est Praetoria, non civilis: veluti cum Praetor dat bonorum possessionem ex legibus, vel Senatufconsultis L. unic. D. ut ex legib. Senatufve consul. bonor. poss. det.* non ideo minus Praetoria est, licet detur ex legibus. Utilis actio arbitraria de eo, quod ex certo loco dari oportet, venit ex stipulatione, *L. 2. §. 1. D. de eo, quod cert. loc. dar. oportet.* & tamen civilis non est, sed Praetoria. *§. si quis agens. 34. Instit. de actionib.* Actio praescriptis verbis de precario oritur ex bona fide, *L. 2. §. 2. D. de precario.**

cario, & tamen non est bonae fidei. Sic igitur actiones in factum, quas Praetor supplet, accomodat legibus, vel directis actionibus ex sententia earum, non sunt legitimae, seu civiles, sed Praetoriae: veluti actio in factum, quae accommodatur directae vindicationi, *L. in rem. 23. §. item quaecunque, & L. cum autem. 52. D. de rei vindicat.* directae actioni ad exhibendum, *L. 3. §. penult. D. ad exhibend. L. si heres. 63. D. de legat. 2.* veluti actio in factum, quam supplet directae actioni de pauperie ex lege XII. tab. *L. penult. D. si quadrup. paup. feciss.* actio in factum, quam supplet actioni directae de pastu pecoris ex eadem lege XII. tabul. *L. qui servandarum. 14. §. ultim. D. de praescript. verb.* actio in factum poenalis, quae datur ex sententia ejusdem legis nam cum lex XII. tab. judicatum de suo vivere permisisset, *si vult sua vivito*, apud Gellium *lib. 20. cap. 1.* adversus sententiam legis facit, qui judicatum victum inferri non patitur: & ideo Praetor dat adversus eum, qui fecerit, utilem actionem in factum poenalem ex sententia legis, *L. si victum. 34. D. de re judicat.* Ita etiam actiones in factum, quas Praetor supplet legi Aquiliae, sunt Praetoriae, non civiles; quia suppleuntur jurisdictione Praetoris ad *L. 7. D. de justit. & jur.* At alias actiones in factum Praetor non tam supplet, quam ex sua jurisdictione introducit; supplet exemplo legum, introducit sine exemplo. Nos & tam haec, quam istae sint Praetoriae, quod alias scripsimus, neque scripsisse hodie poenitet, sed ut illi olim

*querimur non apparere labores
Nostros, & tenui diducta poemata filo.*

*Infantium actas, verba, caedes, eruditio. Ad L. inter. 217.
D. de verbor. significat.*

C A P U T VIII.

DUOBUS modis intelligi potest conditio in *L. inter. 217. D. de verbor. significat.* Primò modò, ut testator infanti conditionem faciendi imposuerit, cum dari potuerit, vel postquam dari potuerit: cui conditioni pupillus absque tutoris auctoritate parere potest, *L. 5. D. de cendis. & demonstr.* Alterò modò, ut testator infanti legaverit, *cum dari potuerit*, vel *postquam dari potuerit*, quod magis probarem: non enim de alia conditione loquitur Javolenus, & conditionem vocat diem incertum, qui in testamentis conditionem facit, *L. talis. 30. §. 4. D. de legat. 1. L. dies. 75. D. de condit. & demonstr.* conditionem in se continet, *L. si Titio. 22. D. de quand. dies legator.* Javolenus autem haec verba distinguit, *cum dari potuerit*, vel *postquam dari potuerit*: primis verbis arctiorem conditionem esse ait, puta, ut eo tempore conditio exiliat, quo primum dari potue-

potuerit; posterioribus verbis, uberiorem esse conditionem, & longius tempus intelligi, puta, ut conditio existat eo solum tempore, postquam fari potuerit. Varro lib. 5. de ling. Latin. Hanc Chrysippus negat loqui, sed ut loqui: quare ut imago hominis non sit homo, sic in corvis, coruicibus, pueris primitus incipientibus fari, verba non esse verba. ait, infantem esse potius imaginem hominis, quam hominem; & ideo dubitatum, an lex Cornelia ad infantes pertineret; quia lex Cornelia hominem occisum vindicabat, L. penult. C. ad leg. Cornel. de sicar. Sed tamen Philo Judaens eleganter in lib. de specialib. legib. ἀνδράσιν ἀνδρῶν τῶν ἀπὸ βέλους ἀποκτείνωνται, οὐ νόμος μὲν ἐστὶ τῶν ἀνθρώπων, ἀλλὰ ἐστὶ καὶ γὰρ παῖδες ἀνδρῶν ἀποκτείνονται. i. e. sine controversia homicidam esse eum, qui infantem interficit, cum lex non aetati, sed generi illatam injuriam vindicet. & postea: ἐκ τῶνδε τῶν ἐπὶ τοῖς νόμοις ἐπιτεταγμένων, i. e. quos odit sacra lex, eos morte puniendos declaravit. Ait praeterea Chrylippus, infantes non loqui, sed ut loqui; infans, cum fari caeperit, verba non esse verba; quia necdum bene ordinatis dentibus sermonem minus exprimunt, septimo anno, quo plene absolvitur integritas loquendi, (ut alias ex Macrobio retulimus) infantia definita est: eaque aetate pueri litteratoribus, seu grammatistis erudiendi tradebantur, Paulus Aegineta lib. 1. cap. 14. ὡς πρὸς διάνοιν νοσήτω. Et ideo ita legata in eruditionem, seu disciplinam puerorum relinquebantur, cum fari possent, vel infantiam excessissent.

Educatio liberorum apud matrem. Jus patroni in libertum. Ad L. 8. D. de condit. & demonstrat. Lux Tacito, De-fenditur lectio Florentina in L. 10. D. eod. tit. de conditionibus.

C A P U T IX.

E DUCATIO liberorum matri testamento saepe committitur. L. 8. & L. sed si. 62. in fin. D. de condit. & demonstrat. nec decretū magistratus alii magis committenda est. L. 1. C. ubi pupilli educ. deb. Philo Judaeus lib. 2. ὡς πρὸς μοναρχίαν, i. e. de monarchia; ὡς δὲ ὅτι οὗτος ἵδρυσθαι, ἀνάγει τὸν πατέρα τοῖς νόμοις ἐπιτεταγμένοις, i. e. si verò filii, filiaeve supersint, necessitas matrem liberis constituit. In d. L. 8. D. de condit. & demonstrat. maritus uxori libertae sub ea conditione legatum reliquerat, ut cum filio esset, id est, ut filium educaret: liberta latitans patronum de medio discesserat, & filium reliquerat; nihilominus & legatum deberi Pomponius existimat; quia non per eam steterat, sed per patronum, ne filium educaret, & ita conditioni pareret. Condicio pro impleta habetur, cum per alium fiat, quam eum, qui conditionem implere debuit. L. qui quatuor. 30. §. uxori. D. de legat. 3. L. Ageria. 13. D. de ann. legat. L. Titius.

14. *D. de condit. & demonstrat.* Subesse videtur in eadem *L. 8.* vestigium illius juris, quod laesus patronus in libertum habuit, ut eum relegare posset. Tacitus *lib. 13. annal.* *Quid enim aliud laeso patrono concessum, quam ut vicefimum ultra lapidem in oram Campaniae libertum releget?* ita patres liberos, domini servos in rus poenae causâ relegabant; sicque liberta patronum latitans de medio discesserat, cum eam relegasset. In *L. 10. D. eod. tit. de condit. & demonstrat.* retinenda est lectio Florentina absque negatione, *benignè tamen dicendum est, nondum impletam conditionem defectam, id est, eam conditionem, quae defecta est, pro non impleta habendam esse, & adhuc impleri posse.* Nec movet *L. 10. D. de fideicommiss. libertatib.* ubi conditio, quae semel extitit, repeti non potest. Aliud est, conditionem extitisse, aliud conditionem defecisse: conditio, quae extitit, non potest non extitisse, & non potest impleri, quasi non extiterit; conditio defecta adhuc impleri potest, sive ea expressa sit, ut in *d. L. 10.* sive tacita, ut in *L. dotis. 68. D. de jur. dot.* Sabinus quidem putabat, jure stricto conditionem defectam iterum impleri non posse; Ulpianus, benignè dicendum adhuc impleri posse: sicque verba Sabini ex Ulpiano sunt distinguenda, ut patlum in iisdem libris Ulpiani ad Sabinum.

Possessori hereditatis, etiam post litem contestatam, debitores hereditarios convenire permittitur. Ad L. si bonae fidei. 40. D. de heredit. petit.

C A P V T X.

LICET malae fidei possessor non habeat actionem adversus debitores hereditarios, *L. si quid. 31. §. penult. D. de heredit. petit.* & post litem contestatam possessor malae fidei esse incipiat, tamen, si velit cum debitoribus hereditariis consistere, audietur, si periculum erit, ne inter moras actiones interdicant, *L. si bonae fidei. 49. D. eod.* quod ita intelligendum, non solum si controversia mota, sed etiam si lis contestata fuerit inter possessorem, & petitem hereditatis. Controversia quidem à lite separatur, sive dum lis incipit. Cornelius Fronto: *lis nascitur, pertinacia efficit controversiam*, sive dum lis contestata est, & judicium acceptum. *L. sed & si. 25. §. si ante. D. de heredit. petit.* Verum & si lite contestata possessor hereditarios debitores convenire velit, audietur; scilicet causâ cognitâ. Nam qua ratione Praetor causâ cognitâ bonae fidei possessori post litem contestatam (licet jam malae fidei possessor factus sit) concedit hereditatis diminutionem, *L. 5. D. de heredit. petit.* atque etiam petitio tempore ad deliberandum pupilli nomine, *L. 7. D. de jur. deliberand.* ut res tempore petiturae distrahantur: puta, fructus ἀναύτοις, Julius Pollux *lib. 1. oromastic. cap. 12.* ἀγρῶν ὁ παρὰ τὸ μὴ πρὸς ἀναύτους, ἀλλὰ ἐκ τῶν ἀνοήτων. ὁ δ',

ἀνέστης, ὁ ἀνέστης, καὶ ἀνέστης. i. e. dicitur autem fructus alius esse ἀνέστης, quem reservare non licet, alius verò reservativus, ficus, & Sole adustus. Ita Praetor adhibitā caulae cognitione permittit bonae fidei possessori etiam post litem contestatam debitores hereditarios convenire, si periculum erit, ne actiones pereant: petitor verò hereditatis citra metum exceptionis praejudicialis, eisdem debitores hereditarios poterit convenire, d. L. si bonae fidei. 49. D. de hereditat. petis. quia qui universam hereditatem petit, potest res singulas petere. d. L. sed & si. 25. §. item si. 17. D. eod.

Isti accipienda sit L. fundi. 79. D. de contrahend. emptio. Controversia quaedam inter utriusque scholae auctores exponitur.

C A P U T XI.

TITIUS partem fundi certō pretiō vendidit Maevio, pactō appositō, ut Maevius alteram ejusdem fundi partem certā mercede in decem annos conductam haberet: conventum hīc erat de pretio partis venditae, & in *L. qui fundum. 75. sup. eod.* alioqui venditio non fuisset. *L. teneatur. 6. §. 1. D. de actionib. empt.* Sed si Maevius mercedem conductionis non solveret, quaerebatur, quam actionem Titius adversus Maevium agere posset. Labeo, & Trebatius ex vendito agi posse negaverant, quia contractus iste incertus videbatur, cum altera pars fundi vendita, altera conducta esset, & parū conveniret pretium conductionis peti actione ex vendito. Isti igitur negabant actionem ex vendito, quasi ex contractu venditionis; sed dabant actionem praescriptis verbis, proximam venditi, aut proximam locati, quasi ex incerto contractu, qui partim venditionem, & partim locationem contineret. Hanc actionem praescriptis verbis Proculianus semper ex incertis contractibus dare maluerunt, ut tutius ageretur; idem Labeo *L. Labeo. 50. D. de contrah. empt. L. rogasti. 19. D. de praescript. verb.* & Proculus *L. si vir. 12. D. eod.* Sabiniani contra dabant actionem ex vendito, quia hoc pactum sic contractum venditionis informaret, ut ex eo agi posset, quod ostendimus *lib. 3. Observat. cap. 8.* & ideo Javolenus, qui ex eadem schola fuit, adversus Labeonem & Trebatium in *d. L. 79. D. de contrah. emptio.* actionem ex vendito concessit, maxime si Titius partem fundi eo pacto vilius Maevio vendiderit, ut ex altera parte fundi pretium conductionis praestaretur; & ita pretium conductionis, ut pretium fundi actione ex vendito peti potuerit. *L. si sterilis. 21. §. si tibi. 4. D. de act. empt.* Non frustra verò juris Auctores contendeant, an hac, vel illa potius actione agi oporteret; nam inter actionem praescriptis verbis, & actionem ex certo contractu, seu nominatē, magna erat differentia: actio ex certo contractu, puta, empti venditi, locati

cati conducti, erat bonae fidei, ut contractus, ex quo oriebatur; actio vero praescriptis verbis, licet proxima empti esset, *L. 6. D. de rescindend. vendition.* aut proxima locati, *L. 5. §. rem ibi. D. commodat. L. 1. §. si quis. 9. D. deposit.* aliūve contractus bonae fidei, erat stricti juris: praeterquam si de aestimato, aut ex permutatione daretur. §. *actionum. 29. Instit. de actionib.*

Lex 2. D. de jurisdiction. referenda non videtur ad Magistratus, sed ad eos, quibus specialiter data est jurisdictio.

C A P U T XII.

JURISDICTIO vel jure proprio competit; veluti magistratui. *L. 1. D. de offic. ejus, cui mandat. est jurisdict.* vel alieno beneficio; veluti ei, cui mandata est. *L. 5. D. de jurisdiction.* Vel jurisdictio datur lege, ut in fragmento legis Agrariae *jurisdictio, recuperatorum datio, addictio esto, & Proconsuli L. 6. D. de jurisdiction.* vel constitutione datur, veluti Juridicis, quos per Italiam constituisse D. Marcom, refert Capitolinus: veluti vicario, qui propriam jurisdictionem à Principe habuit, Cassiodorus *lib. 6. Variar. cap. 15.* aut etiam judicibus, quos Princeps extra ordinem dabat, Paulus *lib. 5. sentent. tit. 5.* de quibus Javolenus rectius intelligi possit, quàm de magistratibus in *L. 2. D. de jurisdict. Cui jurisdictio data est, ea quoque concessa esse videntur, sine quibus jurisdictio explicari non potuit.* Etenim magistratui non datur jurisdictio specialiter, sed ex quo magistratus creatus est, competit jure magistratus, d. *L. 1. D. de offic. ejus, cui mandat. est jurisdict.* quo jure omnia gerere potest, *L. quidam. 57. D. de re judicat.* Illi etiam, quibus mandata est jurisdictio, licet non jure suo, sed alieno beneficio habeant; tamen imperium habent, quod jurisdictioni mandatae cohaeret, *L. ult. D. de offic. ejus, cui mandat. est,* atque ita jurisdictionem suam explicare possunt. Et quidem Javolenus loquitur non de mandata, sed data jurisdictione: puta, cum Princeps Judicem dederit, judex datus à Principe non est magistratus, non habet imperium, quod tantum in persona magistratum consistit, sed habet jurisdictionem. Si igitur Princeps judicem dederit, licet non sit magistratus, licet non habeat imperium; quia jurisdictionem habet, ea concessa videntur, sine quibus jurisdictio explicari non potest. Quod nominatim expressum fuerat in lege Agraria Servilii Rulli.

HABEANT APPARITORES SCRIBAS LIBRARIOS
PRAECONES ARCHITECTOS, ITEM MÜLOS TABERNACULA SUPPELLECTILEM, ITEM EXEQUESTRI LOCO CC. IN ANNOS SINGULOS.

Id

Id dato iudici à Principe concessum videtur : puta , ut tribunal possit ascendere , cum rex causae cognitionem desiderat , *L. 2. §. si causa cognita. D. de honor. possess.* *L. 2. §. dies. D. quis ord. in possell. servus.* ut habeat assessorēs , quales erant ducenti illi ex equestri loco in lege Agraria , (quosdam enim iudicibus datis à Principe adsedisse deprehenditur *Novell. Justin. 60. cap. 2.*) atque etiam ut habeat apparitores , scribas , aliosque officiales , sine quibus iurisdiclio explicari non potest . Ea sanè mens Javoleni fuit in *d. L. 2. D. de iurisdic.* quamvis eodem *lib. 6. ex Cassio* egerit de magistratibus , & municipalibus , *L. cur muneris. 12. D. de munerib. & honorib.* Et Pop. Romani veluti Censoribus *L. censori. 111. D. de verbor. significat.* ubi alia quàm vulgari notatione verbi Censores dictos ait , quidd censerent , & praeciperent . Censores quidem majoribus auspiciis creabantur , erantque majores magistratus cum imperio ; habebant vocationem , prehensionem , cives aerarios faciebant , habebant multae dictionem , ut alii P. R. Magistratus . *L. aliud. 31. D. eod. tit. de verbor. significat.* Et ita pro imperio constituiebant , praecipiebant . Verùm leges non ferebant , ut scripsit vir quidam non contemnendae eruditionis . Lex censoria est conditio , quam Censores in locationibus vectigalium , & publicorum adponebant , *L. Cassar. 15. D. de publican. vectigalib. & commiss.* *L. in lege. 203. D. de verbor. significat.* veluti leges contractuum sunt pacta , quae contractibus apponuntur .

De munere viae muniendae , ut est cura , vel collatio . Ad Paulum lib. 5. sentent. tit. 6.

C A P U T XIII.

ALIIUD est munus , cura viae muniendae ; aliud collatio viae muniendae . Curam viae muniendae habet curator , qui eligitur , ut viam publicam sternat , instruat , reficiat , in antiq. inscript. apud Siculum Flaccum in *lib. de condit. agror. 12. Paulus lib. 5. sentent. tit. 6.* Collatio viae muniendae est , quae possessoribus imponitur , ut suis operis , impenfive , viam publicam muniant , *L. si pendentes. 27. §. 3. D. de usufruct. & quemadmod. L. Julianus. 13. §. 6. D. de act. empt. L. 6. C. de pignor. & hypothec.* Siculum Flaccus in *lib. de condit. agror.* Haec nuntiuntur per pagos , id est , magistros pagorum , qui operas à possessoribus ad eas tuncdas exigere soliti sunt : aut ut conperimus , unicuique possessori per singulos agros certa spatia assignantur , quae suis impensis tueantur . Cura viae muniendae personae munus est , *L. 1. §. 2. & L. munerum. 18. §. breuarchae. 7. D. de munerib. & honorib.* Collatio viae muniendae ininus est locorum , seu patrimonii , non personae . *L. honor. 14. §. 2. D. eod.* Cura viae muniendae est ininus , quod extra ordinem exigitur , *L. cui muneris. 12. D. eod. tit. de munerib. & honorib.* Collatio viae muniendae munus est ordinarium , quod pro

mo.

modo possessionum indicitur; utrumque munus attingere voluit Paulus lib. 9. *sentent. d. tit. 6. Ut interdicitur, ita & actio proponitur, ne quis aliquem publicâ viâ prohibeat, cuius rei sollicitudo ad viarum curatores pertinet, à quarum munitione nemo exceptus est.* Id est, ab ea collatione, quam possessor locorum conferre debent ad viam muniendam. Ab eo non exigitur cura viae publicae muniendae, qui vacationem habet muneris publici, d. L. 12. *D. de munerib. & bonorib.* ut nec alia munera extraordinaria exiguntur; L. 6. L. 8. §. 3. *D. de vacat. & excusat. muner. L. unic. C. de vacat. muner. public.* puta, cura operis publici faciendi, reficiendi, frumenti comparandi, annonae dividendas. Is tamen, cui vacatio publici muneris data est, non immunis est à collatione viae muniendae, à qua nemo exceptus est, Paulus d. tit. 6. L. 3. *C. Theodof. de itiner. muniend.* nullumque privilegium tribuit excusationem. *L. sum. munera. 11. D. de vacat. & excusat. muner.* Veterani non excipiuntur, L. 4. *D. de veteranis, nec Ecclesiae, L. 7. C. de sacros. Eccles.* nec divinae domus. L. 4. *C. de privileg. dom. August.* Itaque igitur d. L. 12. *D. de muner. & bonor.* debuit intelligi, ut ab eo quidem, cui muneris publici vacatio data sit, cura viae muniendae, quasi munus extra ordinem non exigatur; sed tamen exigi possit collatio viae muniendae, à qua nemo exceptus est.

Quaedam ad L. assiduis. 12. C. qui potiores in pign. habeant.

C A P U T XIV.

PROCOPIUS in *Anecdosis*, refert Justinianum omnia magistratum munia sumplisse, sententias recitasse, vel manu propria scripisse, & subiecit in loco (ut videtur) mutilo, *ubi est mentionem totius huiusmodi*, id est, obvio quosque ipsum frequentes adisse: tanta erat Justiniani line admissionalibus, aut perventoribus in adeundo facilitas, idque probat *L. assiduis. 12. C. qui potiores in pign. habeant.* *Assiduis* aditionibus mulierum inquietati sumus, per quas suas dotes deperditas esse lugebant, & ab anterioribus creditoribus substantias maritorum detentas. Et quidem si mulieres adibant Justinianum, quas sexus verecundia à tribunalibus removit, in adeundo facilem admodum fuisse dicendum est. Antea duabus conscriptionibus mulieribus subvenerat, ut docent subscriptiones in *L. in rebus. 30. C. de iure dot.* In rebus dotalibus vindicandis privilegium dederat adversus quoscumque creditores, licet anteriores in *L. unic. §. 1. C. de rei ux. action.* tacitam hypothecam in bonis mariti in d. L. 12. *C. qui potiores in pign. habeant.* omnibus creditoribus (quod peremptorium est vocabulum) live tacitam, sive expressam hypothecam habentibus mulieres in repetitione dotis praeferre voluit. Rationem praetexit, ne rebus suis defraudentur, & indotatae cogantur remanere: quod quidem ali-

aliquam habet utilitatem, qui habet uxorem sine dote, pammum positum in purpura est, et Naevius apud Non. Marcellum cap. 3. sed Theodora conjux Justiniani, Chrysomalla & Indara sociae, & à consiliis Theodorae (ut Procopius ibidem retulit) hanc constitutionem videntur extorxisse, quae, quia plerumque creditoribus fraudi esse potest, usquequaque non probatur; scilicet in eo, ut mulieres anterioribus creditoribus etiam expressam hypothecam habentibus praeferantur, licet non aliam Justiniani mentem fuisse appareat.

Species satis obscura in L. si fundum. 35. & L. ita ut. 36.

D. mandat. paraphrasticus exposita.

C A P U T XV.

P R I M U S, secundus, tertius habebant fundum Sempronianum communem: Titius mandavit primo uni ex dominis, ut eum fundum emeret: primus ex mandato Titii emit partes secundi, & tertii, mandatum etiam pro parte primi consistit, primusque Titio tenetur partem suam vendere: Siquidem fundus Sempronianus totus primi fuisset, mandatum non confiteret, quia rei suae non est emptio. *L. suae. 16. D. de contrab. emptio.* Sed cum primus aliorum partes emerit, suam quoque debet Titio vendere. Sed quo pretio? distinguit Neratius in *L. si fundum. 39. D. de mandat.* utrū Titius certō pretiō fundum sibi emi mandaverit, vel nulum pretium constituerit. Priore casu, quantumcumque primus partes secundi, & tertii emerit, non debere partem primi quantitatem mandatō expressam abundare, sive excedere: finge, Titium mandasse primo, ut fundum Sempronianum centum emeret, & primum emisit partem secundi quadraginta, partem tertii aliis quadraginta, primus tantū viginti partem suam vendere poterit: Quin etiam si primus partes secundi, & tertii centum emerit, nihil à Titio pro parte sua recepturus sit. Posteriore casu, si Titius in mandato nullum pretium constituerit, primus debebit partem suam arbitratu viri boni vendere: ita autem virum bonum arbitrari debere, Javolenus existimat in *L. ita ut. 36. D. eod. tit. mandat.* ut majores summas, & minores coacervet. Finge, primum emisit partem secundi minore pretiō, puta viginti, emisit partem tertii majore pretiō, puta triginta, non aestimabitur pars primi minore pretiō, quo pars secundi emptā est, neque majore pretiō, quo pars tertii emptā est; sed coacervatis duabus summis, diuidium, id est, viginti quinque primus pro portione sua consequetur. Sed si Titius mandatō certum pretium expresserit, puta, ut primus fundum Sempronianum centum emeret; & primus commodē negotium gesserit, partesque secundi, & tertii exiguo pretiō emerit, puta quadraginta: videretur primum, id, quod reliquum est, pro parte sua consequi debere, id est, sexaginta; veluti cum majore pretio

Par. I.

Dd

tiq

tiō partes aliorum emerit, minus, aut etiam nihil pro parte sua confequitur. Javolenus tamen ait, partem primi tanti aestimari debere, quanti ipsius interest, dummodò intra summam mandatò comprehensam; non tantum habebit primus pretium verum partis suae, sed & id, quod interest, quod quandoque pretium egreditur. *L. 1. D. de act. empt.* Licet igitur secundus, & tertius exiguo pretiō partes suas vendiderint, coacti fortè propter rei familiaris inopiam, vel aeris alieni necessitatem, primus ad id dispendium non deducetur, ut eodem pretiō partem suam vendere teneatur: sed nec primus ex eo lucrum sentiet, quod viliori pretiō partes secundi, & tertii emerit, ut pretium pro parte ipsius augeatur, cum mandatum debeat esse gratuitum. *L. 1. §. ult. D. mandat. L. naturalis. 3. §. sed si facio. D. de praescript. verb.* Neque debet primus partem suam magni aestimando venditionem impedire; licet Titium eo animò affectum esse cognoverit, ut majore pretiō fundum Sempronianum emptum vellet, quàm mandatò expresserat, puta, plus centum nummis. Quod si Titius fundum plurium dominorum emi à primo mandaverit, & mandato adjecerit, se non aliter mandati teneri velle, quàm si omnium partes emisset: si primus partem secundi emerit, & partem tertii emere non potuerit, primus partem emptam suò periculò, atque invito retinebit; si partem habeat in fundo, live non: quamvis enim ex mandato nemo damnum sentire debeat, *L. si mandatur. 15. D. mandat.* tamen primus antequam mandatum susciperet, explorare debuit, an omnium partes emere posset. Ac veluti primus damnum sentiet, cum Titius totum fundum emi mandaverit, puta, si nihil pro parte sua consequatur, d. *L. 35. D. eod.* ita & hoc damnum subire debet, cum partem emerit. At si Titius hanc conditionem mandato non adjecerit, & primus partem secundi emerit, partem tertii emere non potuerit; inter Titium, & primum erit invicem mandati actio. Titius directâ actione agere poterit, ut primus partem, quam habet in fundo, vendat, aut etiam partem à secundo emptam tradat: primus contrariâ actione pretium partis emptae, & suae, & quod interest, consequetur. *L. si veri. 12. §. si mihi. 9. D. eod. tit. mandat.* Ita loci isti discussò per expositionem obscuritatis nubibùs, faciliè elucescunt; idque in similibus factò opus est.

Quaedam ad L. 2. C. de rescindend. vendition. Illius beneficium respicit venditorem, non emptorem.

C A P U T XVI.

ANTE *leg. 2. C. de rescindend. vendition.* si venditor minori pretiō, quàm debuerat, rem vendidisset, eo nomine habebat actionem, ut rectè colligitur ex *L. 2. D. deposit.* Lucius Seneca *lib. 6. de benefic. cap. 15. Quaedam* (inquit) *pluris sunt, quàm venierunt, & ob hoc aliquid mihi extra pro*

nomine usucapere posse, nisi cum quo testamenti factio est. Quasi aliis titulis posset usucapere, puta, pro emptore, pro soluto, pro donato. Nonnullis peregrinis dabatur commercium, id est, *iur vendendi, emendique invicem*, Ulpianus *lib. sing. tit. 19. de domin. & acquisit. rer.* inter quos mancipatio locum habebat, eoque genere alienationis dominia rerum acquirebant: consequens igitur videtur fuisse, ut per usucapionem quoque acquirerent. Sed quia cum iis non erat testamenti factio, titulo pro herede, aut pro legato, usucapere non poterant. Javolenus rationem subjicit, *quia ea possessio ex jure testamenti profisciscitur*, non ex jure commercii, ut alii tituli usucapionum, puta, pro emptore, pro soluto, pro donato. Titulo etiam pro dote peregrinos usucapere potuisse non dubito, quibus concessum esset jus connubii. Ulpianus *lib. sing. tit. 5. de his, qui in potestat. sunt.* Peregrini vero omnes licet non caperent ex testamentis, legata, fideicommissa, mortis causa capiebant: quia id, quod implendae conditionis causa datur, testamenti nomine non capitur. *L. Maevius. 55. D. de condit. & demonstr.* neque ex bonis mortui profisciscitur, *L. quod mortis. 36. D. de mort. caus. donat.* Obiitaret valde *L. omnibus. 9. D. eod.* nisi ad donationes mortis causa referatur, (quae sunt instar legatorum) non ad mortis causa capiones.

Differentia inter prohibitionem legis, quae prohibet venditionem ratione rei, vel ratione personae: species L. cum lex. 46. D. de fidejussorib. & mandatorib.

C A P U T XVIII.

LEGE prohibetur venditio, & alienatio, vel ratione rei, vel ratione personae; ratione rei, puta, fundi dotalis, quem lex Julia alienari prohibet, *L. 4. D. de fund. dotal. L. ultim. C. de reb. alien. non alienand.* vel ratione personae, puta, cum prodigo ex lege *xii. tabular.* rerum suarum administratione interdicatur. *L. is, cui. 18. D. qui testam. fac. poss. L. 6. D. de verbor. obligat.* Species autem *L. cum lex. 46. D. de fidejussorib.* constituenda est, cum ratione personae venditio prohibetur: finge, prodigum, cui bonis interdictum erat, rem suam vendidisse, & fidejussorem dedisse evictionis; haec satisfactio necessaria non est, sed nuda repromissio sufficit, nisi ita convenerit. *L. 4. & L. emptori. 37. D. de evictionib.* Itaque videretur ita convenerisse, & ideo fidejussorem intervenisse, ut magis venditio firmaretur, utque emptor evictò fundò agere posset adversus fidejussorem, qui adversus prodigum agere non poterat. Javolenus tamen ait in *d. L. 46. D. de fidejussorib. & mandatorib.* fidejussorem liberari, neque ex hac causa teneri: quia sic ad reum emptor perveniret, id est, regressus daretur fide-

fidejussori adversus prodigum; & ut reus emptori non potest obligari, ita nec fidejussor, qui pro eo intervenit. d. L. 6. D. de verbor. oblig. Aliud fortè dicendum est, quando lex prohibet venditionem ratione rei, puta, fundi dotalis; si enim maritus fundum dotalem vendiderit, aut si curator rem minoris sine decreto alienaverit, L. 2. C. de fidejussorib. minor. L. & si is. 9. C. de praed. & al. reb. minor. mariti, & curatoris fidejussores evictionis nomine conveniri possunt. Sed & si prodigus aliàs esset obligatus, vel ex re, vel ex delicto, & fidejussor pro eo jam obligato interveniret, fidejussori non subveniretur. L. Marcellus. 25. D. de fidejussorib. & mandat. licèt fidejussor adversus prodigum non habeat mandati actionem.

Quomodo dos perfectitia, sive adventitia, quae functa est, iterum fungatur redintegratio matrimonii. Ad Ulpianum tit. 6. de dotibus.

C A P U T XIX.

VEL pater mulieris dotem dedit filiae, vel extraneus, vel mulier ipsa. Si quidem pater dederit, & vivò adhuc patre solutum fuerit matrimonium, muliere ad eundem maritum reversà absque consensu patris, in cujus est potestate, matrimonium non redintegratur, L. nuptiae. 18. D. de rit. nuptiar. nec dos perfectitia, L. si ut proponis. 7. C. de nupt. neque adventitia, cujus pater repetitionem habet adjunctà filiae personà, Ulpianus lib. sing. regul. tit. 6. de dotib. At si pater redintegrandis nuptiis filiae consenserit, dotem tacitè redintegrari crederem ex officio patris in filiam, sive dotem dederit absque stipulatione, sive eam sibi reddi stipulatus fuerit. Mortuò patre si filia diverterit, & ad priorem maritum revertatur, dos perfectitia redintegrabitur; & dos etiam adventitia, quam extraneus sibi reddi stipulatus non fuerit: quia mulier sui juris facta, ipsa dotis repetitionem habet. Ulpianus d. tit. 6. Verùm cum extraneus dotem sibi reddi receperit, divortio factò, & commissà stipulatione, vel aliter natà actione reddendae dotis, licèt matrimonium redintegratum fuerit, dos receptitia non redintegratur, L. in insulam. 42. §. ult. D. solut. matrim. Nili & nuptiis iterum consenserit, & id dotis esse, quod prius dederat. L. stipulatio. 63. D. de jur. dot. L. cum maritus. 29. §. Titius. D. de pact. dotalib. Si mulier ipsa dotem dederit, vel alius jussu, permissu mulieris, redintegratio matrimonii, dos redintegratur omnimodò. L. Divus. 40. & L. post divortium. 64. D. de jur. dot. Quin etiam si iudicium rei uxoriae contestatum fuerit, ipso jure dissolvitur, L. si mulier. 19. D. solut. matrim. propter exceptionem, quae inest bonae fidei iudicio: vel si actione ex stipulatu agere velit, exceptione doli mali repellatur, L. si mulier. 13. D. de jur. dot. ex lib. sing. Modestini de differentia dotis, ubi probabile est, Modestini.

delinium istas omnes differentias dotis attingit; & si fragmenta alia exarent, facile innotesceret.

De libertate, quae domini voluntate competebat, deque manumissione per mensam. Locus Suetonii, Tertulliani, Juvenalis, & fortasse D. Lucae exponitur.

C A P U T XX.

QUI domini voluntate morabantur in libertate, jam olim *serviendi metu* dimittebantur, & si dominus eos in servitutem retrahere vellet, interveniebat Praetor, & non patiebatur manumissum servire, postea lege Junia propriam libertatem habuerunt, ut est in fragmento veteris Juris-consulti relato apud Dositheum magistrum. Tales erant manumissi inter amicos, per epistolam, per mensam, vel si aliâs domini voluntate fuissent in libertate. Suetonius in *lib. de Claris Rhetoribus cap. 1. Venalitii quum Brandusii gregem venditum à navi educerent, formoso & pretioso puero, quod portitores vorebantur, bullam, & praetextam togam imposuere, facile fallaciam celarunt. Romam venit, res cognita est: petitur puer, quod domini voluntate fuerit liber, in libertatem. Id est, petebatur, & asserabatur puer è servitute in libertatem, quod domini voluntate liber fuisset, cum & bullam, & praetextam ingenuorum togam imposuisset: quod Interpretes non intellexit. Ita si dominus servum mensae, aut convivio adhibuisset, servus fietat liber, & erat per mensam manumissus. Gajus in *fragment. insit. Theophilus in §. ultim. insit. de libertin.* Vulgò ad eam speciem manumissionis malè haec verba Tertulliani referunt *lib. de resurrectione carnis, cap. 57. Si famulum tuum libertate mutaveris, quia eadem caro, atque anima permanebunt, quae flagellis, & compedibus, & stigmatibus obnoxiae retrò fuerant, idcirco eadem pati oportebit? non opinor. Atquin vestis albae nitore, & annuli aurei honore, & patroni nomine, ac tribu, mensaque honoratur.* Nam loquitur de manumissione vindictâ, non de manumissione per mensam. In manumissione vindictâ multa solennia servabantur, circuitu, circumactus, sive vertigo, vestis albae indumentum, ut ostendimus *lib. 3. observat. cap. 3.* In manumissione per mensam tantum dominus servum mensae adhibebat, & id dicitur *Blon, i. e. propter libertatis dationem*, ut Theophilus. Manumissus vindictâ Romanam, justamque libertatem; manumissus per mensam, tantum Latinam consequebatur. Verum ad eam speciem manumissionis respicere voluit Juvenalis *sat. 5. v. 172. seq.**

- - - nec dura timebis

Flagra pati, his epulis, & tali dignus amico.

Id est, cum inter amicos, per mensam sis manumissus, non timebis deinceps flagra pati, namque ita manumissi *serviendi metu dimittebantur*, ut in fragmento Dosithei. Ad eam quoque D. Lucas fortè respexit, *cap. 12. Beati servi illi, quos, quum venerit dominus, invenerit vigilantes; amen dico vobis, quod praeceget se, & facies discumbere illos, & transiens ministrabit illis.* Interpres acerrimi ingenii Maldonatus agnoscit, parabolam sumi ex rebus usitatis; nec tamen usitatum esse, ut domini servis discumbentibus ministrarent. Et quidem ubi domini servos libertatis dandae gratiâ mensae adhibebant, non putò servis ministrasse, sed servos cum ipsis dominis adfuisse. Alium igitur morem usitatum D. Lucas attingere voluit, quem Macrobius refert *lib. 1. saturnal. cap. 12.* mense Martio: *Servi coenas opponebant matronae, ut domini saturnalibus: illae, ut principio anni ad praeceptum obsequium honore servos invitarent, bi quia gratiam perfecti operis exsolverent.* Idemque Athenaeus *lib. 14. δειπνοποισιῶν.* Pleraque alia ex moribus Romanorum in novo testamento referuntur, cum jam à multo tempore Romani inter Judaeos versarentur, iisque Romanorum mores noti essent: ut quod sequitur *d. cap. 12. Lucae de demonio, & servo actore universis domini bonis praeposito.*

Species L. filium, quem. 24. C. fam. eriscund.

C A P U T XXI

NON me latet, quàm multi haud ita pridem in hac constitutione Imp. sese divexarint, & aliquam ex vorborum obscuritate lucem educere tentaverint; & tamen ad eam venio fortè non asynbolus: singe, pater quatuor filios heredes instituerat, Primum, Secundum, Tertium, Quartum. Primo fundum praelegaverat, eundemque Primum rogaverat sub conditione quadam *restituere portionem hereditatis fratribus*, iisdemque coheredibus, Secundo, Tertio, Quarto, & *quibusdam aliis*, puta, Titio, & Maevio, nec fratribus, nec coheredibus: ut ita constituatur species, suadent verba illa *fratribus, & quibusdam aliis*, item illa *coheredibus, & ceteris*, quasi fratres fuerint coheredes; quidam alii, quos deinde vocant ceteros, non fuerint coheredes: singe praeterea, eventum conditionis extitisse, & Primum portionem hereditatis debere restituere. Primus hereditariam partem praedii sibi praelegati in quartae ratione retinere potuit, quod ex his verbis colligitur, *hereditaria parte praedii in quartae ratione retentâ*, & ex *L. Titia. 86. D. ad leg. Falcid.* ubi rogatus portionem hereditatis restituere, praelegata integra retinere potest; sic & Primus in specie istius legis hereditariam partem praedii sibi praelegati in quartae ratione retinere potuit: quae pars hereditaria, tam à coheredibus, quàm à ceteris retinetor, id est, qui non sunt heredes instituti, quibus tamen primus portionem hereditatis restituere debet. At dum vult Primus hereditariam

par-

partem praedii sibi praelegati in quartae ratione retinere, tam à coheredibus, quam à ceteris, debet compensare, quod à coheredibus vice mutuâ percepit, & si quid deest, in *supplementum deducere*, quod à ceteris in eo fundo solvitur, hoc est Maevio & Titio, qui non sunt heredes instituti. Ratio illius compensationis est, quod si Primus à Secundo, Tertio & Quarto coheredibus vellet quartam retinere, debet compensare, quod ab illis vice mutuâ percepit in fundo praelegato. At veluti id, quod à coherede legatorum nomine percipitur, non solet legatariis proficere, quominus Falcidiam patiantur, L. Nefemius. 22. D. eod. tit. ad legem Falcid. Ita & quod hic Primus à coheredibus, Secundo, Tertio, Quarto, vice mutuâ percipit, & compenfat, non potest Titio & Maevio proficere, quominus ab illis quartae rationem Primus ineat: sed compensatione factâ ejus, quod à coheredibus Primus percepit, si quid deest ad quartam, in *supplementum deducit*, sive supplet, ex eo, quod à ceteris in eo fundo solvitur, puta Maevio, & Titio, à quibus simul, ut à coheredibus hereditariam partem praedii retineri constituimus: finge, hereditatem fuisse quadringentorum, cum essent quatuor fratres heredes instituti, portio primi fuit centum, & Falcidia ratio viginti quinque: finge praeterea, fundum primo praelegatum fuisse centum, pars hereditaria ejusdem praedii fuit viginti quinque, quia jure legati tres alias partes fundi à coheredibus Primus percipit; dum Primus retinet hanc partem hereditariam fundi praelegati, puta viginti quinque, retinet quindecim à Secundo, Tertio, Quarto coheredibus, decem à Maevio & Titio, quibus rogatus est simul ut coheredibus portionem hereditatis restituere, sed debet Primus compensare illa quindecim cum heredibus, ut nihil ab eis retineat, à ceteris vero decem retinere, & in supplementum deducere potest, quod ad quartam deest; & si hac compensatione factâ, Primus quod supra quartam portionis habeat ex hereditaria parte praedii retenta, id iudicio familiae excusandae reddere compellitur, puta, dum totam hereditariam partem praedii retinet, quae est viginti quinque, & tantum decem à Titio & Maevio retinere potest, quia quindecim alia debet compensare cum coheredibus, haec quindecim *supra quartam habens reddere compellitur*. Aliam speciem ex Arnolfo Ferrerio relata penficulata constitutionis verba non patiuntur; quod enim ille fingit, Primum rogatum fuisse portionem hereditatis restituere non omnibus coheredibus, sed quosdam omisos fuisse; id nequaquam convenit, imò potius fingendum est, Primum fuisse rogatum restituere portionem hereditatis fratribus, iisdemque coheredibus, & quibusdam aliis, id est, non coheredibus. Quod praeterea ait, Primum hereditariam partem praedii imputare in quartam, verum est; sed aliud sonant verba illa *hereditaria parte praedii in quartae ratione retenta*: scilicet, Primum dum quartae rationem inire vellet, hereditariam partem praedii retinuisse. Denique quod ait, Primum supra quartam, habere partem fundi praelegati, quam accipit à coheredibus, quibus nihil rogatus est restituere: verba ista sic interpretanda, *supra quartam habens reddere compellitur*, ad alium sensum transferuntur, ut Primus dum hereditariam partem praedii retinet; si compen-

penfatione facta ejus, quod à coheredibus vice mutua percepit, aliquid supra quartam habeat, reddere compellatur.

Retineri poffe claufulam L. Lucius. 45. D. de vulg. & pupill. fubftit. quae abeft Pandectis Florentinis. Ratio differentiae inter pupillarem fubftitutionem, quae fub expreffa vulgari, & eam, quae fub reciproca continetur.

C A P U T XXII.

IN plerisque locis lectionem Florentinam, ut certiore, tueri contendimus. Merito tamen claufula *L. Lucius. 45. D. de vulg. & pupill. fubftit.* quae abeft libris Florentinis, retineri potest. *Aliter si ejusdem aetatis liberi instituti, invicemque fubftituti fuiffent; tunc enim altero defuncto intra pubertatem, ejus fuffeffio non ad matrem, fed ad fubftitutum devolvitur.* Pupillaris fubftitutio tacita, quae continetur fub expreffa vulgari, matrem non excludit à fuffeffione filii, five paganus, five miles fubftituerit. *L. precibus. 8. C. de impub. & al. fubftit. L. ultim. C. de inftit. & fuffeffiunt.* fed tamen pupillaris fubftitutio, quae continetur fub reciproca, matrem excludit. d. *L. Lucius.* Ratio differentiae haec eft, cum teftator in fubftitutione unum cafum exprefferit, five cafum vulgaris fubftitutionis, favore matris non trahitur, ad cafum pupillaris fubftitutionis, nec fit interpretatio tacitae fubftitutionis adversus matrem. Verum in formula reciprocae fubftitutionis, *eosque invicem fubftituo*, uterque cafus continetur: nam *fubftituo* commune verbum eft, tam ad vulgarem, quam ad pupillarem fubftitutionem. *L. 4. §. 2. D. de vulg. & pupill. fubftit.* Igitur pupillaris fubftitutio, quae fub reciproca continetur, magis expreffa eft, quam tacita, ut vulgaris; aut faltem neutra magis tacita, quam expreffa dici potest: & ex ea fubftitutione fubftitutus matri praefertur, quali teftator utrumque cafum exprefferit. Cum primus tantum cafus expreffus eft, id nocet fubftituto, ut in eum dumtaxat cafum admittatur: fecundus cafus non expreffus non nocet matri, ut à fuffeffione filii repellatur. In teftamenti expreffa nocent, non expreffa non nocent, *L. nonnunquam. 51. D. de conditionib. & demonftrationib.* At veluti in institutione poftumi cafus expreffus non trahitur ad alium; fed fi neuter cafus expreffus eft, in utrumque cafum poftumus institutus, vel exheredatus intelligitur, *L. commodiffime. 10. D. de liber. & poftum. L. 3. §. nominatim. D. de injuft. rupt. & irrit. fact. teft.* ita & in fubftitutione reciproca, cum nullus cafus expreffus eft, fubftitutus in utrumque admittitur, & eà, opinor, ratione prius obtinuerat in reciproca fubftitutione utrumque cafum contineri, ex constitutione D. Pii, quam in

Par. I.

E e

primo

ut ille in antiquis inscriptionibus Gruteri pag. 697. 9.

MEMORIAE.

M. NONI PLACIDI

V. A. XXVII. M. VIII. D. XIX.

AB ANNO AETATIS SUAE

XII. OCULIS PATENTIBUS

VIDIT

NIHIL.

Et hic quoque lusciosus dici poterit. Ulpianus in d. L. 10. §. 4. subji-
cit, luscionem eam esse quidam putant, ubi homo lumine adhibitis nihil
videt. Noni Marcellus, lusciosi, qui ad lucernam non vident: sed aliter
est lusciosus, qui vespere non videt, ut ex Varrone subjicit. Quare luscio-
solum Latini dixerunt, cuicumque acies oculorum, sive interdiu, sive
noctu, sive utroque tempore, sive ad lucernam hebetaretur. In §. ult.
d. L. 10. atypus is est, qui voces non format. gloss. vetus habebat *μυσ-
λας*, i. e. balbus. In L. 12. §. 2. D. eod. tit. gutturosus non est strumo-
sus, ut Basilica interpretatur; sed is, cui guttur eminet, vel protuberat:
strumolus morbosus est, gutturosus sanus, si natura talis sit; ut & is,
qui oculos eminentes, seu protuberantes habet, sanus est. In Alpibus
plerique sunt naturâ gutturosi. Juvenalis Sat. 13. v. 162. seq.

Quis tumidum guttur miratur in Alpibus? aut quis

in Merœ crasso majorem insente manillam?

Idque propter aquas ex nive resolutas. Macrobius lib. 7. Saturnal. cap. 13.
Sciunt enim quot quantaque noxae epotâ nivis humore nascantur.

De Senatusconsulto Rubriano, Junciano, Dasumiano. Defenditur
Graecorum Interpretum lectio in L. si quis. 29. De de
fideicommiss. libertatib.

CAPUT XXIV.

NON temerè assentior Graecorum interpretationibus, quibus vis Lati-
ni sermonis, & potissimum verborum ad jus civile pertinentium
haud satis perspecta fuit; tamen ratio facit, ut in L. si quis. 29. D. de
fideicommiss. libertatib. eorum lectionem tueri malim, omnimodò enim ei
libertas servatur, non ut in Pandectis Florentinis ei libertas servetur.
Rubrianum Senatusconsultum pertinet ad servos hereditarios, quibus li-
bertas per fideicommissum relicta est; Juncianum ad servos non heredita-
rios, quibus libertas quoque fideicommissò relicta est. L. cum vero. 26. §.
subventum est. 7. & L. si eum servum. 28. §. si quis. 4. D. de fideicom-
miss. libertatib. In Senatusconsulto Rubriano, his verbis, si adesse nolueris,
quaeritur causa absentiae, justane an injusta sit: si injusta sit, servus qui-
dem manumittitur, sed qui manumittere debuit, libertum perdit; si ju-

ita sit, libertum non perdit ex Senatusconsulto Dasumiano, *L. neque. 36. D. eod. tit. de fideicommiss. libertat.* In Senatusconsulto Junciano his verbis, *si adesse negabitur*, non quaeritur causa absentiae; nam sive ex iusta causa absit, sive latitet, sive praelens nolit manumittere, pro absente eum haberi D. Pius rescriptit *L. non saniam si. 51. §. 8. & 9. D. eod.* Si quidem emptor servi hereditarii latitet, perdit libertum ex Senatusconsulto Rubriano d. L. 28. in princip. Emptor autem servi non hereditarii manumittere cogitur, sive latitet, sive absit; at libertum non perdit ex Senatusconsulto Junciano: quia ex eo Senatusconsulto perinde manumissus intelligitur, ac si ex fideicommissio manumissus esset. Igitur post legem 28. referenda est d. L. 29. *de fideicommiss. libertat.* ad Senatusconsultum Juncianum, in quo non distinguitur, iusta, an injusta causa absit emptor servi non hereditarii: *omnimodò enim ei libertus servatur*, id est, quacunque ex causa abfuerit, libertus ei servari dicitur; ut aliàs libertus enpi d. L. *neque. 36.* Alia verò lectio retineri non potest, *omnimodò enim ei libertas servetur*. Nam neque Senatusconsultò Rubriano, neque Dasumiano quaeritur causa absentiae, ut libertas servetur, quae omnimodò competit, sive iustè, sive injustè absit, qui debet manumittere; sed tantum ut libertus servetur ei, qui abest, & manumittere debuit. Id ex Senatusconsulto Junciano non quaeritur; & propterea sive ex iusta, sive injusta causa absit emptor servi non hereditarii, *omnimodò ei libertus servatur*. Et quia emptor ex eodem Senatusconsulto cogitur servum manumittere, pliusquam certum est, ei libertatem servari.

Unde venditio, & locatio per averfionem dicta fit.

C A P U T XXV.

VENDITIO *per averfionem fit*, (sic enim legendum est, non *per ad-averfionem*) veluti cum vina, quae sunt in horreis, vel apothecis, uno pretio veneunt; non in singulas amphoras, aut singula dolia. *L. 4. §. 1. D. de pericul. & commod. rei vendit.* Ita etiam locatio fit *per averfionem*, cum quis uno pretio totam navem conducit; non in singulos vectores, aut singula mercium pondera, aut singulas amphoras. *L. 1. §. exercitorem. 15. D. de exercitor. act. L. 1. §. ultim. D. de leg. Rbod. de jact.* vel cum quis uno pretio opus faciendum suscipit, non in singulos pedes, aut mensuras, aut singulas operas. *L. opus. 26. D. locat.* Et de re quidem satis constat; sed ratio nominis anceps, & dubia. aliis aliam comminifcentibus: plerisque, & potioribus eam placuisse video, venditionem per averfionem dici, quòd quasi averfi, & negligentes ita vendant; & negotium ita contrahatur, re neque perspectà bene, neque exploratà. *Haud alio promovere lapsu, quàm ubi falsae rei gravis auctor existit*, ut Plinius loquebatur. Venditio per averfionem potius dicta videretur, quòd
in

in hujusmodi venditione emptores res universas auferant, abstrahant. Porphy. ad Horatium lib. 2. *Sermion. sat. 4. v. 37.*

Nec satis est carâ pisces avertere mensâ.

Avertere, abstrahere, auferre. & hoc etiam locationi convenit: nam qui navem conducit per averfionem, eam uno pretio auferit, & abstrahit; & qui opus faciendum locat per averfionem, opus illud uno quoque pretio abstrahit.

Si familia furtum, injuriamve fecerit, damnum dederit, album corruperit, an sit unum factum, vel plura.

C A P U T XXVI.

CUM familia furtum fecit, Praetor dat facultatem domino, ut aut singulos servos noxae dedat; aut pro omnibus tantum praestet, quantum liber homo praestaret, si furtum fecisset: quam facultatem Ulpianus porrexit ad actionem legis Aquiliae, si familia damnum culpâ dederit. *L. 1. §. si plures. D. si famil. furt. fecisse dicat. & Gajus L. illud. 31. D. ad L. Aquil.* Et tamen si familia album Praetoris corruperit, omnes servi tenentur, neque domino succurritur. *L. 9. D. de jurisdiction.* Idem est, si familia injuriam fecerit, *L. si plures. 34. D. de injur.* Cur hoc tam variè? & quare beneficium edicti Praetorii de furtis non extenditur ad injuriarum, vel aibi corrupti actionem? Ratio differentiae petenda est ex edicto de furtis, quo Praetor domino succurrere voluit, ne totum ipsius patrimonium everteretur, si pro singulis servis, qui furtum fecissent, litis aestimationem suferre, aut singulos noxae dedere cogere-tur. Igitur dedit facultatem, ut tantum dominus pro familia praestaret, quantum liber homo, si furtum fecisset. Eademque ratio obtinet, si familia damnum dederit; nam satis est ei, qui furtum aut damnum passus est, furtum aut damnum sarciri. At cum familia album corruptum, injuriam fecit, singuli quidem teantur, sed aliter domino succurritur; non enim tenetur noxae dedere, aut pro singulis litis aestimationem suferre: sufficit servos verberandos exhibere, ut ita ei, qui injuriam passus est, satisfiat, *L. sed si unus. 17. §. cum servus. D. de injur.* scilicet de corio servorum, ut loquitur M. Seneca *suasoriâ ultim.* *Afferri protinus flagra jussit, ac Ciceroni, ut oportuit, de corio Caestii satisfecit.* Ita etiam si familia album corruperit, non est necesse domino servos defendere, sed Praetori verberandos exhibere, ut in corpus torqueantur. *L. 7. §. in servos. D. de jurisdict.* Si igitur familia album corruperit, injuriam fecerit, plura facta esse intelliguntur; & tot sunt injuriae, quot personae injuriam facientium; nec unum factum intelligitur, ut in furto, quia cessat ratio edicti, si familia furtum fecisse dicatur: quavis enim servi singuli, qui majestatem Praetoris albô corrupto contempserint, aut pri-
vato

vato injuriam fecerint, in corpus torqueantur, patrimonium domini non evertitur, cui servi caesi, verberative postea redduntur. *L. capitalium. 28. §. servi. 4. D. de poen.* Et haec quidem ratio differentiae afferri potest. Verum indissimulabile est, quàm auctores variè de ea re senserint: Paulus plura facta esse ait, cum plures servi injuriam fecerint, vel damnum dederint. *d. l. 9. D. de jurisdiction.* Gajus unum esse factum, si damnum dederint, & quasi unum factum puniri debere, *d. l. illud. 32. D. ad leg. Aquil.* sed plura facta intelligi debere, cum plures injuriam fecerint. *d. l. si plures. 34. D. de injur.*

Ratio abstrusa in L. si emptori. 30. D. de evictionib. ex aliarum legum collatione deprehenditur, & locus in eadem obscurus exponitur.

C A P U T XXVII.

MIRUM quantum saepe proficiat fragmenta legum ex iisdem libris simul componi; nam vix aliter earum sententiam possis exsculpere, ut in *L. si emptori. 30. D. de evictionib.* finge, Titius emerat servum à Maevio, quem furtis, noxisque solutum esse promiserat: servus furtum fecerat Sempronio, Titius agere potuit ex stipulatu adversus Maevium venditorem, & Sempronius noxali actione furti adversus eundem Maevium. Sed Titius deinde Sempronium heredem instituit, & fuit dominus servi, qui antea sibi furtum fecerat, ait Pomponius, Sempronio heredi Titii emptoris actionem ex stipulatu competere adversus Maevium venditorem. Ratio dubitationis satis abstrusa, an Sempronius ex stipulatu actionem haberet, quod servus noxâ solutus videtur, cujus nomine Sempronius agere non possit secundum regulam ab antiquis traditam, cujus hominis gratiâ nondum furti actionem quis suscipere compellitur, ejusdem nomine adversus alium furti actionem non habet, *L. penult. C. de furt.* cujus regulae sententia subest in *L. cum servus. 40. D. de noxalib. action. l. sed si nuns. 17. §. si servus. 9. D. de injur. l. si jussu. 44. §. 1. D. de furt.* jungenda est cum *d. l. 30. D. de evictionib. ex eodem lib. 19. Pomponii ad Sabinum.* Sempronius heres Titii jam ab aliis conveniri potuit noxali actione, servi nomine: ille igitur noxali actione furti adversus Maevium agere non potuit. Verum quia commissâ fuerat stipulatio ex persona Titii, qui agere potuit ex stipulatu adversus Maevium; & commissâ semel stipulatio non amittitur, *L. evicta. 16. §. si servus. D. de evictionib.* ita Sempronius heres Titii incipit ex stipulatu actionem habere adversus Maevium. Sanè id, quod subjicit Pomponius in *d. l. 30. D. de evictionib. quemadmodum si ipse alii praestitisset*, obscurum est; nec enim referri debet (ut vulgò existimarunt) ad Sempronium heredem Titii, sed ad Titium emptorem: ut sit ea ratio, ideo Sempronio actionem ex stipulatu competere, quod teneretur ex stipulatu, si Titius ipse, cui heres extitit, servum aliis furtis, noxisque solu-

tum

tum praestitisset: & ut in eum daretur actio, ita & ei dari debeat. Proximam est, quod Pomponius eod. lib. 19. ad Sabinum scripserat, actionem legis Aquiliae transire in heredem, si eo tempore rebus hereditariis damnum datum fuerit, quo nondum hereditatem adiverat. L. ob id. 43. D. ad leg. Aquil.

A sententia arbitri compromissarii appellari non potest, neque arbiter multae dictionem habet.

C A P U T XXVIII.

QUIDAM arbitri sunt in judiciis flagitati, quidam sponte electi, ut loquitur L. 3. C. Theodos. de execut. & exactionib. In judiciis flagitati, id est, qui postulantur à magistratibus in plerisque litium articulis; veluti ad fideiussores probandos, L. arbitro. 9. D. qui satisd. cogant. ad discutiendas rationes servorum, tutorum, ineundam legis Falcidiae computationem, L. 2. C. de usur. & fructib. legator. ad distrahenda bona, quae sunt tempore peritura. L. si magistratus. 27. D. de reb. auctorit. judic. possid. Alii sunt arbitri sponte electi, id est, ex compromisso sumpti, Hi, & illi judicum nomen obtinent; nam & lex Julia, quae de aetate judicum lata est, ad arbitros pertinet, L. cum lege. 41. D. de recept. qui arbit. receper. & compromissum judicium imitatur. L. 1. C. de arbit. Verum ab arbitris, qui dantur à magistratibus, perinde atque à iudicibus datis appellare licet. d. L. 9. D. qui satisd. cogant. & si enim referenda videretur ad tit. D. de recept. qui arbit. receper. si conferas L. 6. 20. 35. D. eod. tit. de recept. ex eodem lib. 5. Gaji ad edictum provinciale; ea tamen pertinet ad arbitrum datum à magistratu, à quo licet appellare, licet flagitatus fuerit, & ex consensu litigantium datus, L. ex consensu. 23. D. de appellationib. Ab arbitro compromissario non licet appellare. L. non distinguemus. 32. §. cum quidam. 14. D. de recept. qui arbit. receperunt. Lucianus in abdicato: in re ad nos inq. γρηγορου τὸν ζετον, διδόναι ὁ νόμος ἐν τοῖς ἰσθμίοις διακρίνει. ἢ ὅτι πρὸς ἑαυτὸν ἀντὶ τοῦ αὐτοῦ διακρίνει, ἢ ὅτι ἀποδοσέως ἐκτελέσει διακρίνει, ἢ ἄλλῃ. i. e. si quis injustam putet latam esse sententiam, permittit lex, ut is alios adeat iudices: si qui vero suam sponte iudices constituerint, delictisque arbitris causam commiserint, posthac non idem licet. Neque etiam arbiter ex compromisso sumptus multae dicendae jus habet adversus contumacem: puta, si quis litigatoribus die ex compromisso dictam non adfuerit, solis magistratibus populi Rom. multam dicere permissum est, L. 2. D. si quis in jus vocat. non ierit, L. 2. in fin. D. de judic. non magistratibus municipalibus, ut akhi ostendimus, nec etiam arbitris. Male verò tenet Constantinus Harmenopulos, & Scholiastes ipsius lib. 2. epitomes. tit. 4. §. 83. arbitros ex lege posse multam dicere; puta, ex L. non

ex omnibus. §. 1. D. de recept. qui arbit. receper. Contumaciam litigatoris arbit. punire poterit, pecuniam eum adversario dare iubent. Ita intelligit Harimenopolus, sic arbitrum punire posse contumacem, ut ei pecunia iam multam inferat. Alia mens est Javoleni, sic punire posse, ut eum pecuniam, de qua agitur, quaeque apud arbitrum petitur, adversario dare iubeat; aut nisi dederit, poena compromissio adjecta committatur. Praeterea quod est in d. L. 2. D. de judic. quibusdam multa dicendae jus specialiter permissum esse, haudquaquam pertinet ad arbitros; sed alios, puta, Praefides Provinciarum, quibus specialiter multae dicendae jus concessum est, licet non sint P. R. magistratus. L. aliud fraus est. 131. D. de verbor. significat.

Jus gladii omnimodam coercitionem continet. Praefides universarum, non singularum Provinciarum jus gladii habuerunt.

C A P V T XXIX.

In quibus imperium dabatur à Senatu, & summa potestas, omnimodam habebant coercitionem. Salustius in *conjurat. Catilin.* Ea potestas per Senatum more Romanis maxima permittitur, exercitum parare, bellum gerere, coercere omnibus modis socios, atque cives; domi, militiaeque summum imperium, atque judicium summum habere. Ita cum Augustus Legatis suis jus gladii dedit, quod est summa potestas, quodque per eminentiam Potestas appellatur, L. 3. D. de jurisdiction. eos omnimodam coercitionem habuisse non immerito quis existimet: aut si temporibus Augusti jus gladii omnem animadversionem non continebat, saltem posterioribus temporibus continuisse dicendum est. Quod & lib. 1. *Pirbanon* probat doctissimus Senatus Tolosani Praefes, & lumen maximum Philippus Berterius Montrabius J. C. in *maximus*. Non movet, quod Praefides Provinciarum, qui iidem sunt, ac Legati Caesaris, non habuerunt jus deportandi. L. 1. §. 3. D. de legat. 3. L. 2. D. de poen. L. 6. D. de interdict. & relegat. Nam Dio Cassius, qui Ulpiani aequalis fuit sub Severo lib. 53. refert, suo tempore divisas fuisse Provincias, quae olim integrae, & universae regebantur, atque ita Germania & Mylia divisae fuerunt, L. 3. D. de offic. adfessor. Sardinia & Corsica, Rufus Festus in *Breviario: juncta administratio harum insularum fuerat, post suos quaeque Praetores habuit, nunc singulae à Praefidibus reguntur*. Divisae igitur Provinciis Ulpiani tempore, Praefides unius Provinciae neque jus gladii habuerunt, neque jus deportandi, neque jus confiscandi post L. unic. C. ne sine juss. Princip. cert. iudicib. neque etiam majorem animadversionem, L. ex Divi. 4. C. de locat. & conduct. id est jus animadvertendi, coercendi, vel atrociter verberandi, L. si quid.

si quid. 11. *D. de offic. Proconsul. & legat.* quia Praefides isti suberant aliorum dispositioni, *L. omnes.* 33. *C. de Episcop. & Cleric. L. posteriores.* 5. *C. de officio Rector. provinc. L. 2. C. de offic. praefect. Augustal.* puta Praefectis Praetorio, ut in *d. L. 4. C. de locat.* Non frustra Ulpianus in *L. 6. §. qui universas.* *D. de offic. Praesid.* Qui universas Provincias regunt, jus gladii habent, & in metallum dandi potestas eis permessa est. quasi soli Praefides jus gladii habuerint, qui universas Provincias, id est, Dioeceses Provinciarum administrarent, non illi, qui regerent singulas Provincias. Cassiodorus *lib. 7. variar.* dat gladium Comiti Provinciae, qui plures Provincias administrabat in formula Comitivae Provinciae, non Praelidi, qui unam regebat in formula Praesidatis. Justinianus administrationem Pontici tractus Vicario reciderat *Novell. 8. cap. 3.* sed cum universam administrationem restituit, jus etiam gladii concessit edicto Justiniani *8. cap. 2.* ut competentibus poenis fontes coerceret. Et ita Praefides, quibus jus gladii datum fuit, alias quoque coërcitiones habuerunt, atque etiam jus deportandi; nam his poenis quemque afficere possunt, quae aut vitam adimant, aut servitutem injungant, aut civitatem auferant, aut exilium, aut coërcitionem corporis contineant, *L. si quis. 6. §. ult. D. de poenis. vitam adimant,* ut gladii, *servitutem injungant,* vel datione in metallum civitatem auferant, *exiliurque contineant,* ut deportatione, quae exilium propriè est, *L. 2. D. de public. judic.* Jus quoque confiscandi habuerunt, nam cum vita adimitur, bona publicantur, *L. 1. D. de bon. damnator.* Impp. quidem posterioribus temporibus Provinciarum Rectoribus jus confiscandi ademerunt, licet gladii eos uti permiserint, *L. unic. C. Theodosian. ne sine jussu Principis certis judicib.* quod arguit, Praefides, qui jus gladii habebant, ad haec tempora jus quoque confiscandi habuisse.

Species L. omnia. 7. D. de rebus credit. si cert. petat. Inquiritur in quendam locum Philostrati.

C A P U T XXX.

In traditionibus rerum quodcumque pactum valere manifestum est. *L. in traditionibus. 48. D. de pact. ex lib. 3. Gaji ad leg. xii. tab.* In mancipationibus rerum quodcumque pactum etiam valuit propter illud legis xii. tabul. *uti lingua nuncupasset:* conditiones tamen inferi non poterant, quia mancipatio actus legitimus non recipiebat conditionem. *L. actus. 77. D. de regul. jur.* At numerationi pecuniae conditiones inferi possunt, *L. omnia. 9. D. de reb. credit.* sive expressae, sive tacitae. Si dictum fuerit, ut debitor reddat pecuniam, cum creditor petierit, videtur esse tacita conditio: ut non aliter debitor pecuniam reddere debeat, quam cum creditor petierit, veluti stipulatione ita concepta, decem cum petiero, dabis. *L. si*

Par. I.

Ff

de-

decem. 48. D. de verbor. obligat. quae iungenda est cum d. *L. 7. D. de rebus credit. ex eod. lib. 26. Ulpiani ad edictum*, sed magis stipulatio ista admonitionem quandam continet, quod celerius decem reddantur, quam conditionem; & ideo licet creditor decem non petierit, heres creditoris à debitor petere poterit. Expresae quoque conditiones numerationi pecuniae inseri possunt; & ita Varus foenerator apud Philostratum in *Polemon*, cum pecuniam foenebrem daret, eam conditionem apponebat, ut declamantem debitores audituri essent, καὶ εἰ διαγίγνηται παρ' αὐτῶν χρέματα, τὸ καὶ πολλοὺς ἀκούσας, ἀκούσας τε τὰς (ut legere voluit vir doctus in notis ad Pertium; mallem tamen, ut in optima editione, ἀκούσαντας) id est, debitores foeneratori imputasse ad usurarum solutionem, quid ipsum declamantem audissent, sive pro usuris pecuniae debitorum patientiam suam recitanti commodasse. Quomodo verò eā conditione adjectā numerationi pecuniae, ut debitores creditorem declamantem audire tenerentur; si non adfuissent, creditor adversus eos agere potuisset? in contractibus bonae fidei habetur ratio ejus, quod interest propter affectionem, *L. cum servus. 54. D. mandat.* non in contractibus iuricti juris. Et quomodo aestimari potuit, quantum interesset creditoris, debitores recitanti non adfuisse? nili fortè stipulationem poenalem adhibuisset, ex qua agi potest, etiam cum nihil interest. *L. stipulatio. 58. §. alteri. 17. D. de verbor. obligat.*

*Ratio differentiae inter actiones ex facto, & in factum
apud Ulpianum in L. actionum. 25. D. de obligationib. & actionib.*

C A P U T XXXI.

ULPIANUS *lib. sing. reg. in L. actionum. 25. D. de obligat. & action.* (quod fragmentum hodie non extat in Cod. Tiliano, ut nec quaedam alia ex *tir. 2. & tit. 6. collat. Moysaie.*) differentiam statuit inter actiones ex facto, & in factum, quae ex delictis oriuntur. Siquidem actiones ex facto sunt veluti injuriā, furtū, damnum dato; & ex facto quidem, quia *ex eo teneri quis incipit, quod ipse admisit*; puta, si quis injuriam, furtum fecerit, damnum dederit, delicta illa legibus vindicantur; furtum lege *xii. tabularum*, damnum lege *Aquilianā*, injuriā lege *Cornelianā*. Statim ex facto teneri incipit, nec si poeniteat talis facti, aut peccati, poenitentia suā nocens esse desinit. *L. qui eā mente. 65. D. de furt.* Verum non statim quis teneri incipit actionibus in factum, veluti si libertus abique venia Praetoris patronum in jus vocaverit, ex ipso facto non statim tenetur; sed ubi Praetor actionem dari oportere animadverterit, immo & si poeniteat

niteat libertum, actione in factum non tenetur. *L. quamvis. 11. D. de in jus vocand. delicta*, quorum nomine actiones dantur, velut ex furto, damno, injuriâ, statim ex facto committuntur, utpote adversus leges; aliae actiones poenales non ex legibus, sed ex jurisdictione Praetoris descendentes in factum concipiuntur, non ex facto: quia non statim quis illis actionibus teneri incipit, sed cum Praetor factum poenâ dignum esse animadverterit; ut in interdicto, ne vis fiat ei., qui in possessionem missus erit. *L. 1. §. si quis ideo. D. ne vis fiat ei.* Praeterea in actionibus ex facto poena certa est legibus statuta, *L. si qua. 244. D. de verbor. significat.* sed in actionibus in factum religioni judicantis aestimanda relinquitur, *L. ult. D. de extraordinar. cognitionib.* & quanti ea res est. *d. L. 1. §. haec verba. D. ne vis fiat ei.*

De variis differentiis legatorum ex jure antiquo.

C A P U T XXXII.

P LURIMAE erant olim differentiae in formulis, in actionibus, & jure legatorum. I. Legatum vindicationis actione in rem, & in personam peti poterat. *L. quod legatur. 24. D. de judic. L. hujusmodi. 84. §. ultim. & L. cum filius. 76. §. penult. D. de legat. 1. L. Marcius. 66. §. in fundo. 4. D. de legat. 2.* atque etiam actione ad exhibendum, si legatarius rem legatam dolo malo consumpsisset; si sine dolo malo, utili actione in factum ad exhibendum, quae competit, cum neque rem vindicare, neque ad exhibendum experiri possumus. *L. si heres. 63. D. eod.* Legatum damnationis tantum peti poterat actione ex testamento. *L. duos. 14. D. de usu, usufructu. & redit.* II. Postquam legatarius agnoverat legatum sibi per vindicationem relictum, & constituerat velle ad se pertinere, *L. eum, qui. 13. D. de condit. institut.* statim ipso jure, rectâ viâ, & sine ullo facto heredis ad legatarium transibat: atque dominium rei legatae nanciscebatur, *L. servo. 69. D. de legat. 1. L. 3. §. si rem. D. de legat. 3. L. à Titio. 64. D. de furt. ut nullô modò heres dominium habuisse videretur, L. sed si. 9. §. sed & creditor. D. de pecul.* Legatum per damnationem ab herede peti debuit. III. Legatò per vindicationem relictò non erat confusio servitutum, legatarius furti agere poterat. *L. si legatarius. 58. §. 1. D. de legat. 1.* Legatò per damnationem relictò confundebantur servitutes, *L. in omnibus. 18. D. de servitut.* neque legatarius furti habuit actionem. *L. is, cujus. 85. D. de furt.* IV. Ususfructus, aliaeque servitutes praediorum legatae per vindicationem constituebantur ipso jure, per damnationem factò heredis. *Paulus lib. 3. sentent. tit. de legat.* V. Ideoque servitute viae legata per vindicationem, legatarii fuit electio, qua parte fundi ire agere magis vellet, (sic enim intelligi debet *L. si cui simplicius. 9. D. de servitutib.*) servitute viae legata

per damnationem, heredis fuit electio, qua parte legatarium ire agere magis vellet, & ad id genus legati referenda *L. si via. 26. D. de servitutibus praedior. rusticor.* VI. Legatum per vindicationem cum apertis tabulis delatum erat, licet non agnitum, transmittabatur ad heredem, Paulus *lib. 3. sent. d. tit. de legat. L. nec semel. 12. §. penult. D. quand. dies legator. non legatum per damnationem.* VII. Per vindicationem tantum legari poterant, quo tempore facti testamenti, & tempore mortis fuissent testatoris ex jure Quiritium, Ulpianus *d. tit. 24. L. Stichus. 39. D. de manumiss. testament. L. tantum. 88. D. de verbor. significat. per damnationem, & res propriae testatoris, atque etiam alienae legari poterant, Ulpianus *d. tit. 24. L. si domus. 71. §. qui confitetur. 3. D. de legat. 1. L. alienus. 6. D. ad leg. Falcid.* VIII. In legato optionis expressae per vindicationem legatarii erat electio, per damnationem heredis. Ulpianus *d. tit. 24. Idemque in legato optionis tacitae per vindicationem, puta, si res generaliter, aut sub disjunctione legata esset.* IX. Legatò homine generaliter per vindicationem, legatarii fuit electio, *L. legato. 37. D. de legat. 1. per damnationem, heredis. L. si à substituto. 45. §. 1. D. eod. X. Legatò sub disjunctione, five alternatione relicto per vindicationem, legatarii fuit electio, *L. Lucio. 23. D. de legat. 2. per damnationem, heredis. L. cum res. 47. §. sed si. 13. D. de legat. 1. L. si is, cui. 18. & L. si ita. 43. §. ult. D. de legat. 2. XI. In legato incerto vindicationis, legatarii est electio, *L. qui duos. 20. & L. si quis à filio. 32. §. penul. D. de legat. 1. in legato incerto damnationis, heredis est electio, *L. Cum servus. 39. §. scio. L. eod. quam de legato damnationis debere intelligi, satis probat id, quod sequitur, res alienas legari posse. XII. In legato vindicationis tempus gratiâ legatarii adjectum fuisse intelligitur; eaque mens fuisse testatoris, ut ante diem legatariò invitò non posset repraesentari, *L. cum tempus. 17. D. de regul. jur. In legato per damnationem tempus erat adjectum gratiâ heredis, ut heres ante diem invitò legatariò posset solvere. L. quod quis. 50. D. de obligat. & actionib. XIII. Legatò fundò per vindicationem, fructus ex die aditae hereditatis ad legatarium pertinebat, *L. nihil verò. §. ult. D. de legat. 1. Legatò fundò per damnationem, fructus ex die morae debebantur; nam quia legatarius petere debebat fundum ab herede, fructus non veniebant, nisi ex die morae. L. usurat. 34. D. de usur. XIV. In legato per vindicationem si in rem ageretur, jurabatur in litem. *L. cum pater. 61. D. ad leg. Falcid. Cum legatum per damnationem petebatur ex testamento, non solebat jurari in litem. XV. Legatum per vindicationem non crescebat infictione in duplum, ut legatum per damnationem, §. ult. hñsit. de obligat. quae quasi ex contract. nasc. L. si domus. 71. §. qui confitetur. 3. D. de legat. 1. & L. alienus. 61. D. ad leg. Falcid. XVI. Erat aliud jus accrescendi in legato vindicationis, quam in legato damnationis. Eadem re duobus per vindicationem legata, solidum cuique ab initio relictum fuisse intelligebatur, sed concursu partes faciebant: non concurrente alterò, pars deficiens conjuncto accrescebat, Ulpianus *d. tit. 24. five conjunctim legatum fuisset, L. 7. D. de reb. dub. five disjunctim, L. coheredi. 41. §. coheres. 6. D. de vulg. & pupill. substit. Eadem re duobus per damnationem conjunctim le-*********

ga-

gatâ, partes cuique ab initio relictæ censebantur; non concurrente altero, pars deficiens alteri non accrescebat, *L. pluri. 34. §. si conjunctim. 9. D. de legat. 1. L. in testamento. 31. D. de condit. & demonstrat. L. ult. §. scio. 2. D. de legat. 2.* Eâdem re disjunctim legatâ per damnationem, solidum cuique debebatur; sed uni res, alteri aestimatio rei. *L. Titiae. §. ult. L. filiusfamilias. 114. §. ult. D. de legat. 1. L. duos. 14. D. de usu, usufr. & reddit. legat. L. unic. §. ubi autem. 11. C. de caduc. tollend. ubi Justinianus legatum damnationis intelligit. XVII.* Non probarem eam differentiam, quod heres in legato vindicationis culpam levem præstare debeat, *L. cum res. 47. §. penult. D. de legat. 1.* in legato damnationis non nisi culpam dolo proximam, ut in fideicommissis, *L. mulier. 22. §. sed enim. D. ad Senatufc. Trebell.* Nam Paulus indistinctè ait, heredem teneri, si culpâ ipsius legatum interciderit, *lib. 3. sentent. tit. de legat.* neque ulla satis idonea videtur ratio differentiae, cur aliter heres in legato vindicationis, quàm damnationis præstare debeat. Praeterea manifestum est, d. *L. 47. §. penult.* pertinere ad legatum damnationis, non vindicationis, & in d. *L. 22. §. sed enim. D. ad Senatufc. Trebell.* agi de restitutione fideicommissariae hereditatis, in qua dolo tantum, aut culpa dolo proxima, non levis præstari debet. *L. cum tale. 72. §. quid ergo. D. de condit. & demonstr.*

*Ad omnes istae differentiae legatorum sublatae sine
constitutione Justiniani.*

G A P U T XXXIII.

ERANT illae differentiae ex jure antiquo inter legata vindicationis, & damnationis; eademque forè in legatis per praeceptionem, & per sinendi modum: quarum hodie nonnullas constitutione Justiniani in *L. 2. C. commun. de legat.* sublatas non esse existimant, cum vestigia adeo aperta remanserint; (veluti in legato generaliter per vindicationem, legatarii est electio, *L. legato. 37. D. de legat. 1.* per damnationem, heredis, *L. si à substituto. 45. §. 1. D. eod.* atque etiam in legato sub disjunctione relicto per vindicationem, legatarii est electio, *L. Lucio. 27. D. de legato. 2.* per damnationem, heredis, *L. si is cui. 19. & L. si ita. 43. §. ult. D. de legat. 2.* quasi istas differentias Justinianus tollere noluerit, quae inducuntur ex voluntate testatoris. Immo magis ex differentia legatorum; siquidem legatâ optione expressim, vel tacitè, (puta, legatò generaliter, aut sub disjunctione relicto) legatarii fuit electio, quia legatum ipso jure transibat ad legatarium sine ullo facto heredis, & ica eligere poterat legatarius, quod vindicaret: legatâ optione expressim, vel tacitè per damnationem, legatarius sibi relictum ab herede petere debuit: agente igitur lega-

legatariò ex testamento, heredis utpotè debitoris fuit electio. Cum verbò Justinianus omnes differentias legatorum tollere, unamque omnibus legatis naturam tribuere voluerit d. L. 2. C. *commun. de legat. §. ult. Inst. de obligat. quæ quasi ex contr. nasc.* non dubium est, istas differentias, quæ erant inter legata vindicationis, & damnationis, generaliter & sub disjunctione relicta, tollere voluisse; nec quamvis earum vestigia quædam manserint, ideo dicendum est, Justinianum non sustulisse: alioqui nec ceteræ, quarum plerique extare vestigia supra probavimus, sublatae dicerentur. Denique constat, differentias inter legatum vindicationis & damnationis, generaliter & sub disjunctione relictum, expressim sublata fuisse à Justiniano: quia in legatis, & fideicommissis, & contractibus antiquam definitionem locum habere voluit, L. 4. in fin. C. *de verbor. signific.* secundum quam, ex obligatione alternativa, sive disjunctiva, debitoris semper fuit electio, L. si in *emptione*. 34. §. si *emptio*. D. *de contrab. emptio*. L. *pleramque*. 10. in fin. D. *de jur. dor.* L. *eum, qui*. 138. §. 1. D. *de verbor. obligationib.* Sublata est quoque differentia circa jus accrescendi, quæ adhuc hodie extat, ut portio deficiens conjuncto accrescat in legato per vindicationem, L. si *duobus*. 16. §. *ultim.* & L. *plane*. 34. §. si *duobus*. 11. D. *de legat.* 1. L. si *servo*. 31. §. 1. D. *de statu liber.* non in legato damnationis, d. L. si *duobus*. 16. in princip. d. L. *plane*. 34. §. si *conjunctim*. 9. D. *de legat.* 1. & L. si *Titio*. 7. D. *de legat.* 2. nam Justinianus generaliter eam differentiam sustulit, cum unam omnibus legatis naturam tribuit; & nominatim, cum ex quocumque legato inter conjunctos jus accrescendi esse voluit. L. *unic.* §. *ubi autem*. 11. C. *de caduc. tollend.* Omnes igitur differentie legatorum hodie constitutione Justiniani sublatae sunt, quamvis earum aliqua supersint vestigia.

Subtilis ratio, Griphus, in L. ita. §. ultim. D. ad leg. Aquil. Lucæ Athenæo.

C A P U T XXXIV.

SI plures tignum, aut trabem furto sustulerint, quàm singuli ferre non poterant, *subtili ratione* diceretur, neminem eorum trabem sustulisse; quia nemo solus tollere potuit. Julianus in L. *ita vulneratus*. §. 1. §. *ult.* D. *ad leg. Aquil.* Subtilis ista ratio, Griphus est apud Athenæum lib. 10. *jurispr.* quem refert ex Antiphane, ὁ, πρῶτον τίς μὴ γίγῃ, i. e. quod ferens aliquid non fert; & postea exponit Griphum.

... ὁ πρῶτος δὲ ἵππεύς π. α.

Ἀνδρῶν δὲ τῶν, ὁ γίγῃ δὲ τῶν τὰν ποταμῶν;

οὐδὲ αἷς. εἰς τὸ ἐν γίγῃ τῶν μὴ γίγῃ,

τὸν τῶν, ὡς δὲ ἰ γίγῃ ὡς δὲ ἰππῶν.

id est:

... *scimus enim collectam ad coenam pecunie summam quandam*
Homines decem: nostrum vero nullus

Eam

Eam fert summam. Est igitur hoc manifestum, non ferre illum qui ferat. Eo scilicet obscurus ille tendebat Grippus.

Cum plures pecuniam, seu symbolum ad coenam contulerunt, omnes ferunt; & nemo fert eam pecuniam; nemo enim solus fert pecuniam, sed omnes ferunt: ita cum plures trabem furati sunt, non pro parte singulos, sed totius rei universos furtum fecisse dicantur. *L. vulgaris. 21. §. penult. D. de furt.* Ita etiam si plures trabem dejecerunt, quàm singuli deicere non poterant, & ex trabe dejecta homo oppressus fuerit, omnes tenentur lege Aquilia de damno dato. Idque ita veteribus placuisse refert Ulpianus *L. item. 11. §. si plures. 4. D. ad leg. Aquil.* cum veteres Juniconsulti Grippos hujusmodi, & subriles quaestiones proponerent. Athenaeus *cod. lib. 10. ἡ γρίπος ἡ ζήτης ἡ ἀλλοτρία φιλοσοφία ἐστὶν καὶ αἰ ψαλλομένη τῶν τῶν παιδῶν ὑποδείξειν ἐκ τούτων ἰσχυρῶς*, i. e. Gripporum perscrutatio aliena non est à philosophia, itaque sapientiae in his specimen veteres statuerunt.

Quam differentiam Modestinus attigerit lib. 2. differentiarum, in L. non tantum. 20. D. de re judicat.

C A P U T XXXV.

SI maritus conveniretur ab uxore judicio rei uxoriae, habuit exceptionem, ut condemnaretur in quantum facere posset, *L. alia. 14. §. 1. D. solut. matrimon.* idque antiquo jure; si verò ex aliis contractibus conveniretur, eandem exceptionem habuit ex rescripto D. Pii, *L. non tantum. 20. D. de re judicat.* puta, si maritus bona recepticia administrasset constante matrimonio, vel uxoris negotia gessisset. *L. & si. 9. C. de donationib. inter vir. & uxor.* Eadem exceptio uxori competebat, si ex promissione dotis conveniretur, ex *L. ex diverso. 17. §. 1. D. solut. matrimon.* Sed quidam existimant, exceptionem uxori non competere, nisi ex aliis contractibus conveniatur; eamque differentiam Modestinum attigisse *lib. 2. differentiarum in d. L. 20. D. de re judicat.* reclamant. Verba Modestini, quod & in persona mulieris aequa lance servari aequitatis suggerit ratio, absunt Basilicis, & Triboniani manum referre suspicantur; quod tamen vix probarem. Eadem est ratio, cur exceptio marito, & uxori detur; nam si socius universorum honorum, vel etiam socius unius rei, aut negotiationis, in actione pro socio istam exceptionem habet, *L. verum. 63. D. pro socio*, eadem ratione uxor habere debeat, propter societatem, quae inter virum & uxorem intercedit, *d. L. 17. §. 1. D. solut. matrimon. L. 1. D. rer. amotar. L. si verum. 52. D. de re judicat. L. 4. C. de crimine expilat. hereditas.* Quòd si nulla fuit inter virum, & uxorem differentia, Modestinus de ea non egerat: sed fortè de ea, quae est inter maritum & donatorem, uterque habet exceptionem, ut condemn-

demnetur in quantum facere potest; maritus ex rescripto D. Pii cum aliis actionibus, quam de dote convenitur, d. L. 20. D. de re judicat. donator quoque ex rescripto D. Pii, L. qui ex donatione. 12. D. de donat. sed in hoc differunt, quod donator aes alienum deducat, non maritus, L. inter. 19. §. 1. D. de re judicat. Vel potius Modestinus istam differentiam attigerat, quod maritus si conveniretur actione ex stipulatu, id solidum condemnaretur, L. unic. §. cum autem. 7. C. de rei uxor. act. si verb actione rei uxoriae, in quantum facere poterat. L. maritus. 12. D. solut. matrimom. D. patronus. 17. D. de re judicat. quam quia Justinianus sustulerat, consulto omilla fuit in d. L. 20. & §. item si de dote. 38. instit. de actionibus.

Lege obligamur, aut ut ipsi obtemperemus, aut ne contra ipsam faciamus. Ad L. obligamur. §. 2. §. lege. §. D. de obligat. & actionib.

C A P U T XXXVI.

ANXII valde fuerunt veteres, & novelli quoque interpretes in verbis Modestini, L. obligamur. §. lege. D. de obligat. & action. Lege obligamur, quia obtemperantes legibus aliquid secundum praeceptum legis, aut contra facimus. Nam qui fieri possit, ut aliquis legi obtemperans, & secundum praeceptum ipsius faciens lege obligetur? Quidam exempla longè accersita proferunt ex L. exceptiones. 20. D. de exceptionibus, in qua exceptiones opponuntur, quia factum sit, quod fieri oportet. Nemo non mirabitur in re adeo perspicua haelisse. Legis virtus est imperare, vetare, L. 7. D. de legib. Cum igitur lex aliquid praecipit, nos obligamur lege, ut ipsi obtemperemus: nec aliqua nascitur obligatio, quando obtemperamus, ut paraphrasis Basilicōn malè colligit, lege obligamur secundum leges vivere, ut praemia, quae sunt legibus proposita, habeamus. Jobius Monachus in eam rem insigniter apud Photium in Bibliotheca cap. 11. Νομῶν δὲ καὶ τῶν κατὰ τὴν νόμον ἐστὶν τῶν νόμων ἀντιθέτων, καὶ τοὺς κατὰ τοὺς νόμους ἀντιθέτων. i. e. Legislatoris verò est iudicium ferre: cum in eos, qui legem spreverint, tum in eos qui secundum illam vixerint. Lege obligamur, si non faciamus, quod lex faciendum praecipit; veluti legis Juliae capite quodam praecipitur patri dotare liberos, quos habet in potestate, L. capite. 19. D. de rit. nupt. ita pater obligatur lege, ut eis dotem dare teneatur: obtemperantes legi lege alligari non possumus. Cum autem lex aliquid fieri vetat, lege obligamur, si contra praeceptum legis facimus: ita lex Aquilia obligationem introducit adversus eos, qui damnum dederint, vel arbores caeciderint. L. quotiens. 41. D. de obligation. & actionib. Ait Paulus: Quotiens lex obligationem introducit, nisi nominatim cave-

rit,

rit, ut ea sola actione utamur, etiam veteres eo nomine actiones competere. Lex Aquilia capiti legis XII. tab. de damno dato, seu ossi fracto derogavit, L. 1. D. ad leg. Aquil. & nominatim caverat, ut solâ actione legis Aquiliae de damno dato ageretur: sed de arboribus caesis & lege Aquiliâ agitur L. penult. D. arbor. furt. caesar. quae iungenda est cum d. L. quotiens. 41. D. de obligat. & actionib. ex eod. lib. 22. Pauli ad edictum; quia lex Aquilia actionem arborum caesarum introduxit, non tamen derogavit capiti legis XII. tabul. de arboribus caesis: nec nominatim cavit, ut de ea re solum lege Aquiliâ ageretur.

*De luctu trium, septem, novem dierum; Paganis, Christianis,
Graecis, Latinisque observato.*

C A P U T XXXVII.

LUCTUS trium dierum Paganis observatus fuit; ut pro eo, qui in mari mortuus esset. M. Tullius lib. 2. de legibus ex Publio Mucio; censet habendas triduum ferias, & porco semina piaculum pati, si in mari mortuus est. quod erat brevius tempus, quàm pro eo, qui in terra mortuus esset: ut & in funeribus minus honoratis tertio die ossa crematorum lecta fuisse innuit Virgilius lib. 11. Aeneidos, & Jacobus Guterus noster probat lib. 1. de jur. Man. cap. 28. Luctus trium dierum Christianis quoque observatus fuit. Ambrosius in lib. de obitu Theodof. Imp. Quia alii tertium diem, alii tricesimum, alii septimum, alii quadragesimum observare consueverunt. Concilium Nannetense can. 10. meminit anniversarii luctus, & qui fieret tertio die, quod relatum est in can. nullus. 7. distinct. 44. & can. nullus. 35. de consecrat. distinct. 5. meminit & D. Augustinus epist. ad Evod. 258. & Photius in Nomocan. ex epist. 5. Niconis de pessimum Armenorum pessima religione. Rationem hujus diei tertii asserit Photius in Bibliothec. ex Eustratio magnae Ecclesiae Presbytero tractatu 3. de vita filicorum animis: & οὗτοι καὶ τὰ τρίτη μὲν διημέρευον οὗτοί, λαμβάνοντες τὸ μυστήριον τῆς διέσεως, καὶ πρὸς τὸν ἑαυτοῦ σωματικῆς, καὶ διὰ τὸν θάνατον τῆς ψυχῆς. i. e. in his tertia quidam offerre sacra ait, qui dominicae, & triduae resurrectionis mysterium in precationis subsidium, atque auxilium adsumant, propter mysterium triduae resurrectionis dominicae. Septem dierum luctus Hebraeis observatus fuit, Genes. cap. 50. Judaeis, per quos dies epulas feriales populo exhibebant, Josephus lib. 2. de bello Judaico in princ. idos δὲ τὴν τριῶν ἡμερῶν πένθος πάλαι ἔχοντες, διὰ τὸ πλῆθος τῶν ἀνδ' ἀναγνῶν, i. e. mos hic apud Judaeos multos paupertatis causa fuit, propterea quod populus non sine necessitate epulatur. Observatus etiam fuit Assyrii in funere Gallorum, Lucianus in Syria Dea: Aethiopibus, Helio-

Par-I.

G g

do-

cognatos mortuos, aut captivos per id tempus ferebat. idem Philo Judaeus in *lib. esp. grandisportat*, i. e. *de charitate*. Quod tempus etiam Judaei observarunt, Josephus *lib. 3. de bello Judaico cap. 15.* Adlyrii in funere privatorum, Lucianus in *Syria Dea* in funere Gallorum, seu sacerdotum, septem dies observabant, ut supra ex eodem Luciano ostendimus. Romanis post Canhensem pugnam triginta dierum luctus publicè indictus, Plutarchus in *Fabio Maximo*, Livius *lib. 22.* Antiqua inscriptio, quam supra retulimus, *Clinenses xxi. dies attrati luserunt*. Graecis tricesimus mensis dies, seu ultimus defunctis facer, Harpocration, & ex eo Svidas in *verb. gignat*. Christiani tricesimum diem luctus observarunt, Ambrosius in *lib. de obitu Theodof. Imp.* Concilium Nannetense *cap. 108.* Concilium Ruricense *lib. 1. cap. 44.* Helosa apud Petrum Venerabilem *lib. 6. epist. 21.* Honorius III. in *d. cap. ult. de testament.* & *d. cap. ex parte. 31. de verbor. significat.* quia per id tempus Israelitae Mosem luxerunt, *d. cap. 34. Deuteronomii.* Luctus quadraginta dierum Hebraeis observatus, Genes. *cap. ultim.* Armeniis, Photius in *Nomocan. ex epist. 5.* Niconis de pessimiorum Armeniorum pessima religione: Pro mortuis vivum & bonum sacrificia peragunt, nec defunctum aliter servandum existimant, nisi tertius, & nonis, & quadragesimis ejus diutius, ejusmodi sacrificia peracta fuerint. Christianis Graecis: Epiphanium Episcopum Salaminae luxit Arcadius Imperator quadraginta dies. Polybius in *vita Epiphanii cap. 71.* Codinus in *lib. de officialib. Palat. Constantinop. cap. de linceis Imp. vestiment.* Ejus, qui mortuus est, propinquo Imperatore cirrinas ferente, atris vestibus induuntur coram eo ad dies usque quadraginta. Rationem affert istius temporis Eustratius magnae Ecclesiae presbyter tractat. *3. de vita functorum animis*, apud Photium in *Bibliotheca*, Quid Christus post dies quadraginta, & discipulis postremum visus, in coelos cum humana postea natura ascendit. Latinis quoque id tempus observatum, *d. cap. ultim. de testament.* & *cap. ex parte. 31. de verbor. significat.* apud Gregorium. Ambrosius in *lib. de obitu Theodof. Imp.* rationem affert: Ejus ergo Principis & conclamamus obitum, & quadragesimum celebramus, assidue sacris altaribus Honore Principe, quia sicut Joseph patri suo Jacob quadraginta diebus humationis officia detulit, & sic Theodosio patri iusta perfoluit. Luctus decem mensium Romanis publicè observatus, quo tempore matronae Coriolanum luxerunt, Plutarchus in *Coriolano*. Et privatim quoque iisdem observatus, Servius ad *11. Aeneidos*: Morem legendi quidam dicunt. Aegyptios in inschis, eos enim primos Libernum (quem Osirim appellant) à fratre Typhono per insidias interceptum atra veste luxisse: inde ceteris gentibus tractatum, ut post interitum proximorum suorum veste mutata ligerent, ita tamen ut intra annum finiretur luctus. Id est, intra decem menses, quibus annus Romanus primum constabat. Lucius Seneca *epistol. 63.* annum feminis ad legendum constituere majores. & *Consolat. ad Heloviam cap. 16.* majores decem mensium spatium lugentibus viros dederunt. Postea duo menses additi à Theodosio *Li. 2. C. de secund. nupt.* vel propter turbationem sanguinis, *L. liberorum. li. 1. §. 1. D. de his, qui notant. iussu.* ut sup. ostendimus: vel quia id tempus Christiani observabant; atque etiam anniversarium, Tertul-

lianus de corona militis : Ex majorum traditione pro defunctis annuā dis-
facimus .

*In ordinem reducitur cap. ultimum de testament. apud Grego-
rium . Inscriptio restituitur , exponitur , & mendum
in eo fortè purgatur .*

• C A P U T XXXIX.

EX suo ordine *cap. ult. de testament. apud Gregorium* deerravit ; nam cum Raimundus in collectione Gregoriana perpetuum ordinem Pontificum servaverit , hoc rescriptum , quod est Honorii III. subjiendum fuit post *cap. 16. eod. tit. de testament.* si quidem Honorius III. medius fuit inter Innocentium III. & Gregorium IX. d. caput ultim. Honorio III. tribuendum esse constat ex *cap. ex parte. 31. de verbor. significat.* apud eundem Gregorium , unde paucis immutatis traductum est . Scripsum fuerat *Praelatis universis Francigenarum Constantinopoli* , quod mirum videri potest , cum alii essent Praelati , *cap. ult. de confirmatione util. vel inutil.* & praecipue Veneti , quos Patriarcha Venetus ipse in Constantinopolitanis Ecclesiis satagebat collocare , *cap. 4. de Institution.* apud eundem Gregorium . Imperator quidem Francigena , Petrus de Courtenajo Comes Altiissiodorensis , qui post excessum foris in Imperatorem electus fuerat 3. Idus Jun. ann. 1216. sub exordio Pontificatus Honorii III. ut est in *appendice ad Chronicon Roberti Monachi Altiissiodorensis* . Sed alii erant Praelati praeter Francigenas , puta Romani , & Veneti . Fortè ad Francigenas solum Honorius III. scripserat , quòd si soli ex legatis sibi relictis canonicam portionem Constantinopolitano Patriarchae dare recusarent . Si quidem in partibus Romaniae , & tractu illo Constantinopoli adjacente , Albanensis Episcopus , & quidam alius Cardinalis Presbyter legati constituerant , ut Praelati Constantinopolitanae dioeceseos tertiam solverent Patriarchae ex legatis defunctorum , d. *cap. ult. de confirmat. util. vel inutil.* cumque ex ea constitutione Patriarcha Constantinopolitanus à Francigenis tertiam partem exigere vellet ex legatis , quae ipsis , aut Ecclesiis eorum relinquebantur , dictam constitutionem legatorum sedis Apostolicae interpretatur Honorius III. in d. *cap. ex parte. 31. de verbor. significat.* quod est de canonica portione Episcopi . Sed Raymundus compilator traxit ad Canonicam portionem paroecialis presbyteri d. *cap. ult. de testament.* in quo subest mendi suspicio eis verbis , *anniversario septimo, vicesimo tricesimo die* , quae aliter referuntur in d. *cap. 31. de verbor. significat. septimo, tricesimo, ac vicesimo die* . Error ex notis numerorum interverfis contingere potuit , legendum potius videtur , *septimo, tricesimo, ac quadragesimo die* , quia nullibi factam reperio vicelimo die com-
me-

memorationem pro defunctis, sed tantum tertio, aut septimo, aut nono, aut tricesimo, aut quadragesimo, ut supra retulimus.

Quaedam immunitates munerum personae, vel patrimonii, Philosophis, Sophistis, & Professoribus datae. De munere recipiendi hospitis. Interlocutio Principis apud Philostratum vim legis habuit.

CAPUT XL.

MUNERA quaedam sunt personae, quaedam patrimonii. Philosophis, sophistis, professoribus, data immunitas munerum personarum, live corporaliū, munerumque lordidorum, & quae extra ordinem indicuntur, L. 6. §. 7. D. de excusat. tutor. & curator. eaque immunitas cathedrae professorum data, ut contendit Philiscus adversus Imperatorem Commodum apud Philostratum: *οἱ μὲν ἀποφυγῶν ἀτλήσειν δίκην οὖν τοῦ Ἀθλοῦ ὁρίων, i. e. cum tibi sedem Athenis donasti, immunitatem ministeriorum publicorum tibi concessisti.* Innuit Libanius disertat. 3. *περ. δωδεκάτης, i. e. de inexplebili cupiditate in fin.* hanc esse sortem professorum, τὴν ἐν ἀτλήσει, i. e. in immunitate vivere. Non tamen habebant vacationem munerum patrimonii, L. 8. §. philosophis, & L. ab his. 10. D. de vacat. & excusat. muner. nili Princeps eam nominatim concessisset, quod magno honori fuit. Josephus in lib. de vita sua sub finem refert, Domitianum possessionibus, quas in Iudaea habebat, immunitatem tribuisse. *ἐπὶ πᾶσι δὲ Ἰουδαίᾳ χάρις ἀτλήσει ἰδού, ἡ περὶ τῶν μετὰ τὴν τὴν λαβόν, i. e. tibi in Iudaea agri immunitatem concessit, qui sunt maximus est accipienti honor.* Eunapius in Praerresio de Julia. 2. *ἐμὴς μὲν ὃ δὲ βασιλεὺς τὴν γὰρ τοῖς ἑλλήσι τοῖς φέρον, ἔπει μὲν βασιλεύοντο, i. e. namque Imperator admeiebatur graecis agros tribusarios, ne gravarentur.* Sed & omnes quorundam munerum patrimonii immunitatem habuerunt; nam munus recipiendi hospitis est munus patrimonii, non personae. L. 3. §. munus. 24. D. de munerib. & honorib. & tamen ejus muneris immunitas professoribus data, d. L. ab his. 10. & L. sunt munera. 11. D. de vacat. & excusat. muner. quod & nominatim excipiunt Imp. in L. ult. C. de professorib. & medic. Cum Marcus Antoninus domum Polemonis Sophistae, quae erat Smyrnae optima, eo absente occupasset; & Polemo noctu è peregrinatione rediisset, ita pro foribus questus est, ut Imperatorem domo excedere coegerit. Philostratus in Polemone, & ex eo Svidas retulit in verb. ἡρῶν (quod nuperus interpret non animadvertit). Plenior aliquanto fuit immunitas concessa professoribus, quam ceteris, qui vacationem habebant munerum, non honorum, L. cui muneris. 12. D. de muneribus;

ribus; sed professores etiam honorum immunitatem habuerunt, nam cum Phavorinus sacerdos in patria renunciatus esset, ἱππὸς μὲν ἔτι τοῖς νόμοις ἔσθ' τοῖσι τὸ νόμιμον, i. e. abdicavit se contra leges de huiusmodi robur latus. Philostratus in Phavorino. Quandoque immunitatem Principes adimebant, veluti Commodus Philisco, ut refert Philostratus; cum Philiscus cathedrae Atheniensium Praefectus immunem se esse contenderet, Imperator excepit, ὅτι οὐ ἀπὸ τοῦ νόμου, ἀλλὰ ἄλλοις νόμοις ἔσθ' αὐτοῦ νόμος. ἰδὲ δὲ ἀνέστη δὲ μὲν οὐκ ἔστιν ἀπὸ τοῦ νόμου, τὰς ἀλλὰ ἀπὸ τοῦ νόμου ἔσθ' ἀπὸ τοῦ νόμου. i. e. neque tu immunitas es, neque eruditissima quisquam alius: nequitiam enim propter breves, ac miseris quasdam oratiunculas, civitates munis publicis fungentibus privarim. Et ita per interlocutionem, immunitatem Philisco, aliisque Professoribus abstulit; nam interlocutio Principis de plano vim legis obtinet. L. 1. D. de constitut. Princip. Eucherius in Panegyrico: Regum voluntates iura hominum, eorum verba leges appellantur.





ILLUSTRISSIMO VIRO

JOANNI BERTERIO

MONTRAVIO SENATUS

Tolosani Proto-Praefidi

EMUNDUS MERILLIUS JC. S.



AM *saepiae* *priscis naturam esse perhibent,* (Illustrissime Proto-Praefes) *ut piscari valentibus atramentum sibi insitum evomat, eoque retia circumfundat, ne facile capiatur. Hujus piscis naturam primos juris Interpretes retulisse aliquando meditabar, qui atras, obscurasque interpretationes prodiderunt, ut vice capiantur. Eoque nomine Aristoteles saepia dictus audiit.*

At mirè admodum convenit juris Interpretibus, quod ex Anaxilaos refert Plinius: Saepiae atramento tanta vis est, ut in lucerna addito Aethiopes videri faciat ablato priori lumine. Namque

que ita illi pellucidis Jurisconsultorum scriptis, addidit interpretationum veluti atramentò, prius lumen Jurisconsultorum abstulerunt; eosque nobis obscuros videri, effecerunt. Verùm ex quo tempore Jacobus Cujacius vestras, lumen juris micantissimum nobis affulsit, obscuritatem illam dispulit, & juris Auctores splendori suo restituit. A Cujacio lampada postea accepit Guillelmus Marranus Academiae vestrae Antecessor, sub quo mihi tecum profecisse contigit. Vir ille præstantissimus expositiones suas perspicuas tradere accuratè contendebat, tantumque ab eo lumen in libris juris mihi accesserat, ut vix à schola ipsius digressus in Antecessorem adlebas fuerim: & cum adlebas propter aetatem necdum justam impugnaretur, Senatûs vestri amplissimi decretò probata est, adiuvente potissimum genitore tuò Philippo Berterio Praeside doctissimò, Tèque propriam gratiam interponente pro ea benevolentia, quam familia vestra studiosis viris semper exhibuit, quamque mihi proficere cupienti exhibebat. Nec tot annorum spatiò insenuit, sed & eam in filio recentari voluisti, qui à se te perhumaniter visum, & exceptum, per litteras saepe nuntiavit. Hoc beneficii in me collati pondus pridem gesso, & adhuc gestare gestio; neque exonerari ulla ex parte cupio, quod tibi aliquam Nostrarum Observationum delibationem inscripsit. Etenim inscripsi, ut peritissimo rerum istarum aestimatori; & quia Te non invitò in perinstructa tua librorum theca locum aliquem fortietur. Vale Avarici Biturigum, x. Kalend. Januarias anno Dom. MDCXXXVIII.



EMUNDI MERILLII J.C.

OBSERVATIONUM

LIBER SEPTIMUS.

De fragmentis Jurisconsultorum.

C A P U T I.



ELUTI vasa ex auro, argentove solida, cum integra conspiciuntur, specie sua delectant; si tamen conflatam dissolverint, aut in partes dissecta fuerint, quaelibet etiam minutula pars suo pretio aestimari potest, ut

Concisum argentum in vultus, faciesque minutas.

Ita Jurisconsultorum libri integri (ut ante Justinianum fuerant) magis legentium animos oblectarent, cum ordinem librorum liceret agnoscere, quaestiones tractatas expendere, verborum elegantiam, senten-

tiam, pondus mirari. Sed et si libri isti in fragmenta divisi fuerint, adhuc pretium suum retinent. Neque ulla potior est juris interpretandi ratio, quam si fragmenta ex libris Jurisconsultorum simul colligantur: Tum quia verbis eorum sueti mentem facilius assequimur, collectiones ex fragmentis confutis reponimus, aetatem, & sectam deprehendimus. Alioqui cum nec de mente, nec de aetate, nec de secta constet, dubia solet esse interpretatio. Rogaverat. Lucilius Senecam, ut sententias quaedam ex Epicuro, Heraclito, & aliis opiniosis Philosophis, per epistolam mitteret; & rescriptit Seneca *epist. 33. Depone istam spem, te posse summam degustare ingenia maximorum hominum: tota tibi inspicienda sunt, tota tractanda. Res geritur, & per lineamenta sui ingenii opus necitur, ex quo nihil subduci sine ruina potest. Quod si primi juris Glossographi eam interpretandi rationem tenuissent, & centones Jurisconsultorum confuissent; tot, tantisque in locis non haesissent, quali in coeno plantam*

Par. l.

H h

excl.

evellere nequicquam cupientes. Exemplum proferatur ex *L. Arrianus. 47. D. de obligat. & action.* ubi ex Arriano istam definitionem Paulus refert, ut, cum agitur de obligatione, propensiores simus ad negandum, si aliquam occasionem habeamus ad non admittendam obligationem; si aliqua ratio sublit, ne admittatur. Ubi verò agitur de liberatione, faciliores nos esse debere; puta, ut reus potius liberetur, quam maneat obligatus. Non adeo longè exempla ad eam regulam sunt accersenda, sed ex eodem *lib. 14. Pauli ad Plautium*. Unum est in *L. si quis postquam. 37. D. de fidejussor. & mandator.* Titius, qui temporali aliqua actione tenebatur, & tempore liberatus erat, fidejussores ejus actionis nomine dedit, cum adhuc putaret, se obligatum esse; videretur, fidejussorem teneri, quia tempus non est modus tollendæ obligationis. *L. obligationum. 44. §. 1. D. de oblig. & action.* Igitur Titius tempore actionis transactò manit obligatus; & fidejussor ei obligationi accedere potuit. Paulus tamen ait, fidejussorem non teneri, quoniam Titius per errorem fidejussorem dederit. Hanc occasionem, seu rationem Paulus arripit, ut neget, fidejussorem obligatum esse. Alterum exemplum est in *L. si ferum. 91. §. sequitur. D. de verb. obligat.* Titius Maevio hominem promiserat: Titius interpellatus cessavit hominem solvere, & moram solutioni fecit; deinde post moram commissam Titius Maevio hominem obtulit: Maevius oblatum sibi hominem accipere noluit, & postea homo decessit. Par utriusque causa est; nam & Titius in mora fuit non solvendi, & Maevius in mora non accipiendi. Sed Paulus æquius esse existimat, ut Titius liberetur, quam ut maneat obligatus: tum quia potentior illius causa esse debeat, qui teneat, quam qui persequitur: Tum quia prioriores ad liberationem esse debeamus. Titius quidem moram in solvendo homine fecerat, obligationemque perpetuam fecerat. *L. si ex legati. 23. D. codicis. de verb. obligat.* At cum postea hominem obtulit, moram suam emendavit, & creditorem in mora constituit; adeo ut homine mortuò potius liberari, quam obligatus manere debeat. Videntur ut libri Jurisconsultorum ex centonibus simul confutis integrascunt?

Argentum escarium, potorium, promiscui usus. Ad L. pediculis. 32. §. quidam. D. de aur. argent. legat.

C A P U T II.

EX veteri disciplina militari argenti usus in castris non fuit, Juvenalis *Sat. 11. v. 108.*

Argenti quod erat, solis fulgebat in armis.

L. Seneca in consolat. ad Helviam, cap. 12. Militeres quotam partem rerum suarum habent? cum omnem apparatus castrensis disciplina submovet. Idem tamen lib. 1. natural. quaest. severiorem illam disciplinam remif-

missam fuisse inquit: Adeo omnia in secrete sunt perversissimis acibus; ut quidquid mundus muliebribus vocabatur, sarcinae sint viriles, minus dico, etiam militares. Principes tamen disciplinae observantes vetuerunt, ne milites argentum in castris uterentur. Spartianus in Pescennio: Cum milites quidam in caeco argenteo expeditionis tempore bibere vidisset, iussit, omne argentum submoveri de usu expeditionali. Malim legere apud Spartianum in caeco, quàm in caeco, ut alii. A caveo, caveolus; & hinc nostrum gobetes. Ante illa tempora Paulus refert ex Cervidio. Scaevola, Primpilarrem quandam uxori argentum escarium legasse, vasaque habuisse usus promiscui, quibus edebat, & potabat, L. pediculis. 32. §. quidam. D. de aur. argent. legat. Et fortè Primpilaris iste argentum escarium habebat propter militiae dignitatem, quod caligatis, aliive inferioris militiae non licebat. Atque ut leviores sarcinas haberet tempore expeditionis, habebat vasa usus promiscui, quibus edebat, & potabat. Cum autem argentum escarium legasset, videbantur legato non contineri; quae essent escaria simul & potoria. Scaevola respondit contineri, quia consuetudo patrifamilias spectanda non est in his, quae certum est ejus generis non esse, d. L. 32. §. argenta. Id est, consuetudo illius spectanda non est, qui valis escariis ut potioris utitur; cum certum sit, ea vasa non esse generis potorii. Vasa igitur escaria, & potoria Scaevola suo genere distinguit, ut aliud sit genus escarii, aliud potorii. Et tamen argentum escario legato, vasa debentur; quae paterfamilias ad epulandum in ministerio habuit, id est, ad esum, & potum, L. cum aurum. 19. §. si cui escarium. 12. D. de aur. argent. legat. An hoc ita debet intelligi, escario argentum legato, vasa potoria quoque contineri, si alii legata non sint? An verd argentum escario legato vasa contineri, quibus paterfamilias ad esum, & potum simul utebatur? ut in d. L. 32. §. quidam. quae paterfamilias faciebat usu escaria, & potoria, cum essent genere suo escaria. Id potius admitterem, quàm ut quidquam lectionis tollerem.

Condictio furtiva adversus heredem furis datur in solidum, non pro ea parte, quae ad eum pervenerit; & datur licet nondum cum fure contestata. Ad L. 9. D. de condict. furtiv.

C A P U T III.

Condictio furtiva datur adversus heredem furis, quae rei persequutionem continet. I. si pro fure. 7. D. de condict. furt. Condictio, quidem furtiva morte furis interit, si pupillus durante tutela cum tutore non egerit; sed eo nomine pupillus adversus heredem tutoris actionem habet, L. 9. §. ult. & L. 10. D. de tutel. & rationib. distrah. quia tutor li-

cet conventus non fuerit, sibi solvere debuit, ut negotiorum gestor. *L. fin. autem. 8. §. 2. D. de negot. gest.* Verum dubitationis est, an conditio furtiva adversus heredem furis in solidum dari debeat, vel pro ea solum parte, quae ad ipsum pervenerit. Movet, quod eadem est ratio conditionis furtivae, & conditionis rerum amotarum: conditio furtiva oritur ex delicto, *L. 10. §. quotiens. D. de compensation. & conditio rerum amotarum, L. si mulier. 21. §. 1. §. ult. D. de act. rer. amotar.* non tamen idem est delictum ex furto, & rebus amotis: nam aut furum facere uxor non intelligitur, dum res divortii causa amovet; aut si faciat, lenius coercetur, *L. 1. & L. penult. D. eod.* nec adversus eam datur furti actio, ut adversus furem. Praeterea movet, quod heres mulieris tenetur ex conditione rerum amotarum, sicut ex conditione furtiva. *L. contra. 6. §. 2. D. de act. rer. amotar.* At heres mulieris tenetur solum pro ea parte, quae ad ipsum pervenerit. *L. ult. C. eod.* igitur & heres furis pro ea tantum parte teneri debet. Non est tamen eadem ratio utriusque conditionis; nam conditio furtiva odio furis introducta est, §. sic itaque. *Instit. de actionib.* conditio rerum amotarum ex aequitate naturali, ne mulier ex bonis mariti cum damno, & injuria ipsius locupletetur. *L. rerum. 25. D. de act. rer. amotar.* Ut diversa ratio hanc, & illam conditionem introduxit, ita aliter adversus heredes datur: odio furis datur adversus heredem ipsius, quasi adhuc res extaret, licet extincta sit; & ideo datur in solidum: conditio rerum amotarum non datur adversus heredem mulieris, si res extincta sit; nec datur, nisi quatenus ad eum pervenerit, aequitate, quae hujusmodi conditionem introduxit, ita suadente, ut heres mulieris non in solidum teneatur, sed quatenus ad eum pervenerit. Igitur *71. sicut, in d. L. 7. §. 2. D. de act. rer. amotar.* non infert omnimodam similitudinem inter conditionem furtivam, & conditionem rerum amotarum; sed eam tantum, quod ut conditio furtiva adversus heredes furis datur, ita & conditio rerum amotarum adversus heredem mulieris. Tertio movet, quod si filius furum fecerit, pater non tenetur conditione furtiva actione de peculio, nisi quatenus ex ea re locupletior factus est. *L. 3. §. penult. D. de pecul.* ita etiam tenetur conditione rerum amotarum nomine filiae. *L. 3. §. 2. D. de act. rer. amotar.* Ita igitur heredem furis teneri videtur conditione furtiva, quatenus ad eum pervenerit. Sed alia est ratio patris, alia ratio heredis: heres succedit in odium furis, ut in jus universum: pater non succedit in jus universum filii, nec in odium filii. Ideoque pater solum tenetur, quatenus ad eum pervenerit; at heres furis tenetur in solidum. Si unus fuerit heres furis, tenetur in solidum: si plures fuerint heredes, adhuc tenentur in solidum, sed pro partibus hereditariis. *L. in conditione. 9. D. de condit. furt.* Aliquando ista opponuntur, heredem in solidum teneri, & pro parte hereditaria. *L. de eo. 12. & L. si duo. 22. D. deposit.* *L. 2. in fin. D. de stipulat. praetor.* nec tenetur in solidum, qui tantum tenetur pro parte: Sed veluti ex dolo defuncti in contractibus admisso heredes tenentur, non quatenus ad eos pervenerit, sed in solidum, id est, pro portionibus hereditariis, *L. ad ea. 157. §. 1. D. de reg. jur.* ita & in conditione furtiva, quae

rem

rem persequitur, heredes furis tenentur in solidum, & pro partibus hereditariis; ut *rd in solidum* opponitur parti hereditariae, heres teneri non potest in solidum, & pro parte; ut *in solidum* opponitur ei, quod ad heredem pervenit, heres teneri potest in solidum pro parte hereditaria. Finge, furem subripuisse rem dignam trecentis; tres heredes reliquisse, Primum, Secundum, & Tertium: ad Primum ex ea re viginti solidum pervenisse. Primus tenebitur condictione furtiva non tantum in viginti, & quatenus ad eum pervenerit; sed tenebitur in solidum, id est, in centum pro parte hereditaria. Heredes igitur furis tenentur in solidum condictione furtiva, non quatenus ad eos pervenerit; & tenentur quidem licet necdum cum fure contestata, alioqui non differet conditio furtiva ab actionibus poenalibus, quae non dantur adversus heredes, nisi lite cum defuncto contestata: L. 1. *D. de privat. delict.* Actiones rei persecutoriae dantur adversus heredes, lite nondum cum defuncto contestata: ita & conditio adversus heredem furis datur, licet lis cum fure contestata non fuerit; quia rei persecutionem, non poenam continet. d. L. 7. §. *conditio.* *D. de condit. furt.* L. *eum, qui.* 14. §. *qualis.* 14. *D. de furt.*

*Exposita de naturali obligatione pupilli inter utriusque
scholae auctores controversia.

C A P U T IV.

QUOD pupillus modò obligatur naturaliter, si absque tutore pecuniam mutuam acceperit, aut promiserit, L. ult. *D. de iurejurand.* L. 1. *D. de novat. & delegat.* modò non obligatur, L. *quod pupillus.* 41. *D. de condit. indeb.* L. *pupillus.* 59. *D. de obligat. & action.* id ortum videtur ex diversitate scholarum. Nam cum Sabiniani eum puberem aestimarent, qui ex habitu corporis talis appareret, licet nondum quatuordecim annos implevisset, Ulpianus *tit. 11. de tutel.* facile admittebant, pupillum pubertati proximum naturaliter obligari; puta eum, qui mox pubes futurus esset, veluti intra annum, aut sex menses, L. *non tantum.* 17. *D. de excusation. tutor. & curator.* qui talis appareret, licet nondum talis esset. Ratio illorum fuit, quod pupillum pubertati proximum jam eà aetate aliquem intellectum habere crederent. §. *sed quod diximus.* *hystit. de inutil. stipulat.* & ita posset consensum negotiis contrahendis adhibere, veluti & ex delictis obligari, Julianus ex Sabinianis L. *impuberem.* 23. *D. de furt.* Gajus ex eadem schola L. *pupillum.* 111. *D. de regul. jur.* Julianus quoque admittit naturalem obligationem pupilli d. L. ult. *D. de iurejurand.* Ulpianus *lib. 46. ad Sabinum* in d. L. 1. *D. de novationib.* Proculjani verò, quod puberem ex annorum numero aestimabant, abscisse negabant, pupillum licet pubertati proximum naturaliter obligari, antequam annos quatuordecim complevisset, Ratio istorum fuit, quod tantum post
duas

duas annorum hebdomadas usum rationis incipere crederent, secundum Stoicorum doctrinam, ut ostendimus *lib. 1. Observatien. cap. 22.* Non putabant igitur pupillum usum rationis habere, aut quidquam intelligere, aut consentire posse, antequam decimumquartum annum aetatis complevisset; nec poterant ante illam aetatem obligationem naturalem pupilli admittere, ut Neratius ex Proculenianis d. L. 41. *D. de conduct. indeb.* Non satis constat ex qua scholâ fuerit Licinius, qui regulariter tradidit, pupillum absque tutoris auctoritate mutuam pecuniam accipiendo ne naturaliter quidem obligari. d. L. 59. *D. de obligat. & action.* Ut circa obligationem naturalem pupilli juris utriusque auctores dissenserunt, ita & circa naturalem possessionem pupilli, an pupillus absque tutore eam posset amittere: & vestigium huiusce dissensionis extat in L. pupillus. 11. *D. de acquir. rer. domin. & L. possessionem. 29. D. de acquir. vel amitt. possess.* Proculeniani facile admittebant, pupillum possessionem facti absque tutore posse amittere, quae corpore solo, non etiam animo amittitur.

Rejicitur quod vulgò traditum est, pupillum locupletiozem factum naturaliter obligari; aliàs naturaliter non obligari.

C A P U T V.

NON potest stare, quod vulgò traditum est, ante rescriptum D. Pii pupillum locupletiozem factum absque tutoris auctoritate naturaliter obligatum fuisse; aliàs naturaliter obligatum non fuisse. Nam ante rescriptum D. Pii omnes admittebant, pupillum locupletiozem factum naturaliter teneri: neque ullus aliter sentire potuit adversus naturalem rationem, ut pupillus cum damno, & injuriâ alterius fieret locupletior. *L. nam hoc. 14. D. de conduct. indeb.* Sed si pupillus contraxisset, nec locupletior factus esset, de ea re juris auctores dissenserunt, ut sup. exposuimus. Post rescriptum D. Pii eadem mansit dissensio, ut constat ex Papiniano, Paulo, Ulpiano, Licinio, qui post D. Pium scripserunt. Denique Papinianus in pupillo, qui locupletior factus non sit, naturalem obligationem adinitit. *L. cum illud. 25. D. quando dies legat. vel fideicommiss. ced. & L. Stichum. 95. §. aditio. D. de verb. obligation.* quibus in locis lectio Florentina prorsus retinenda est. Si negationem tollerès in d. L. 25. sequeretur, pupillum locupletiozem factum ante rescriptum D. Pii nihil debere; ex quo tamen pupillus locupletior factus conveniri potest. *L. 1. D. de auctorit. & cens. tutor.* In d. L. 95. creditor, qui pupillo credidit absque tutore, & eadem heres extitit, retinet solidum ex hereditate pupilli, non in quantum locupletior factus est, propter naturalem pupilli obligationem. Sed etsi legas, *in solutum*; dicendum est tamen, pupillum fuisse naturaliter obligatum,

tum, cum creditor in solutum retinet: quia non potest intelligi solutio, aut additionem pro solutione cedere, nisi suble naturalis obligatio. Ita igitur apparet, etiam post rescriptum D. Pii, pupillum fuisse naturaliter obligatum, licet locupletior factus non esset. Nec admittendum est, Papinianum in hisce locis jus tractasse, quod ante D. Pium obtinebat; quoties enim rescripto Impp. sublata fuerat aliqua inter juris auctores controversia, postea de ea re non quaerebatur, ut in *L. 4. D. de leg. commissor. L. si Titio. 61. §. Julianus. D. de legat. 2. §. diversae. Institus. de empt. & vendit.*

Pœna vinculorum. Ad L. mandatis. 35. D. de poenis.

C A P U T VI.

MANDATIS principalibus, quae Praesidibus Provinciæ dabantur, cum ad Provinciæ administrationem proficiscerentur; cautum fuerat, ne quis perpetuis vinculis damnaretur. Idque à primordio, cautum fuisse videtur, ut de poena gladii, Tertullianus *lib. ad Scapulam, cap. 4.* id est, cum primùm Legati Cæsaris in Provinciæ missi fuerunt. Sed cum Praesides adversus mandata quoddam ad perpetua vincula damnarent, id etiam D. Adrianus postea rescriptis *L. mandatis. 35. D. de poenis.* Rescriptum Adriani, sequutum est aliud rescriptum Antonini. *L. 6. C. eod. tit. de poenis.* Et adhuc post rescriptum utriusque, Praesides solebant eam poenam imponere. Ulpianus *L. aut damnum. 8. §. solent. 7. D. de poen.* Id Praesides faciebant *potentatu improbi, & terrore violento*, ut loquitur Cyprianus *epist. 38.* Id & saepe alias contingit, dum vult posse quod non potest, qui nimium potest. Ideo verò poena illa interdicta fuerat, ne quis ad perpetua vincula damnaretur; vel quia vincula inventa sunt non ad puniendos, sed continendos noxios, ut carcer. *d. L. 8. D. de poen.* vel quia contra libertatem est, ut liberi homines in perpetuis vinculis habeantur; eaque poenâ servi non liberi homines affici debeant. *d. L. 6. C. eod.* Ita servi abactores, sub poena vinculorum, domino restituntur, apud Paulum *lib. 5. sentent. tit. 18. & in collat. leg. Moysic. tit. 11.* id est, ut eos dominus compeditos, catenis & compedibus vinctos teneret. Servi ita vincti nihilominus poterant arare, fodere, opus rusticum facere, in ergastulis operari, aliave obire ministeria, sed non ad justam libertatem pervenire.

Conciliatur L. 3. C. de pignorib. & hypothec. cum L. penult. C. de pign. act. in qua & Graecorum interpretatio rejicitur.

C A P U T VII.

SI convenerit inter creditorem, & debitorem, ut debitore ad diem non solvente, creditor fundum pignorum possideret; vim non facit creditor, si post diem solutioni praestitutam fundum exerceat. *L. 3. C. de pignorib. & hypothec.* id est, non incidit in decretum D. Marci, quod voluit, creditores de vi lege Julia teneri, si absque judicis auctoritate debitum peterent, *L. exstat. 12. D. quod met. caus. L. penult. D. ad leg. Jul. de vi privat.* quia id facit creditor secundum legem conventionis. Attamen non debet adipisci possessionem absque auctoritate Praefidis. *d. L. 3. C. de pignorib. & hypothec.* Sed videtur obitare *L. penult. C. de pignorat. act.* Ubi creditor potest res debitoris auferre, vel ex conventionem, vel ex Praefidali jussione. Ajunt Impp. *Nec creditor citra conventionem, vel Praefidalem jussione, debiti causa res, debitoris arbitrio sua auferre potest.* Quidam existimant, haec verba *L. penult. citra conventionem, vel Praefidalem jussione,* non disjunctim esse accipienda; quasi sufficiat sola conventio, vel sola Praefidalis jussio; sed conjunctim, quasi utrumque requiratur, & conventio & Praefidalis jussio, ut creditor res debitoris auferre possit: atque ita Graeci legunt conjunctim. Attamen Impp. videntur potius respicere ad pignus conventionale, & illud, quod capitur ex causa judicati: ut sit sensus. Non aliter creditorem posse res debitoris auferre, seu distrahere, quam ex conventionem, si pignus contractum fuerit: vel ex Praefidali jussione, si debitor condemnatus fuerit, & pignus ex causa judicati captum fuerit. *In vicem justae obligationis succedit ex causa contractus auctoritas jubentis, L. 1. C. si in caus. judicat. pign. capt.* Neque ita liquidò apparet verba *d. L. penult. C. de pign. act.* non conjunctivâ, sed disjunctivâ oratione legi oportere.

Species profertur ad L. obligationes. D. de obligat. & actionib. & L. ubi 183. §. 1. D. de regul. jur.

C A P U T VIII.

CUM Papinianus multas species inutilis obligationis attigisset *lib. 27. Quaest. velut, si servus extero se emi mandaverit, L. cum servus. 54. D. mandat.* si servus, qui bonâ fide mihi servit, ex re mea aliquid promiserit, *L. liber. 118. D. de verb. obligat.* si servus communis partem, quae

quæ est unius domini, sibi dari stipuletur; aut si quis alii quàm sibi, eivē, in cujus potestate est, dari stipuletur. *L. si servus. 18. §. 2. D. de stipulat. servor.* Subjecerat Papinianus regulam, quæ est in *L. obligationes. 27. D. de obligat. & action.* *Obligationes, quæ non propriis viribus consistunt, neque officio iudicis, neque Praetoris imperiis, neque legis potestate confirmantur.* Officio iudicis, puta, si iudex datus in iudicio stricti iuris adversus jus strictum aequitatis rationem habere velit, ut in bonæ fidei iudiciis, *L. quia. 7. D. de negot. gest. & arbitrariis actionibus. L. 4. D. de eo, quod cert. loc. Praetoris imperiis*, puta, si Praetor ex ea obligatione actionem dederit, & iudicem, arbitrumve addixerit; in quo Praetoris imperium versatur. *L. cum Praetor. 12. & L. iudicium. 58. D. de iudic. Legis potestate*, puta legis XII. tab. quæ voluerat ita jus esse, uti quisque linguâ nuncupasset. *M. Tullius pro Caecinna.* Sextus Pompejus in *Verb. nuncupata.* Et ita lex XII. tab. obligationes confirmabat. Sed nullâ lege obligatio inutilis confirmari potest, *L. ubi. 188. §. 1. D. de regul. iur.* id est, lege XII. tabul. aliâve lege. Ibi igitur legem publicam, non legem privatam, seu pactionem, intelligendam esse constat.

Qui sint duo casus substitutionum:

C A P U T IX.

NON rectè dicitur primus casus substitutionis, casus delatae, & non acquisitæ hereditatis: nam substitutio locum habet in primum casum, etiam ubi hereditas delata non est. Finge, Titium heredem institutum, eique Mævium substitutum, si heres non esset; & Titium ante testatorem decessisse: Mævius ad substitutionem admittetur. *L. unic. §. pro secundo. C. de caduc. tollend.* Et hæc substitutio erit in primum casum; nunquam tamen Titio delata fuit hereditas, quam adeundo consequi non potuit. *L. ex illa parte. 227. D. de verbor. significat.* Minus rectè etiam dicitur secundus casus hereditatis delatae, & acquisitæ: Finge enim, patrem exheredato filio substituisse, si filius intra pubertatem decesserit; substitutioni locus erit in secundum casum, *L. sed si. 10. §. 4. D. de vulgar. & pupill. substit.* & tamen filio hereditas nec delata, nec acquisita fuit. Rectius ergo diceretur, substitutionis primum casum esse casum non existentium heredum. *L. Lucius. 45. D. de vulg. & pupill. substit.* cum substitutio fiat in eum casum, si heres non erit. Secundus quoque casus rectius diceretur, casus mortis; puta, cum exprimitur casus mortis, vel in substitutione pupillari, vel in substitutione à milite facta, expressâ certâ ætate, & quandocunque filius decesserit; vel in substitutione facta furioso ad exemplum pupillaris substitutionis: quæ omnes concipiuntur in casum mortis. Et ita casus mortis, secundus casus substitutionis dici potest.

Differentia inter jus accrescendi, & substitutionis, in specie
L. 6. C. de impuber. & al. substit.

C A P V T X.

MULTUM interest, utrum jure accrescendi, vel jure substitutionis, repudiantium coheredum portiones adeuntibus acquirantur in specie L. 6. C. de impuber. & al. substit. Aliud est jus substitutionis, aliud jus accrescendi. Substitutio defertur ex judicio testatoris, sive ex voluntate testatoris expressâ. L. qui liberis. 8. §. 1. D. de vulg. & pupill. substit. Jus accrescendi ex tacita voluntate. L. qui ex duobus. 53. §. 1. D. de acquir. vel omitt. hered. Substitutio personae defertur. L. si ex pluribus. 9. D. de suis, & legitim. Jus accrescendi heredem sequitur. L. qui patri. 59. D. de acquir. vel omitt. heredit. Jure substitutionis fiscus excluditur; Jure accrescendi non excluditur, sed coheredi praefertur. L. unic. in princ. C. de cad. tollend. Multum igitur interest, utrum dicamus jure substitutionis, vel jure accrescendi repudiantium coheredum portiones adeuntibus acquiri, in d. L. 6. C. de impub. & al. substitut. Et quidem si nihil interesset, frustra testator heredes institutos invicem substitueret, ut ex substitutione partes repudiantium acquirerentur, quae jure accrescendi acquiri possunt. Quantum verò intersit, ex hac specieprehenditur. Finge, Primum, Secundum, Tertium, Quartum fuisse heredes institutos, & invicem substitutos: Primum adisse, Secundum quoque adisse, & postea decessisse: deinde Tertium, & Quartum partes suas repudiasse: Jure substitutionis partes repudiatæ Primo tantum deferrentur, qui solus superstes invenitur. d. L. 9. D. de suis, & legitim. Jure accrescendi etiam heredibus Secundi acquirerentur, d. L. 59. D. de acquir. vel omitt. heredit. ita ut semissem hereditatis alterum cum Primo haberent.

*An si debitor pignus traditum creditori subripuerit, & deinde illud distraxerit, emptori procedat usucapio. Con-
troversia inter utriusque scholae auctores
exponitur.*

C A P U T XL.

DEBITOR pignus creditori tradidit, idque subripuit, & postea distraxit. Dubitatum fuisse, ait Modestinus, an emptori usucapio procederet, L. 5. D. pro empt. Sabiniani admittebant, usucapionem emptori procedere: quia licet debitor subripiendo pignus traditum creditori furtum faciat,

ciat, *L. itaque. 12. §. 2. D. de furt.* vitium rei furtivae purgator ex lege Attinia, cum in potestatem domini redierit; & ita debitorem dominum intelligunt. *L. 4. §. si rem. 21. D. de usurpat. & usucap.* Eorum sententiam Modestinus probat in *d. L. 5. D. pro emptor.* Proculejani videntur contra sensisse, ut non procedat emptori usucapio, nisi pignus subreptum à debitore in potestatem creditoris redierit: quia debitor subripiendo pignus, furtum facit possessionis. *L. 1. §. Scaevola. D. si quis testam. liber esse iuss.* Igitur secundum istos, ut purgetur vitium rei furtivae, redire debet in potestatem creditoris, quasi domini; quique dominus esse intelligitur, ad purgandum vitium rei furtivae, ut tutor, *L. interdum. 54. §. qui tutelam. 6. D. de furt. & servus,* secundum Labeonis sententiam *d. L. 4. §. quod autem. D. de usurpat. & usucap.* Aliis nec creditor opinione domini pignus possidet, *L. si servus. 22. D. de noxalib. actionib.* nec habet pignus in bonis. *d. L. 12. §. 2. D. de furt.* Nec servus est dominus rei peculiaris, reque eam possidere intelligitur. *L. stipulatio. 38. §. plane. 8. D. de verbor. oblig.* Vestigium huiusce sententiae deprehendi potest in *L. ult. D. de usurpat. & usucap. ex lib. 4. Pitbanum* Labeonis à Paulo epitomatorum, ubi Paulus ait, pignore subrepto, eoque distracto à debitore, procedere usucapionem, si in potestatem creditoris redierit, etiamsi in potestatem domini non redierit: quia debitori ipsi furtum factum non est, sed creditori, in cuius potestatem sufficit rem redire, ut vitium purgetur. Si quidem alius à debitore rem pignoratam subriperet creditori, non sulliceret eam in potestatem creditoris rediisse; sed necesse esset, in potestatem debitoris redire. *d. L. 4. §. quod autem. D. de usurpat. & usucap.* Tunc enim cum alius à debitore pignus subripit creditori, furtum fit & proprietatis, & possessionis, ideo debitor, & creditor habent furti actionem. *d. L. 12. §. 2. D. de furt.* At cum debitor pignus subripit creditori, furtum facit, non proprietatis, quae penes eum manet, *L. rescriptum. 10. D. de distract. pignor.* sed tantum possessionis, quam in creditorem transtulit; & ideo sufficit, rem in potestatem creditoris redire, ut purgetur vitium rei, quia ei soli furtum factum est. Proculejanorum sententia praevaluisse videtur, cum à posterioribus Imp. probata fuerit. *L. 6. C. de usucap. pro emptor.* Non probarem, in *d. L. 5. D. pro empt.* ideo usucapionem procedere, quod pignus traditum esset creditori; in *d. L. 6. C. de usucap. pro empt.* non procedere, quod hypotheca nudà conventionione contracta esset. Imò mundus usucapio procedere debuit, cum debitor pignus, quam cum hypothecam subripuerit, atque distraxerit. Nam si quae ratio est, cur non procedat emptori usucapio, ea est, quod cum debitor pignus traditum creditori subripit, furtum facit possessionis; & vitium illud purgari debet, antequam res usucapi possit. At cum debitor hypothecam distraxit, furtum non facit possessionis, quae apud creditorem non transit. *L. si rem. 9. §. 2. D. de pignor. act.* Atque ita magis debet procedere usucapio, cum debitor hypothecam, quam cum pignus distraxerit.

*Soceri parentum locò, generi filiorum locò. Ad L. Genera;
liter. 13. D. de in jus vocand.*

C A P U T XII.

CUM Praetor qualdam personas edictò excepisset, quae nonnisi peti-
tâ veniâ in jus vocari possunt; veluti parentes, patronos, parentum,
patronarum liberos. *L. 4. §. 1. D. de in jus vocand.* Et quidem parentes
utriusque sexus, quibus pietas aequa debetur, licet inaequalis sit eorum
potestas. *L. 4. D. de curatorib. furios.* Sidonius Apollinar. *lib. 4. epist. 21. Est
equidem princeps in genere monstrando partis paternae praerogativa; sed ta-
men multum est, quod debemus & matribus: nec minus est, quod istarum
pondera, quàm quid illorum femina sumus.* Postea generalem clausulam
Praetor eidem edicto subiecit, ut generaliter eae personae, quibus reve-
rentia debetur, sine iussu Praetoris in jus vocari non possunt. Eâ clau-
sulâ generali Praetor non easdem personas, quas exceperat, sed alias com-
prehendere voluit; puta, eas, quibus proxima à parentibus debetur reve-
rentia, veluti socerum, socrum; quia personae istae parentis locò sunt.
L. parentis. 16. D. solut. matrim. L. ult. D. de his, quae ut indign. Philo Ju-
daeus *lib. 2. de Monarchia: γαμβρὸς ἢ ἀδελφὸς τοῦ πατρὸς, καὶ ἀδελφὴ τοῦ
γαμβροῦ ὀνόματι, i. e. generi filiorum locò soceris, & soceri parentum locò
generis.* More Romano nurus, & generi socerum patris appellatione salu-
tabant. Plinius *lib. 7. natural. histor. cap. 13. Nurus, generosque, qui se pa-
tris appellatione salutarent.* Generi contra filiorum locò; & ita Symma-
chus Thalassiam generum Ausonii nomine filii caeset, *lib. 1. epist. 19.*
Aristaenetus *lib. 2. epist. 8. τὸν ἀδελφὸν ἢ τὸν ἀδελφὴν τοῦ πατρὸς, i. e. generum
ex benevolentia filium vocat.* Non tamen eâ clausulâ generali Praetor om-
nes personas, quibus reverentia debetur, comprehendit *d. L. 13. D. de in
jus vocand.* Senibus enim debetur reverentia, *L. semper. §. D. de jur. im-
munit.* at nemo dixerit, senem non nisi permissu Praetoris in jus vo-
cari posse. Tantum igitur eas personas comprehendere voluit, quibus
propter affinitatem eadem, quae parentibus, debetur reverentia.

*An filio emancipato libertus assignari possit. Conciliatur L.
utrum. 9. D. de assignand. libert. cum §. datur.
Instit. de assignat. libert.*

C A P U T XIII.

DUBITARI solere, ait Modestinus in *L. utrum. 9. D. de assignand. li-
bert. utrum* patronus tantum filio in potestate constituto, an etiam
eman-

emancipato libertum assignare possit; ut ille solus jura patronatus habeat, & ad legitimam liberti hereditatem admittatur. Ratio dubitationis videtur fuisse, quod S^{cti} de assignandis libertis, ita demum uni ex liberis libertum assignare permittitur, si habeat liberos in potestate. *L. 1. eod. tit. D. de assign. libert.* Ita videtur ex verbis S^{cti}, ut libertus non nisi liberis, qui sunt in potestate, assignari possit. Modestinus tamen putat in d. *L. 9.* etiam filio emancipato libertum assignari posse, si non pauciores, quam duos liberos habeat in potestate. Ratio Modestini fuit, quia S^{ctum} ita conceptum est, ut is, qui habet liberos in potestate duos, pluresve, libertum assignare possit: sed non ita conceptum est, ut tantum liberis, qui sunt in potestate, libertus assignari possit. Colligitur ex verbis S^{cti}, ut is, qui habet liberos in potestate, libertum assignare possit: quia duo liberi in potestate inducunt jus S^{cti}. *L. 3. §. unde. D. eod. tit. de assignand. libert.* Sed non est sententia S^{cti}, ut libertus tantum liberis, qui sunt in potestate, assignari possit. Igitur libertus filio emancipato assignari potest, ut & exheredato. *L. 1. §. sed & si. §. D. eod.* Obstat valde, quod tantum liberis, qui sunt in potestate, libertum assignari liceat; adeo ut si filio in potestate constituto facta sit assignatio, & postea emancipatus fuerit, assignatio evanescat. *§. datur. 3. Instit. de assignat. libertor.* Tantum igitur abest, ut filio jam emancipato libertus assignari possit, quin potius assignatio per emancipationem tollitur. Quidam ita intelligunt d. *L. 9. D. de assign. libert.* quod emancipato soli libertus assignari non possit, sed simul cum aliis liberis in potestate constitutis. Quenam vero illa ratio fuerit, ut emancipatus propter alios habeat, quod per se habere non possit? Aliud suadent verba Modestini in d. *L. 9.* non ut libertus filio emancipato conjunctim cum liberis in potestate, sed etiam separatim assignari possit. Quod vero ait Justinianus in d. *§. 3.* posse libertum assignari liberis, qui sunt in potestate, id est, secundum verba S^{cti}; non negat emancipato libertum assignari posse. At assignatio facta filio in potestate, post emancipationem evanescit. d. *§. 3. Instit. de assign. libert.* Multo minus igitur filio emancipato assignari potest. Ratio differentiae est, quia cum pater assignat libertum filio in potestate, eâ mente videtur assignare, ut tamdiu habeat jus liberti, quamdiu in familia manserit: cum emancipat, nudâ voluntate assignationem videtur amittere. Veluti amittit jus familiae, & agnationis per emancipationem, *L. ult. D. de capit. minus.* ita & jus assignationis. Cum autem pater assignat libertum filio jam emancipato, manifesta est voluntas patris, ut quamvis filius sit emancipatus, jus patronatus in libero habeat. Vel dicendum est, temporibus Juliani, cujus auctoritatem assertit Justinianus, id propter verba S^{cti} nondum receptum fuisse, ut libertus emancipato assignaretur: quod Modestini temporibus deinceps receptum fuit, quia jure praetoriò emancipati in familia esse intelliguntur, *L. peto. 69. §. ult. D. de legat. 2.* & ita liberi emancipati, quibus assignatus est libertus, per Praetorem filio assignatoris remanenti in potestate praeferuntur. *L. 3. §. emancipatus. D. de assignand. libert.*

Modi

*Modi quidam Latinae libertatis, & vestigium quoddam
deprehenditur in L. mortis. 15. D. de manumif-
sionib.*

C A P U T XIV.

INNUMERABILES modos Latinae libertatis fuisse refert Justinianus-L. unic. C. de Latin. libert. tollend. quas toties competebat, quoties domini voluntate servi in libertate fuissent. Dositheus in fragmento post collat. leg. Moſaic. In his, qui inter amicos manumittuntur, voluntas domini spectatur, quae jubet eos fieri Latinos, quos dominus liberos esse voluit. Veluti si puero bullam, & praetextam dominus imposuerit, voluntate domini videtur fuisse in libertate, & habere Latinam libertatem. Suetonius in lib. de clar. Rhetorib. cap. 1. Venalitiū quum Brundusii gregem vesalium à navi educerent, formoso & pretioso puero, quod portitores verebantur, bullam, & praetextam togam imponere, facile fallaciam celarunt. Romanus venit, res cognita est; petitur puer, quod domini voluntate fuerit liber, in libertatem. Vel si dominus ancillam matronali habitu ornaverit; aut servus volente domino tabulas signaverit. Quintilianus declarat. 34. & 342. Aut si dominus servum mensae adhibuerit. Satis erat servum jussu domini epulis accubuisse; ut Latinam haberet libertatem, Gloſſae nomenclae Labbaei, Πικρὸν ἐλευθερία, ὅτι εὐνοίας τῶν κυρίων τῶν δούλων μὲν, i. e. Per mensam libertas, si mecum epulari servum meum jussero. Sed tamen Dionysius Alexandrinus in epist. ad Paulum Samosatenum, quaest. 7. tom. 1. Bibliothecae PP. Graecorum, videtur praeterea exigere, ut dominus habuerit animum dandae libertatis, cum servum mensae accumbere voluerit. Theophilus, ἐν ἐλευθερίας δόξ, i. e. propter libertatis dationem. §. Et dedititios. Institut. de libertin. Ita etiam videtur Latina libertas data fuisse mortis causâ à Labeone patre Antistii Labeonis Jurisconsulti, cum moriturus servum dextrâ apprehendit, & circumegit, apud Appianum lib. 1. lib. 1. Non enim potuit servus vindictâ manumitti absque magistratu. Servus igitur ita manumissus à Labeone Latinam habuit, non jussam libertatem. Quid si testamento manumisisset, non opus fuisset circumactione, seu vertigine: sed hoc symbolo ostendit, velle se libertatem servo dare. Ita mortis causâ datam libertatem, ait Justinianus §. quid ergo. Instit. de eo, cui libertat. caus. bon. addicunt. Ad eam speciem libertatis pertinet L. mortis. 15. D. de manumission. Finge, dominus servum mortis causâ manumisit, testibus praesentibus: si dominus convulerit, servus non desinit esse liber; quia cum semel domini voluntate in libertate fuerit, Latinam habet libertatem. Idem esse ait Marcellus, si dominus vindictâ servum absolutè manumiserit mortis causâ, quia moriturum se putet, tempus mortis expectatur, ut jussam habeat libertatem; sed interim habet Latinam. Non frustra ait Marcellus, absolutè manumiserit, id est, non imposita conditione, ut Latinam solum habeat libertatem: quod ante

te Justinianum fieri poterat. d. *L. unic. §. illo. 6. C. de Latin. libert. tollend.* Igitur Marcelli tempore manumissus vindictâ mortis causâ interim Latinam habuit libertatem; post mortem manumissoris, legitimam: *durante*, scilicet, *voluntate manumissoris*, ut ait Marcellus. Quod si vindictâ manumissus mortis causâ legitimam libertatem habuisset, locus poenitentiae non fuisset, ut est apud Tacitum *lib. 13. Annal.* nec inspiceretur voluntas manumissoris, qui libertatem vindictâ datam revocare non posset. *L. ult. D. pro derelicto.* Denique haec est mens Marcelli, ut si dominus absolutè, nec impolitâ conditione Latinae libertatis, servum vindictâ manumiserit mortis causâ, Latinam habeat libertatem: & ut aliàs manumissus mortis causâ Latinam etiam habeat libertatem, quia domini voluntate fuerit in libertate.

Differentiae quaedam inter SCtum Trebellianum, & Pegasianum observantur. In L. postulante. 44. §. 1. D. ad SCtum Trebellian. species intricata exprimitur.

C A P U T XV.

SI non desideraretur constitutio Iulianianâ, quâ SCtum Pegasianum substituit, & transfudit in SCtum Trebellianum antiquius, notae essent differentiae inter utrumque SCtum. At earum hodie quaedam tantùm veluti strictiora micant, ut in *L. qui totam. 45. D. ad SCtum Trebell.* Restitutio fieri debuit ex SCto Pegasiano, cum heres totam hereditatem rogatus esset restituere: & ita Triboniani manus manifestaria est, quâ SCto Trebelliano tribuit, quod erat ex SCto Pegasiano. Ulpianus *lib. sing. reg. tit. 25. de fideicommiss.* At rectè ex SCto Trebelliano restitutio fieri dicitur, cum heres acceptâ, deductâve quartâ hereditatem restituere iussus est. *L. acceptis. 93. D. ad leg. Falcid. L. debitor. 20. D. quae in fraud. creditor.* Id plerumque opus vestigare, quando huic, vel illi SCto locus fuerit, ut in *L. postulante. 44. D. ad SCtum Trebell.* cujus principium referendum est ad SCtum Pegasianum, & quod mox sequitur in §. 1. *ad SCtum Trebellianum.* Species d. *L. 44. inexpedita est satis.* Finge, Sempronius Maevium heredem instituit; Stichus servo suo libertatem reliquit, & fideicommissam hereditatem; puta, rogavit Maevium hereditatem restituere: Maevius suspectam habebat hereditatem, eamque adire reculavit; Stichus propter spem libertatis, & hereditatis apud Praetorem postulavit, ut Maevius hereditatem Sempronii adire cogeretur ex SCto Pegasiano; nam hoc erat ipsius SCti praecipuum. §. *sed quia stipulationes. Instit. de fideicommiss. hereditat.* Maevius igitur compulsus Sempronii hereditatem adiit; sed antequàm restitueret hereditatem Stichus, & in eum actiones transferret,

uti

uti eodem SCto Pegasiano cautum erat, Ulpianus *lib. singul. regul. d. tit. 25.* decessit Stichus liber factus, relicto herede Titio. Quaerit Marcellus, an Titius Stichi heres fideicommissam hereditatem Sempronii recusare possit, vel eam recipere teneatur. Movebat, quod Stichus decesserat, antequam ei restitueretur hereditas, & nullam moram in accipienda hereditate fecerat. Tum quia SCtum Pegasianum tantum caverat, ut ei, qui hereditatem adiri postulaverat, restitueretur hereditas; sed heredis mentionem non fecerat, ut heredi ejus, qui adiri postulaverat, restitueretur, & in eum actiones transferrentur. Marcellus ait, ideo SCto Pegasiano non esse factam mentionem heredis, quia putaverat Senatus, hereditatem aditam confestim debere restitui. *L. utrum. 12. §. 2. D. ad SC. Trebell.* atque etiam repraesentari, si sub conditione relicta esset. *L. si patroni. 55. §. 1. D. eod.* Verum tamen posse evenire, ut mox quam adita fuerit hereditas, non restitueretur. Finge, Sempronium Maevio heredi pecuniam debuisse, & Maevium compulsum fuisse Sempronii hereditatem adire: Maevius antequam restitueret hereditatem, potuit pecuniam sibi debitam retinere. *L. debitor. 58. D. eod.* Si inter moras restituendae hereditatis Stichus decesserit, Titio herede relicto, putat Marcellus, Titium non posse hereditatem Sempronii recusare, quam nec Stichus recusare poterat; licet plerumque alia sit conditio heredis, quam defuncti. *L. cum opus. 22. D. de oper. nov. nuntiat.* quae jungenda est cum d. *L. 44. D. ad SC. Trebell.* ex eod. *lib. 15. Digestorum* Marcelli. Quod si Stichus sine herede decesserit, creditores Sempronii bona Stichi vendere poterant, d. *L. 11. §. 2. D. eod. tit. ad SC. Trebell.* Maevius heres conveniri non poterit; idque ex SCto Pegasiano, quod nullum incommodum sentire voluit eum, qui compulsum adierit. d. *§. 8. Instit. de fideicommissi. heredit.* d. *L. 11. §. 2. & L. nam quod. 14. §. 4. D. ad SC. Trebellian.*

In §. 1. ejusdem L. 44. D. ad SCtum Trebell. quaedam alia differentia signatur. Lectio Florentina defenditur.

C A P U T XVI

INITIUM *L. 44. D. ad SCtum Trebell.* ad SCtum Pegasianum pertinet; & quod sequitur in *§. 1. ejusd. L. 44.* ad SCtum Trebellianum. Pater filiam Titiam ex asse heredem instituit, & rogavit, Maevio dimidiam partem hereditatis restituere, deductis legatis, & aere alieno non magno: ita ut Titia quartam, aut plus quartam hereditatis haberet, & lepi Falcidiae locus non esset. Titia rogata hereditatem restituere, eam praesenti die restituere tenebatur: sed Maevius per aliquod tempus fideicommissum perere distulit; & ita Titia moram non fecit restitutioni fideicommissi, quia
ibi

ibi nulla mora fieri intelligitur, ubi nulla est petitio. *L. nulla. 88. D. de regul. jur.* Postea verò Maevius desideravit sibi restitui hereditatem ex SCto Trebelliano, cui locus fuit Falcidiâ non interveniente, Ulpianus *lib. sing. regul. tit. 25.* & desideravit Maevius *verbo tenus sibi restitui hereditatem, ut ex Trebelliano SCto agenti*, id est, tanquam desideranti sibi restitui hereditatem ex eo SCto. In his autem verbis nihil mutandum est, in quibus latet differentia inter Pegasianum SCtum, & Trebellianum. Nam quâ restitutio fieri debebat ex SCto Trebelliano, *verbo tenus* fieri potuit. *L. restituta. 37. D. ad SCtum Trebell.* At ex SCto Pegasiano restitutio *verbo tenus* fieri non potuit, cum interponerentur stipulationes partis & pro parte, vel emptæ & venditæ hereditatis. §. 7. *Instit. de fideicommiss. hereditat.* Ulpianus *d. tit. 25.* Paulus *lib. 4. sentent. tit. 3. de SCto Pegasiano.* Et vestigium istius differentiae deprehendi potest in *L. facta. 67. in princip. & §. 1. D. ad SC. Trebell.* Cum in hereditate restituendâ essent obligationes usurarum ex stipulationibus, & pensionum ex locationibus prædiorum, quaesitum fuerat, an cum Titia restitueret hereditatem, transferre deberet actiones hereditarias in Maevium, quæ ex stipulationibus, aut locationibus competeabant, à die mortis testatoris ad tempus restitutæ hereditatis; an verò penes Titiam manere deberent: puta, ut Titia usuras, & pensiones haberet, quæ ab eo tempore debebantur. Movebat, quòd fructus mediò tempore percepti ad heredem pertinent, quia percepti sunt negligentis petentis, seu illius, qui petere debuit fideicommissum. *L. si mulier. 22. §. si heres. 2. D. ad SCtum Trebell.* At pensiones vicem fructuum obtinent. *L. mercedes. 29. D. de heredit. petit. L. usuras. 24. & L. pensiones. 36. D. de usur. & L. cum servus. 39. §. 1. D. de legat. 1. L. quod bis verbis. 83. D. de legat. 3.* Marcellus respondit, actiones usurarum, & pensionum in restitutionem hereditatis venire; & ad hoc nihil interesse, sive usurae in annos singulos, sive in menses, sive purè, sive sub conditione promissæ fuerint: nec quòd jam dies earum cesserit, dummodò Titia usuras, aut pensiones non exeperit. Exactæ quidem pro fructibus cederent, & in restitutionem hereditatis non venirent: sed quia actiones sunt in hereditate, restitutione hereditatis istæ actiones continentur. *L. deducta. 58. §. qui poss. 2. D. ad SCtum Trebellian.* Si quidem Maevius desideraret Titiam heredem fideicommissum supplere, id est, supplere ex fructibus deminutionem hereditatis, *L. scribit. 33. & d. L. 58. §. penult. D. ad SCtum Trebellian.* posset quidem Titia pensiones retinere, quarum jam dies cesserat. Sed quia Maevius tantum desiderat sibi restitui, qualis est, nullâ habita ratione augmenti, vel deminutionis: Marcellus existimat, Titiam non debere recusare, ut actiones usurarum, & pensionum in Maevium transferat. Maximè cum SCtum Trebellianum voverit fideicommissarium heredem loco haberi, & quodammodò effectu heredem esse. *L. §. 1. D. quod cum eo qui in alien. potest.* Subjicit Marcellus, Titiam, si nummos hereditarios foeneraverit, eas usuras posse retinere; quia suò periculò foeneravit: posse etiam fructus mediò tempore perceptos retinere, quòd eos suâ curâ, industriâve perceperit: diversamque à fructibus esse rationem usurarum, & pensionum, quæ absque ullò impendio, vel

operâ heredis proveniunt . At si Titia hères in restitutione fideicommissi moram fecisset , & secum licem contestari passâ esset ; ex eo tempore fructus receptos restituere teneretur , usuras quoque , & pensiones . L. 3. in princ. D. de usur. L. Titia. 87. §. 1. D. de legat. 2. L. in fideicommissaria. 18. D. ad Sctum Trebell. L. 1. 2. & 4. C. de usur. & fructib. legator. & fideicom.

Probationes ex veteribus , & ex publicis monumentis.

C A P U T XVII.

MONUMENTA vetera L. in finalibus. 11. D. finium regundor. dici possunt lapides , termini , cippi , tabulae aeneae , quibus fines , & formae agrorum inscribebantur . Ita Ephorus apud Strabonem lib. 10. Geograph. ad probandam Aetolorum gentem *μεγίστην τὰ τέμνη μαγνεία , τὴν ἐν ἑσπερίᾳ* , i. e. addunt eorum testimonia , inscriptiones . Et Messenii adversus Lacedemonios de jure templi Dianae Lemnitidis certantes apud Tacitum lib. 4. Annal. 43. dicebant , *monumenta ejus rei sculpta saxis , & aere prisca manere* . Monumenta vetera etiam possunt intelligi in d. L. 11. sepulchra , quibus fines possessionum , & dominia probantur . Tiberius Caesar apud Frontinum in lib. de limitib. agror. *Sunt etiam monumenta in itineribus constituta , quae fidem publicam tenent . & postea : Omne enim monumentum dominorum nomina testatur , quae ad jura possessionum pertinere noscuntur* . Monumenta publica in L. census. 10. D. de probationib. sunt tabulae censuales , seu tabulae publicae censûs , ut publica monumenta actorum . L. donationibus. 31. C. de donationib.

De aetate , sectâ Ulpîi Marcelli , & de libris Digestorum ejusdem Marcelli , & notis Ulpiani ad Marcellum.

C A P U T XVIII.

ULPIUS Marcellus vixit sub Trajano , si ille est , ad quem Plinius scribit lib. 3. epist. 8. Nec repugnant tempora . Capitolinus eundem Macellum refert inter Jurisperitos , quorum auctoritate , & consiliò D. Pius utebatur . Pervenit ad tempora D. Marci , in cujus etiam consilio fuisse deprehenditur , Pudente & Pollione Coss. L. 3. D. de his , quae in testam. delent. & L. non putabam. 48. D. de condit. & demonstr. Non tamen

men putarem, ad tempora Severi pervenisse. Et de aetate quidem Marcelli satis constat; de secta vero dubitari potest. Necdum enim temporibus ipsius diffensiones iuris auctorum pacatae fuerant. Videtur autem Proculejanorum sectas adhaesisse, quod alijs probavimus. Non moveor, quod notas scripserit ad libros Digestorum Juliani ex Sabinianis: quia Iuriconsulti non solum ad auctores contrarias sectas scribebant; sed etiam ad eos, quorum ipsi sectam proficebantur. Neque etiam moveor, quod Proculejanis saepe consentiat, ut Labeoni, *L. 4. §. 3. D. de condict. ob turp. vel injustam caus.* Labeoni, & Nervae, *L. 1. D. si usufruct. petat.* Nervae, & Proculo, *L. certi. 9. §. ult. D. de reb. credit. Cello, L. penult. C. de condict. indebit.* Nam & alijs consentit Sabino, *L. nam sicut. 36. D. ad leg. Aquil.* Cassio Longino, *L. 2. D. de Senatorib. & Juliano saepissime*, in notis ipsis ad libros Digestorum Juliani. Sed moveor, quod fratrem habuit Neratium Priscum ex Proculejanis. *L. 2. §. ult. D. de orig. iur.* cujus sententiam probat *L. Praetor. 7. §. si mihi. D. de iniuriis.* & *L. Neratius. 88. D. de verbor. significat.* & Neratius Priscus Marcello fratri rescriptis, *L. quaesitum est. 12. §. idem. 43. D. de instruct. vel instrum. legat.* Probabile est igitur, Ulpium Marcellum à secta Neratii Prisci fuisse, ut Nerva pater & Nerva filius, Celsus pater, & Celsus adolescens fuerunt ejusdem scholae. Tum quod in *L. sed interim. 11. §. 3. D. de donation. inter vir. & uxor.* Marcellus ita loquitur, *Placuisse scio Sabinianis*, quali ex ea schola non fuerit: alioqui praeceptores suos laudasset, ut Gajus *L. si aedibus. 32. D. de damn. infect.* Marcellus autem in libris Digestorum secutus videtur ordinem Edicti perpetui; at in notis ad libros Digestorum Juliani secutus erat ipsum ordinem Juliani. Libri Digestorum Marcelli referuntur usque ad triginta novem; notae Marcelli ad Julianum usque ad quadraginta duos. Ut Marcellus notas scripserat ad libros Digestorum Juliani; ita Ulpianus postea notavit Marcellum ad libros Digestorum: ad *lib. 5. L. si quis. 41. D. ad leg. Aquil.* ad *lib. 6. L. 2. D. de divers. & temp. praescriptio- nib.* cujus extremum Ulpiani notam sapit. ad *lib. 8. L. tutor. 28. D. de ad- ministrat. & pericul. tut.* ad *lib. 9. L. Aristo. 9. D. de iur. codicillar.* Aliae vero sunt notae Ulpiani ad notas Marcelli in libros Digestorum Juliani. *L. apud Julianum. 5. D. de heredib. instituend.* Cervidius Scaevola, Paulus, Ulpianus notaverant Marcellum in notis ad Julianum. Solius Ulpiani notae extant ad libros Digestorum Marcelli.

Ratio dubitationis repetita ex temporibus Iuriconsulti in L. ab agnato. 12. D. de curatorib. furios. & al. ext. mi- nor. dand.

C A P U T XIX.

CURATORES sunt vel legitimi, ut agnati proximi, ex *lege XII. Tabul.* vel honorarii, qui à Praetore dantur furiosis, & prodigis liberti-
nis,

nis, atque item furiosis, qui ex testamento heredes facti in furorem prolaborunt, vel dissipant bona. Ulpianus *tit. 12. de curatorib.* Sive autem agnatus curator furiosi legitimus fuerit, sive alius à Praetore datus, non permittitur ei furiosi rem dedicare. *L. ab agnato. 12. D. de curatorib. furios.* Et hoc quidem Marcelli temporibus quaeri potuit, seu M. Antonini Philosophi, cum certatim omnes in honorem Antonini statuas, atque imagines in Larariis suis dedicarent. Capitolinus in *M. Antonino*: *Sacrilagus iudicatus est, qui imaginem in sua domo non habuit; qui per fortunam vel potuit habere, vel debuit. Denique hodieque in multis domibus M. Antonini statuæ consistunt inter Deos Penates.* Id igitur quaeri potuit Marcelli temporibus, qui vixit sub D. Marco, an curator furiosi, exemplo ceterorum, rem furiosi dedicare potuerit. Marcellus negat, quod curatori sive legitimo, sive honorario, ulquequaque alienatio permissa non sit. Dedicare est dare, donare, dicare, consecrare, ut M. Tullius *Verrina 9.* At donare curatori non permittitur, *L. ult. D. de curatorib. furios.* neque etiam tutori, *L. tutor. 22. D. de administrat. & pericul. tutor.* qui domini locum obtinet.

Exponitur L. cum mulier. 10. D. de Carboniano edict. & conciliatur cum L. 3. §. 3. D. de iurejurand.

C A P U T XX.

MULIER mortuò maritò prægnantem ex eo se dicit; heres legitimus, vel institutus negat: si digna sit dubitatio, mulierem prægnantem esse, ad exemplum Carboniani edicti mulier mittitur in possessionem ventris nomine. *L. 1. §. si ea. 14. D. de vent. in possess. mittend.* In illa dubitatione potest heres iusjurandum deferre mulieri, vel contra mulier heredi. Si mulier iuraverit, se prægnantem esse, ibit in possessionem, quamvis prægnans non sit: si contra eam iuratum fuerit, ei denegabitur possessio, quamvis re verà prægnans sit, *L. 3. §. 3. D. de iurejurand.* ubi quod refertur ex Marcello,ungi potest cum *L. 10. D. de Carbon. edict. & L. 1. D. si ingen. esse dicet. ex lib. 7. Digest.* Marcelli. Iusjurandum igitur mulieri ad id prodest, ut ei detur possessio, quæ aliàs dari deberet causâ cognita: & quidem causæ cognitio adhibenda est, ne aut possessio bonorum data heredi faciat præiudicium, aut denegata ius ordinarium eripiat pupillo. d. *L. mulier. 10. D. de Carbon. edict.* Cum mulieri datur bonorum possessio, sit præiudicium heredi: quia donec mulier pariat, aut prægnantem non esse appareat, ex hereditariis bonis alitur. *L. 1. §. penult. & L. ubicumque. 7. §. 1. D. de vent. in possess. mittend.* Denegata verò possessio mulieri, ius ordinarium eripit pupillo, sive partui edito: ius ordinarium, id est, ordinariam, sive edictalem bonorum possessionem, quam pupillus natus debet petere. *L. 2. §. si quis. ex liberis. D. ad*

ad SC. Tertyllian. Cùm denegata est mulieri possessio propter iuramentum heredis, jus ordinarium non eripitur pupillo, nec impeditur bonorum possessionem edictalem petere. d. L. 3. §. 3. *D. de iurjurand.* At cùm denegata est à Praetore causâ cognitâ, puta, cùm apparuit, mulierem ex marito non esse praegnantem, aut ex eo praegnantem esse non posse; pupillus postea natus ad bonorum possessionem mariti non admittitur, neque ut filius agnoscitur. L. 3. *D. de agnoscend. & alend. liber.* quae iungenda est etiam cum d. L. 10. *D. de Carbon. edict. ex eod. lib. 7.* Digesti Marcelli.

An societas universorum, vel partis bonorum, contracta fuerit in L. si socius. 16. D. de reb. credit.

C A P U T XXI.

NON immeritò quaeritur in *L. si socius. 16. D. de reb. credit.* quatenam societas contracta fuerit, an universorum, vel partis bonorum: nam si socius universorum societatem contraxerit, non potest habere propriam pecuniam, ut eam credat. Contractâ huiusmodi societate, bona sociorum continuò inter eos communicantur fictâ quadam traditione, & socii finguntur bona sibi invicem tradidisse. L. 1. §. 1. *D. pro socio.* Itaque potius dicendum videretur in d. L. 16. *D. de reb. credit.* contractam fuisse societatem partis bonorum, ut in *L. si unus. 67. §. 1. D. pro socio.* quae est ex eod. lib. 32. Pauli *ad edictum.* Et hac ratione motus Graecus interpres in Basilicis observat, contractam fuisse societatem partis bonorum in d. L. 16. *D. de reb. credit.* Sed si illud admittamus, nulla est dubitatio, quin socius propriam pecuniam credere possit. Magis putarem, universorum bonorum contractam fuisse societatem, & postea uni ex sociis pecuniam obvenisse, puta, ex donatione, vel ex legato. Si eam invitis sociis crediderit, nihilominus credita efficietur, quia ea pecunia est propria socii, antequàm communicata fuerit. Socii quidem habent actionem, ut communicetur. *L. si quis societatem. 74. D. pro socio.* sed actio, quam habent socii, non impedit translationem dominii in mutui datione. At siinge, unum ex sociis communem pecuniam credidisse; si quidem consensu sociorum, tota erit credita: veluti unus ex sociis consensu aliorum communem fundem potest vendere. d. L. 67. *D. pro socio.* si verò invitis sociis, non nisi pro parte erit credita. *L. nam & si. 13. D. de reb. credit.* Quid si debitor pecuniam communem creditam bonâ fide consumpserit, ex consumptione tota condici poterit: veluti alienis nummis consumptis nascitur condictio. d. L. 13. & *L. non omnis. 19. D. de reb. credit.*

Ex-

Exponitur L. si quis Titic. 17. D. de legat. 2.

C A P U T XXII.

LEGATA sunt decem Titio ; Titius rogatus est , ea decem restituere Maevio : si Maevius mortuus fuerit , legatum Titii commodo cedit , non heredis . *L. si quis Titio. 17. D. de legat. 2.* Non exprimit Marcellus , si Maevius fuerit mortuus tempore facti testamenti , vel si vivò testatore , aut post mortem ipsius decesserit . Major autem subest dubitatio , si Maevius esset mortuus tempore facti testamenti , an legatum apud heredem remanere deberet , quod testator apud legatarium remanere noluerat , sed restitui Maevio : cum Maevius esset mortuus , fideicommissum pro non scripto fuit , & ita remanere poterat apud heredem . *L. penult. D. de his , quae pro non script. habent. L. unic. §. in primo. C. de cad. tollend.* Si Maevius vivò testatore decesserit , nulla fuit dubitatio , quin legatum apud Titium manere deberet . Id enim SCto Trebelliano expressum fuerat , ut fideicommissum deficiens maneret apud eum , cujus testator fidem elegerat , ejusque potior causa esset , quàm heredis , aut fisci . Lex Papia legata , quae vivò testatore deficiebant , aut post mortem testatoris , caduca fecerat : SCtum Trebellianum post legem , fideicommissa , quae deficiebant , manere voluit apud eum , à quo relicta fuerant , non caduca esse . Ulpianus *lib. 16. ad legem Julianam , & Papiam . L. Julianus. 60. D. de legat. 2.* Excipit Marcellus in *d. L. 17.* non manere legatum apud Titium , si eum testator ut ministrum elegerit : quia eo casu legatum ad eum pertinere noluit . Subjicit Marcellus , *Idem est , si ponas usufructum legatum :* puta , si Titio legatus sit usufructus , & rogatus sit eum restituere Maevio . Ita enim usufructus legatus per fideicommissum relinqui potest . *L. 3. D. si usufruct. petat. L. si quis. 29. D. de usu , & usufruct.* Mortuò Maeviò usufructus manere debet apud Titium , non redire ad heredem , quamvis proprietatem habeat . Nam etsi proprietates penes heredem fuerint , legatò usufructu ut restitueretur , moriente legatariò heres usufructum restituere tenetur . *L. si ab eo. 9. D. cod. tit. de usu , & usufruct.* In §. 1. *d. L. 17.* Marcellus ait , si heres damnatus fuerit uni ex libertis dare decem , & nullum elegerit , omnibus deberi : quia omnibus dare oportuit . Idque refert Pomponius ex rescripto Imp. Antonini . *L. Labeo. 24. §. 1. D. de statuliber.* non Antonini Caracallae , quem praecessit Pomponius ; sed Antonini Pii , vel Antonini Philosophi , sub quibus vixit Marcellus .

*Privilegium, & jus singulare militis deprehenditur in
L. si miles. 31. D. de testamento milit.*

C A P U T XXIII.

SI miles Titio & Sejo servum legaverit, & deliberante Sejo, an legatum vellet agnoscere, Titius servum manumiserit, siervo libertas competit. *L. si miles. 31. D. de testamento milit.* At nullum est hoc privilegium militis, cum & in testamento pagani idem obtineat, *L. 3. D. de manumiss. vindict.* maxime si legatum fuit conjunctim Titio & Sejo per vindicationem: quia in eo genere legati solidum cuique ab initio relictum fuisse intelligitur, & concursu partes fieri. *L. 1. §. interdum. & L. 3. D. de usufr. accrescend. L. conjunctim. 80. D. de legat. 3.* Igitur non concurrente Sejo in parte legati servi, Titius servo libertatem dare potuit, quasi totus illi servus legatus fuerit. *L. quia. 35. D. ad leg. Agniti.* Cum in testamento fuerit conjunctim per damnationem in testamento pagani, unus ex legatarus servo libertatem dare non potuit: quia non concurrentis pars alteri non accrescebat, *L. plane. 24. §. si Titio. D. de legat. 1.* sed in hereditate remanebat. Ulpianus *lib. sing. regul. tit. 24. de legat.* In legato per damnationem non concurrente Sejo, pars Seji penes heredem remansit, Titio non accrevit. Ita igitur servo communi heredi, & Titii, Titius solus libertatem dare non potuit. Paulus *lib. 4. sentent. tit. 12. de manumissionib. §. ult. luffit. de donationib.* Quare videtur id privilegium militis fuisse, si conjunctim legaverit, ut differentia legatorum non observaretur, quasi miles istam differentiam ignoraverit, ejusque voluntas fuerit, ut non concurrente altero, alius totum legatum haberet: atque ita Titius servo libertatem dare potuit, quasi ei soli legatus fuisset. Et cum in testamento pagani differentia legatorum observaretur, in testamento militis locum non habuit, in quo voluntas militis probabilis valere debet: & inducitur facile eam voluntatem militis fuisse, si conjunctim legaverit Titio, & Sejo; ut si Sejus concursu partem non faceret, Titius solidum quasi ab initio relictum haberet.

*Rejicitur commentum Graecorum de exceptione furti una
facti, in L. si quis. 83. D. de furt.*

C A P U T XXIV.

GRAECI interpretes cum non satis perciperent, quaenam actio deberet intelligi in *L. si quis. 83. D. de furt.* quandam exceptionem com-

commenti sunt *furti unâ facti*: puta, si Titius res plures Maevii simul, eodemque tempore subripuit, vestem, argentum; & Maevius furti egerit adversus Titium vestis subreptae nomine; deinde adversus eundem Titium argenti subrepti nomine agere velit; putant Graeci, Titio dandam esse istam *exceptionem furti unâ facti*, quae quidem commentitia est. Nam etsi plures eodem tempore res subreptae fuerint, & unius nomine furti actum fuerit; deinde aliûs nomine furti agatur, non alia exceptio competit, quàm exceptio rei judicatae, quae & competere videbatur in d. L. si quis. 83. D. de furt. Finge, Titius Maevio vestem subripuit, eodemque tempore servus Titii unâ cum domino argentum Maevii subripuit; Maevius agit adversus Titium vestis subreptae nomine; deinde agit noxali actione furti adversus Titium servi nomine, quodd argentum subripuerit. Titius excipit, quodd servus furtum unâ cum eo fecerit, & jam secum actum fuerit, ita quidem videretur exceptionem rei judicatae Titio dari oportere, quae toties datur, quoties eadem quaestio inter easdem personas revocatur. L. 3. D. de except. rei judicat. Hic autem eadem furti actio inter easdem personas Titium, & Maevium revocatur: & licet nomine servi agat Maevius, nihilominus adversus eundem Titium agit. At Neratius non putat, Titio exceptionem rei judicatae dandam esse: quia ista exceptio datur, cum de eadem re agitur, L. 5. D. de except. rei judicat. non cum adversus personas de diversis rebus agitur. L. interdum. 56. §. ult. D. de furt. ubi, quod ait Iulianus, nulla exceptio dari debet, id est, neque exceptio rei judicatae, neque exceptio doli mali, quae concurrat cum exceptione rei judicatae.

Cur Ulpianus simul istas duas actiones junxerit, judicati, & incensarum aedium, in L. 7. §. si paciscar. D. de pact.

C A P U T XXV.

ULPIANUS ait in L. jurisgentium. 7. §. si paciscar. 13. D. de pact. Si paciscar, ne pro judicati, vel incensarum aedium agatur, hoc pactum valet. Istas duas jungit actiones, quia utraque actio legitima ex XII. tab. & utraque in duplum, & in utraque actione eadem sublit dubitatio. Judicati actio legitima, & tempus judicati faciendi legitimum ex XII. tab. L. 4. §. 5. & L. 7. D. de re judicat. Actio incensarum aedium descendit ex eadem lege XII. tab. Gajus lib. 4. ad leges XII. tab. L. qui aedes. 9. D. de incend. ruin. naufrag. Cui lex Aquilia non derogavit. L. 1. C. ad leg. Aquil. Utraque actio est in duplum; judicati actio inficiatione crescit in duplum. Paulus lib. 1. sent. tit. 19. & lib. 5. sent. tit. 3. & 5. Cum igitur utraque actio esset ex lege XII. tab. videbatur pactionem non

non valere adversus actiones lege introductas: quia lex de istis pacisci non permisit, ut de furto. *L. si tibi. 17. §. 1. D. de pact.* Et quidem pactione ista actiones legitimae non tolluntur ipso jure, ut nec civilis actio ex stipulatione. *L. si unus. 27. §. pactus. D. eod.* Sed cum lex pacisci permittit, ut de furto, actio ipso jure tollitur. *L. legitima. 6. & d. L. 17. §. 1. D. eod. tit. de pact.* Ita igitur Ulpianus valere ait pactionem, non ut tollatur pactione actio iudicati, vel incensarum aedium; sed ut opposita exceptione pacti excludantur.

Progressus juris in actionibus dandis filiofamilias. Actiones utiles, & in factum discretas. Ad L. in factum. 13. D. de obligat. & act.

C A P U T XXVI.

QUOD est in *L. in factum. 13. D. de obligat. & act. In factum actiones etiam filiofamilias possunt exercere*, attendendum est post *L. Cum filiofamilias. 17. D. de reb. credit. ex eodem lib. 1. Disputationum Ulpiani*. Tractatum fuerat, an filiofamilias ullam suo nomine actionem exercere posset: & primum quidem Praetor edicto de injuriis filiofamilias actionem injuriarum, absente patre, causa cognita, daturum se promiserat. *L. sed si unius. 17. §. ait Praetor. D. de injur.* puta, quod actio ista post annum tolleretur; & ita iniquum esset, filiumfamilias injuriam passum, absente per annum patre, eam ulcisci non posse. Exemplò edicti Praetorii de injuriis, postea filiofamilias datum est interdictum *Quod vi, aut clam*, ex utriusque scholae sententia; Labeonis, *L. denique. 13. §. 1. D. quod vi, aut clam*; & Sabini, *L. interdictum. 19. D. eodem tit.* quia interdicto isto injuria etiam vindicatur, & post annum quoque non competit. *L. 1. §. 2. & L. semper. 15. §. 3. D. quod vi, aut clam*. Tandem admissum fuit, ut alias actiones licet perpetuas filiofamilias absente patre exercere posset. Ex maleficiis, veluti actionem furti, damni injuria dati; & ex contractibus, veluti actionem depositi, commodati, mandati, mutui, *L. si longius. 18. D. de judic. & L. filiofamilias. 9. D. de obligat. & act.* easque utiles, seu extraordinarias: utiles, quod darentur ad exemplum directarum: extraordinarias, quod non ex ordine judiciorum, sed extra ordinem, & causa cognita, Praetor eas decerneret. Cum igitur Ulpianus *lib. 1. Disputationum* scripsisset in *d. L. cum filiofamilias. 17. D. de reb. cred.* filiofamilias, qui viaticum suum dederat, extraordinario iudicio subveniri oportere; subjecerat, in factum actiones etiam filiumfamilias exercere posse: puta, ut non tantum extraordinario iudicio, seu utili agere possit, sed etiam actiones in factum exercere. Igitur actiones in factum distingui debent ab extraordinariis, seu utilibus actionibus. Si ea-

- Par. I.

L I

dem

dem esset actio in factum, quae extraordinaria, & utilis; id frustra Ulpianus subiecit, *in factum actiones etiam exercere posse*. Quaedam actiones utiles sunt, & in factum actiones; ut actio praescriptis verbis, & in factum, quae est utilis; *L. cum mora. 6. C. de transact.* sed de ea non debet intelligi Ulpianus. Quaedam actiones utiles sunt, & in factum; ut quae dantur à Praetore ad exemplum directarum, cum directis actionibus agi non potest; ut in factum actio ad exemplum directae actionis in rem, *L. in rem. 23. §. item. L. cum autem. 52. D. de rei vindicat. L. si heres. 63. D. de legat. 2.* in factum actio ad exhibendum. *L. 3. §. penult. D. ad exhibend. quae & utilis. L. cum fructus. 16. D. eod.* Aliae sunt actiones in factum Praetoriae, quae non sunt utiles, quae non dantur ad exemplum directarum; sed tamen ex aequitate dantur. *L. 7. §. 2. D. de pact. L. quia. 11. D. de praescript. verb. §. ult. Instit. de leg. Aquil. & de his videtur intelligendum esse Ulpianum in d. L. 13. D. de obligat. & actionib. puta, ut non modo utiles, seu extraordinarias actiones, filiusfamilias exercere possit; sed etiam in factum actiones, cum Praetori visum fuerit huiusmodi actiones ex aequitate dari oportere.*

An si stipulationi subdita sit poenalis stipulatio, prior in posteriorem novetur, & transferatur. Conciliatur L. obligationum. 44. §. ult. D. de obligat. & actionib. cum L. ita.

115. §. ult. D. de verbor. oblig. & manifesta ratio diversitatis ostenditur.

C A P U T XXVII.

MIRUM est, usque adeo turbatam fuisse interpretationem *L. obligationum. 44. §. ult. D. de obligat. & actionib.* Titius stipulatus erat à Maevio, navem fieri, & si Maevius navem non fecisset, Titius ab eodem Maevio stipulatus erat centum. Paulus existimat, duas esse obligationes, quarum prior, existente conditione sequentis, in eam transferatur. Et tamen in *L. 1. §. ult. D. de stipulat. servor.* stipulatio poenalis priori subdita eam non novat: & in *L. ita. 115. §. ult. D. de verbor. obligat.* ita concepta stipulatione: *Pamphilum dare spondes? si non dederis, tantum dare spondes?* Papinianus id actum probat; ut si homo datus non fuerit, & homo & pecunia debeatur: atque ita manet utraque obligatio, nec prior in posteriorem transfertur. Observandum est, novationes obligationum veteri jure ex voluntate contrahentium inductas fuisse. *L. ult. C. de novat. & delegat.* Ac expressim ait Paulus in d. *L. 44. §. ult. D. de obligat. & act.* eam fuisse voluntatem contrahentium, ut prior stipulatio in posteriorem transferretur, ut si Maevius navem non fecerit, Titius non possit agere quanti intersit, navem factam non esse; sed tantum poenam petere possit stipu-

stipulatione comprehensam, puta, centum. Sed cur eadem mens fuisse non crederetur in d. L. 115. ut prior stipulatio in posteriorem novaretur? Ratio differentiae est, quia ibi agitur de obligatione dandi, ut daretur Pamphilus; & si Pamphilus non daretur, certa pecunia daretur. Haec posterior stipulatio, novandi animo adjecta esse non intelligitur; sed ut daretur utrumque, Pamphilus & pecunia. Obligatio ista dandi facile impleri potuit, ut Pamphilus daretur; & cum id promissor facile dare potuerit, poena adjecta est, nisi daret: ut ita promissoris non dantis perveracia, poenae adjectione puniretur. Mens igitur contrahentium fuisse praesumitur, ut ex duabus stipulationibus utrumque peti posset. At in d. L. 44. §. ult. D. de obligat. & actionib. agitur de stipulatione faciendi, ex qua promissor copii non potest, ut id faciat, quod facturum se promiserit; sed agitur ad id, quod interest, factum non esse. L. stipulationes. 72. D. de verbor. obligat. Ideo verò obligationibus faciendi poenalis stipulatio adijcitur, ut si factum non sit, quod fieri promissum est, poena petatur, non id, quod interest. Poena certa est; id, quod interest, saepe incertum est. L. uli. D. si quis in ius vocat. non ierit: & poena peti potest, etiam cum nihil interest. L. stipulatio. 38. §. alteri. 17. D. de verb. oblig. Si igitur obligationi faciendi subdita fuerit poenalis stipulatio, ex mente contrahentium prioris stipulationis novatio facta intelligitur; ut si factum non sit, quod ex priori stipulatione promissum est, poena ex posteriori stipulatione peti possit.

Verba illa, rei persequendae gratiâ, non esse rejicienda in
L. actio. 28. D. de obligat. & actionib.

C A P U T XXVIII.

PAPINIANUS egerat lib. 1. Definition. de Aquiliana stipulatione, ut constat ex L. 5. D. de transactionib. & eodem libro distinxerat actionem, petitionem, persecutionem, in L. 28. D. de obligation. & actionib. quae sunt in formula Aquilianae stipulationis. L. & uno. 18. §. 1. D. de acceptilat. Actio est proprie, quae in personam infertur; petitio in rem; persecutio in rem, vel in personam actio, quae fit extra ordinem. Persecutio in rem est, veluti pignoris, & hypothecae. L. pignoris. 17. D. de pignorib. & hypoth. quae sunt utiles, & ideo extraordinaria. L. actio. 47. D. de negot. gest. Persecutio in personam est, veluti ex fideicommissio, quod non per formulam petitur, sed cognitione Magistratus. Ulpianus lib. sing. reg. tit. 25. de fideicommiss. Quod subjicit Papinianus in d. L. 28. rei persequendae gratiâ, rejiciendum visum est, ut glossa; sed tamen retineri debet. Nam ut actiones in personam ex contractibus rei persequendae causâ comparatae videntur, §. rei persequendae. 18. Instit. de actionib. ita & persecu-

secutio in personam, rei persequendae gratiâ comparata. Idque Papinianus ait ad differentiam earum persequutionum, quae non rem, sed personam persequuntur. *L. consuetudionibus. 33. D. de obligat. & actionib.*

Defenditur L. generaliter. 12. D. de exceptionib. recte sub eo titulo positam esse.

C A P V T XXIX.

PERTINERE potest *L. generaliter. 12. D. de exception. ad eum titulum*, sub quo posita est; & referri ad praejudicia, non ut sunt actiones, sed ut sunt exceptiones praejudiciales, etiam si jungatur cum *L. ult. D. si ingen. esse dicat. ex eod. lib. 38. Ulpiani ad edictum*. Finge, patronus operas petit à liberto: libertus se ingenuum esse asserit: exceptio ista praejudicialis est, ut prius judicetur, an libertus sit vel ingenuus, antequam iudicium operarum adversus eum reddatur. Sed quaeritur, quis actoris partibus fungi debeat. Videretur liberto onus probandi incumbere, ut, quia ingenuum se dicit, ingenuitatem suam probare debeat. *L. 8. D. de probationib.* Ulpianus ait: *Generaliter in praejudiciis is actoris partes sustinet, qui habet intensionem secundum id, quod intendit*: in praejudiciis, id est, exceptionibus praejudicialibus, is actoris partes sustinet, qui habet intensionem in praejudicio secundum id, quod intendit in iudicio principali. Patronus petit operas à liberto, quod est iudicium principale: praejudicium est de ingenuitate, seu libertinitate: patronus igitur in praejudicio, seu exceptione praejudiciali, actoris partes sustinere debet, quia habet intensionem in iudicio principali, ut tanquam patronus operas petit à liberto: & ita in praejudicio intensionem probare debet, scilicet se patronum esse. *d. L. ult. D. si ingen. esse dicat*. Aliàs verò in praejudiciis, ut sunt actiones, distinguitur, utrum libertus sit in possessione ingenuitatis, vel libertinitatis: Si fuerit in possessione ingenuitatis, patronus actoris partes sustinet: Si in possessione libertinitatis, libertos probare se debet ingenuum. *L. circa. 14. D. de probationib.* Idemque est, si servus fuerit in possessione servitutis, vel libertatis. *L. liberos. 7. §. ult. D. de liberali caus.* Tantum abest igitur, ut *d. L. 12. D. de exceptionib.* malè sub eo titulo posita sit; quin potius ad exceptiones praejudiciales omnino referri debet, non ad praejudicia, ut sunt actiones; in quibus non est verum generaliter, cum actoris partes sustinere, qui habet intensionem: puta, si quis dicat, se ingenuum esse: sed prius quaeritur, quis sit in possessione libertinitatis, vel ingenuitatis. *d. L. circa. 14. D. de probationibus.*

Pupillo locupletiore factò, inspicitur tempus petitionis; seu litis contestatae: bonae fidei possessore hereditatis locupletiora factò, inspicitur tempus rei judicatae. Ratio differentiae ostenditur.

CAPUT XXX

SI quis pupillo sine tutoris auctoritate solverit, debitor non liberatur, & pupillus adhuc debitorem suum convenire potest. *L. pupillo. 15. D. de solut. & liberat.* At si locupletior factus fuerit pupillus, doli mali exceptione repellitur. *L. si pupilli. 66. D. eod.* Nam ratio naturalis, quae obligationem naturalem, atque etiam civilem ex rescripto D. Pii adversus pupillum locupletiolem factum induxit, *L. 3. §. pupillus. D. de negot. gest. L. 1. D. de auctorit. & conf. tutor.* multò magis exceptionem doli mali adversus pupillum induxit, si petat pecuniam libi solutam, ex qua factus est locupletior. *L. 4. §. 4. D. de dol. mal. & met. except.* Tempus autem petitionis inspicitur, puta, quo pupillus petit id, quod jam solutum est. Dicitur, inspicitur tempus petitionis, non factà relatione ad tempus rei judicatae, quod quandoque inspicitur, ut in possessore hereditatis locupletiore factò; sed ad tempus solutionis. Nam si pupillus ex pecunia soluta rem aliquam comparaverit, deinde eam amiserit, antequam peteret, *§. penult. Instis. quib. alien. licet, vel non, nisi necessariam emerit, L. in pupillo. 47. §. 1. D. de solut. & liberat.* tempus petitionis inspicitur; nec potest inspicitur tempus rei judicatae, cum exceptio doli mali petenti pupillo opposita perimat actionem ipsius, efficiatque, ne ad rem judicatam perveniat. Verùm in bonas fidei possessore hereditatis locupletiore factò, inspicitur tempus rei judicatae, *L. si à domino. 36. §. quo tempore. D. de heredit. petit.* non tempus petitionis, seu litis contestatae. *L. amplius. 15. D. ratam rem habere.* quia à lite contestata ad rem judicatam interium res quaedam perire possunt. Ut igitur iudex arbitretur, quatenus possessor hereditatis factus sit locupletior, necessarium est inspicitur tempus rei judicatae: quod non potest unquam inspicitur in pupillo locupletiore factò. Hanc differentiam inter pupillum, & possessorem bonae fidei locupletiolem factum, Paulus attigerat in d. *L. 4. D. de exceptionib. & d. L. 36. §. quo tempore. D. de heredit. petit.* quae simul jungendae sunt ex eodem lib. 20. Pauli ad edictum.

Marcelli responsum duobus in locis relatum apud Papinianum, & de nota Ulpiani ad Marcellum in L. tutor. 28. D. de administrat. & peric. tut.

C A P U T . XXXL

QUOD est in *L. tutor. 28. D. de administrat. & pericul. tutor. ex lib. 8. Digestor. Marcelli*, duobus in locis reperitur apud Papinianum *lib. 2. Quaestionum*. Principium d. *L. 38. extat in L. ult. D. si quis cautionib. in iudic.* Marcellus ibidem scripserat, usuras pupillares non currere, si tutor administratione negotiorum abstinuerit, & per eum non steterit, quominus tutelam restitueret, si paratus fuerit rationes reddere. Ad quem locum Papinianus respexit in *L. 1. §. ult. D. de usur. & fruct. Nemo aauigibet holis, siue iudex accipiat in diem sententiae, siue sine iudice tutela restitatur, in eum diem, quo restituit, usuras deberi*: hodie, id est, post constitutionem D. Severi; quia Severus jam constituerat, moram re ipsa fieri pupillis, & minoribus. *L. cum veri. 26. §. 1. D. de fideicommiss. libertatib. L. in minorum. 3. C. in quib. caus. in integ. restitut.* Et quia ex rescripto Severi mora re ipsa contrahitur, & usurae currunt in diem restitutae tutelae: ideo tutor ad standum cursum usurarum, non solum pecuniam offerre, sed etiam obsequare, & deponere debuit. d. *L. 1. in fin. D. de usur.* Et hac ratione Ulpianus Marcellum notat in d. *L. 28. D. de administr. & peric. tutor.* Idemque Ulpianus monet non frustra in *L. tutor. 7. §. ult. D. eod.* Sciendum est, tutorem & post officium finitum usuras debere, in diem, quo tutela restituit; scilicet post constitutionem Severi. Et ita plerumque in notis Actorum jos additur, quod, cum illi scriberent, nondum receptum, aut constitutum fuerat.

De luctu hostium, perduellium, capite damnatorum.
Luce Suetonio.

C A P U T . XXXII.

MORE maiorum luteri non debent hostes, perduelles. *L. liberorum. 11. §. 1. D. de his, qui not. infam. L. minimè. 35. D. de religiof. & sumptib. funer.* Et more id receptum fuit, ex quo Horatius sororem sponsum occisum ex Albanis hostibus flebiliter appellansem gladio transfixerat, & dixerat, *Sic eat, quaecumque Romana lucebit hostem*, ut est apud Livium *lib. 1.* Hostes igitur in d. *L. 11. §. 1. D. de his, qui notant. infam.* intelligere debemus non transfugas, & proditores, sed eos, quibus Populus Rom.

Rom. bellum indixerit, *L. hostes. 118. D. de verbor. significat.* ut Albanis hostibus indixerat. Perduelles autem sunt. plus quam hostes. Charilius lib. 2. Institut. Grammat. Hostili animo erga Remp. vel Principem animati. *L. ult. D. ad leg. Jul. majest.* qui ad patriam delendam, parentes, & liberos interficiendos veniunt. d. *L. 35. D. de religios.* Cum igitur more majorum hostes perduellionis non lugerentur, perduelles habiti sunt, hostili animo erga Principem animati. d. *L. ult. D. ad leg. Jul. majest.* Et ideo Tiberius cum leges majestatis exerceret, & malè erga se animatos puniret, interdixit, ne propinqui capite damnatos lugerent. Suetonius in *Tiberio, cap. 61.* quasi perduelliones ex lege Julia majestatis.

Conciliatur L. eum, qui. 27. §. ult. D. ad Municipal. cum L. nihil. 31. D. cod. & L. si quis. 7. D. de judic. cum L. ubi. 30. D. cod.

C A P U T XXXIII.

MARCELLUS in *L. nihil. 31. D. ad municipal.* ait, nihil esse impedimento, quominus quisque domicilium habeat, ubi habere velit, nisi interdictum sit: quod de deportatis intelligendum est, quibus certis locis quandoque interdicitur. *L. exilium 5. D. de interdict. & relegat.* ne in continenti morentur, aut insulis continenti proximis. Verùm relegatus eo loci, unde arcetur, domicilium retinet. *L. eum, qui. 27. D. ad municipal.* quia & jura civitatis retinet, quae amittit deportatus. Cum ita scripisset Marcellus in d. *L. 31.* domicilium in quovis loco haberi posse, subjecerat, quod est in *L. ubi. 30. D. de judic.* ubi judicium acceptum est, finem accipere debet. Judicium acceptum est non solà conventionem, sed litis contestatione. *L. ult. D. de condict. tritic. L. amplius. 15. D. ratam rem habere.* & ita Graeci in Eclog. Basilicā lib. 7. tit. 5. cap. 31. Sed videtur etiam sola conventio, seu vocatio in jus impedire, ne alibi judicium finiatur. *L. si quis. 7. D. de judic.* Et verum est, solam conventionem impedire, ne quis novò privilegiò fori, uti possit; puta, propter militiam, vel aliam dignitatem. Sola conventio impedit forum novì privilegi, non tamen impedit forum novì domicilii, sed litis contestatio, seu judicium acceptum. d. *L. 30. D. de judic.* Ratio differentiae est, quòd domicilii translatio non aequè judicii mutandi causā facta intelligitur, ut novì privilegi acquiritio; nec enim verisimile est, aliquem rerum omnium, ac fortunarum suarum summam transferre voluisse, ut judicium motet: at verisimile est, aliquem privilegium novum acquirere voluisse, ut forum domicilii evitaret.

Ad librum singularem *Modestini* de *Eurematicis* :

CAPUT .XXXIV.

QUOD Lucianus in Dialogo, τὰς δὲ ἱστορίας συγγράμματα, i. e. quomodo historiā scribere oportet, de historicis, οὗ τῷ ἀριθμῷ ὁλόκληρον τὰ συγγράμματα, καὶ μέγιστον δὲ τὰς ἱστορίας, qui & numero librorum, & maxima eorum inscriptionibus sese ostentarent; id apud juris auctores peraeque fuit, qui & libros numero plures scripserunt, atque etiam lepidas festivitates inscriptionum quaeſiverunt: ut *Modestinus* inter alios librum singularem inscripserat, de *enucleatis casibus*; alium de *Eurematicis*, id est, inventis, sive consiliis, quae *Modestinus* invenerat, ut facilius, aut tutius negotia explicari possent. Et quidem aperta sunt in *L. si procuratorem. 65. D. de procurator. L. servus. 58. D. solut. matrim. L. si tutor. 9. D. de suspect. tut. L. 4. D. de vulg. & pupill. subst. L. qui totam. 45. D. ad Senatufc. Trebellian.* Sed & in aliis locis deprehendi possunt, ut in *L. si domina. 25. D. ad Senatufc. conf. Vellejan.* Consilium *Modestini* fuerat, ut si quis servo mulieris pecuniam crediturus esset, potius deberet iussu mulieris pecuniam credere, quam post contractam obligationem, fidei iussu mulieris accipere. Non satis liquet in *L. si per epistolam. 50. D. de acquir. vel omitt. hered. de consilio Modestini*; nisi illud fuerit, ut servus pupilli institutus, eum tutor quasi dominus hereditatem adire juberet, potius quam jubenti pupillo auctoritatem accommodaret: quia non nisi praesens, & in ipso negotio auctor esse posset, *L. obligari. 9. §. tutor. D. de auctor. & conf. tutor.* Per nuntium verò, aut per epistolam jubere posset. *L. si quis. 25. §. iussum. D. de acquir. vel omitt. heredit.* At in *L. si quis. 53. D. de condit. & demonstrat.* consilium *Modestini* videtur fuisse, ut si dominus servum testamentò liberum esse jussisset, sub ea conditione, si rationes redderet; & postea velit ei purè libertatem relinquere, satis sit conditionem adimere, non etiam necesse sit purè libertatem relinquere. Sed & in d. *L. 58. D. solut. matrim.* deprehendi potest contracta fiducia, cum quid eà conditione mancipabatur, ut postea remanciparetur: & ita scripserat *Modestinus*. In d. *L. 4. §. 2. D. de vulg. & pupill. subst.* idem *Modestinus* tribuit Severo, & Antonino, quod ipsi Severus, & Antoninus referunt ad *D. Marcum L. 2. C. de impub. & al. subst.* & tamen diversae videntur fuisse constitutiones. *D. Marcus* constituerat, in reciproca substitutione utrumque casum non contineri, quando facta erat substitutio personis disparis conditionis: puta, si extranei cum filiis fuissent substituti. *DD. Severus, & Antoninus* constituerunt, idem esse, factà substitutione reciproca personis ejusdem conditionis, sed disparis aetatis: puta, si pater filios invicem substituisset, alterum puberem, & alterum impuberem. Et hunc casum *DD. Principes* constitutioni *D. Marci* adjecerunt. In d. *L. qui totam. 45. D. ad Senatufc. Trebell.* cum heres totam hereditatem restituere rogatus esset, totamque vellet restituere, locus fuit *SCto Pegasiano*. Ulpia-

pianus *lib. sing. res. tit. 25.* & ita scripserat Modestinus : *Sua sponte adire debet hereditatem, quasi ex Pegasiano eam restitutus, ut alibi ostendimus.* Sed consilium Modestini fuit, ut heres suspectam diceret hereditatem, & coactus adiret : quo casu ex Scto Pegasiano simul & Trebelliano hereditatem restitueret, utroque Scto in hac specie concurrente. §. *ergo. Instit. de fideicommissar. heredit.* ubi & rationem affert Justinianus, cur potius ex Trebelliano, aut ex utroque Scto, quam ex Pegasiano tantum, restitui debuerit hereditas.

Exponitur L. grege. 13. §. cum pignori. D. de pignorib. & hypothec.

C A P U T XXXV.

PLACUERAT jam ante Martianum, pignus pignori dari posse : *L. debitor. 40. §. ult. D. de pign. act. L. de accessionib. 14. §. & si. 3. D. de divers. & temp. praescript.* Pignus igitur tenetur secundo creditori, *quatenus utraque pecunia debetur, L. grege. 13. §. cum pignori. 2. D. de pignorib. & hypoth.* id est, quamdiu debitor pecuniam debebit creditori, & creditor ille pecuniam debebit secundo creditori : altero solvente, pignus datum secundo creditori liberabitur. Cum pignus pignori datum est, potest debitor primo creditori, vel secundo solvere, atque ita pignus suum liberare. *d. L. 40. §. ult. de pign. act.* Sed movet dubitationem Martianus *d. L. 13. §. 2.* an id, quod debitor solverit primo creditori, secundo teneatur, quasi in locum pignoris dati successerit. Distinguit, an pecunia, vel corpus aliquod solutum sit : alia est enim ratio pecuniae, alia corporum. In pecunia non spectamus corpora, sed quantitatem. *L. 1. D. de contrab. empt. L. 1. §. & omne. 7. D. ad leg. Falcid. L. si is, cui. 94. §. 1. D. de solut. & liberat.* Et postea respondet Martianus ex dissimili specie, quam refert ex Pomponio *lib. 7. ad edictum*, & reperitur apud Paulum *lib. 28. ad edictum. L. si convenerit. 18. D. de pignorat. act.* Finge, Titius nomen debitoris sui pignori dedit creditori suo Maevio. Maevius nomen pignori acceptum exegit : differt, utrum Maevius exegerit pecuniam, vel corpus aliquod. Si pecuniam exegerit, eam debebit compensare Titio debitori suo; at si corpus solutum fuerit, pignori tenebitur, ut nomen antea tenebatur : quia corporis cum pecunia non admittebatur compensatio ante *L. ult. C. de compensat.* Haec autem species Pomponii dissimilis est ab ea, quam proposuit Martianus; ibi enim debitor solvit secundo creditori, in specie Martiani debitor solvit primo creditori. Verum in eo convenit, quod cum secundus creditor pecuniam accepit, eam sibi retinet, nec tenetur pignori : veluti cum corpus solutum est. Ita & si primus creditor pecuniam à debitore acceperit, eam sibi retinebit, nec tenebitur pignori

Par. L

M m

secun-

secundo creditori: si autem corpus acceperit in solutum, tenebitur secundo creditori, & succedet in locum primi pignoris, quod satisfactione liberatum fuit. Atque ita ex specie dissimili. respondet Martianus: quod qui non adverterunt, hunc locum caecis interpretationibus valde conturbaverunt.

Pignus rei alienae ratihabitione confirmatur. Species ad §. 1. L. si fundus. 15. D. de pignorib. & hypothec. apponitur.

C A P U T XXXVI.

SI quis dederit rem alienam pignori, & dominus ratam habuerit pignoris dationem, pignus ratihabitione confirmatur, *L. aliena. 20. D. de pign. act.* non ut eo tempore jus pignoris quaesitum sit creditori, quo dominus ratam habuit rei suae pignorationem, sed ex eo, quo res pignori data fuit: si quidem ratihabitione retrotrahitur, mandatoque comparatur, quasi mandatum domini praecesserit. *L. si fundus. 16. §. 1. D. de pign. & hypoth.* Ita res facti, (ut est pignoris datio) etiam ante constitutionem Justiniani facile per ratihabitionem confirmabantur, ut ostendimus *lib. 2. Observat. cap. 38.* Quod verò subjicit Martianus in *d. §. 1. L. 16. D. de pignorib. & hypoth.* *Voluntas fere eorum demum servabitur, qui & pignori dare possunt*, anxios valde fecit interpretes: voluntas, id est, ratihabitione. *L. Pomponius. 40. §. ult. D. de procuratorib. L. 3. §. sed si. 4. D. de in rem vers.* Verbum illud *fere*, indicat quosdam posse pignorationem rei suae ratihabitione confirmare, quamvis ipsi rem suam pignori non potuerint: eorumque vix occurrit exemplum. Ut enim si tantum alienationi rerum consensus praebent, quibus res alienare permittitur. *L. cum quis. 165. D. de regul. jur.* Ita & ii tantum pignorationi consensum praebere posse videntur, qui res suas pignori dari possunt. Quidam id referunt ad tutores mulierum, qui auctoritatem interponere debebant, si mulier pignus daret, vel pro alio intercederet. *Ulpianus lib. sing. reg. tit. de tutel.* quamvis ipsi tutores rem mulieris pignori dare non possent. Sed multum distat auctoritas à ratihabitione: auctoritas tutoris statim, & in ipso negotio debet interponi. *L. obligari. §. penult. D. de auctor. & conf. tutor.* ac post multum temporis à negotio gesto potest fieri ratihabitione. Melius igitur *d. §. 1. L. 16. D. de pignorib. & hypoth.* referatur ad furiosos, & prodigos, quibus bonis interdictum est, qui ratam habere possunt pignorationem rei suae, ut ex eo tempore valeat, quo ipsi pignori non potuerint. Finge, Titius rem Maevii pignora vit eo tempore, quo Maevius furor tenebatur; postea Maevius ad sanitatem rediit, & ratum habuit pignus rei suae. Voluntas, seu ratihabitione Maevii servabitur, & retrotrahetur ad id tempus, quo Maevius rem suam pignori dare non potuit.

tuit. Idemque est in prodigo, cum ad sanos mores redierit. Ita furiosus petitam nomine suo bonorum possessionem tempore furoris, per ratihabitionem confirmat. *L. si quis. 49. D. de acquir. vel omitt. hered.* non ut habeatur ratio temporis, quo fit ratihabitio peticae bonorum possessionis; sed illius, quo petita est. *L. penult. §. 1. D. ratam rem hab.*

Quid sit praeparari actionem, in L. 3. C. de act. empti, & vend.

C A P U T XXXVII.

QUALEM fucum illi auditoribus suis faciunt, qui species legum ex tempore exponendas proferunt, cum vel breviuscula meditatio expendi debeat, & suam curam requirat. Plerique *L. 3. C. de act. empti.* ita intelligunt, ut si emptor venditori arrham dederit, & pretium solverit, arram datam actione ex empto possit repetere. Arrhae nomine dari solebat pignus annulus, vel aliud symbolum; vel, ut Julius Pollux *lib. 9. cap. 6. Graeco vocabulatione*, i. e. *tenuis numisma, semisecta nummi pars*. Si quid autem emptor arrhae nomine venditori dederit, pretio soluto repetit actione personali, puta ex empto, vel conditione sine causa. *L. ex empto. 11. §. 6. D. de act. empti.* Sed quominus ita species convenire possit, duo obstant. Primum, quod ajunt Impp. paciscentibus praeparari actionem, id est, emptori, & venditori: at in illa specie emptori tantum praepararetur. Alterum est, quod si emptor pretium venditori solverit, jam non praeparatur illi actio, ut arrhale pignus repetat; sed mox atque solverit, ea nascitur, & competit. Fingendum est potius, Serpodorum emptorem in *d. L. 3.* arrhae nomine certam pecuniam dedisse venditori, ut sit plerumque in antecessum, vel partem pretii, *d. L. 11. §. 6. D. de act. empti. L. ult. D. de leg. commissio. L. 2. C. quand. liceat ab empt. disced.* & cum ita partem pretii solvisset, rem emptam quali suam vindicare voluisset: ajunt Impp. emptori personalem duntaxat actionem praeparari ex arrhae datione, non actionem in rem. Non ajunt competere actionem personalem, sed praeparari: nec enim datur emptori actio ex empto, parte pretii soluta, sed praeparatur; ut si reliquum pretium offerat, agere possit ad traditionem rei emptae. *L. Julianus. 13. §. offerri. D. de act. empti.* Arrhae datione praeparatur, & inchoatur actio, quae totius pretii solutione, vel traditione rei perficitur. *L. Titius. 8. D. de rescind. vendit.* Sic interdicta causam praeparant, seu actionem, quae pro eis competit. *L. 1. §. ult. D. de aqu. quotid. & aestiv.* Sic actio ad exhibendum praeparat rei vindicationem.

Repetita expositio ad §. adeo. L. 7. D. de pact. An intelligi debeat de pactis circa adminicula emptionis, vel circa substantiam.

C A P U T XXXVIII.

NON placeret, §. adeo. L. 7. D. de pact. intelligi de pactis ex intervallo, quae sunt circa adminicula venditionis; puta, evictionem, duplae stipulationem, & consequentias istius contractus, ut exposuimus lib. 3. *Observat. cap. 21.* sed potius intelligendum esse de pactis, quae sunt circa substantiam contractus; puta, de augendo, vel minuendo pretio. Ita etiam ex parte agentis pactum ex intervallo factum, locum habere potest, secundum Ulpiani sententiam, qui putat, istis pactis non tolli priorem contractum, sed reformari; & ideo pactum de augendo, vel minuendo pretio ex intervallo factum, priori contractui inesse posse. Finget Convenerat inter venditorem & emptorem, fundum esse venditum pretio centum; postea, re tamen nondum secuta, convenit inter eodem, ut fundus esset venditus quinquaginta. Emptor offerendo quinquaginta, ex hoc pacto agere poterit adversus venditorem, ut fundus tradatur; licet priore contractu fundus fuerit venditus centum. Nam si hoc pacto reformatur prior contractus, perinde ac si fundus primum fuisset venditus quinquaginta; idque secundum Ulpiani sententiam. Paulus in alia videtur fuisse L. *pacta. 72. §. 1. D. de contrab. empt.* si post perfectam venditionem, de augendo, vel minuendo pretio aliquid convenerit, recessum esse à priore contractu, & novum potius contractum factum videri, quam priorem remanere. At si posteriore pacto prior contractus tollitur, pactum inesse non potest contractui, à quo recessum est. Paulus quidem probat sententiam Papiniani in pactis circa adminicula factis, ut inesse possint, cum detrahunt contractui, cum excipitur aliquid ex contractu, non verò cum fuerint circa substantiam contractus. Nec magis eadem emptio potest intelligi, cum pretium auctum, vel minutum est ejusdem rei; quam cum eodem pretio manente, aliam rem pro alia venditam esse convenerit. Manente substantia contractus, eadem re, eodemque pretio, pacta de adminiculis ex intervallo facta contractui inesse possunt: at contractui sublatò mutatione rei, vel pretii, pacta inesse non possunt contractui, qui sublatus est.

An pactum nudum dici possit, cum inest contractui: & cur ex pacto nudo actio inter cives Romanos data non fuerit.

C A P U T XXXIX.

PACTUM nudum dicitur, quod est solum pactum, solummodò pactum, non contractus: quod placiti sine sit, & nihil est praeter pactum.

etum : *L. si tibi. 27. C. de locat. & conduct.* E contrario, nuda traditio est sola traditio absque conventionione. *L. nunquam. 31. D. de acquir. rer. domini.* At non frustra quaeritur, an pactum, quod inest contractui, vel inesse creditur, si initio contractus, aut statim post contractum apponatur, pactum nudum dici possit? Latini interpretes non admittunt; tum quia pactum solum non sit, quod contractui continetur; tum quia ex pacto nudo non detur actio, & pactum contractui appositum formet actionem. Graecus interpret aliter, quod in meditatione de nudis pactis ex Stephano retulit, veluti *ἀνυπόθετος* i. e. *admirabile quid, & inauditum*. Ratione hac movetur, quod cum Ulpianus praemiserit, nudam pactionem non parere actionem, *L. 7. §. quinimo. D. de pact.* postea subiecerit, interdum formari actionem, si contractui bonas fidei adposita fuerit; quali pactio adhuc nuda sit, licet contractui insita. Et quidem si pactum ideo nudum dicitur, quod sit solum pactum, non contractus; id pactum, quod inest contractui, non minus nudum erit, licet inest contractui. Partem facit contractus, legem dat contractui, sed non est contractus. Nec minus est etiam nudum pactum, licet formet actionem ex contractu: quia non parit actionem ex se, ut ex pacto nudo detur actio; sed format actionem ex contractu, cui inest. Sed & si nudum pactum opponitur traditioni, ut est solum absque traditione, *L. 1. §. 2. D. de rer. permutat. L. legem. 10. & L. traditionibus. 20. C. de pact.* id pactum adhuc nudum dici potest, quod est absque traditione, absque causa dationis, vel facti. Verum si pactum traditio praecesserit, aut secuta fuerit, id pactum nudum dici non potest. *d. L. 10. C. de pact.* sed potius contractus. *d. L. 7. §. 2. D. eod.* Ideo verò ex pacto nudo inter cives Romanos actio non nascitur, ut Paulus ait *lib. 2. sent. tit. 14.* quia scilicet fidem illi sanxerant in negotiorum contractibus, ut Sextus Caecilius apud Gellium *lib. 20. cap. 1.* live essent contractus nominati, live innominati; dummodò essent negotiorum contractus, seu civilia negotia. *d. L. 7. §. 2. D. de pact. L. solent. 15. L. rogasti. 19. L. si tibi. 22. D. de praecript. verb. fidei* non sanxerant in nudis pactis, nec formulam prodiderant, quā de nudis pactis ageretur: quia modum vulgarem fidei alstringendae habebant, stipulationem, certā verborum proprietate contractam. *L. 2. D. de obligat. & actionib.* si paciscentes eam omisissent, magis videbantur id perulorū fecisse, quā ut fidem alstringerent. Paulus ait, *inter cives Romanos*: quia Graeci aliter, qui & nutu solo promissiones firmabant, ut alibi ostendimus.

Quid sit manumissio adscripta circulo, apud Gajum in fragmentis Institutionum.

C A P U T XL

LEGE Fusiā Caniniā cautum fuerat, ut libertates servis nominatim darentur testamentō. Ulpianus *lib. sing. reg. tit. 1. de libertis* in fin. Si

Si igitur testator servos non nominatim, sed confusè manumississet, impediebatur libertas. Gajus in fragmentis *hystit.* lib. 1. tit. 2. Quod si non nominatim servi, vel ancillae in testamento manumittantur, sed confusè, omnes servos suos & ancillas, is, qui testamentum facit, liberos facere voluerit; nulli penitus firma esse iubetur, hoc ordine data libertas. & postea: Nam & si ita in testamento servorum manumissio adscripta fuerit, id est, in circulo, ut qui prior, qui posterior nominatus sit, non possit agnosci; nulli ex his libertatem valere manifestum est. Gajus antea, confusè servos facere liberos: postea, manumissio adscripta circulo, cum prior, vel posterior nominatus agnosci non potest. Dionysius Ateopagita in *lib. de divinis nominibus*, cap. 7. ita loquitur de Angelicis mentibus: τὸ λογικὸν ἔχει, διὰ τὸ εὐδαίμων μὲν καὶ κύριον ἀπὸ τοῦ ὅτι τοῦ ἀλὰς ἀπεργαζόμενα. i. e. rationem habent, fusè & circulo rerum veritatem ineunt. Gajus, confusè & in circulo; Dionysius, διὰ τὸ εὐδαίμων καὶ κύριον. Circulo aliquid fieri dicitur, cum sit confusè, & confectum; ad differentiam eorum, quae sigillatim, & per partes fiunt. Maximus Scholiasies Dionysii ad d. cap. 7. ἀδρῆς τὸ τὸ ἐκβαλῶ, & καὶ μὴ, i. e. confectū mentis intentione, & per partes: & ad cap. 11. ejusdem *lib. ἀμείψας ὃ συντίσκειν ἐκ τοῦ μίμνῃ ποιοῦ, ἀλλ' ἀδρῆς τοῦ εἶναι*, i. e. individue, id est, non aliquibus in parte; sed confectum totis. Vel circulo aliquid fieri dicitur, quod est sine ordine, ubi quis principium sumere possit, unde velit, veluti in circulo. Basilus in *lib. regular.* fusius disputatur. interrogat. 1. καὶ ἀδρῆς ἐκ κύριου ἀρχῇ λαμβάνει ἐπὶ τοῦ βέλταται, i. e. veluti in circulo principium sumere unde vult. Circulo igitur manumissio sic adscribitur, cum testator omnes servos manumiserit sine ordine, non singulos nominatim; atque ita agnosci non potest, qui prior, vel posterior nominatus fuerit: veluti in circulo primum punctum, & ultimum assignari non potest. Verum aliud videtur coratio; quae fit cyclo apud Medicos, Vegetius de re Veterinaria, lib. 2. cap. 6. cyclo curare. Synelius encomio calvitii: τὸς καλὸν μὲν ἀνδρῶς ὅτι δὲ λυγρὸς; dictos cyclos Medicis. Curatio cyclo, fit certā methodō, certōque ordine, qui postea resumitur; & ideo cyclo, seu circulo fieri dicitur. Manumissio in circulo fit absque ordine, & confusè, veluti cum omnes servi manumittuntur testamento.





EMUNDI MERILLII J.C.

OBSERVATIONUM

LIBER OCTAVUS.

*De nomine, aetate, & sectâ Venuleji Saturnini miscellionis
Jurisconsulti.*

C A P U T I.



INQUIRENDUM est semper in aetatem, & sectam Jurisconsultorum, ut eorum scriptis exponendis lax micantior apparere possit. Ita igitur inquiri placuit in tempora, & sectam Venuleji. Non alius videtur esse Claudius Saturninus à Venulejo, in *L. 6. §. ult. D. mandat. & L. 1. §. 2. D. quae res pignor. vel hypoth.* ubi extat rescriptum DD. Fratrum, & Divi Pii ad Claudium Saturninum: quia sub iisdem Principibus vixit Venulejus, & Praetorem egit. Tum quia in fragmen-

tis, quae supersunt ex Venulejo, juris auctores non sefert illâ aetate inferiores, sed antiquiores. Verùm non ita facilè deprehendi potest cuiusnam sectae fuerit: modò enim Sabini, Cassii, Juliani auctoritate utitur; modò Labeonis, Nervae, Proculi. Modò in quaestione controversa Proculo magis consentit adversus Sabinum. *L. eum, qui. 138. D. de verb. oblig. modò contrariam sententiam probat, L. si rem. 31. §. si duo. D. de novat. & delegat. adversus Proculejanos. L. si unus. 27. in princ. D. de pact. Sabinianorum sententiam probat, L. si reus. 13. D. de duobus reis. Sabini, L. si duo. 93. D. de solut. & liberat. Juliani. L. cum reus. 14. D. de fidejuss. & mandat. Africani, L. cum quis. 38. §. ult. D. de solut. & liberat. adversus Proculum, d. *L. 93. D. eod. tit. de solut. & liberat.* Marcello ex Proculejanis consentit in *L. si duo. 13. §. Marcellus. D. de iur. jur. & ab eodem dissentit L. existimo. 98. §. 1. D. de verb. oblig. & à Cello, qui fuit ex*
ca-*

Marcelli responsum duobus in locis relatum apud Papinianum, & de nota Ulpiani ad Marcellum in L. tutor. 28. D. de administrat. & peric. tut.

C A P U T . XXXI

QUOD est in *L. tutor. 28. D. de administrat. & pericul. tutor. ex lib. 8. Digestor. Marcelli*, duobus in locis reperitur apud Papinianum *lib. 2. Quaestionum*. Principium d. *L. 38. extat in L. ult. D. si quis cautionib. in judic.* Marcellus ibidem scripserat, usuras pupillares non currere, si tutor administratione negotiorum abstinuerit, & per eum non steterit, quominus tutelam restitueret, si paratus fuerit rationes reddere. Ad quem locum Papinianus respexit in *L. 1. §. ult. D. de usur. & fruct. Nemo aauigibet holis, siue iudex accipiat in diem sententiae, siue sine iudice tutela restituatur, in eum diem, quo restituit, usuras deberi*: hodie, id est, post constitutionem D. Severi; quia Severus jam constituerat, moram re ipsa fieri pupillis, & minoribus. *L. cum veri. 26. §. 1. D. de fideicommiss. libertatib. L. in minorum. 3. C. in quib. caus. in integ. restitut.* Et quia ex rescripto Severi mora re ipsa contrahitur, & usurae currunt in diem restitutae tutelae: ideo tutor ad sistendum cursum usurarum, non solum pecuniam offerre, sed etiam obligare, & deponere debuit. d. *L. 1. in fin. D. de usur.* Et hac ratione Ulpianus Marcellum notat in d. *L. 28. D. de administr. & peric. tutor.* Idemque Ulpianus monet non frustra in *L. tutor. 7. §. ult. D. eod.* Sciendum est, tutorem & post officium finitum usuras debere, in diem, quo tutelam restituit; scilicet post constitutionem Severi. Et ita plerumque in notis Actorum jus additur, quod, cum illi scriberent, nondum receptum, aut constitutum fuerat.

De luctu hostium, perduellium, capite damnatorum.
Luc. Suetonio.

C A P U T . XXXII

MORE maiorum lugeri non debent hostes, perduelles. *L. liberorum. 11. §. 1. D. de his, qui not. infam. L. minimè. 35. D. de religiof. & sumptib. funer.* Et more id receptum fuit, ex quo Horatius forem sponsum occisum ex Albanis hostibus flebiliter appellansem gladio transfixerat, & dixerat, *Sic eat, quaecunque Romana lucebit hostem*, ut est apud Livium *lib. 1.* Hostes igitur in d. *L. 11. §. 1. D. de his, qui notant. infam.* intelligere debemus non transfugas, & proditores, sed eos, quibus Populus Rom.

Rom. bellum indixerit, *L. hostes. 118. D. de verbor. significat.* ut Albanis hostibus indixerat. Perduelles autem sunt, plus quàm hostes, Charilius lib. 2. *Institut. Grammat.* Hostili animò erga Remp. vel Principem animati. *L. ult. D. ad leg. Jul. majest.* qui ad patriam delendam, parentes, & liberos interficiendos veniunt. d. *L. 35. D. de religiof.* Cum igitur more majorum hostes perduellionis non loggerentur, perduelles habiti sunt, hostili animò erga Principem animati. d. *L. ult. D. ad leg. Jul. majest.* Et ideo Tiberius cum leges majestatis exerceret, & malè erga se animatos puniret, interdixit, ne propinqui capite damnatos lugerent. Suetonius in *Tiberio, cap. 61.* quali perduelliones ex lege Julia majestatis.

Conciliatur L. cum, qui. 27. §. ult. D. ad Municipal. cum L. nihil. 31. D. eod. & L. si quis. 7. D. de judic. cum L. ubi. 30. D. eod.

C A P U T XXXIII.

MARCELLUS in *L. nihil. 31. D. ad municipal.* ait, nihil esse impedimento, quominus quisque domicilium habeat, ubi habere velit, *nisi interdictum sit*: quod de deportatis intelligendum est, quibus certis locis quandoque interdicitur. *L. exilium 5. D. de interdict. & relegat.* ne in continenti morentur, aut insulis continenti proximis. Verùm relegatus eo loci, unde arcetur, domicilium retinet. *L. cum, qui. 27. D. ad municipal.* quia & jura civitatis retinet, quae amittit deportatus. Cum ita scripsisset Marcellus in d. *L. 31. domicilium in quovis loco haberi posse*, subjecerat, quod est in *L. ubi. 30. D. de judic.* ubi *judicium acceptum est, finem accipere debet.* Judicium acceptum est non solà conventionione, sed litis contestatione. *L. ult. D. de condict. tritic. L. amplius. 15. D. ratam rem habere.* & ita Graeci in *Eclog. Basilicæ lib. 7. tit. 5. cap. 31.* Sed videtur etiàm sola conventio, seu vocatio in jus impedire, ne alibi judicium finiatur. *L. si quis. 7. D. de judic.* Et verum est, solam conventionem impedire, ne quis novò privilegiò fori uti possit; puta, propter militiam, vel aliam dignitatem. Sola conventio impedit forum novi privilegii, non tamen impedit forum novi domicilii, sed litis contestatio, seu judicium acceptum. d. *L. 30. D. de judic.* Ratio differentiae est, quòd domicilii translatio non aequè judicii mutandi causà facta intelligitur, ut novi privilegii acquisitio; nec enim verisimile est, aliquem rerum omnium, ac fortunatarum suarum summam transferre voluisse, ut judicium mutet: at verisimile est, aliquem privilegium novum acquirere voluisse, ut forum domicilii evitaret.

Ad librum singularem *Modestini* de *Eurematicis*:

CAPUT XXXIV.

QUOD Lucianus in Dialogo, τὸν δὲ ἰσχυρὰ εὐσεβέως, i. e. *quomodo* *historiam* scribere oportet, de historicis, οὗ τῷ ἀρχαίῳ ἑκτόν ἐν ἐπιγραφῇ, καὶ μέντοι οὗ τῷ ἐννεακτῷ, qui & numero librorum, & maximè eorum inscriptionibus sese ostentant; id apud juris auctores peraequè fuit, qui & libros numero plures scripserunt, atque etiam lepidas festivitates inscriptionum quæsierunt: ut *Modestinus* inter alios librum singularem inscripserat, de *enucleatis casibus*; alium de *Eurematicis*, id est, inventis, sive consiliis, quæ *Modestinus* invenerat, ut faciliùs, aut citius negotia explicari possent. Et quidem aperta sunt in *L. si procuratorem. 65. D. de procurator. L. servus. 58. D. solut. matrim. L. si tutor. 9. D. de suspect. tut. L. 4. D. de vulgar. & pupill. subst. L. qui totam. 45. D. ad Senatuse. Trebellian.* Sed & in aliis locis deprehendi possunt, ut in *L. si domina. 25. D. ad Senatuse. conf. Vellejan.* Consilium *Modestini* fuerat, ut si quis servo mulieris pecuniam crediturus esset, potius deberet jussu mulieris pecuniam credere, quàm post contractam obligationem, fidejussionem mulieris accipere. Non satis liquet in *L. si per epistolam. 50. D. de acquir. vel omitt. hered. de consilio Modestini*; nisi illud fuerit, ut servus pupilli institutò, eum tutor quasi dominus hereditatem adire juberet, potius quàm jubenti pupillo auctoritatem accommodaret: quia non nisi praelens, & in ipso negotio auctor esse posset. *L. obligari. 9. §. tutor. D. de auctorit. & conf. tutor.* Per nuntium verò, aut per epistolam jubere posset. *L. si quis. 25. §. jussum. D. de acquir. vel omitt. heredit.* At in *L. si quis. 53. D. de condit. & demonstrat.* consilium *Modestini* videtur fuisse, ut si dominus servum testamentò liberum esse jussit, sub ea conditione, si rationes redderet; & postea velit ei purè libertatem relinquere, satis sit conditionem adimere, non etiam necesse sit purè libertatem relinquere. Sed & in d. *L. 58. D. solut. matrim.* deprehendi potest contracta fiducia, cum quid eà conditione mancipabatur, ut postea remanciparetur: & ita scripserat *Modestinus*. In d. *L. 4. §. 2. D. de vulg. & pupill. subst.* idem *Modestinus* tribuit *Severo*, & *Antonino*, quod ipsi *Severus*, & *Antoninus* referunt ad *D. Marcum L. 2. C. de impub. & al. subst.* & tamen diversæ videntur fuisse constitutiones. *D. Marcus* constituerat, in reciproca substitutione utrumque casum non contineri, quando facta erat substitutio personis disparis conditionis: puta, si extranei cum filiis fuissent substituti. *DD. Severus*, & *Antoninus* constituerunt, idem esse, factà substitutione reciproca personis ejusdem conditionis, sed disparis ætatis: puta, si pater filios invicem substituisset, alterum puberem, & alterum impuberem. Et hunc casum *DD. Principes* constitutioni *D. Marci* adjecerunt. In d. *L. qui totam. 45. D. ad Senatuse. Trebell.* cum heres totam hereditatem restituere rogatus esset, totamque vellet restituere, locus fuit *SCto Pegasiano*. Ul-

pianus lib. sing. reg. tit. 25. & ita scripserat Modestinus : *Sua sponte adire debet hereditatem, quasi ex Pegasiano eam restitutus*, ut alibi ostendimus. Sed consilium Modestini fuit, ut heres suspectam diceret hereditatem, & coactus adiret : quo casu ex Scto Pegasiano simul & Trebelliano hereditatem restitueret, utroque Scto in hac specie concurrente. §. *ergo. Instit. de fideicommissar. heredit.* ubi & rationem affert Justinianus, cur potius ex Trebelliano, aut ex utroque Scto, quam ex Pegasiano tantum, restitui debuerit hereditas.

Exponitur L. grege. 13. §. cum pignori. D. de pignorib. & hypothec.

C A P U T XXXV.

PLACUERAT jam ante Martianum, pignus pignori dari posse. *L. debitor. 40. §. ult. D. de pign. act. L. de accessionib. 14. §. & fi. 3. D. de divers. & temp. praescript.* Pignus igitur tenetur secundo creditori, quatenus utraque pecunia debetur, *L. grege. 13. §. cum pignori. 2. D. de pignorib. & hypoth.* id est, quamdiu debitor pecuniam debet creditori, & creditor iste pecuniam debet secundo creditori : altero solvente, pignus datum secundo creditori liberabitur. Cum pignus pignori datum est, potest debitor primo creditori, vel secundo solvere, atque ita pignus suum liberare. *d. L. 40. §. ult. de pign. act.* Sed movet dubitationem Martianus *d. L. 13. §. 2.* an id, quod debitor solverit primo creditori, secundo teneatur, quasi in locum pignoris dati successerit. Distinguit, an pecunia, vel corpus aliquod solutum sit : alia est enim ratio pecuniae, alia corporum. In pecunia non spectamus corpora, sed quantitatem. *L. 1. D. de contrab. empt. L. 1. §. & omne. 7. D. ad leg. Falcid. L. si is, cui. 94. §. 1. D. de solut. & liberat.* Et postea respondet Martianus ex dissimili specie, quam refert ex Pomponio *lib. 7. ad edictum*, & reperitur apud Paulum *lib. 28. ad edictum. L. si convenerit. 18. D. de pignorat. act.* Finge, Titius nomen debitoris sui pignori dedit creditori suo Maevio. Maevius nomen pignori acceptum exegit : differt, utrum Maevius exegerit pecuniam, vel corpus aliquod. Si pecuniam exegerit, eam debet compensare Titio debitori suo; at si corpus solutum fuerit, pignori tenebitur, ut nomen antea tenebatur : quia corporis cum pecunia non admittebatur compensatio ante *L. ult. C. de compensat.* Haec autem species Pomponii dissimilis est ab ea, quam proposuit Martianus; ibi enim debitor solvit secundo creditori, in specie Martiani debitor solvit primo creditori. Verum in eo convenit, quod cum secundus creditor pecuniam accepit, eam sibi retinet, nec tenetur pignori : veluti cum corpus solutum est. Ita & si primus creditor pecuniam à debitore acceperit, eam sibi retinebit, nec tenebitur pignori

Par. L

M m

secun-

secundo creditori: si autem corpus acceperit in solutum, tenebitur secundo creditori, & succedet in locum primi pignoris, quod satisfactio liberatum fuit. Atque ita ex specie dissimili respondet Martianus: quod qui non adverterunt, hunc locum caecis interpretationibus valde conturbant.

Pignus rei alienae ratihabitione confirmatur. Species ad
§. 1. L. si fundus. 15. D. de pignorib. & hypothec. apponitur.

C A P U T XXXVI.

SI quis dederit rem alienam pignori, & dominus ratam habuerit pignoris dationem, pignus ratihabitione confirmatur, *L. aliena. 20. D. de pign. act.* non ut eo tempore jus pignoris quaesitum sit creditori, quo dominus ratam habuit rei suae pignorationem, sed ex eo, quo res pignori data fuit: si quidem ratihabitione retrahitur, mandatoque comparatur, quasi mandatum domini praecesserit. *L. si fundus. 16. §. 1. D. de pign. & hypoth.* Ita res facti, (ut est pignoris datio) etiam ante constitutionem Justiniani facile per ratihabitionem confirmabatur, ut ostendimus *lib. 2. Observat. cap. 38.* Quod verò subjicit Martianus in *d. §. 1. L. 16. D. de pignorib. & hypoth. Voluntas fere eorum denum servabitur, qui & pignori dare possunt*, anxios valde fecit interpretes: voluntas, id est, ratihabitione. *L. Pomponius. 40. §. ult. D. de procuratorib. L. 3. §. sed si. 4. D. de in rem vers.* Verbum illud fere, indicat quosdam posse pignorationem rei suae ratihabitione confirmare, quamvis ipsi rem suam pignori non potuerint: eorumque vix occurrit exemplum. Ut enim si tantum alienationi rerum consensum praebent, quibus res alienare permittitur. *L. cum quis. 165. D. de regul. jur.* Ita & si tantum pignorationi consensum praebere posse videntur, qui res suas pignori dari possunt. Quidam id referant ad tutores mulierum, qui auctoritatem interponere debebant, si mulier pignus daret, vel pro alio intercederet. *Ulpianus lib. sing. reg. tit. de tutel.* quamvis ipsi tutores rem mulieris pignori dare non possent. Sed multum differt auctoritas à ratihabitione: auctoritas tutoris statim, & in ipso negotio debet interponi. *L. obligari. §. penult. D. de auctor. & conf. tutor.* ac post multum temporis à negotio gesto potest fieri ratihabitione. Melius igitur *d. §. 1. L. 16. D. de pignorib. & hypoth.* referatur ad furiosos, & prodigos, quibus bonis interdictum est, qui ratam habere possunt pignorationem rei suae, ut ex eo tempore valeat, quo ipsi pignori non potuerint. Finge, Titius rem Maevii pignoravit eo tempore, quo Maevius furore tenebatur; postea Maevius ad sanitatem rediit, & ratam habuit pignus rei suae. Voluntas, seu ratihabitione Maevii servabitur, & retrahetur ad id tempus, quo Maevius rem suam pignori dare non potuit.

tuic. Idemque est in prodigo, cum ad sanos mores redierit. Ita furiosus petitam nomine sua bonorum possessionem tempore furoris, per ratihabitionem confirmat. *L. si quis. 49. D. de acquir. vel omitt. hered.* non ut habeatur ratio temporis, quo fit ratihabito petita bonorum possessionis; sed illius, quo petita est. *L. penult. §. 1. D. ratam rem hab.*

Quid sit praeparari actionem, in L. 3. C. de act. empti, & vend.

C. A P U T XXXVII.

QUALEM fucum illi auditoribus suis faciunt, qui species legum ex tempore exponendas proferunt, cum vel breviuscula meditatio expendi debeat, & suam curam requirat. Plerique *L. 3. C. de act. empti.* ita intelligunt, ut si emptor venditori arrham dederit, & pretium solverit, arram datam actione ex empto possit repetere. Arrhae nomine dari solebat pignus annulus, vel aliud symbolum; vel, ut Julius Pollux *lib. 9. cap. 6. Graecis ῥασηματίον*, i. e. *tenuis numisma, semisecta nummi pars*. Si quid autem emptor arrhae nomine venditori dederit, pretio soluto repetit actione personalis, puta ex empto, vel conditione sine causa. *L. ex empto. 11. §. 6. D. de act. empti.* Sed quominus ita species convenire possit, duo obstant. Primum, quod ajunt Impp. paciscentibus praeparari actionem, id est, emptori, & venditori: at in illa specie emptori tantum praepararetur. Alterum est, quod si emptor pretium venditori solverit, jam non praeparatur illi actio, ut arrhale pignus repetat; sed mox atque solverit, ea nascitur, & competit. Fingendum est potius, Serpodorum emptorem in *d. L. 3. arrhae nomine certam pecuniam dedisse venditori, ut sit plerumque in antecessum, vel partem pretii, d. L. 11. §. 6. D. de act. empti. L. ult. D. de leg. commissor. L. 2. C. quand. liceat ab empt. disced.* & cum ita partem pretii solvisset, rem emptam quasi suam vindicare voluisse: ajunt Impp. emptori *personalem dumtaxat actionem* praeparari ex arrhae datione, non actionem in rem. Non ajunt competere actionem personalem, sed praeparari: nec enim datur emptori actio ex empto, parte pretii soluta, sed praeparatur; ut si reliquum pretium offerat, agere possit ad traditionem rei emptae. *L. Julianus. 13. §. offerri. D. de act. empti.* Arrhae datione praeparatur, & inchoatur actio, quae totius pretii solutione, vel traditione rei perficitur. *L. Titius. 8. D. de rescind. vendit.* Sic interdicta causam praeparant, seu actionem, quae pro eis competit. *L. 1. §. ult. D. de aqu. quotid. & aestiv.* Sic actio ad exhibendum praeparat rei vindicationem.

Repetita expositio ad §. adeo. L. 7. D. de pact. An intelligi debeat de pactis circa adminicula emptionis, vel circa substantiam.

C A P U T XXXVIII.

NON placeret, §. adeo. L. 7. D. de pact. intelligi de pactis ex intervallo, quae fiunt circa adminicula venditionis; puta, evictionem, duplae stipulationem, & consequentias istius contractus, ut exposuimus lib. 3. *Observat. cap. 21.* sed potius intelligendum esse de pactis, quae fiunt circa substantiam contractus; puta, de augendo, vel minuendo pretio. Ita etiam ex parte agentis pactum ex intervallo factum, locum habere potest, secundum Ulpiani sententiam, qui putat, istis pactis non tolli priorem contractum, sed reformari; & ideo pactum de augendo, vel minuendo pretio ex intervallo factum, priori contractui inesse posse. Finget Conveniat inter venditorem & emptorem, fundum esse venditum pretio centum; postea, re tamen nondum secuta, convenit inter eodem, ut fundus esset venditus quinquaginta. Emptor offerendo quinquaginta, ex hoc pacto agere poterit adversus venditorem, ut fundus tradatur; licet priore contractu fundus fuerit venditus centum. Nam si hoc pacto reformatur prior contractus, perinde ac si fundus primum fuisset venditus quinquaginta; idque secundum Ulpiani sententiam. Paulus in alia videtur fuisse L. pacta. 72. §. 1. D. de contrab. empr. si post perfectam venditionem, de augendo, vel minuendo pretio aliquid convenierit, recessum esse à priore contractu; & novum potius contractum factum videri, quam priorem remanere. At si posteriore pacto prior contractus tollitur, pactum inesse non potest contractui, à quo recessum est. Paulus quidem probat sententiam Papiniani in pactis circa adminicula factis, ut inesse possint, cum detrahunt contractui, cum excipitur aliquid ex contracto, non verò cum fuerint circa substantiam contractus. Nec magis eadem emptio potest intelligi, cum pretium auctum, vel minutum est ejusdem rei; quam cum eodem pretio manente, aliam rem pro alia venditam esse convenierit. Manente substantia contractus, eadem re, eodemque pretio, pacta de adminiculis ex intervallo facta contractui inesse possunt: at contractui sublato mutatione rei, vel pretii, pacta inesse non possunt contractui, qui sublatus est.

An pactum nudum dici possit, cum inest contractui: & cur eo pacto nudo actio inter cives Romanos data non fuerit.

C A P U T XXXIX.

PACTUM nudum dicitur, quod est solum pactum, solummodo pactum, non contractus: quod placiti sine fiat, & nihil est praeter pactum.

etiam . *L. si tibi. 27. C. de locat. & conduct.* E contrario, nuda traditio est sola traditio absque conventione . *L. nunquam. 31. D. de acquir. rer. domini.* At non frustra quaeritur , an pactum , quod inest contractui , vel inesse creditur , si initio contractus , aut statim post contractum apponatur , pactum nudum dici possit ? Latini interpretes non admittunt ; tum quia pactum solum non sit , quod contractu continetur ; tum quia ex pacto nudo non detur actio , & pactum contractu appositum formet actionem . Graecus interpretes aliter , quod in meditatione de nudis pactis ex Stephano retulit , veluti *ἀσπυῖα (ἢ ἢ) ἀσπίδοι* ; i. e. *admirabile quid , & inauditum* . Ratione hac moveatur , quod cum Ulpianus praemiserit , nudam pactionem non parere actionem , *L. 7. §. quoniam. D. de pact.* postea subiecerit , interdum formari actionem , si contractui bonae fidei adposita fuerit ; quasi pactio adhuc nuda sit , licet contractui inlita . Et quidem si pactum ideo nudum dicitur , quod sit solum pactum , non contractus ; id pactum , quod inest contractui , non minus nudum erit , licet inest contractui . Partem facit contractus , legem dat contractui , sed non est contractus . Nec minus est etiam nudum pactum , licet formet actionem ex contractu : quia non parit actionem ex se , ut ex pacto nudo detur actio ; sed format actionem ex contractu , cui inest . Sed & si nudum pactum opponitur traditioni , ut est solum absque traditione , *L. 1. §. 2. D. de rer. permutat. L. legem. 10. & L. traditionibus. 20. C. de pact.* id pactum adhuc nudum dici potest , quod est absque traditione , absque causa dationis , vel facti . Verum si pactum traditio praecesserit , aut secuta fuerit , id pactum nudum dici non potest . d. *L. 10. C. de pact.* sed potius contractus . d. *L. 7. §. 2. D. eod.* Ideo verò ex pacto nudo inter cives Romanos actio non nascitur , ut Paulus ait *lib. 2. sent. tit. 14.* quia scilicet fidem illi sanxerant in negotiorum contractibus , ut Sextus Caecilius apud Gellium *lib. 20. cap. 1.* siue essent contractus nominati , siue innominati ; dummodò essent negotiorum contractus , seu civilia negotia . d. *L. 7. §. 2. D. de pact. L. solent. 15. L. rogasti. 19. L. si tibi. 22. D. de praecript. verb. si dem non sanxerant in nudis pactis , nec formulam prodiderant , quā de nudis pactis ageretur : quia modum vulgarem fidei alstringendae habebant , stipulationem , certā verborum proprietate contractam . *L. 2. D. de obligat. & actionib.* si paciscentes eam omisissent , magis videbantur id perulorū fecisse , quā ut fidem alstringerent . Paulus ait , *inter cives Romanos* : quia Graeci aliter , qui & nutu solo promissiones firmabant , ut alibi ostendimus .*

Quid sit manumissio adscripta circulo , apud Gajum in fragmentis Institutionum .

C A P U T XL

LEGE Fusiā Caniniā cautum fuerat , ut libertates servis nominatim darentur testamentō . Ulpianus *lib. sing. reg. tit. 1. de libertis* in fin.

Si

Si igitur testator servos non nominatim, sed confusè manumississet, impediebatur libertas. Gajus in fragmentis *hstitus. lib. 1. tit. 2.* Quod si non nominatim servi, vel ancillae in testamento manumittantur, sed confusè, omnes servos suos & ancillas, is, qui testamentum facit, liberos facere voluerit; nulli penitus firma esse iubetur, hoc ordine data libertas. & postea: Nam & si ita in testamento servorum manumissio adscripta fuerit, id est, in circulo, ut qui prior, qui posterior nominatus sit, non possit agnosci; nulli ex his libertatem valere manifestum est. Gajus antea, confusè servos facere liberos: postea, manumissio adscripta circulo, cum prior, vel posterior nominatus agnosci non potest. Dionysius Areopagita in *lib. de divinis nominibus, cap. 7.* ita loquitur de Angelicis mentibus: τὸ λογικὸν ἔχει, διαζωόν μὲν καὶ κίνησιν ἀπὸ τοῦ ἑαυτοῦ ἀλῶντος περιπορευόμενον. i. e. rationem habent, fusè & circulo rerum veritatem inveniunt. Gajus, confusè & in circulo; Dionysius, διαζωόν καὶ κίνησιν. Circulo aliquid fieri dicitur, cum sit confusè, & confectum; ad differentiam eorum, quae sigillatim, & per partes fiunt. Maximus Scholiastes Dionysii ad d. cap. 7. ἀπὸ τοῦ τῶ ἐκβολῆς, & καὶ μετὰ, i. e. confectū mentis intentione, & per partes: & ad cap. 11. ejusdem lib. ἀμειψῶς ὁ συντίσκειν καὶ μίαν ποτὶς, καὶ ἀπὸ τοῦ πᾶσι τὰς, i. e. individue, id est, non aliquibus in parte, sed confectim totis. Vel circulo aliquid fieri dicitur, quod est sine ordine, ubi quis principium sumere possit, unde velit, veluti in circulo. Basilii in *lib. regular. fusiùs disputatur. interrogat. 1.* καθάπερ καὶ κίνησιν ἀρχὴν λαμβάνειν ἐπὶ τοῦ βίαιου, i. e. veluti in circulo principium sumere nuda vult. Circulo igitur manumissio sic adscribitur, cum testator omnes servos manumiserit sine ordine, non singulos nominatim; atque ita agnosci non potest, qui prior, vel posterior nominatus fuerit: veluti in circulo primum punctum, & ultimum assignari non potest. Veniam aliud videtur curatio, quae fit cyclo apud Medicos, Vegetius de re *Veterinaria, lib. 2. cap. 6.* cyclo curare. Synelius *encomio calvitii*: τὸς καλκμῶν νέμεναι ὅπῃ καὶ λατρεῖν: dictos cyclos Medicis. Curatio cyclò fit certā methodò, certòque ordine, qui postea resumitur; & ideo cyclò, seu circulo fieri dicitur. Manumissio in circulo fit absque ordine, & confusè, veluti cum omnes servi manumittuntur testamento.





EMUNDI MERILLII J.C.

OBSERVATIONUM

LIBER OCTAVUS.

*De nomine, aetate, & sectâ Venuleji Saturnini miscellaneis
Jurisconsulti.*

C A P U T I.



LNQQUIRENDUM est semper in aetatem, & sectam Jurisconsultorum, ut eorum scriptis exponendis hanc micantior apparere possit. Ita igitur inquiri placuit in tempora, & sectam Venuleji. Non alius videtur esse Claudius Saturninus à Venulejo, in *L. 6. §. ult. D. mandat. & L. 1. §. 2. D. quae res pign. vel hypoth.* ubi extat rescriptum DD. Fratrum, & Divi Pii ad Claudium Saturninum: quia sub iisdem Principibus vixit Venulejus, & Praetorem egit. Tum quia in fragmen-

tis, quae supersunt ex Venulejo, juris auctores non refert illâ aetate inferiores, sed antiquiores. Verùm non ita faciliè deprehendi potest cuiusnam sectae fuerit: modò enim Sabini, Cassii, Juliani auctoritate utitur; modò Labeonis, Nervae, Proculi. Modò in quaestione controversa Proculo magis consentit adversùs Sabinum. *L. cum, qui. 138. D. de verb. oblig.* modò contrariam sententiam probat, *L. si rem. 31. §. si duo. D. de novat. & delegat.* adversùs Proculianos. *L. si unus. 27. in princ. D. de pact.* Sabinianorum sententiam probat, *L. si reus. 13. D. de duobus reis.* Sabini, *L. si duo. 93. D. de solut. & liberat.* Juliani. *L. cum reus. 14. D. de fideiuss. & mandat.* Africani, *L. cum quis. 38. §. ult. D. de solut. & liberat.* adversùs Proculum, d. *L. 93. D. eod. tit. de solut. & liberat.* Marcello ex Proculianis consentit in *L. si duo. 13. §. Marcellus. D. de iurejur. & ab eodem dissentit *L. existimo. 98. §. 1. D. de verb. oblig. & à Celso, qui fuit ex**

eadem schola. *L. si ita. 14. D. eod.* Ita ut Venulejus non certae alicujus sectae fuisse videatur, sed ex Jurisconsultis illis Ericiscundis, quos retelimus *lib. 1. Obseruat. cap. 6.* qui & Miscelliones dici possint. Sextus Pompejus, Miscelliones appellantur, qui non certae sunt sententiae, sed variorum, mixtorumque judiciorum sunt.

L. si duo. 51. D. de administrat. & peric. tutor. refertur ad stipulationem judicatum solvi; non ad stipulationem rem pupilli, vel adolescentis salvam fore.

C A P U T II.

PLERIQUE *L. 51. D. de administrat. & peric. tutor.* referunt ad stipulationem *rem pupilli, vel adolescentis salvam fore*, quâ tutores tenentur, & fidejussores eorum. *L. 4. §. 2. D. reps. pupill. vel adolescent.* Sed inscriptio referendam esse suadet ad stipulationem *judicatum solvi*; & juncti oportere cum *L. cum ex causa. 139. D. de verbor. obligat. & L. ex clausula. 17. D. judicatum solv. ex eod. lib. 6. stipulationum Venuleji.* In *d. L. 139.* agitur de stipulatione duplae, quae adversus heredes venditoris, vel uno eorum defugiente committitur; si quidem in solidum defendenda est venditio. *L. si rem. 62. §. 1. D. de evictionib. L. in executione. 85. §. in solidum. 5. D. de verbor. obligat.* Stipulatio *judicatum solvi*, tres clausulas in unum collectas habet, de re judicata, de re defendenda, & de dolo malo; id est, judicatum solvi, rem defensum iri, dolum abesse, abfuturumque. Si unus heredum dolum commiserit, committitur stipulatio. *L. inter. 44. §. quod ex facto. 5. D. simil. eriscund.* Si unus heredum rem non defendat, committitur stipulatio adversus omnes, quia in solidum defendi debet. *d. L. 17. D. judicatum solvi.* Ita si unus ex tutoribus, qui tutelam administrant, rem non defenderit, adversus fidejussorem in solidum stipulatio committitur. At si inter tutores divisa sit tutelae administratio vel in partes, vel in regiones: puta, ut alius dimidiam, alius dimidiam partem patrimonii administret; alius res urbanas, alius provinciales. *L. 4. & L. Titium. 47. §. 2. D. de administrat. & peric. tutor.* alius res urbanas, & peregrinas, puta, quae sunt in peregrino solo, ubi non est juris civilis communio; stipulatio non in solidum adversus fidejussorem, sed ex substantia cujusque rei, & pro modo administrationis committitur. *d. L. 1. D. eod.* Et quâ ratione tutor, cui permessa non est tutelae administratio, non potest stipulari judicatum solvi; nec si egerit, stipulatio committitur. *L. 3. §. si tutor. 3. D. judicatum solvi:* ita nec adversus fidejussorem tutoris committitur ex eâ parte, eâve re, quam non administrat.

Quaer

Quanam loco intelligi debeat in L. ult. D. de vi bonor. raptor.

CAPUT III.

ALII referunt *L. ult. D. vi bonor. raptor.* ad legem XII. Tabul. alii ad legem Atiniam, cum ad neutram referri debeat, sed potius ad legem Plautiam de vi, aut ad legem Juliam de vi privata. Lex XII. Tabul. aeternam rei furtō subreptae auctoritatem esse sanxerat; quod ex XII. Tabulis in legem Atiniam translatus fuit: & praeterea adjectum fuisse videtur in lege Atinia, ut res furtiva ulucapi posset, si in potestatem domini reverla esset. *L. potestatis. 215. D. de verb. signific.* At quemadmodum rei furtivae usucapionem lex XII. Tabul. & lex Atinia prohibuerant; ita lex Plautia, & Julia usucapionem rei vi possessae: puta, cum quis de fundo alium deiecisset armatis hominibus, eumque occupasset. Paulus *lib. 5. sent. tit. 26.* Justinianus in §. *furtivae. Instit. de usucapionib.* praeponit legem Juliam ante Plautiam. Julianus in *L. non solius. 33. §. si dominus. 2. D. de usurpat. & usucap.* praeponit legem Plautiam, quae sanè Juliā antiquior fuit, cujus Marcus Scaevola reus postulatus fuit, ut refert Asconius, idque ante Julias rogationes. Et quidem lex Plautia de vi lege Juliā videtur fuisse recentata, aut quaedam capita ei adjecta fuisse. In d. *L. ult. D. vi bonor. raptor.* hanc, vel illam Venulejus intelligit, non utramque; sed eam, quae caverat, rem vi possessam ulucapi posse, si in potestatem domini rediisset; sive ea Plautia fuerit, sive Julia. At legi Plautiae ut antiquiori tribuendum existimo; nec enim praetermissum fuerit eā lege, quod lege Atinia (veteri, ut scribit Gellius) fuerat comprehensum. Quod si lex Plautia antiquior fuisset lege Atiniā; legi Plautiae, non legi Atinae, tribueretur quod est in d. *L. 215. D. de verbor. significat.* Et si utramque Venulejus intelligere voluisset, non legis, sed legum appellatione expressisset.

Mala sacrificia, nocturna, funesta, preces dirae, sceleratae preces, Missa defunctorum pro vivis. Ad

L. ex SCto. 13. D. ad leg. Cornel. de sicar.

CAPUT IV.

CUM lex Cornelia de scariis, & beneficiis lata esset, SCtum quoddam ad eam legem factum est, ut qui *mala sacrificia fecisset, habuisset.*

For. L.

N n

set,

set, ejus legis poenâ teneretur. L. ex Scto. 13. D. ad leg. Cornel. de fidei. pu-
ta, ut qui hisce sacrificiis malis, mortis causam praeberet, perinde puni-
retur, ac si hominem sicâ, venenove occidisset. Modestinus vocat mala
sacrificia. Paulus lib. 5. sent. tit. 23. Impia sacra. Plinius lib. 2. nat. histor.
cap. 28. Diras preces, & sceleratas preces. Tacitus lib. 2. Annal. 69.
Carmina, & devotiones, aliisque maleficiis, quis creditur, animas Numini-
bus infernis sacrari. Eadem sunt nocturna sacra, apud Paulum lib. 5. sent.
tit. 23. & L. 5. C. Theodos. de Pagan. quia Magi noctu illa faciebant. Am-
mianus Marcellinus lib. 19. Sive per monumentum transiisse vespere, ma-
levolorum argueretur indicium, ut veneficus, sepulcralesque horrores, & er-
rantium ibidem animarum ludibria colligens, reus capitis interibat. Va-
lentinianus simul prohibet nefarias preces, magicos apparatus, singula sacri-
ficia. Funesta sacrificia, vel quia mo-tem accerferent, vel propter erutas
in hujusmodi sacrificiis humanorum corporum reliquias, ut Tacitus d. lib.
2. Annal. 69. Apulejus lib. 2. Mefiar. Reliquia quaedam, & caddverum
praelegmina ad exitiabiles viventium fortunas petuntur. Sed & apud Chri-
stianos funesta sacrificia reperio, Concilii Toletani 17. cap. 5. Sacerdotes
Missam pro requie defunctorum promulgatam sullaci voto pro vivis student
celebrare, non ob aliud, nisi ut is, pro quo id ipsum offertur sacrificium,
ipsius sacrosancto libaminis interuentu mortis incurrat periculum: & quod
cunctis datum est in salutis remedium, illi hoc perverso instinctu quibusdam
esse expetunt in interitum. Scilicet id faciebant sacerdotes, cum Gothi
eas partes tenerent, & Aquitaniam; ubi etiam hodie aniculae infentiores
factae vulgò minantur se illis, quibus irascuntur, Missam curaturas: ne-
que aliam (opinor) intelligunt, quàm Missam defunctorum pro vivis.

*Vindicatur L. 4. sub tit. de reb. dub. quae in Pandectis
Florentinis deest.*

C A P U T V.

IMMERITO deest L. 4. D. de reb. dub. in Pandectis Florentinis, & eâ
(credo) ratione expuncta fuerat, quòd Paulus in d. L. 4. dixerit: sine
dubio certis, & incertis personis dari debere. Nam si res sine dubio est,
quorum sub tit. de reb. dubiis ponitur? At eâ ipsâ ratione expungen-
da fuisset L. 5. D. eod. tit. de reb. dub. ex eodem lib. 19. Responso. Pauli,
ubi ait: Nulli personae, neque certae, neque incertae datum fideicommissum
videri, indubitatum est. Idem verò Paulus in d. L. 4. per quamdam ve-
luti antithesim: Sine dubio certis, & incertis personis dari debere. Non
erat dubium, quoad rationem juris, sed quoad voluntatem testatoris in-
certam. Veluti cum Julianus lib. singul. de ambiguitatib. dubiam volunta-
tem testatoris proposuisset, retulit definitionem Prudentum, qui eam in-
terpretati fuerant. L. in substitutione. 31. D. de vulg. & pupill. substit. Jam
igi-

igitur non erat dubia post definitionem Prudentum . Praeterea Paulus ait in d. l. 4. *Id. quod conditionis implendae causâ dandum est, incertis personis dari debere* ; puta ei, qui primus ad exequias testatoris venerit : quia, licet incertae personae legatum non debeatur, utpote inutiliter relictum; tamen id, quod implendae conditionis causâ dator ei, qui testamenti factionem non habet, & legatum capere non potest, dari debet . *L. Maevius. 55. D. de condit. & demonstrat.* Conditioni omnino parendum est, ut voluntati testatoris satisfiat ; & factò impleri necesse est, licet jure non impleatur . *L. mulier. 20. §. 1. D. de condit. institut.*

Ad L. Lucius. 11. D. de evictionib. & L. si fundus. 33. D. locat.

C A P U T VI.

QUOD ait Paulus, in Germania trans Rhenum, possessiones ex praeepto principali partim distractas, partim veteranis in praemia assignatas, contigit vel temporibus Caracallae . Spartianus in *Caracalla* : Cum Germanos subegisset, Germanicum se appellavit : vel temporibus Maximini . *Capitolinus* in *Maximino* : Ingressus igitur Germaniam Trausibnanam per trecenta, vel quatuor millia barbarici soli vicos incendit, greges abegit, praedas sustulit, militem divitem reduxit, cepit innumeros . Atque id consuetudinis fuisse observat Servius ad 11. *Aeneid.* Consuetudo erat, ut victores Imperatores agros militibus suis darent, ut in *historiis* legimus . Cum igitur praedia in Germania ex praeepto principali distracta, & assignata fuissent veteranis, Paulus respondit, post venditionem perfectam futuros casus evictionis ad venditorem non pertinere . Veluti cum venditor servum furem non esse promiserit, non tenetur, si postea furtum fecerit, *L. 3. D. eod. tit. de evictionib.* aut si fugitivum non esse promiserit, & postea servus fugerit . *L. 4. D. de probationib.* quae ita jungi potest cum d. l. 11. *D. de evictionib.* ex eodem lib. 6. *Respons. Pauli* . Si verò ante venditionem perfectam fundus publicatus fuerit : puta, antequam venditor emptorem in vacuum fundi possessionem induceret ; ille casus evictionis venditorem respicit, ut pretium emptori restituere teneatur, non id, quod interest, fundum traditum non fuisse . *L. si fundus. 33. §. locat.* Ex qua tamen argumentum non ducere, ante traditionem rei venditae periculum esse venditoris : quia ibi res non perit, sed vi quadam majore praestari non potest, puta, auctoritate principali . Ita & cum ex *ScTo Pisoniano* in servum venditum animadvertitur, neque cum venditor praestare potest propter auctoritatem *ScTi*, solummodò pretium emptori restituere tenetur . *L. 8. D. de ScTo Silvano.* Aliàs nimis verum est, re venditâ ante traditionem peremptâ, emptoris esse periculum, quem & com-

modum respicit. §. cum autem. *Instit. de empt. & vendit. l. id, quod. 7. D. de pericul. & commod. rei vendit.* adeo ut emptor rei peremptae pretium venditori solvere teneatur, licet rem non possit tradere, quia perit. *L. ult. C. eod. Quod plerique tentarunt in d. l. 33. D. locat.* fundum fuisse publicatum culpa venditoris; & ideo periculum ipsius fuisse, non placet: quia non tantum hostium devictorum agri militibus assignabantur, sed etiam vicinorum, cum assignati agri non sufficerent numero militum, ut est apud Siculum Flaccum *lib. de conditionib. agrorum.*

Ad L. furioso. 9. D. de re judicat.

C A P U T VII.

LEGEM furioso. 9. D. de re judicat. ita vulgè accipiunt; ut alteri litigantium furioso, neque à iudice, neque ab arbitro compromissario sententia dici possit. Et quidem cum arbiter coram litigantibus sententiam dicere debeat, non videtur sententia dicta coram furioso. *L. diem. 27. §. coram. D. de recept. qui arbit. receper. l. coram. 209. D. de verbor. significat.* Nec iudex etiam sententiam adversus furiosum potest dicere quasi absentem. *L. quaesitum. 60. D. de re judicat.* Verum aliud suadent verba d. l. 9. Furioso sententia à iudice, vel ab arbitro dici non potest; ut neque iudex, neque arbiter furiosus possit sententiam dicere. Et tangit Pomponius notam satis differentiam inter iudicem strictò, & arbitrum bonae fidei iudiciò addictum: quorum sententias magistratus exequabantur. *L. à Divo. 15. D. eod. tit. de re judicat.* Sed quae dubitatio, furiosum iudicem, vel arbitrum non posse sententiam dicere? Imò eo sensu major est: quia iudex datus, licet furere coeperit, nihilominus iudex manet. *L. iudex. 46. D. de iudic. & potestatem judicandi retinet, ut magistratum. l. qui fure. 20. D. de stat. homin.* Videbatur, eum posse sententiam dicere, qui nullà lege impeditur: puta, nec lege Julià privatorum, nec lege Julià publicorum iudiciorum. Plinius de Javoleno Prisco *lib. 6. epist. 15. Est omnino Priscus ambiae sanitatis; interest tamen officiis, adhibetur consiliis, atque etiam ius civile publice respondet.* Sed natura est impedimento, quominus furiosus, dum est in ipso furore constitutus, sententiam possit dicere. *L. cum Praetor. 12. §. 2. D. eod. tit. de iudic.* Neque aliter valet sententia à furioso iudice, vel arbitro dicta, quam si suae mentis effectus iudicavit. *L. cum furiosus. 39. D. eod.*

Balnearia, loca balneorum, incrustationes, & picturae balneorum, in L. quidam. 13. D. de servitutib. praedior. urbanor. *Lectio Florentina retinetur.*

C A P U T VIII.

POST Titii horrea Hiberus habebat insulam. Hiberus secundum parietem communem balnearia fecerat. Proculus L. 13. D. de servitut. praed. urban. Quidam Godices legunt *balneariam*; sed rectè legitur in Pandectis Florentinis *balnearia*: nam balnearia sunt loca ad usum balneorum pertinentia. M. Tullius lib. 3. epist. ad Q. fratrem, epist. 1. Nihil ei restabat, praeter balnearia, & ambulationem. & apud Lucium Senecam, de tranquillit. animi, cap. 9. In balneariis sunt baptisterium, seu aquarium, hypocaustum, seu vaporarium, triclinia balnearia. Vitruvius lib. 6. de architect. cap. 7. diaetae hypocaustae. L. ligni. 55. §. 3. D. de legat. 3. Praeterea Hiberus secundum parietem communem, puta, qui horrea Titii, & insulam Hiberi distinguebat, tubulos admoverat, per quos calor in hypocaustum distunderetur. Quod sua aetate inventum fuisse innuit Seneca in epistolis. Proculus respondit, Hiberum id jure non facere, quia nec balnea secundum parietem communem habere licet, si humor parieti noceat, L. fistulam. 19. D. de servitut. praedior. urbanor. nec tubos parieti communi admovere, per quos flammam parietes torreantur. Subjicit Proculus in L. 13. D. de servitutib. praed. urban. In pariete communi incrustationes, & picturas pretiosissimas fieri posse. Quod etiam videtur pertinere ad praemissam quaestionem d. L. 13. puta, cum Hiberus in pariete communi incrustationes fecisset, secundum mores illius temporis. Lucius Seneca epist. 86. Pauper sibi videtur, ac sordidus, nisi parietes magnis, ac pretiosis orbibus resulserunt; nisi Alexandrina marmora Numidicis crustis distincta sunt; nisi illis undique operosa, & in picturae modum variata circumlitio praetextitur. Incrustationes sunt tectoria ex crustis, tessellis, segmentisque marmoreis, multivar. opere. Quod ex pavementis ad cameras sua aetate transiisse refert Plinius lib. 36. natural. histor. cap. 25. Sed Proculus ait, ea tectoria, si vicinus parietem communem demolitus sit, non plus quam vulgaria aestimari; puta, tectoria ex opere, albario, ut Vitruvius lib. 5. de architect. cap. 10.

Electione rei fidejussor olim liberatus. Ratio istius juris profertur, & vestigium in L. egisti. 84. D. de solut. & liberat.

C A P U T IX.

SI creditor à debitore fidejussorem accepisset, & prius debitorem convenisset, ante constitutionem Justiniani in L. ult. C. de fidejussorib. electione-

ctione rei fidejussor erat liberatus. Paulus *lib. 2. sentent. tit. 17. Electi res principali fidejussor, vel heres ejus liberatur*. Ratio istius juris fuit, quia creditor agendo adversus debitorem actionem consumperat. Sublata igitur obligatione principali accessio tollebat. At si creditor fidejussorem elegisset, electione fidejussoris non tollebat actio adversus reum principalem, Principalis obligatio sublata tollebat accessoriam; accessoria non tollebat principalem. Vestigium autem istius juris non insubtiliter deprehendi potest in *L. egisti. 84. D. de solution. & liberation. Titius servo pecuniam crediderat, & servus ejus pecuniae fidejussores dederat. Titius pretis fidejussoribus servi egit actione de peculio adversus dominum. Consultus fuerat Proculus, an fidejussores essent liberati, vel eos Titius convenire posset. Ratio consultationis fuit, quod cum Titius actione de peculio adversus dominum egisset nomine servi, videbatur dominum ut reum principalem convenisse, atque electione domini, quasi rei principalis, fidejussores esse liberatos. Proculus rescriptis non esse liberatos: quia licet Titius actione de peculio egisset, manebat adhuc obligatio naturalis servi, cui fidejussores sese applicuerant. Manente igitur principali obligatione, manebat quoque fidejussorum obligatio accessoria; nec erat sublata actione de peculio, quam Titius potuit non solidum consequi. §. actionum. 11. Institut. de actionib. & adversus fidejussores regredi, ut quod deerat actioni de peculio, ab his actione ex stipulatu consequeretur. Nam cum plures ejusdem rei nomine competunt actiones rei persecutoriae, si leviori actione prius actum fuerit, in id, quod deest, alia actione agi potest. *L. qui servum. 34. D. de obligat. & actionib.**

Quarum legum praecepta Justinianus intelligit in §. 1. Instit. de nuptiis.

C A P V T X.

JUSTINIANUS in §. 1. *Instit. de nupt. Justas nuptias inter se cives Romani contrahunt, qui secundum praecepta legum eorum*. Item fere Theophilus; sed non exprestit, quarum legum praecepta in nuptiis contrahendis deberent observari. At certum est, Justinianum praecepta legum Juliae, & Papiae intelligere voluisse: tum quia legum appellatione in libris juris, leges istae debent intelligi, ut aliàs ostendimus; tum quia leges istae nuptias inter cives Romanos ritu quodam, & modo fieri praeceperant, ut justae essent nuptiae. Ac veluti erant justae nuptiae secundum praecepta legum, ita iusti liberi secundum leges istas quaesiti. Paulus *lib. 7. sent. in cellat. leg. M. sic. cum leg. Rom. tit. 16. Nec interest adoptivi sint, an naturales, & secundum legem Julianam, Papiamve quaesiti*. Ut autem praecepta legum servarentur, neve adversus leges quaedam pa-

cta,

ctâ, aut conditiones apponerentur, cum tabulis nuptialibus ipsa lex Papia recitari consueverat. Martianus Capella lib. 2. de nuptiis Philologiae, extremis verbis: *Tunc exurgens virginis mater poscit de Jove, superisque cunctis, uti sub conspectu omnium quicquid sponsalium nomine praeparaverat Majugena, traderetur; ac demum dos à virgine non desset; tuncque tabulas, ac Papianae Papaeaeque legem finirent recitari.*

Conciliatur L. si gratuitam. 17. §. Papinianus. D. de praescript. verb. cum L. rem inspiciendam. 78. D. de furt. Periculum distinguitur.

C A P U T XL

SI Titius Maevio rem inspiciendam dederit, puta, pretii explorandi gratiâ, L. 1. §. 2. D. de praescript. verb. Ulpianus distinguit, utrùm suâ causâ, vel causâ Maevi, vel utriusque causâ inspiciendam dederit. Si Titius suâ causâ dederit, dolum tantummodo à Maevio praestari oportere: si causâ Maevii, vel utriusque, dolum & culpam à Maevio praestari debere propter utilitatem, puta, quia in eo negotio utilitas quaedam Maevii versatur. L. 5. §. 2. D. commodat. non tamen Maevium praestare debere periculum. Ulpianus id videtur referre ex lib. 8. Quaest. Papiniani, & tamen Papinianus eodem lib. 8. Quaest. in L. rem inspiciendam. 78. D. de furt. scripsit, periculum posse respicere eum, qui rem inspiciendam acceperit. Dici quidem potest, in d. L. 17. non omne periculum debere intelligi, ut loquitur idem Ulpianus in d. L. 5. §. commodatum. D. commodat. Nec intelligi periculum furti, sed aliud periculum vis majoris, incendii, praedaturae, aggressurae. Periculum respicit eum, qui rem inspiciendam acceperit, si culpâ ipsius res furto perierit. L. cum duobus. 52. §. damna. D. pro socio. L. eum, qui. 14. §. idem scribit. 6. D. de furtis. Quod periculum intelligi potest in d. L. 78. D. de furt. Eamque distinctionem vis majoris, & furti, Ulpianus adhibet d. L. 17. §. penult. D. de praescript. verb. An potius dicendum est, periculum respicere eum, qui rem inspiciendam acceperit, si aestimata data fuerit? veluti enim in commodato dolus, & culpa tantum praestatur ex natura contractus; sed periculum omne ab eo praestandum est, qui aestimationem praestaturum se receperit, d. L. 5. §. commodatum. D. commodat. Ita cum rem inspicienda data est aestimata, periculum omne praestandum est. Contractus incertus est, ex quo agi debet praescriptis verbis d. L. 17. §. 2. D. de praescript. verb. tamen ad commodatum accedit. L. eum qui. 10. §. 1. D. commodat. & in contractibus incertis, non minus quam certis, aestimatio periculum facit ejus, qui rem inspiciendam suscepit. L. 1. D. de aestimat. act. Atque ita is, qui rem inspiciendam acceperit, de periculo teneri potest.

Pro-

Propria actio, perpetua actio, in L. petendi. 27. D. de pignorat. act. Horatio lux, Ulpiano.

C A P U T XII.

NONILIUS Marcellus *cap. de var. significat. Sermou. in verb. proprium*, ex Accii armorum iudicio refert, *Non facile sine D iam operâ propria humana sunt bona*; & *propria interpretatur perpetua*, quomodo & Horatium interpretatî libet *lib. 2. Epistol. 2. v. 171. seq.*

- - - - - tanquam
*Sit proprium cuiquam, puncto quod mobilis horae
Permutet dominos, & cedat in altera iura.*

Non enim minùs proprium est iure domini, quod in alienum jus transire potest: sed non est perpetuum, quod aut cessione, aut successione in jus alienum transit. Id, quod Horatius postea subjicit *v. 175. seq.*

*Sic quia perpetuus nulli datur usus, & heres
Heredem alterius, velut unda supervenit undam.*

Proprium igitur apud Accium, & Horatium, est *perpetuum*. An non etiam ita intelligi debeat apud Ulpianum in *L. petenti. 22. D. de pignorat. act.* quae iugenda est cum *L. solutione. 18. D. ad exhibend. ex eod. lib. 6. Opiniorum* Ulpiani. Titius debebat centum Maevio, & cum Maevius debitum repesceret, nec paratam haberet pecuniam Titius, species quasdam auri dedit Maevio, ut eas apud alium creditorem, puta Sempronium, pignori poneret. Si quidem Maevius Sempronio satisfecerit, & species liberatas receptasque teneat, Ulpianus ait, Titium posse convenire Maevium actione ad exhibendum: si verò species adhuc sint apud Sempronium, propriam actionem Titio adversus Maevium creditorem suum competere, ut liberatae tradantur. Et illa quidem actio propria, est actio praescriptis verbis, quae licet incerta sit, *L. cum res. 22. C. de donationib.* tamen propria est contractibus innominatis. *L. 1. & L. 3. D. de praescript. verb.* Et propria actio dici potest ex contractibus innominatis, ut contractus ipse innominatus dicitur proprius. *L. rogasti. 19. D. eod.* Aliâ verò ratione Ulpianus *propriam actionem* dicere potuit in *d. L. 22.* id est, *perpetuam*, scilicet ad differentiam actionis ad exhibendum, quae perpetuò non datur adversus Maevium; neque aliter dari potest, quam si species à Sempronio liberatas, receptasque teneat. At perpetuò conveniri potest, ut species liberatas tradat: & ita actio praescriptis verbis diceretur perpetua, ad differentiam actionis ad exhibendum, quae non est perpetuò, seu non datur perpetuò.

*De actione legatarii ex legato per vindicationem sub
alternatione relicto.*

C A P U T XIII.

SI legatum esset per damnationem, puta, *heres illud, aut illud Titio dato*, heredis fuit electio, quod vellet dare. *L. si is, cui. 18. D. de legat. 2. Ulp. lib. sing. regul. tit. 24. de legat.* Nam & in aliis obligationibus alternativis, debitoris est electio, quod velit solvere. *L. plerumque. 10. §. ult. D. de iure dot. L. cum qui. 138. §. 1. D. de verb. obligat. L. Stichum. 95. §. 1. D. de solut. & liberat. L. penult. C. de conduct. iudic. L. 4. C. de verb. significat.* Heredis igitur ut debitoris ex testamento est electio, quod velit dare, quando legatum per damnationem sub alternatione relictum est. Si verò ita legatum fuerit per vindicationem, legatarii est electio, quod non satis expressum est apud Ulpianum *d. tit. 24.* Nisi ita tacite legatam electionem intelligas, ad differentiam electionis, seu optionis, quas expressè legata est. Id autem satis constat ex *d. L. si is, cui. 18. & L. Lucius. 23. D. de legat. 2.* Ratio est, quòd legatarius ut dominus possit rem legatam vindicare, & vindicando praeveniat electionem heredis, ut non possit heres quod velit solvere. Quid autem si legatarius egerit actione in personam? ut potest, legato per vindicationem relicto. *L. quod legatur. 38. D. de iudiciis. L. huiusmodi. 84. §. ult. D. de legat. 1. L. Marcius. 66. §. in fundo. D. de legat. 2.* Legatario non vindicante, sed agente in personam, heredis videtur fuisse electio, quod vellet solvere: nec enim legatarius praevenit heredem, ut cum vindicat. Idemque est, ac si petere per damnationem agendo in personam; & ita agendo sub alternatione petere debuit, illud, aut illud dari: alioqui plus causa peteret, ut & ex aliis obligationibus alternativis. *§. huic autem. l. 2. §. ult. de actionib.* Vindicando autem eligere potuit, quod habere mallet. Non semper igitur in legato vindicationis sub disjunctione relicto legatarii fuit electio; sed tantum cum ageret actione in rem, & legatum vindicaret.

*Quaedam differentia deprehenditur inter SCtum Trebellianum;
& Pegasianum, cum indebitum fideicommissum ex hoc,
vel illo SCto restitueretur.*

C A P U T XIV.

CUM heres rogatus fuerat hereditatem restituere retentâ quartâ, vel dodrante hereditatis, locus erat SCto Trebelliano; & si heres ex eo

Par. I. Oo SCto

SCto totam hereditatem restituisset, quartam ut indebitè solutam repetere potuit: quia testator non nisi dodrantem restituere voluerit, & quartam penes eum remanere. §. *sed quia heredes, l. si de fideicommissi heredit.* Ita non nisi per errorem facti, quartam, quam retinere poterat, solvisse intelligitur: puta, quod putaret, se iustum esse totam hereditatem restituere; & ideo fideicommissi indebiti repetitio datur. *L. fideicommissus. 7. D. de condict. indeb.* At si heres iustus fuerat totam hereditatem restituere, vel minus quartam retinere, locus erat SCto Pegasiano: & si heres ex eo SCto totam hereditatem restituisset, non habebat conditionem indebiti. Paulus *lib. 4. sentent. tit. 3.* quia aut ignorans restituit; puta, cum ignoraret, se posse uti beneficio SCti Pegasiani; & quartam hereditatis retinere; & ideo non habet conditionem indebiti. *L. error. 9. C. ad leg. Falcid.* Vel sciens restituit: puta, cum sciret, se posse quartam hereditatis retinere, & non retinuit; ideo non habet conditionem indebiti: quia indebitum non solvit, quod erat debitum ex voluntate testatoris, qui totam hereditatem restitui iusserat: & cum heres quartam retinere omisit, fidem obsequium, seu plenam fidem defuncto praestare maluisse intelligitur, quam quartam ex SCto Pegasiano retinere. *L. qui totam. 45. D. ad Senatufc. Trebell. l. 1. & L. ult. C. ad leg. Falcid.* Paulus *d. tit. 3. Qui totam hereditatem restituit, cum quartam retinere ex Pegasiano debuisset, repetere eam non potest: nec enim indebitum solvisse videtur, qui plenam fidem defuncto praestare maluit.* Ubi Paulus loquitur de restitutione ex SCto Pegasiano, quia aliud erat in restitutione ex SCto Trebelliano. Et haec differentia observari potest ex illis, quae erant inter SCtum Trebellianum, & Pegasianum, quaeque propter confusionem utriusque SCti à Justiniano factam non ita facile deprehendi possunt.

Non ex omnibus contractibus innominatis datur actio praescriptis verbis, sed tantum ex iis, qui sunt similes contractibus nominatis.

C A P U T XV.

UT ex contractibus certis, & nominatis certae, & propriae actiones proditae sunt, vulgares, & usitatae, *L. 2. D. de praescript. verb. & in fact. actionib.* ita ex contractibus incertis prodita est actio praescriptis verbis, quae est propria istorum contractuum, ut potest intelligi in *L. potest. i. 27. D. de pignorat. act.* Non tamen potandum est, ex omnibus contractibus innominatis dari actionem praescriptis verbis; sed tantum ex iis contractibus, qui accedunt proximè ad contractus nominatos: veluti ex contractu innominato, qui est similis contractui emptionis, datur actio praescriptis verbis in factum proxima empti. *L. si convenit. 6. D. de rescind. vendit.* Ex contractu innominato, qui est similis locationi, datur actio

actio in factum proxima locati. *L. si ut certo. §. rem tibi. 12. D. commo-*
dat. & L. 1. §. si quis servum. D. deposit. Ex contractu innominato, qui
 est similis societati, in factum actio proxima actioni pro socio. *L. si ti-*
bi. 12. §. 1. D. de praescript. verb. Ex contractu incerto, qui est similis
 mandato, in factum proxima mandati. *L. 5. §. sed si facia. D. eod. L. 8.*
D. de precario. Ex contractu, qui est similis commodato, in factum pro-
 xima commodati. *L. si gratuitam. 17. D. de praescript. verb.* At ex con-
 tractibus incertis, qui non accedunt ad contractus nominatos, non da-
 tur actio praescriptis verbis, sed datur vel in factum actio praetoria, *L.*
7. §. 2. D. de pact. L. 1. D. si mensur fals. mod. dixer. vel conductio ob rem
dati, L. ult. D. de conduct. caus. dat. vel actio de dolo. d. L. 5. §. quid si
faciam. & L. solent. 15. D. de praescript. verb.

Unde dicta sit actio praescriptis verbis.

C A P U T XVI.

MIRUM post tot Graecos, & Latinos à Justiniano interpretes, non
 satis hodie constare, unde dicta sit actio praescriptis verbis. Grae-
 ci interpretes, qui (ut saepe monui) Latinorum verborum vim, atque
 potestatem non callebant, haud videntur constanter intellexisse, cur illa
 actio dicta sit praescriptis verbis; ut ex variis definitionibus arguitur,
 quae in glossis Nomicis referuntur. Constantinus Harmenopolus *lib. 2.*
Epitom. tit. 2. in fin. vocat συγγραμμάτων συμφώνων ἀγωγήν, i. e. prae-
scriptarum conventionum actionem, & convenit ista definitio ex glossis
Nomicis, συμφωνημάτων συμφώνων ἀγωγή, i. e. conventionum verborum actio.
 Latini interpretes eandem probarunt definitionem, quasi actio praescrip-
 tis verbis dicta sit, quod agatur ex verbis praescriptis, id est, praestitu-
 tis, & conclusis conventionione. *L. si dominus. 8. D. de praescript. verb.* Sed
 verius est, dictam esse, quod praescriberentur, live ante scriberentur ver-
 ba conventionis; & postea ex verbis praescriptis, seu ante scriptis, in
 factum actio subiceretur: idque Papinianus innuit in *L. 1. in fine. D.*
eod. Non exhibitâ fide in factum civilis subicitur actio. Ait, subijci
 actionem in factum, scilicet post verba praescripta, seu ante scripta. In
 actionibus certis, quae competeabant ex contractibus nominatis, satis
 erat actionem edere; & edita actio speciem futurae litis demonstrabat.
L. 3. C. de edenda: veluti editâ actione ex empto, certum erat, quid ex
 hac actione praestari oporteret, *L. in emptionib. 42. D. de pact.* quodve esset
 proprium hujus actionis. *L. 5. D. de actionib. empt.* At in contractibus
 innominatis, cum incertum esset quânam actione agi oporteret, praescri-
 bebantur verba negotii gesti; quid datum, vel factum esset, quodve con-
 tua dari, vel fieri convenisset: & dicebat actor, se agere praescriptis ver-
 bis, id est, ante scriptis, & propositis scripturâ. Neque aliâ mente fuit

Harmenopolus, cum dixit, *πρὸς τὴν ἐπιμέλειαν τοῦ παιδὸς ἀποδιδόναι*, i. e. *praescriptarum conventionum actionem*. Datur quidem actio ex praescriptis conventionibus, seu praestitutis: verum non inde actio ex praescriptis verbis dicta est, quasi ex praestitutis verbis; sed quasi ex praescriptis, siue ante scriptis, verbis, & quod ex verbis, uti erant praescripta, seu scriptura proposita, ageretur. Denique in actione praescriptis verbis, praescribere, non est praestituere, praefinire, ut aliis; sed est praescribere, seu ante scribere, & scriptura proponere.

Definitio Tutelae aliter quam vulgò accepta.

C A P U T XVII.

MODESTINUS ex Servio retulit definitionem Tutelae in *L. 1. D. de tutel.* quae & Justiniano placuit: *Tutela est vis, ac potestas in capite libero ad tuendum eum, qui propter aetatem suam sponte se defendere nequit, jure civili data, ac permessa.* Vulgò creditum est, eam definitionem ad potestatem dandi tutoris pertinere; quasi Servius dicere voluerit, tutelam, seu potestatem dandi tutoris esse datam, ac permissam jure civili, id est, lege *XII. Tabularum*. Et hoc quidem certum est, potestatem dandi tutoris ex lege *XII. Tabul.* descendere. *L. 4. D. de testament. tutel. L. verbis. 120. D. de verbor. significat.* Verum alia mens fuit Servii in *d. L. 1. D. de tutel.* Neque enim potestatem dandi tutoris definitione sua comprehendere voluit, sed potestatem, quam habet tutor in pupillum. Ea potestas tutoris in pupillum non est ex lege *XII. Tabul.* sed ex jure civili, seu interpretatione Prudentum ad leges *XII. Tabul. L. 2. §. his legibus. & §. ita in civitate. D. de orig. jur.* Nec fuit ea potestas verbis legis comprehensa, quae simpliciter patrifamilias legandi, & tutores dandi potestatem fecerat, & agnatis proximis tutelam detulerat. Datò igitur tutore testamentariò, vel existente legitimò, necesse fuit constituere, quamnam tutor potestatem haberet in pupillum, ut non solum bonis, sed etiam moribus pupilli praefectus esset: quod ostendimus *lib. 5. Observat. cap. 3.* ut nihil quidquam facere posset absque tutoris auctoritate, neque stipulari, neque pacisci, neque hereditatem adire. Et haec potestas jure civili data fuit, seu interpretatione prudentum, *regulis juris civilis, L. contra. 28. D. de pact. more civitatis, L. more. 8. D. de acquir. vel omitt. heredit. id est, jure civili, jure non scripto, d. L. 2. §. his legibus. D. de orig. jur.* quo & substitutio pupillaris introducta. *L. 2. & L. ex facto. 43. D. de vulg. & pupill. substitut.* Apparet igitur, definitionem tutelae non ad potestatem dandi tutoris, sed ad potestatem tutoris in pupillum referri oportere. Neque in ea definitione jus civile pro ipsa lege *XII. tabul.* sed pro interpretatione legis accipi. Tutela quidem est ex ju-

se naturali, ut impuberes sint in tutela, qui per aetatem seiplos regere non possunt. §. *impuberes. Instit. de Actil. tutor.* Artemidorus lib. 1. *de negotiis* cap. 14. *ἐν τῇ ἑβῇ τῶν τέτταρ, καὶ ἑλῶντα* 7, i. e. *infantes non sibiipsis imperant, etiam si sunt liberi.* Et haec ratio juris naturalis fecit, ut pupillis darentur tutores ad eam aetatem, quā seiplos regere possent, & donec in tutelam suam venissent. At hoc fuit ex jure civili, jure non scripto, jure moribus recepto, seu interpretatione Prudentum; ut tutor haberet potestatem in capite libero, nec quidquam pupillus absque tutoris auctoritate facere posset: quod verbis legis XII. Tabul. non fuerat comprehensum.

Etiam jure civili, ut jure Pontificiō, causam possessionis & proprietatis uno eodemque judicio terminari potuisset. Papiniano, & Symmacho lux mutua.

C A P U T XVIII.

IN L. 2. C. Theodos. de judiciis, & L. 10. C. eod. tit. expressum est, causam possessionis, & proprietatis uno eodemque judicio terminari posse. Symmachus lib. 10. epist. 41. refert constitutionem, quae iudicibus tribuebat copiam, nec tamen imposuerat necessitatem; ut quoties de possessione cognoscerent, etiam si casus tulerit, de jure, id est, de proprietate cognoscerent. Ita igitur liberum fuit iudicibus possessionis, & proprietatis causam simul terminare; sed & separatim de causa possessionis cognoscere. L. 3. C. si à non compet. judic. Quod enim permittitur iudicis potestati, non subijcitur juris necessitati. Papinianus in L. non quicquid. 40. D. de judic. Symmachus sup. iudicibus tribuebat copiam, nec tamen imposuerat necessitatem. Et cum jure civili id fieri potuerit, Innocentius III. nihil novi constituit in Cap. 3. 4. & 5. de caus. posses. apud Gregor. ut possessorum, & petitorum uno eodemque judicio terminari possit. Quod & arbitrio iudicis relictum est, ut si velit, utrumque definiat. cap. significaverunt. 36. de testib. & attestacionib. aut separatim, Cap. 1. de sequestrat. posses. Cap. dilectus. de capell. Monachor. apud eundem Gregorium. Verum jure civili videtur necessitas imposita iudicibus, ut prius causam possessionis, quam proprietatis definiant. L. ordinarii. 13. C. de rei vindicat. L. 3. C. de interdict. Quod ita intelligendum est, ut si separatim velint de hac, vel illa causa cognoscere, prius causam possessionis definiant, nec proprietatis causam antevertant.

Omnibus legibus scriptis, non tantum poenariis; Princeps solutus fuit. Ad L. Princeps. 31. D. de legibus.

C A P U T XIX.

NON parum conferunt ad interpretationem legum, inscriptiones, ex quibus fragmenta Jurisconsultorum variè dispersa consui possunt, & ita quidpiam læcis affulgere. Haud tamen unquam probare potui eam Graecorum interpretationem, quam ducunt ex inscriptione *L. Princeps. 31. D. de legibus*; quae quia est ex *lib. 13. Ulpiani ad leg. Jul. & Pap.* ideo existimant, Principem non omnibus legibus, sed tantum poenaliibus solutum fuisse, veluti legibus Julia, & Papiâ, & aliis hujusmodi, quae poenas irrogarent. Major Dionii fides habenda est *lib. 53.* ubi cum retulit, Imperium à Populo Rom. translatum fuisse in Principes, subicit, eis quoque concessum fuisse, ut soluti essent legibus *αἰσίων*, inquit, *ἡ δὲ νόμος*; & interpretatur ipse secundum Latina verba, *τῶν ἀνδρῶν, ἡ δὲ νόμος* *ἡ δὲ νόμος*, i. e. liberi sunt ab omni necessaria functione juris, & nullis legibus scriptis tenentur. Sed cur non etiam soluti sunt jure non scripto, & moribus constituto? An quia ad jus gentium, vel ad religiones plurimum pertinebat, ut ostendimus supra *lib. 1. Observat. cap. 38.* & Princeps jure istò teneri debuerit? Scriptis autem legibus solutus fuit: & ita Augustus *suas leges egrediebatur*, apud Tacitum *lib. 3. Annal.* quia ipsi non tenebatur. Ita Imperatores Severus, & Antoninus legibus se solutos esse profiteantur. *§. ult. Instit. quib. mod. testam. infirmant.* Ammianus Marcellinus *lib. 16.* incusant jura clementiam, sed Imperatorem mitissimi animi praestare ceteris *legibus decet*. Extat antiqua inscriptio de Valentiniano *Legum domino Romanarum, justitiae, aequitatisque rectori*. Princeps igitur legibus solutus fuit. Nec movet in contrarium inscriptio *d. L. 31. D. de legib.* quae ad alias leges referri debet, praeter Julianam, ac Papiam. Nec fragmentum legis Regiae, quò Imperium Vespasiano delatum est; quasi non omnibus legibus solutus fuerit Vespasianus, sed tantum iis legibus, plebisve scitis, quibus soluti fuerant Julius Caesar, Augustus, Claudius, retrò Principes ante Vespasianum. Etenim cum Augusto lege Regiæ imperium delatum est, solutus fuit legibus, quae praecesserant. Cumque aliae leges latae fuissent post Augustum, Principes Augustum secutos iis legibus solutos esse oportuit; & ita Vespasianus legibus solutus fuit, quibus & Augustus, & alii retrò Principes soluti fuerant. Quod si Princeps legibus solutus fuit, lege Glia, & lege Falcidia solutus fuit. Principe igitur herede instituto, nec lex Glia, nec lex Falcidia locum habuisset; nisi Principes aliter rescripsissent, & legibus istis se se ut privatos subicere voluissent. *L. Papinianus. 8. §. si Imperator. D. de inoffic. testam. L. 4. C. ad leg. Falcid. d. §. ult. Instit. quib. mod. testam. infirmant. L. ex imperfecto. 23. D. de legat. 3.* Modestiores quoque Principes ita legibus se

se subicere vulerunt, ut Trajanus apud Plinium in *Panegyric.* *Non est Princeps super leges, sed leges super Principem.* ut Severus, & Antoninus, d. 9. ult. *hystit. quibz. mod. testantur. infirmant.* Theodosius apud Symmachum lib. 2. epist. 13. Theodosius, & Valentinianus *Leult. C. Theodof. de appellationib. & L. 4. C. de legib.* Anthemius Novell. de *bon. vacantib.* nihil sibi amplius licere voluit, quàm privatis; puta, in hereditatibus capiendis, in donationibus. Denique Augustus legis Vocœniæ veniam non petiit apud Dionem lib. 76. sed concessit feminis, quæ eâ lege tenebantur, quæque ab eo, qui census esset, professusve centum millia, eâ lege heredes institui non poterant.

Quis forensium rerum expers, vel aliàs simplicitate gaudens, & desidiæ deditus, in L. cum de indebito. 25. D. de probationib.

C A P I T U L U M XX.

TRIBONIANUM totam *L. cum de indebito. 25. D. de probationib.* & praesumpt. conturbasse, apparet ex verbis ipsius legis, quæ posteriorum temporum locutionem reterunt; ex distinctionibus, quas interjicit; sed potissimum ex verbis extremis, quæ ex Justiniani Constitutione attulit in *L. generaliter. 13. C. de non numerat. pecun.* Ibi autem, *si quis forensium rerum expers*, videtur clericos intelligere voluisse, qui forensium rerum expertes esse debent; ita ut ab ordinibus Ecclesiasticis rejicerentur, qui in tribunalibus forensibus postulassent, causasve egressent. Et clericis opprobrium esse putatur, si penitos se velint ostendere disceptationum forensium. *L. repetita. 41. C. de Episcop. & Cleric. L. consulta. 23. C. de testament.* Atque ita Basiliius epist. 84. se rerum forensium expertem profiteretur, & Gregorium fratrem, qui bonis cedere maluerat, quàm litigare: *ἵνα τὸ ἀμύνητον ὄψῃ τὰ πάλαι ἀνέκδοτον*, i. e. propter nostram in rebus hujusmodi ineptiam. Basiliius tamen aliquando in foro versatus erat, ut ipse meminit epist. 343. Verùm id deceit Basilium, & Gregorium fratrem, Episcopos ordinatos, ut à negotiis forensibus abstinere. Svidas in *verb. πολιτὴν*: Πολιτὴν ἀπὸ τῆ ἡγορῆς συνέπρετ, συγκαθήμεν ἐν τῷ δόμῳ κλοῦα. i. e. civilem disciplinam sacerdotio conjungere, est convolvere ea, quæ simul convoluti non possunt. Basiliius epist. 340. *τὰ ἀμύνητα μὴ γινώσκω*, i. e. insuscebilia nescimus. Illis igitur verbis, *si quis forensium rerum expers*, clericos intelligere voluit, atque etiam Monachos, qui non minus, quàm clerici, à forensibus negotiis abstinere debent. His autem verbis, *vel si quis aliàs simplicitate gaudens, & desidiæ deditus*, Tribonianus de Christiana religione haud rectè sentiens (ut auctor est Svidas) Monachos perstringere voluit. Equidem Monachi jam ante tempora Tribonianii, desidiæ insinulati fuerant. Impp. Valentinianus, & Valens in *L. quidam.*

dam. 63. C. Theodos. de decurionib. repetita in L. 26. C. eod. tit. Monachos Aegypti, quasi ignavias sectatores insinulat. Et sub iisdem Imp. agens Eunapius de iisdem Monachis Aegypti in Aedefio, Μοναχοὶ ἀρδύωντες μὲν καὶ ἐν αἵματι, ὁ δὲ βίος αὐτοῖς ἐνός, i. e. Monachos quidem homines specie, sed vitâ porcina. Rutilius lib. 1. Itinerarii, Monachos vocat lucifugas viros, viva funera. Pagani isti erant, & Monachorum vitae inscii. At Monachi, ut defidiae suspicionem effugerent, loca, in quibus debebant deuriem, i. e. exercitatoria nominarunt; quasi potius in hisce locis exercitarentur, quàm desidem vitam agerant.

An referenda sit L. qui testamentum. 27. D. de probationib. & praesumptionib. ad legem Papiam, vel Cinciam.

C A P U T . XXI.

QUAEDAM personae ex lege Papia ad certum modum capere poterant ex testamento. *L. quod donationis. 36. D. de mort. caus. donationib. ex lib. 8. Ulpiani ad leg. Jul. & Pap. Vir, & uxor tantum decimam bonorum, matrimonii nomine, invicem capere poterant, si liberos non haberent. Liberi ex alio matrimonio suscepti, communes liberi post nonum diem amissi, singulas decimas adiciebant. Ulpianus lib. sing. reg. tit. 15. de decimis. Et ita vir, & uxor ad certum modum ex alterutris testamento capiebant. Quaedam aliae personae solidum capere non poterant. L. sed si. 62. D. de condit. & demonstr. L. quotiens. 67. D. ad leg. Falcid. Verum L. qui testamentum. 27. D. de probationib. parum aptè ad istas personas referretur. Non quidem ad virum, & uxorem, ut satis constet ex specie legis. Nec ad orbem liberis, quia de eo loquitur, qui ab initio licitam quantitatem, & ad certum modum capere potuit; non qui ex post facto certam partem capere potest, ut orbis dimidiam. Solidum orbo relinqui poterat; sed ex post facto eveniebat, ut dimidiam tantum haberet, cum fiscus aliam partem vindicasset. Et si testator dimidiam partem bonorum orbo legasset; non dimidiam, sed partem dimidiae partis habuisset. Magis igitur d. L. 27. D. de probationib. referenda videatur ad legem Cinciam, quae patronis causarum ob causam orandam ad certum modum capere permiserat; & certum modum donationibus imposuerat. L. cum de modo. 11. & L. fideiussori. 24. D. de donationib. L. 4. C. Theodos. eod. tit. & licitam quantitatem praestituerat, quae ex ea lege capi posset; puta, decem millia, vel secundum Ulpiani computationem, centum aureos. L. 1. §. penult. D. de extraord. cognitionib. Ea lex primum à Cincio lata, saepius recentata memoratur: sub Augusto, Dio lib. 54. sub Claudio, Tacitus lib. 11. Annal. sub Nerone, Suetonius in Ne-*

rone

vane cap. 17. sub Trajano, Plinius lib. 5. *epist. ult.* & adhuc temporibus Pauli obtinebat, qui librum singularem ad eam legem scripserat, ut præfert inscriptio *L. contra. 29. D. de legib.* Atque ita apparet ex d. *L. 27. D. de probationib.* legem Cinciam ad donationes testamentò relictas porrectam fuisse.

Errores quatuor Constantini Harmenopuli indicantur sub tit. D. de testibus.

C A P U T XXII.

QUAM saepe Graeci à vera interpretatione aberrarint, & pravam mentem auctorum juris acceperint, vel unus probabit Harmenopulus, qui sub *tit. D. de testib.* quatuor errores tradidit. Primus est lib. 1. *Epitom. tit. 6. §. 28.* post synopsis Basilicò *lib. 21. tit. 21. cap. 44.* circa interpretationem *leg. 11. D. de testibus.* Ad fidem rei gestae faciendam, etiam non rogatus testis intelligitur. Εἰς ἀμύλην τῶ γυναικῶν καὶ ἰσὺν ἀγαπητοῦς ὡς μαγιστῶν. Tercio ὅτι ἐν αὐτῇ συστάσει ποιεῖν ἀλλ' ὅτι ἐστὶν ἐν αὐτῇ συστάσει, ὡς πρὸς ἀνάγκην. i. e. Ad probationem rei gestae etiam non vocatus fert testimonium: quod non de conventionibus dicit, sed de fortuitis, & accidentibus. Id non colligit Harmenopulus ex d. *L. 11. sed ex Novella Justiniani 90. cap. 2.* quali ita Justinianus constituere voluerit: idque & tenet Accursius ad d. *L. 11.* Justinianus autem constituere noluit, ut in conventionibus, seu negotiis contrahendis, testes rogarentur, sed tantum ubi fieret professio solutae pecuniae: idque ex d. *Novell. 90.* constat, & *Auzent. rogati. C. de testibus.* Et quidem si in codicillis testes non rogati adhiberi possunt, *L. ult. in fin. C. de codicill.* ita & in contractibus. Secundus error est eod. lib. 1. *tit. 6. §. 70.* circa interpretationem *L. 16. D. de testib.* Qui falsò, vel variè testimonium dixerunt, vel utrique parti prodiderunt, à iudicibus competenter puniuntur. Harmenopulus, ὅτι τὸ ἀποφύγειν ἀξίον, scilicet ut à iudicibus competentibus puniantur: quod & Latinus sermo respuit, & perperam est. Namque omnes iudices, apud quos testimonium dicitur, sunt competentes, ut falsos testes puniant; neque eis fori praescriptio obicitur. *L. nullum. 14. & L. 15. C. de testib.* Paulus ait, *competenter puniuntur*, id est, competentibus poenis; puta, ut pro ratione delicti, vel personarum, huiusmodi testes in exilium mittantur, aut relegentur, aut cutià submoveantur, ipso Paulo interprete lib. 5. *sentent. tit. 15. & in fragment. collat. leg. Mosaic. cum lege Rom. tit. 8.* Tertius est eod. lib. 1. *Epitom. tit. 6. §. 41.* circa *L. 20. D. de testib.* In testimonium accusator citare non debet eum, qui iudiciò publicò reus erit, aut qui minor viginti annis erit. Ibi putat Harmenopulus, in criminalibus causis non posse adhiberi testem, nisi qui viginti annos expleverit; in

Par. L

Pp

pe-

pecuniariis non nisi qui decem & octo annos . Quod tamen ex verbis Venuleji in d. L. 20. non colligitur , & falsum est . Nam si impuberes tantum à testimonio dicendo repelluntur ; puta , qui nondum primam pubertatem attigerunt , L. 3. §. 1. *D. eod. tit. de testib.* à contrario dicendum est , puberes admitti posse , qui quatuordecim annos expleverint , nec tempus plenae pubertatis , puta , decem & octo annos , debere expectari . Et ita puberes ad testamentum adhiberi posse ait Ulpianus *lib. sing. regul. tit. 20. de testam.* qui & ipsi eâ aetate testamentum facere possunt , & nuptias contrahere , & seipsos regere posse creduntur . Sed adhuc majus erratum est , quod ibidem Harmenopolus subjicit §. 47. non licere ei testimonium dicere , qui minor sit viginti quinque annis . Quartus est eod. *lib. 1. tit. 6. §. 10.* circa interpretationem *L. ob carmen. 21. §. si ea. D. de de testib.* ubi refert ex Magistro , in emptione , & aliis contractibus , & fidem , & existimationem testium spectari : at in causis criminalibus , puta , ubi de vi , de caede , aut injuriis agitur , nec vitam , nec mores testium spectari oportere . Arcadius ait in d. L. 21. *Si ea rei conditio sit , ubi arenarium testem , vel similem personam admittere cogimur , sine tormentis testimonio ejus credendum non est.* Non simpliciter igitur arenarius , aut similis persona est admittenda ; sed ubi ea conditio causae fuerit , ut admitti debeat : veluti in crimine majestatis , in quo omnibus aequa conditio esse dicitur . *L. nullus. 4. C. ad leg. Jul. majest.* Neque istis personis aliter creditur , quàm si tormentis subjiciantur . Et quidem si in pecuniariis causis testium persona exploranda est , L. 3. *D. de testib.* multò magis in criminalibus , ubi & de capite , & de existimatione agitur . Cum igitur tot errores Harmenopolus sub uno titulo proferat , videat nunc quisque , uti in exploratis Graecorum interpretationibus fides haberi debeat .

De Anticbresi expressâ , & tacitâ ; & quaenam actio in factum intelligi debeat in L. si quis. 11. §. 1.

D. de pignorib. & hypothec.

C A P U T XXIII.

ANTICHRESIS expressa est , cum debitor fundi vel aedium possessionem in creditorem transfert , hac conventionione adhibitâ , ut creditor fructus fundi percipiat , aut aedes inhabitet , in vicem usurarum , donec ei pecunia solvatur . *L. si is , qui. 11. §. 1. D. de pignor. & hypoth.* *L. si ea lege. 17. C. de usur.* Sed & creditor fundum alii fruendum , & aedes alii habitandas locare potest . d. L. 11. *D. de pignor. & hypoth.* ubi Martianus nullam differentiam sicut inter fundum , quem creditor alii fruendum locaverit , aut aedes , quas alii habitandas locaverit . Sed Harmenopolus *lib. 3. Epitom. tit. 5. §. 6.* eam colligit ex *L. si ea pactione. 14. C. de usur.* quod

quod si creditor fundum in antichresim acceptum alii fructuum locaverit, referri non possit quaestio, quod pensio fundi legitimum modum usurarum superet; nec si creditor ipse aedes habitet, sed si alii habitandas locaverit, referri possit quaestio, quod pensio aedium legitimum modum usurarum superet, & id, quod excedit, in sortem imputari debeat. Ratio differentiae est, quod incertus sit fructuum proventus; & conductoribus praediorum rusticorum propter sterilitatem, aliamve vim majorem, ex pensionibus saepe remittitur. *L. si merces. 25. §. vis major. D. locat. L. excepto. 18. C. de locat. & conduct.* At pensiones aedium certae quotannis penduntur, & non nisi raro admodum ex his aliquid remittitur. Antichresis tacita est, cum debitor gratuitam pecuniam accipit, id est, sine usuris, & creditor ex fundo pignorado fructus ad modum legitimum usuras retinet. *L. cum debitor. 8. D. in quib. caus. pign. vel hypoth. tacit. contrab.* Quod si tacite contrahitur antichresis, ut creditor non omnes fructus rei pignorate habeat, sed ad modum legitimum usurarum; cur non & expressa antichresis ita contrahi potest? ut in *L. 1. §. pacto. D. de pignorib. & hypothec.* ubi quidem ab initio conventio fuerat, ut usurae solverentur; aut nisi solverentur fructus, hypothecarum fini legitimae usurae compensarentur; & ita contracta fuit antichresis. Sed finge, contractam fuisse antichresin, & creditorem possessionem amisisse, Martianus ait, creditorem *solere in factum actione uti*, d. *L. 11. §. 1. D. de pignorib. & hypothec.* Quanam actione in factum? Non quidem actione praescriptis verbis in factum, quae datur ex contractibus innominatis, ut accedunt ad contractus nominatos; sed in factum praetoria, quae datur deficientibus aliis actionibus. *L. juris gentium. §. 2. D. de pact. L. in rem. 23. §. item quaecumque. L. cum autem. 52. D. de rei vindicat. L. 3. §. interdum. D. ad exhibend. L. si heres. 63. D. de legat. 2.* An non verò hypothecaria actio competit creditori, qui antichresis possessionem amisit? quia antichresis pignus est, & ex hoc contractu datur actio pignoratitia debitori adversus creditorem. *L. si pecuniam. 33. D. de pignorat. act.* Cur non igitur & hypothecaria actio dabitur creditori? Equidem ex hoc contractu pariter videtur, dandam esse contrariam pignoratitiam creditori adversus debitorem, ut directa competit debitori adversus creditorem. Sed Martianus denegat actionem hypothecariam concelsa actione in factum, quasi hypothecaria deficiat: quia antichresis differt à pignore; & quia hypothecaria actio datur creditori ad avocandam nudam possessionem rei pignorate, *L. si cum venditor. 66. D. de evictionib.* non etiam ad percipiendos fructus ex re pignorata.

Subsidiaria actio, quae datur adversus Magistratus municipales, dici non debet actio in factum.

C A P U T XXIV.

THEOPHILUS primus actionem subsidiariam, quae datur adversus Magistratus municipales, cum aut satisfactionem à tutoribus exigere omiserunt, aut non idoneam exegerunt, actionem in factum dixit in §. *sciendum est. Institut. de satisfact. tut. & curat.* Theophilum alii postea secuti sunt. Moveri poterant, quod saepe actiones utiles dicuntur in factum actiones, ut actio praescriptis verbis, ut actiones, quas Praetor accommodat legibus, *L. quia. 11. D. de praescript. verb. & in fact. actionib.* ut utilis in rem actio, vel ad exhibendum. *L. in rem. 23. D. de rei vindicat. L. si heres. 63. D. de legat. 2.* At ista actio subsidiaria est utilis. *L. 1. D. de Magistratib. conveniend. L. 5. C. eod.* Igitur & in factum dici posse videatur. Verum non omnes actiones utiles sunt in factum actiones, ut nec omnes in factum actiones, sunt utiles. Publiciana in rem actio est utilis, non tamen in factum. Quasi Serviana, seu hypothecaria, est utilis, non tamen in factum, ut superiori capite ostendimus. Ita subsidiaria actio, quae datur adversus Magistratus, est utilis, non tamen in factum. Praeterea actiones in factum, quae dicuntur utiles, & in factum, dantur ad exemplum directarum, ut actio praescriptis verbis civilis, quae datur ex contractibus innominatis, exemplum directarum actionum, quae ex contractibus nominatis competunt: ut actiones in factum utiles, quas Praetor accommodat legibus, danturque deficientibus directis actionibus. At subsidiaria actio non datur deficiente directa tutelae actione; imò est eadem actio, non alia, quam quae datur adversus tutorem, *L. ult. D. de Magistratib. conveniend.* sed ex SCto data est adversus alias personas, quam adversus tutorem. Directa actio tutelae competit adversus tutorem ex administratione tutelae. §. *ult. Instit. de Astit. tutor.* Adversus Magistratus utilis tutelae actio data est, licet non administraverint; & tenentur, quasi administrassent. *L. 4. §. 1. D. rem pupill. vel adolescent. salv. for.* Denique actio in factum est, quae factum demonstrat, & rem, uti gesta est. *L. cum mota. 6. C. de transactionib.* At cum Magistratus satisfactionem non exegerunt, nullum est factum, ut actio in factum concipi possit. Igitur subsidiaria actio, licet sit utilis, non tamen in factum dici debet; sed est utilis tutelae actio, quae datur ex SCto: veluti ex edicto Praetoris datur actio Publiciana, & quasi Serviana, quae sunt utiles actiones, non in factum. Nulla in parte magis erratum est, quam cum actiones utiles, & in factum permiscerentur, quae permisceri non debent, ut ostendimus supra; aut cum actiones utiles, & in factum distinguuntur, quae distinguui non debent: veluti in rem utilis actio, quae datur, cum quis dominium rei suae factò alterius amiserit, eamque

que directò vindicare non potest, *L. 5. §. de arbore. D. de rei vindicat. eadem est cum actione in factum. L. in rem. 23. §. quaecumque. D. eod. veluti est eadem actio in factum ad exhibendum. L. 3. §. penult. D. ad exhibendum. L. si heres. 63. D. de legat. 2. & utilis actio ad exhibendum, L. cum servus. 16. D. ad exhibend. & eadem est utilis actio cum actione in factum accommodatà legi Aquiliae. L. boves. 53. D. ad leg. Aquil. & L. nam & 51. D. de furtis.*

Testamentum non esse juris gentium, neque originem habere ex eo jure, sed ex aliquo jure civili.

C A P U T XXV.

P R I M U S etiam, opinor, Theophilus scripsit, testamenta esse juris gentium, ut contractus, & donationes, in §. 1. *Instit. de jur. natur. gent. & civil.* Quem & plerique alii non contemnendae auctoritatis secuti sunt. Ea tamen sententia vix probari debeat; nam jus gentium est, quod cum ipso genere humano proditum est, quodque naturali ratione inter omnes homines peraequè servatur. *L. omnes. 9. D. de justis. & jur. L. 1. D. de acquir. rer. domin.* At testamentorum usus cum ipso genere humano ita proditus non fuit, ut homines in civitatibus convenientes statim testamenta fecerint. Statim quidem contraxerunt, usu exigente, & humanis necessitatibus. d. §. 1. *Instit. de jur. natural. gent. & civil.* At non erat ea necessitas, ut testamenta facerent. Imò in civitatibus, licet bene institutis, longi temporis intervallum fuit, antequàm usum testamentorum haberent: ut Athenis, antequàm de ea re Solon legem tulisset. Sed etsi quaedam gentes usum testamentorum habuerint, non tamen omnes, ut Germani, apud quos testamentum nullum. Et quidem testamentum magis est contra naturalem rationem, quàm ex ipsa naturali ratione; nam hereditas parentum debetur liberis ex voto naturae, & ex ratione naturali. *L. scripto. 7. D. unde liberi. L. cum ratio. 7. D. de bon. damnator.* atque etiam ex naturali aequitate cognati ad successiōnem propinquorum admittuntur. *L. 2. D. unde cognat.* At testamentò ad alias personas extraneas hereditas parentum, & cognatorum transfertur. Non opus est testamentò, ut hereditas liberis, aut cognatis deferatur, quae deferretur intestato sanguinis, & proximitatis nomine. Tacitus *lib. de morib. Germanor. 20.* *Heredes tamen successoresque sui cuique liberi; & nullum testamentum. Si liberi non sunt, proximus gradus in possessione, fratres, patru, avunculi.* Tantum abest igitur, ut testamentum sit secundùm naturam, seu jus gentium; imò potius adversùs naturalem rationem introductum est, ut ad alios hereditas, quàm ad liberos, aut propinquos transfret. Solon legem tulerat apud Athenienses, ut liberis non extan-

extantibus, parentis, praeteritis cognatis propinquisve, extraneos possent testamentis heredes instituire. Ephori apud Lacedaemonios legem tulerant, ut, liberis etiam extantibus, parentes quolibet heredem instituere possent, quo magis liberos in obsequio retinerent. Et ita in testamenti factione jus civile, seu jus proprium cujusque civitatis fuit, adversus jus gentium, seu jus naturale. Praeterea contra naturalem rationem est, ut voluntas hominis post mortem valere incipiat: nam mors omnia solvit. Igitur & potestatem de rebus nostris post mortem statuendi solvit; ut etiam mandatum mortis mandantis solvitur. *L. inter. 26. D. mand. L. si per epistolam. 50. D. de acquir. vel omitt. heredit.* Et ita voluntas hominis cum vita expiraret, nisi potestate legis in testamento post mortem confirmaretur. Satis igitur apparet, testamenta non esse juris gentium, sed ex proprio jure cujusque civitatis. At omnino perperam est, quod Theophilus in d. §. 1. *Instit. de jur. natur. gent. & civil.* scripsit, ex jure gentium *διαδίκως συγγράμειν*, i. e. *testamenta conscribi*: nam id omnino juris civilis fuit, ut testamenta fierent in tabulis, aliave materia. Et si ex jure gentium originem haberent, satis esset per nuncupationem fieri, expressa quoquo modo testatoris voluntate: ut in contractibus juris gentium nudus consensus absque scriptura sufficit. *L. 1. D. locat.* Denique si testamenta fierent jure gentium, ab omnibus fieri possent: at per scripturam non fierent, nisi ab iis, qui litteras scirent.

Rejicitur Theophilus in §. sui autem. Institut. de heredit. quae ab intestat. deferunt. spurios Curiae oblatos fuisse Decuriones.

C A P U T XXVI.

CUM spurii in honoribus Curiae adipiscendis legitime natis posthaberentur, *L. 3. §. 1. D. de decurionib.* vel etiam ab ipsis prorsus rejicerentur. Oecumenius in *epist. 1. Pauli ad Corinth. cap. 3.* cum de spuris, & illegitimè natis loquitur: Νέκροι καλέμενοι, καὶ ἄπνοι παρὰ τὸν νόμον. καὶ ἐς βελαντιόν, καὶ ἐς διασπρόν διὰ τοιαύτῃν ἑστάνειν. i. e. *Nothos vocatur, & inglorius, ubique est; & sive in curiam, sive in forum oporteat ingredi, ejicitur.* Theodosiana constitutio permisit patribus, ut nothos, & minus legitime susceptos liberos curiae offerrent; atque *filii legitimi*, & sui heredes fierent. *L. 3. C. de naturalib. liber.* cujus meminit Justinianus §. ult. *Instit. de nupt. & §. sui autem. Instit. de hereditatib. quae ab intestat. deferunt.* ubi Theophilus scribit, nothos curiae oblatos decuriones factos fuisse, & jura suorum heredum habuisse: γινώμηναι δὲ βελαντιὰ τὰ τῶν οὐκ ἑξουσι δίκαια, i. e. *facti enim decuriones suorum habebunt jura.* Verum nothi ita curiae oblato, erant statim legitimi, sui heredes, & antequam de-

decuriones essent; nec decurionatus honorem, sed conditionem curialem per huiusmodi oblationem sortiebantur; d. *L. 3. C. de natural. liber.* puta, ut muniis curiae servirent, *L. omnes. 50. C. de decurion.* periculū suarum facultatum, *L. nulla. 60. & L. neminem. 64. C. eod.* ut non possent repudiare, vel alienare paternas facultates, *L. 4. C. de natural. liber.* ut non possent militiae adscribi, *L. qui derelicta. 17. C. de decurion.* ut in civitate, non in rure degerent, *L. unic. C. si curialis relict. civit.* Ita igitur nothi curiae oblato conditioni curiali obnoxii, non tamen decuriones. Et propterea decuriones, & curiae subjecti distinguuntur. *L. si quis. 55. C. de decurion.* ejusdemque conditionis erant, qui poenae loco addicebantur; ut Christiani olim, ut officiales. *L. ne quis. 33. C. de decurionib.* Et quidem absurdum fuisset, nothos curiae traditos, mox fuisse decuriones, cum aut aetatem non haberent, aut non essent idonei ad remp. administrandam, aut plenus esset numerus decurionum; & decurionatus honorem fuisse statim assecutos, quem legitimè nati haud ita facile allequebantur. Eamque dubitationem moverat m. h. suapte ingenio excellentissimè, ut plerātque alias, Illustrissimus Princeps Ludovicus Borbonius Dux Enguinaeus, cum ei nuper Institutiones Imperiales, & paraphrasim Theophili percurrerem; secundum Theophili sententiam, minus legitimè quaelibet liberos plus juris, quam legitimis habuisse. Procedente verò tempore curiae oblato in decuriones assumi potuisse non dubito, cum ordinis numerus replendus esset; è cuius utilitate est, ut repleatur. *L. 2. & 3. D. de decurionib.*

Non est distinctio adhibenda inter colonum, qui nummis, aut partibus colit; in perceptione fructuum. Theophilus rejicitur.

C A P U T XXVII.

QUIDAM sunt coloni partarii, qui certā parte fructuum fundum colunt; puta, dimidiā, tertīā, quartā. *L. si merces. 25. §. vis major. D. locat.* Quidam sunt, qui nummis colunt, id est, certā pensione, seu mercede pecuniae, quam domino pro fundo fruendo inferunt. *L. si apes. 26. §. 1. D. de furt.* Theophilus inter eos colonos differentiam induxit circa perceptionem fructuum in §. si quis à non domino. *histrus. de rer. divis.* ut colonus, qui nummis colit, fructus suos non faciat, nisi cum eos perceperit; veluti fructuarius aliter suos non facit; in aliis autem colonis, qui partibus fundum colunt, secus constituit, ut antequam perceperint, fructus suos faciant. Nulla tamen videtur esse ratio diversitatis, quin omnes coloni solū suos fructus faciant, cum eos perceperint. *L. cum in plures. 60. §. messes. D. locat. & L. si servus. 61. §. locavi. D. de furt.*

furi. Tum etiam quoddam dominus, qui fundum locavit, eum vendere potest, & fructus pendentes, qui fundi partem faciunt. *L. fructus 43. D. de rei vindicat.* Si igitur dominus fundum vendiderit, emptor poterit colonum, live partiarium, live qui nummis colit, expellere. *L. si merces. 25. §. 1. D. locat. L. emptorem. 9. C. de locat. & si expulerit, fructus suos percipiendo faciet; nec colonus adversus emptorem agere poterit, sed tantum adversus dominum in id, quod interest ratione fructuum. d. L. 25. §. 1. D. locat.* Atque ita apparet, ineptum esse distinctionem Theophili. Nec minus ineptum est, quod in eodem §. subjicit, *ut ferè capla-* *m?*, non enim est superfluum, sed expressim additum: quia licet in perceptione fructuum colonus, & fructuarius compareatur, in aliis differunt. Etenim fructuarius, qui maturis fructibus, & nondum perceptis decessit, jus percipiendorum fructuum ad heredem non transfert, ut colonus. *§. ult. Instit. de locat. & conduct.* Scatet Theophilus plerisque aliis erroribus, & ineptis interpretationibus, quas praeter verba Justiniani de suo interjicit, quasque (si Deus faciat) suis quibuscumque locis indicaturi sumus. Et verò indicare expedit, cum auctoritas Theophili non pauciores, sed & potiores juris interpretes in eisdem erroribus adduxerit facili lapsu, dum aut parum auctorem expendebant, aut aliquid ex interprete Graeco noviter emissio proferre gestiebant.

Cur purpura, licet pretiosior, vestimento cedat; & pictura, quae est pretiosior, tabulae non cedat secundum Tribonianum, non Gajum sententiam.

C A P U T XXVIII.

SI quis in aliena tabula pinxerit, tabula picturae cedit; & dominus suae tabulae dominium amittit, secundum Justiniani sententiam in *§. literae. Instit. de rer. divis.* Quam compilatores Pandectarum Gajo tribuunt falsò in *L. qua ratione. 9. §. literae. D. de acquir. rer. domin.* quia Gajus Sabinianus fuit, & (ut Sabinianus) picturam tabulae debere cedere exstima-
vit, cum sine tabula fieri non possit. *L. in rem. 23. §. sed & quod in charta. D. de rei vindicat.* & ex fragmentis institutionum Gaji, quae super-
sunt, manifestò constat, Gajum in contrarià fuisse sententia. Ideo ve-
rò istam sententiam Gajo tribuerunt, quia Justiniano, seu Triboniano
magis placuerat in d. *§. literae.* & rationem afferit, quia ridiculum est,
tabulam eximii alicujus pictoris in accessionem vilissimae tabulae cedere.
Ita igitur pictura per quandam (ut loquitur Paulus in d. *L. 23. D. de rei
vindicat.*) praevalentiam trahit ad se tabulam; & tamen purpura, licet
sit pretiosior, non trahit ad se vestimentum, sed cedit vestimento, *§. si
tamen. Instit. de rer. divis.* adeo ut dominus non possit purpuram vindica-
re,

re, sed tantum possit agere ad exhibendum, ut à vestimento separaretur, & postea vindicare possit. *L. tigni. 7. §. 2. D. ad exhibend.* Non ergo semper obtinet ratio praevalentiae, ut id, quod pretiosum est, trahat ad se quod est vilius. Ratio verò diversitatis haec videtur esse, cur pictura trahat ad se tabulam, & purpura non trahat ad se vestimentum: quia cum quis pinxit in aliena tabula, novam speciem fecit, puta, imaginem, quae antea non fuerat; & ideo debet esse dominus imaginis pictae, qui eam fecerit, *L. adeo. 7. §. cum quis ex aliena. Vers. videntur. D. de acquir. rer. domin.* saltem secundum Proculianos, qui potius habent rationem formae, quam materiae. At verò cum quis purpuram alieno vestimento attexuit, novam speciem non fecit, sed adjecit vestimento, quod habet suam propriam qualitatem, & speciem. Idque etiam Labeo, & Proculus admittebant *L. sed si. 26. §. 1. D. eod.* Ita purpura vestimento attegebatur, ut fulgore purpurae splenderet. Horatius *de art. Poët. v. 15. seq.*

Purpureus laet qui splendet, unus & alter

Assuitur pannus. - - -

Cujus contrarium signare voluit Pacuvius apud Non. Marcellum:

Uxor sine dote, pannum positum est in purpura.

Milites tamen lacernis suis purpuram insuebant, ut se ad Imperatorem pertinere, eique militare se ostenderent, ut jam observavimus ex Dorotheo *doctrina 1. tom. 1. Bibliothecae PP. Graecorum in notis ad Christi passionem Cap. 19. Joannis.*

Quaedam iterum de pubertate quatuordecim annis in masculis definita, & cur Justinianus Proculianorum sententiam magis probaverit.

C A P V T XXIX.

PLAGET doctrinas à primordiò accessere, quas juris auctores deinde secuti sunt. Hippocrates ex antiquioribus scriptoribus in *lib. de carnib.* sub fin. eam aetatem perfectam esse colligit, quae ex duobus septenariis numeris perfecta completur, habità quadam ratione numerorum: quia quatuordecim anni efficiunt duas annorum hebdomadas, & septingentas dierum hebdomadas. Asclepiades medicus Hippocratis doctrinam secutus, à quatuordecimo ferè anno sapientiam supputabat. Tertullianus *de anima, cap. 38. & Galenus lib. 3. Comment. in Aphorism. Hippocrat. ad Aphorif. 38.* Solon doctrinam Hippocratis in legibus suis probaverat, & pubertatem annò decimoquartò definiverat, ut ex eo refert Philo Judaeus in *lib. de opific. mundi.* Stoici deinde doctrinam Hippocratis quoque secuti sunt, & aetatem perfectam ex duabus annorum hebdomadis aestimavunt. Plutarchus *lib. 5. de placit. Philosophor. cap. 24.* Putabant Stoi-

... Par. I.

Q9

ci

ti cum Medicis animam simul cum corpore crescere. Svidas in verb. *179* : vel ut Tertullianus d. cap. 38. in lib. de anima, pubertatem animalem cum carnali convenire. Inter juris auctores Proculejani pubertatem quatuordecim annis definiverunt, Ulpianus tit. 11. de intel. quos Sextus Pompejus intelligit in verb. *pubes*, ut quidam putant, vel fortè antiquiores Stoicos. Hanc Proculejanorum sententiam adversùs Sabinianos Justinianus magis probare voluit, & pubertatem quatuordecim annis definire magis, quàm ex aspectu corporis, L. ult. C. quand. tutores, vel curator. esse desin. vel quòd Hippocrates ita senserat, cujus auctoritati juris auctores plurimùm tribuerunt L. septimo. 12. D. de stat. homin. L. 3. §. ult. D. de suis, & legitim. vel quòd Solon in suis legibus ita scripserat. At juris Pontificii auctores Sabinianorum sententiam adversùs Proculejanos probare maluerunt in Cap. *puberes. de desponsat. impuber.* apud Gregorium, cum parùm attenderent ita Isidorum ex Sabinianorum sententiâ retulisse, & aliter à Justiniano fuisse constitutum d. L. ult. C. quand. tutor. vel curator. esse desin. Vide sup. cap. 22. lib. 1.

An areâ legatâ, & postea inaedificatâ, id, quod areæ superpositum est, cum area debeatur; vel neutrum.

Exposita inter Celsum, & Javolenum controversia, & media Ulpiani sententia.

C A P U T XXX.

SI testator aream legaverit, & mediò tempore inaedificata fuerit, ait Celsus ex Proculejanis, peti non posse; sed si dirutò aedificiò, rursus area facta sit, peti posse. L. si chorus. 79. §. area. D. de legat. 3. Area legata si inaedificata medio tempore fuerit, ac rursus area sit, quanquam tunc peti non poterat, nunc tamen debetur. Et hoc ita debet intelligi, si testator, vel si alius aream inaedificaverit. Si quidem testator hoc fecerit, videtur mutasse voluntatem; & aream inaedificasse, ut legatum areae adimeret: veluti si lanam legaverit, eamque postea tinxerit, vel ex ea vestimentum fecerit. L. si cui. 70. §. lanam. & L. lana. 88. D. eod. tit. legatum enim solâ voluntate adimitur. L. fideicommissa. 11. §. si rem. 12. D. eod. L. si servo. 26. D. de adimend. vel transferend. legat. At cum iustus area facta sit, dirutò aedificiò, vel ab alio, vel à testatore, area peti potest. Javolenus contra ex Sabinianis, L. si areae. 39. D. de legat. 2. Si areae legatae post testamentum factum, aedificium impositum est; utrumque debetur, & solum, & superficium. Non distinguit, an testator, vel alius aedificium areae imposuerit. Nam si cum testatoris fuerit area, alius aedificium areae imposuit, debet solo cedere. L. adeo. §. cum quis in suo. D. de

de acquir. rer. dom. L. qui res. 98. §. aream. D. de solut. & liberat. Si verò testator ipse aedificium imposuit, quaestio est voluntatis, an voluntatem mutaverit, & ideo aedificium areae imposuerit, ut legatum areae adimeret; an etiam utrumque legare voluerit, aream, & aedificium. Ulpianus mediae fuit sententiae, ut saepe aliàs, & admittit voluntatis quaestionem, *L. servum. 44. §. si areae. D. de legat. 1. Si areae legatae domus imposita sit, debbitur legatario, nisi testator mutavit voluntatem*, puta, cum areae donum imponeret. Sed magis interpretari debemus voluntatem testatoris, ut utrumque legare voluerit, secundum Javoleni sententiam. *d. L. 39. D. de legat. 2.* Nisi manifestum sit, testatorem ideo aream inaedificasse, ut legatum adimeret; puta, si aedificaverit, ut propriis usibus inserviret, vel ut suis aedibus jungeret. Et heredi incumbit probatio mutatae voluntatis, ut in *L. 3. D. de probationib. & L. statuis. 48. D. de jur. fife.* Tum quia praesumptio est, testatorem, qui areae legatae aedificium imposuit, utrumque legare voluisse, *d. L. 44. §. si areae. D. de legat. 1. & haec praesumptio onus probationis debet rejicere in heredem.* Tum quia legatarius voluntate testatoris nititur; & heres, qui mutatam dicit voluntatem testatoris, id probare debet.

Cur Praetor differentiam masculini, & femini sexus non fecerit in edicto Unde liberi, quam fecit in edicto de bonorum possessione contra tabulas.

C A P U T XXXI.

PRAETOR in edicto *Unde liberi*, seu in possessione danda, si tabulae testamenti non extarent, legem XII. Tab. secutus est. Cum enim lex omnes heredes suos similiter ad successionem ab intestato vocasset; puta, masculos & feminas, filios & filias, uxorem, quae in manum per coemptionem convenerat, quae erat filiae loco, & nuptum, quae in manum filii convenerat, quaeque erat neptis loco, Gajus in *fragment. lib. 3. Institut. in collat. legis Moisaic. tit. 16.* Praetores id postea secutos fuisse ait Justinianus §. *sed haec quidem. Instit. de exheredat. liber. Leg. antiquæ XII. Tabul. omnes similiter ad successionem ab intestato vocabantur, quod & Praetores postea secuti esse videntur.* Quia igitur lex nullam differentiam inter masculos, & feminas introduxerat, *L. lege. 14. C. de legitim. heredib.* nec Praetor introduxit. Verum cum antiquitas, & primi juris auctores post legem XII. Tab. differentiam introduxissent, ut necesse non esset filias heredes instituere, ut filios, & praeteritae sinerent valere testamentum, Ulpianus *tit. 22.* Paulus *lib. 3. sent. tit. 14.* Gajus *lib. 2. Institut. tit. 7. L. 4. C. de liber. praeteritis.* & ut necesse esset, filios nominatim heredes instituere, vel exheredare: satis verò esset filias inter ceteros heredes

instituere; vel exheredare, Ulpianus d. *tit.* 22. Praetor eam differentiam secutus est in danda bonorum possessione contra tabulas, ut masculini sexûs liberi nominatim heredes institui deberent, vel exheredari; & sufficeret feminini sexûs liberos inter ceteros exheredari. §. *emancipatos. Instit. de exheredat. liberor.* Sed cur tam variè? Quia in edicto *Unde liberi*, secutus est legem, & in edicto *de bonor. possessione contra Tabulas*, jus civile secutus; id est, interpretationem Prudentum, qui eam differentiam introduxerant, ut aliis verbis masculi, aliis feminae exheredari deberent. Et verò sequi debuit, quia eo edicto rescindit emancipationem liberorum, ac si in familiâ mansissent, & emancipati non fuissent. L. 6. §. 1. D. de bonor. possess. L. 3. §. si emancipatus. D. de bonor. possess. cont. tabul. Si autem emancipati non fuissent, ea differentia obtinisset, quam jus civile introduxerat: & ita Praetor jus civile secutus est, ut alias, in bonorum possessionibus dandis; puta, ut liberi, qui institui jure civili non possunt, nec contra tabulas bonorum possessionem petere possint. d. L. 3. §. liberi. D. de bonor. possess. cont. tabul. ut qui ex legibus, & SCtis hereditatem capere non possunt, nec jure praetorio ad bonorum possessionem admittantur. L. non est ambigendum. 12. D. de bonor. possess. Et in edicto de testibus Praetor jus civile subsequitur, ut qui testes in testamentis esse non possunt, jure praetoriò repellantur. L. scis. 14. D. de testib. Sed in plerisque Praetor jus civile emendat, & in bonorum possessionibus dandis, ut aliis bonorum possessio detur, quam qui jure civili admittuntur. §. *ad hoc. Instit. de bonor. possess. §. media. Instit. de legit. agnator. success.* ut aliis verbis nepotes jure civili exheredari debuerint, aliis jure praetorio. L. 4. C. de liber. praeteritis. Quod referendum videtur ad nepotes, pronepotes, ceterosque masculos postumos praeter filium, qui jure civili exheredari debuerunt, vel nominatim, vel inter ceteros, cum adiectione legati: sed tutius erit nominatim eos exheredari, idque magis servari ait Ulpianus d. *tit.* 22. puta, jure praetoriò, quod voluerat nominatim exheredari, cum jure civili sufficeret inter ceteros exheredari. Eamque differentiam verborum in exheredatione nepotum postumorum Justinianus intelligere voluit in d. L. 4. C. de liber. praeteritis. neque ad eam pertinet, quod est in §. *emancipatos. Instit. de exheredat. liberor.* sed ad liberos emancipatos, qui ut sui heredes, tam masculini, quam feminini sexûs, institui debuerunt; alioquin ad bonorum possessionem contra tabulas admittuntur.

De libris Pandectarum Modestini.

C A P U T XXXII.

EQUID potuit Modestinus libris XII. Pandectarum totum jus comprehendere, ut ipsum nomen Pandectarum sonat, quod vix potuit Iusti-

Justinianus quinquaginta libris praestare? Aut dicendum est, Modestinum plura in suis libris Pandectarum, quam Justinianum concessisse: quod tamen non duadent pauca, quae ex singulis libris supersunt fragmenta. Magis putarem, Modestinum in hisce libris verborum interpretationes, definitiones juris, & divisiones attigisse; & idgo Pandectarum nomine inscripisse, quod ita summatum omnia complexus esset. Si quidem *lib. 1.* definit, qui sint vulgò quaesiti, *L. vulgo. 23. D. de stat. homin. lib. 2.* tradit definitionem testamenti, *L. 1. D. qui testament. facer. poss. lib. 3.* definitionem legati, *L. legatum. 26. D. de legat. 2.* adsignationis libertorum, *L. adsignare. 107. D. de verb. signific. Lib. 4.* tradit definitionem debitoris, *L. debitor. 108. D. eod. tit. Lib. 5.* usucapionis, *L. 3. D. de usurpat. & usucap. bonae fidei possessoris, L. bonae fidei. 109. D. de verbor. signific. Lib. 6.* compensationis, *L. 1. D. de compensationib. sequestri, L. sequester. 110. D. de verbor. signific. Lib. 7.* rei judicatae, *L. 1. D. de re judicat. Lib. 10.* trajectitiae pecuniae *L. 1. D. de nautic. foenor.* Atque ita videas in hisce libris Pandectarum plures Modestini definitiones, quam apud alios omnes Jurisconsultorum libros reperiri, multaque breviter complexum fuisse: eaque ratione libros Pandectarum nomine inscripisse, in quibus & fortè ordinem edicti perpetui servaverat, cum libro primo de personis egerit.

Cur quaedam Leges, Senatusconsulta; Edicta, in testamento militis locum habeant; non aliae leges, aliae Senatusconsulta, & edicta.

C A P U T XXXIII.

CUM militum ius singulare sit, ut quoquo modò velint, faciant testamentum, nec vinculis juris subjiciantur, *L. 3. C. de testam. milit.* non frustra quaeri potest, cur quaedam leges in testamento militis locum habeant, & quaedam non habeant. Si quidem lex Falcidia non habet locum in testamento militis, *L. si à milite. 29. §. 1. D. de testam. milit. L. in testamento. 7. C. ad leg. Falcid.* nec Senatusconsultum Pegasianum, quod Falcidiam porrexit ad fideicommissa, *L. si miles. 92. D. ad leg. Falcid. L. in testamento. 12. C. de testam. milit.* Quia nec lex Falcidia, nec SCtum Pegasianum vetuit testatori hereditatem legatis, aut fideicommissis exhaurire; sed permisit tantum heredi instituto quartam retinere: ideo voluntas militis servanda est, quae lege non impeditur. Lex autem Aelia Sentia locum habet in testamento militis, ut in fraudem creditorum manumissi à milite non habeant libertatem, aut à minore vigintiquinque annis, *L. si à milite. 29. §. 1. D. de testam. milit. L. 4. C. eod. L. cum is. 8. D. qui, & à quib. manumiss.* quia lex Aelia Sentia perfecta fuit, & libertates ita datas impedit. *§. 1. Instit. quib. ex caus. manumitt.*

non lic. ut etiam lex Fabia. *L. lege. 12. D. de manumission.* Lex Julia de fundo dotali habet etiam locum in testamento militis, ut non valeat legatum, si miles dotalem fundum legaverit; *L. dotalem. 16. D. de testam. milit.* quia ea quoque lex perfecta fuit, & alienationem impedit, *L. 4. D. de fund. dotal.* Edictum Praetoris de conditione jurisjurandi, aliisque inhonestis conditionibus testamentò adscriptis, locum habet in testamento militis, quia Praetor eas condiciones rejecit. *d. L. 29. §. 2. D. de testam. milit. L. quae sub conditione. 8. & L. condiciones. 14. D. de condit. institut.* SCtum, quod captatorias institutiones improbavit, *L. captatorias. 70. D. de heredit. instituend.* locum habet in testamento militis, *L. captatorias. 11. C. de testam. milit.* quia Senatus eas pro non scriptis haberi voluit. *L. 1. D. de his, quae pro non script. habent.* SCtum Libonianum, quod vetat, aliquem se heredem scribere, pertinet ad testamentum militis, *L. in fraudem. 15. §. ult. D. de testam. milit.* quia SCtum pro non scripto id esse voluit. *L. 1. & L. ult. D. de his, quae pro non script. habent.* Edictum de bonorum possessionibus, ut intra centum dies peti debeat, locum habet in testamento militis; & rationem attert Ulpianus *d. L. in fraudem. 15. §. ult. D. de testam. milit.* quia generalis est ista determinatio. Sed verius dici possit, id non pertinere ad favorem militis, sed potius heredis instituti, ut longius tempus petendae bonorum possessionis ei concedatur. Cum & alias jura generaliter constituantur, non in singulas personas, *L. jura. 8. D. de legib.* & legibus generaliter constitutis milites teneri debent. Praeterea, quia militum voluntas in testamentis servari debet, quoscunque heredes instituere possunt; puta, deportatos, & alios, qui non habent communionem juris civilis, nisi lex specialiter impediatur, *L. 5. C. de testam. milit.* veluti lex Julia & Papia, quae coelibes, & orbos hereditatem capere impedit. Neque etiam miles servum poenae heredem instituere potuit *L. idem est. 13. §. 1. D. de testam. milit.* quia deportati omnino pro mortuis non habentur, ut servi poenae *L. intercidit. 76. D. de condit. & demonstrat.* & retinent ea, quae sunt juris gentium. *L. sunt quidam. 14. D. de poen.* Id, quod servo poenae relinquitur, quasi mortuo relinquitur, & pro non scripto habetur. *L. 3. & 4. D. de his, quae pro non script. habent. L. unicus. §. in primo. C. de caduc. tollend.*

Focariae, militum concubinae, cur ita dictae. Milites focarii donare prohibentur, & tamen heredes eas instituere possunt.
Ad L. mulierem. 14. D. de his, quae ut indign.

C A P U T XXXIV.

FOCARIAE sunt militum concubinae, ipsaque notatione verbi à concubinis Paganorum distinctae, quae cum Paganis vivebant, & erant

con-

convictrices, ut supra ostendimus. At istae à militibus habebantur magis, ut focum servarent, quàm ut cum militibus cubarent, dum illi in castris deperent, à quibus feminae juxta morem Romanum abesse oportuit, ut observat Servius ad *Echo*. 10. Svidtis in *verb. ita*, ex Scipionis disciplina. Focariis autem milites donare prohibentur, *L. 2. C. de donation. inter vir. & uxor.* eas tamen heredes institui potuisse constat ex antiq. inscript. Ravennae.

D. M. M. AURELIJ VITALIS MILITIS
VALERIA FAUSTINA FOCARIA, ET
HERES EJUS BENE MERENTI POSUIT.

Differentia manifesta est, cur milites focariis donare prohibeantur, easque heredes instituere possint: quia ratio donationis prohibita, ne fictis adulationibus, illecebrosisque blanditiis à focariis spoliarentur, cessat post mortem militum. Alià ratione tamen uxori, quae adversus leges, & SCta ducta est, donari non potest. *L. 3. §. 1. L. cum hic status. 32. §. ult. D. de donation. inter vir. & uxor.* & tamen capere potest ex testamento, neque ei ut indignae aufertur hereditas. *L. 2. §. per contrarium. D. de his, quae ut indign.* Quod si focaria à milite heres institui potuit, ad eam non pertinet, *L. mulierem. 14. D. de his, quae ut indign.* sed ad mulierem stupro cognitam; puta, ingenuam, & honestae vitae, quam miles consuetudinis, non matrimonii causâ habebat, *L. stuprum. 34. D. de rit. nupt.* quae erat in contubernio militis, (ut hic Papinianus) non in matrimonio; quaeque non erat focaria, aut esse non poterat sine testatione. *L. 3. D. de concubin.* & ideo ad testamentum militis admissa non est; ut nec alia mulier, in quam turpis suspicio cadere possit, puta, adulteri, aut stupri, ex testamento militis capere potest, *L. miles. 41. §. mulier. D. de testam. milit.* adeo ut non solum crimine, sed etiam suspitione criminis mulier carere debeat, quae ad testamentum militis admittitur. Non est differentia inter paganum, & militem, ut paganus concubinam possit heredem instituere, *L. cum tabulis. 16. §. 1. D. de his, quae ut indign.* inò miles focariam suam heredem instituere potest, ut paganus concubinam; sed paganus concubinae donare potest, non miles, d. *L. 2. C. de donat. inter vir. & uxor.* ne per blanditias bonis stipendive exuatur, quae ut commodius militet, penes se retinere publicè interest, aut apud se habere, si quae pervenit, depositam pecuniam. Vegetius *lib. 2. de re militar. cap. 10.* At non interest, in quas personas miles post mortem bona sua transferat, veluti deportatos, peregrinos, aliove, *L. idem est. 13. §. 1. D. de testam. milit. L. 5. C. eod.* igitur & focarias. Ab intestato tamen cognatis deficientibus, legioni ista vindicarentur. *L. si quis. 6. §. ejus, qui. D. de injus. rupt. & irrit. fact.*

*Permutatio apud gentes discreta à venditione , post num-
morum usum . Ad L. 1. D. de contrahend. empt.*

C A P U T XXXV.

CUM pecuniae usus nondum esset , antiquiores permutationibus com-
mercia rerum exercebant , ut Trojanis temporibus factitatum scri-
bit Plinius *lib. 33. cap. 1.* Sed & inventò usu pecuniae , quaedam gentes
barbarae adhuc permutationibus utebantur , ut Dalmatae maritimi , Stra-
bo *lib. 7. Geograph. τὸ δὲ μὴ χρῆσθαι νόμισματι , ὡς οἱ ἄλλοι δὲ τῷ ἐκβέβητος
νομίσμῳ κτλ.* , i. e. non uti pecuniâ cum multis aliis barbaris communis . Sar-
matae . Pompon. Mela *lib. 2. de situ orbis, cap. 1.* Sarmatae auri , & ar-
genti maximarum pestium ignari vice rerum commercia exercent . Britannii,
Solinus *cap. 1.* Dant res , & accipiunt mutationibus necessarias potius ,
quàm pretiis paravis . Germani interiores , Tacitus de *morib. Germanor.*
6. Proximi ob usum commerciorum aurum & argentum in pretio habent,
formasque quasiam pecuniae nostrae agnoscunt , atque eligunt : interiores
simplicius , & antiquius permutatione mercium utuntur . Illae quidem gen-
tes barbarae : aliae verò cultiores post nummorum usum venditionibus
commercia exercere coeperunt , nec nisi deficientibus nummis res suas
invicem permutabant , ut apud Aegyptios Joseph primùm frumentum
vendiderit : cumque pretium defecisset emptoribus , postea dedit alimenta
pro equis , & ovibus , & bobus , & asinis , Geneleos *cap. 47.* Ita etiam
nummorum usu inventò , permutationes rerum fieri desinisse scribit Aristot-
eles *lib. 4. Eudemior. cap. 3.* Julò Paulò ipsius Aristotelis interprete in
L. 1. D. de contrahend. empt. Lacones ex legibus Lycurgi annuatim fruges
permutabant cum ceteris rebus , quibus indigerent : ferreis nummis tamen
utebantur , ut illud nummis faciliùs , quàm permutatione rerum expedirent
& tandem ut ceteri communibus nummis , auri , argenti , aerisve
uti coeperunt , Polybius *lib. 6.* Inde igitur apparet , *originem emendi , ven-*
dendique à permutatione coepisse . d. L. 1. D. de contrahend. empt. & post
nummorum usum discretam fuisse permutationem à venditione . Aegy-
ptiis , Graecis , Romanis , aliisve gentibus permutatio pretii fuit venditio,
& contractus iste suum nomen habere coepit . *L. juris gentium. 7. D. de*
pact. Permutatio rerum sine pretio mansit in proprio nomine permuta-
tionis , *L. 1. §. permutatio. D. de rer. permutat.* seu potius contractus inno-
minati , do ut des . *L. naturalis. §. 1. D. de praescript. verb. & in fact. act.*
Nec enim permutationis nomen satis proprium est , quod omnibus aliis
contractibus convenit , ut emptioni , locationi , divisioni . *L. si filia. 20. §.*
si pater. D. famil. erciscund. L. cum pater. 77. §. hereditatem. 18. D. de le-
gat. 2.

*Repetita ex Magistris Graecis inter Sabinianos, & Procule-
janos controversia de venditione, quae rebus fieret;
& de Homericis testimonia, quo hi, & illi
utebantur.*

CAPUT XXXVI.

DISCRETO venditionis contractu à permutatione, Sabiniani nihilo-
minus venditionem rebus fieri posse tuebantur; eorumque senten-
tia etiam Pauli temporibus videtur obtinuisse. Impp. quidem in *L. pe-
nult. C. de rer. permutat.* ajunt, *pridem placuisse emptione rebus fieri non
posse.* Justinianus in §. *item pretium. Instit. de empt. & vendit.* anterior-
es Principes admisisse, secundum Proculi sententiam, ut permutatio esset
species contractus separata à venditione. Paulus *L. naturalis. §. §. 1. D. de
praescript. verb.* Non placet, permutationem rerum, emptione esse. Idem
tamen Paulus *L. 1. D. de contrab. empt.* etiam hodie dubitari, ait, an ali-
qua venditio sine nummis possit contrahi. Veluti, si quis togam dederit,
ut tunicam acciperet; Sabinus & Cassius contendebant, sine nummis
posse venditionem consistere à puta, si quis res promercales habens eas
venderet, & res pro pretio daretur, venditorem ab emptore distingue-
bant; ut venditoris esset, qui pretium rei suae imponderet. *L. 1. C. de rer.
permut.* emptor, qui rem pro pretio daret. Vicini sunt isti contractus,
permutatio & emptio. *L. 2. D. de rer. permutat.* Permutatio aut utrumque
contractum refertur; & permutatio est, ubi pretium intercessit. Plinius
lib. 9. nat. hist. cap. 55. Permutare quidem pretio noluit, aliàve merce.
Idem *lib. 19. cap. 1.* Quaternis denariis scrupula ejus permutata. Servius
ad 3. *Georgic.* Magnò mutentur, ingenti pretiò comparentur. Ita ἀμάρ,
Graecis ad venditionem quoque pertinet. Sic igitur secundum Sabinia-
nos, emptio intelligi potest, ubi pretium non intercesserit. Illi suam
sententiam Homericis versibus tuebantur *lib. 7. Iliados*, quos refert Pau-
lus d. *L. 1. D. de contrab. empt.* ubi Graeci vinum aere, ferro, pelli-
bus, bobus, & mancipiis comparant. Gajus, qui fuit Sabinianus, eo-
dem testimonio Homericis utebatur. Servius ad d. *lib. 3. Georgic.* scilicet
juxta Magistros Graecos, qui ita intelligebant τὸ πρῶτον apud Home-
rum, quasi emisissent vinum rebus aliis. Hesychius; ἀνίσχιδου, αἶνον αἶνον
δου, ἀνίσχιδου ἴππων. Didymus Homeri interpret, ἀνίσχιδου, αἶνον ἀνίσχιδου.
Etymologicon magnum, ἀνίσχιδου, οὐκ αἶνον ἀνίσχιδου. Οὐκ αἶνον, signi-
ficat vinum emere. Et ita emptiorem rebus factam apud Homerum
existimabant, atque etiam hodie fieri posse. Proculejani contra ibi permu-
tationem debere intelligi contendebant, non emptiorem; idque & Pau-
lus probat d. *L. 1. D. de contrab. empt.* Et quidem αἶνον ἀνίσχιδου, ut Di-
dymus interpretatur, vel αἶνον ἀνίσχιδου, ut Eustathius, non satis emptio-
nem exprimit. Justinianus in d. §. *item pretium. Instit. de empt. & vendit.*

Par. L.

R f

refert

refert, Proculejanorum sententiam aliis versibus Homericis adjutam fuisse; aliis quidem ab his, quos Justinianus retulit ex d. lib. 9. *Iliados*, sed non aliis, quos refert Paulus ex lib. 6. *Iliados*. d. L. 1. D. de *contrab. empt.* & Theophilus in §. *item pretium. Instit. de empt.* & vendit. quia permutationem utroque loco debere intelligi contendebant; & Trojanis temporibus permutationem rebus, non pretio factam esse, ut Plinius lib. 33. cap. 1. quia tunc pecunia in usu non fuerit. Quidam tamen Grammatici apud Homerum *Iliados*, 6. ex illis temporibus usum pecuniae repetebant; ibi enim boves pro nummis accipiebant; sed eos rejicit Julius Pollux lib. 9. *Onomastic. cap. 6.* hac ratione, quod cum Homerus terga boum ipsis bobus opposuerit *Iliados*, 8. manifestum sit, boves, non pecuniam bobus signatam intellexisse. Ita igitur utriusque scholae auctores suam sententiam Homericis versibus tuebantur, secundum diversas interpretationes Magistrorum. Ita etiam Megareses, & Athenienses de insula Salamina contententes, ambo Homericis versibus jus suum probabant; & Megaresenses Criticorum testimonio utebantur apud Strabonem lib. 9. *Geograph.*

In quibus negotiis testes rogati esse debuerunt. Ad L. ad fidem. 11. D. de testibus.

C A P U T XXXVII.

IN mancipationibus testes rogati esse debuerunt, in quibus & libripens, & antestatus adhibebatur, ut est in antiqua inscriptione:

MANCIPIO DEDIT, LIBRIPENDE CLAUDIO DATIVO, ANTESTATO CORNELIO VICTORE.

Antestatus rogabat testes, obtestabatur eorum fidem, & prehendebat auriculam, ut rei gestae meminissent. Porphyrio ad Horat. lib. 1. *Sermon. Sat. 9.* Solebant enim testium aures tenere, & ita dicere: *Memento, quod tu mihi in illa causa testis eris, quod est antestari.* Idque ex jure Attico fluxisse videtur, ut ita testes rogarentur, Svidas in verb. *Karrius*. Cum igitur in mancipationibus testes rogati adhiberentur, in emancipationibus testes rogati esse debuerunt, in quibus imaginariae venditiones, seu mancipationes interponebantur, L. 3. D. de *capit. minut.* & libripens, & antestatus, Gajus in *fragment. lib. 1. Institut. tit. 6.* In cretionibus, seu solennibus hereditatum additionibus testes quoque rogabantur, cum id sollicitè caveant testatores. Varro lib. 5. de *ling. Lat.* Facito, ut videant, se esse heredes. Itaque in cretione adhiberi jubent testes. In nuptiis testatio interponi debuit, L. 4. D. de *fid. instrument.* L. *penult.* D. de *donat. inter vir. & uxor.* & septem testibus adhibitis, iisdemque (ut videtur) rogatis: quod

quod & in divortiis servabatur. *L. nullum. 9. D. de divortiis.* Atque in aliis testationibus, quibus adhibebantur testes signatores. *Apulejus lib. 2. Milesiar. Introductis septem testibus, obtestata fidem praesentium, de industria quodam tabulas praenotante.* Inde igitur fluxit, ut in testamentis septem testes adhiberi, neque rogati esse debuerint. Nam cum fieret per aë, & libram, mancipatio intercedebat, testatio interponebatur, & tabulae conscribebantur. *Ulpianus lib. sing. reg. tit. 20. de testament.* & cum postea testamenta per aë, & libram fieri desissent; nihilominus id remansit in testamentis ordinandis, ut septem testes adhiberentur, sique rogarentur. *L. heredes. 21. §. penult. D. qui testament. facer. poss.* At sublatis mancipationum solennibus, & cum mancipatio jam esset actus legitimus, *L. actus. 77. D. de rerul. iur.* consequens fuit, ut testes fortuito occurrentes ad fidem rei gestae faciendam in negotiis contrahendis adhiberi potuerint, ut compositores Pandectarum retulerunt *L. ad fidem. 11. D. de testib. Ad fidem rei gestae faciendam, etiam non rogatus testis intelligitur.* Praeterea quam expressum est, ut testes rogati esse debeant, veluti in testamentis, *L. hac consultissima. 21. §. ult. C. de testam. & quemadmod.* & in professione solutae pecuniae, *Novell. Justiniani 99. cap. 2. de testib.* Ex qua Graeci interpretes male colligunt, testes in negotiis contrahendis, ut in testamentis, rogati & acciri debere. Constant. Harmenopolus *lib. 1. Epitome. tit. 6. §. 38. Eclog. Basilicor., lib. 21. tit. 21. cap. 44.* Nam & in codicillis, ubi major numerus testium, quam in aliis negotiis requiritur, testes non rogati adhibentur. *L. ult. C. de codicill.* Neque id expressum est generaliter constitutione Justiniani, sed tantum ubi de professione solutae pecuniae ageretur.

Differentia quaedam deprehenditur inter res Mancipi, & nec Mancipi, in L. si fur. 32. D. de usurpat. & usufructu. cap. & L. quamvis. 84. D. de furt.

C A P U T XXXVIII.

MULTA in Pandectis latent vestigia juris antiqui, & à Justiniano sublata, quae non nisi sagaciori nare odorari licet. Ante Justinianum cum esset differentia inter res Mancipi, & nec Mancipi, sola mancipatione res Mancipi alienari poterant: & si traditae essent ex causa venditionis, aliave causâ, non intercedente mancipatione, non transferrebat dominium, sed adhuc opus erat usucapione. *Boetius lib. 3. comment. in Topic. M. Tull. ex lib. 1. Institut. Gaji: Si res, quae Mancipata est, nulla solennitate interpositâ tradatur; abalienari non poterit, nisi ab eo, cui traditur, usucapiatur.* Quae cum ita sint, recte definita est secundum divulsionem, abalienatio rei Mancipi, scilicet quae aut nexâ traditione, aut in

jure cessione perficitur : nam purâ traditione abalienatio rei mancipi non explicatur. Edque respicere maluit Horatius lib. 2. epist. 2. v. 158. seq.

Si proprium est, quod quis librâ mercatur, & auro;

Quaedam, si credis consultis, mancipat usus.

Id est, dominium rerum mancipi, quod per aes, & libram, & per mancipationem acquiritur, etiam si mancipatae non fuerint, usu, seu possessione acquiruntur, perinde ac si mancipatae essent. Porphyrio ad hunc locum, paulô aliter. Verba sunt juris, quibus omnis emptio confirmatur, cum per libram expensa pecunia, per aes ipsum pretium demonstratur : unde & libripens hujusmodi testificationibus adhereri solet. *Mancipat usus*, hoc est, usus possessorem facit. Ed etiam respicere voluerunt Impp. in *L. traditionibus. 20. C. de pact. Traditionibus*, & *usucapionibus rerum dominia acquiri*. Praeter traditionem requirunt usucapionem, cum res purê tradita, non mancipata fuerit. Ita uxor, quae coempta non erat, usu acquirebatur, ut auctor est Servius : si quidem in coemptione aes, & libra adhibebatur, (idem Servius ad lib. 4. *Aeneidos*) id est, mancipatio : quae si non intercessisset, per annum usucapiebatur uxor, quo tempore & res mobiles ex XII. Tab. usucapiebantur. Igitur dominium rerum mancipi per aes, & libram acquiri oportuit, seu per mancipationem ; & per traditionem alienatae, erant tantum in bonis, *L. rem in bonis. 52. D. de acquir. rer. dom.* non in dominio ex jure Quiritium licet dominus ex jure Quiritium eas tradidisset. Vestigium hujus juris deprehendi potest in *L. si fur. 32. D. usurpat. & usucap. & L. quamvis. 84. D. de furt.* ubi cum dominus rem sibi subreptam furi vendidit, pro tradita habetur : licet tamen dominus rem suam tradiderit, aut quasi tradiderit, adhuc opus est usucapione : quia fuit ea res mancipi, & res hujusmodi mancipatione alienari debuit. Res nec mancipi traditione purâ alienabatur. Ulpianus lib. sing. tit. 19. de dom. & acquisit. rer. Eamque distinctionem adhibitum oportuit in *L. traditio. 20. D. de acq. rer. dom.* nec enim verum est ante Justinianum, eum, qui dominus erat, tale dominium, quale habebat, traditione in alium transtulisse. Si enim dominus erat ex jure Quiritium, traditione purâ, ut loquitur Boëtius, non transferebat dominium ex jure Quiritium, sed dominium in bonis : & opus erat usucapione, ut ei dominium plenum adjiceretur.

Defenditur lectio Florentina in L. 3. §. cum Pollidius.
D. de usur. & fruct.

C A P U T XXXIX

IN *L. 3. §. cum Pollidius. D. de usur. & fructib.* lectio Florentina habet, *Praefectis Praetorio suasis* : alii legunt, *Praefectus Praetorio suasis*. *Levis est*.

est emendatio, sed veritatis lectionis Florentinae detrahens, & luminis historiae. Papinianus quidem fuit Praefectus Praetorio, ut constat ex *L. lecta est. 40. D. de reb. credit.* Antea libellos egerat. *L. rescriptum. 10. D. de distract. pignor.* Antiqui. inscript.

AEMILIO PAULO PAPINIANO PRAEF.
PRAET. JUR. CONS. QUI VIXIT ANN.
XXXVI. M. III. D. X.

Jam ab illis temporibus, quibus Imperatores rerum potiri coeperant, Jurisconsulti ad prius dignitates evecti, Consulatum, Praeturam, Praefecturam urbi, usque ad tempora Adriani, quae complectitur Pomponius *L. 2. §. post hunc. 47. D. de orig. jur. &* sub aliis deinceps Imperatoribus ad easdem dignitates pervenerunt. Julianus fuit sub Adriano Consul & Praetor, *L. 5. D. de manumiss. vindict.* Neratius Priscus Consul sub Traiano. *L. 6. D. ad leg. Cornel. de sicar.* Arcadius Gharisius magister libellorum, in inscriptione *leg. unic. D. de offic. Praefect. Praetor.* At Papinianus, ut subtilissimus fuit ingenii, & inter alios excellens, *L. cum acutissimi. C. de fideicommiss.* ita Praefectus Praetorio factus dignitate alios superavit: fuit enim ea dignitas, *δυστή αρετή μὲν πρώτη, i. e. secunda post scriptum, seu Imperatorem dignitas*, ut Zosimus uspiam. Post Papinianum item Ulpianus Praefectus Praetorio fuit, *L. ex Divi. 4. C. de locat. & conduct.* Quod nosse expedit, ut sciatur à quibus viris juris scientiam accepimus, & ex eorum personis legalis doctrinae dignitatem aestimemus. Cum igitur Papinianus fuerit Praefectus Praetorio, lectio illa tolerari posset, *Praefectus praetorio suasi*: nisi quod detrahit veritati lectionis Florentinae, quae habet, *Praefectis Praetorio suasi*. Et quidem si Papinianus Praefectus Praetorio id decrevisset, non diceret se suasisse, sed decrevisse. Non est Magistratus, aut ejus, qui jurisdictioni praest, suadere, sed discernere, ut legis. Lucius Seneca *epist. 95. Imperet lex, non suadeat.* Praeterea officit luminis historiae; quia erant eo tempore duo Praefecti Praetorio, quos Septimius Severus instituerat. Herodianus *lib. 3. ἡ δὲ ἀνάγκη ἐπαγγέλλεται δύο τοὺς πραιποσίτους καλεῖται, i. e. Severus duos militum Praefectos instituit.* In eorum auditorio assessor Papinianus suaserat, fructus à Pollidio bonâ fide perceptos ex bonis testatricis restitui debere, *d. L. 3. §. cum Pollidius. D. de usur. & fruct.* ubi apparet, lectionem Florentinam retinendam, quam & retinendam probat Cujacius ad Papinianum, *lib. 20. Quaest.* sed non satis, ut de ea amplius dubitari non possit.

Quid

Quid sit iurjurandum corporale, unde dictum; Paganis & Christianis observatum; non tamen pariter Clericis, ut Laicis.

C A P U T XL.

SAEPE contingit, ut vocum, quae vulgò jactantur, non expeditam facis rationem habeamus; veluti cum iurjurandum corporaliter praestitum dicimus, ex *L. 1. C. si adversus vendit. & L. 3. C. si minor. se major. dixer.* Et hoc quidem duobus modis potest intelligi, vel à corpore jurantis, qui manum levat, vel caput, vel oculos, vel pectus tangit; vel à quodam actu corporis, religionem iurjurando adjicit. Atque ita Cujacius iurjurandum corporaliter praestitum intellexit, *manu levatâ, in paratit. C. si adversus vendit. & ad Novell. 51.* Hoc quidem suadere posset Gregorius Turonensis, qui saepe iurjurandum ita manu levatâ fieri meminit *lib. 1. de gloria Martyrum, cap. 20. 33. & 38.* Verius est tamen, iurjurandum corporale dici non à corpore jurantis, sed à corpore, quod jurans tangit. Paganis jurantes Deorum signa, & aras tangebant, ut notum satis; atque ita iurjurandum ritu paganico corporaliter praestitum intelligi nihil vetat in *d. L. 1. C. si adversus vendit.* Eo quidem modo Christiani jurare prohibiti in Constitutionibus Apostolicis *lib. 5. cap. 11.* Basilii in *epist. ad Amphilochem, Can. 81. & Cau. 94. sextae Synodi in Trullo*; scilicet cum eos Paganis ad iurjurandum propriae superstitionis adigerent, & tactis Deorum signis, arive jurare vellent. Veruntamen Christiani iurjurandum etiam corporaliter praestiterunt, sed tactis altaribus sacris. Optatus Afer Milevitanus *lib. 6. de schismat. Donatistar. Altaria Dei, in quibus & iurjurandum populi, & vota, & membra Christi portata sunt.* Vel tactis sacrosanctis Oratoriis, *L. generaliter. 12. §. ult. C. de iurjurand.* Oratoria, seu Oraria sunt loca, in quibus reliquiae martyrum asservabantur, ut Oratorium, in quo Beati Stephani pignora continebantur, apud Gregorium Turonens. *lib. 2. histor. Franc. cap. 6.* Ibi tangebant sepulchra Martyrum. Gregorius Magnus *lib. 7. epist. 33.* Veniant ante corpus sancti Apollinaris, & tacto ejus sepulchro jurent. Gregorius Turonensis *lib. 1. de gloria Confessor. cap. 92.* Statim manus ponens super sanctum sepulchrum dixit: Hujus sancti virtute opprimar, si aliquid falsi loquor. Vel alias res sacras tangebant. Vigilius Papa in Epistola quadam Encyclica nuper edita à R. P. Jacobo Sirmondo: Et dum saepe dicti iudices postò indiculâ super altare, & cataracta Beati Petri Apostoli, & super crucem, quae de ligno possionis Damiani habet inclausum; sed & super claves Beati Petri Apostoli praestitisses corporale iurjurandum. Ex quibus locis satis apparet, corporale iurjurandum dictum fuisse ab eo corpore, quod jurantes tangerent. Fiebat etiam tactis sacrosanctis scriptis, *L. 2. C. de jurament. propter calum. dand. L. rem non novam. 12. C. de judic.* Sacris scripturis tactis, *d. L. generaliter. §. ult. C. de iurjurand.* seu Evangelii, *L. 7.*

L. 7. §. sed cum antiquitas. C. de curator. furios. Constant. Harmenopolus *lib. 1. tit. 7. §. 21.* Et ita quidem saepius Christiani laici iusjurandum corporale tactis Evangeliiis praestiterunt, non Clerici. Episcopus illa iusjurandi necessitas remissa est in testimonii dictione, aliisque forensibus causis. *L. 7. C. de Episcop. & cleric.* Justinianus eos in testimonii dictione injuratos esse voluit, sed tamen propositis sacrosanctis Evangeliiis ea, quae scirent, dicere, *Novell. 123. c. 7.* Balsamo ad *Nomocanonem Photii, tit. 9.* ait Episcopos, & Clericos corporale iusjurandum, *συμβαίνειν ἑαυτοῖς*, ex *Canone*, & legibus praestare non debere, scilicet ex *L. cum Clericis, 25. C. de Episcop. & Cleric. ex Can. 1. 2. & 4. caus. 2. quæst. 5.* Atque ita clericus super sancta Evangelia jurare prohibetur, *can. nullus. 22. quæst. 5.* Episcopum propositis, non tamen tactis Evangeliiis debere iuramentum exhibere, ait Gregorius IX. in *Cap. ult. de juram. calum.* ex d. *Novella Justin. 123.* Et hoc quidem in judiciis forensibus. Sed cum Episcopi sponte, aut aliis in causis Ecclesiasticis iusjurandum praestarent, videntur etiam tactis Evangeliiis praestitisse. Non aliter jurabant Episcopi, quam adhibitis Evangeliiis. Basilii in *Epistol. ad Amphilochoium, can. 10.* ait, *Σε- verum Episcopum jurasse ἐκ τῶν ἁγίων τῶν εὐαγγελίων, non canonικῶς πρὸς τὰ εὐαγγέλια*, id est, non adhibitis Evangeliiis. Non exprimit, an etiam tactis: sed Evagrius Archidiacono Constantinopolitanae Ecclesiae juraturo offertur, veluti ex more, liber Evangeliorum; eique jurans manum admovet, apud Sozomenum *lib. 5. histor. Ecclesiastic. cap. 30.* Sed & satis constat, ipsos summos Pontifices, ut Leonem, Pelagium, Damasum, Symmachum, tactis sacris Evangeliiis iusjurandum purificationis praestitisse; atque etiam Episcopos tactis sepulcris Martyrum, vel super sanctis Evangeliiis. *Can. 6. 7. 8. 17. & 19. Caus. 2. quæst. 5.*

OBSERVATIONUM FINIS.



EMUNDI MERILLII
JURISCONSULTI
CONSILIARII REGII

Antecessoris in Academia Biturigum
Primicerii.

NOTÆ PHILOLOGICÆ
In Passionem Christi.

ILLUSTRISS. AMPLISS. VIRO
CAROLO ALBASPINO

MARCHIONI DE CHASTEAU-NEUF
 Procancellario, & Regiorum Ordinum Cancellario

EMUNDUS MERILLIUS.



AUD semper errat fama, aliquando & eligit.
 Dudum percubuerat fama, te ad illum summum
 apicem dignitatum evectum iri: famae auspica-
 tius iudicium Regis accessit, & te evectum vi-
 dimus. Non errabat fama, cum te eligebat bo-
 minem cordatum, Regi fidum, obeundis Regni
 negotiis innutritum, & firmatum ob plurimas
 legationes feliciter gestas, exleris gratiosum.
 Inde cogitabam aliqd de nostris ~~oratorum~~ mittere. Nae aliter
 inofficiosus essem haud uno tuorum beneficiò adstrictus. Siquidem
 me parens tuus illustrissimus Regii consistorii assessor primice-
 rius, & Regiorum ordinum Cancellarius, ex Academia Cadur-
 censi evocatum in hanc Bituricensem mandatò Regis introduce-
 rat, tuusque frater Aurelianensis Episcopus, magno mei desi-
 derio (sed ben magno Ecclesiasticarum observationum damno) mi-
 per vivis ereptus, amici sui nomine dignabatur, quod & scri-
 ptis perpetuò victuris testari voluit. Erat ille ~~homo~~ meus,
 cum aliquando in praeclarissimam hujus civitatis vestram do-
 mum studiorum causà secederet, movebat sagacis vir ingenii,
 pleraque in sacris codicibus Novi Testamenti ex legibus, & ma-
 joribus populi Romani lucem posse mutuari: idque à me praestari
 oportere contengebat, quod seculares disciplinae omnes uni domi-
 nae Theologiae ancillari, & divinis rebus adminiculari debeant,
 tantumque hortatu suò effecerat, ut notas Philologicas in var-
 rationem passionis dominicae scriptas, paulò ante excessum vide-
 rit. Habe igitur illas, quales emitti voluit. Vererer te tanta
 negotia sustinentem, vel minimò lectionis avocamentò distringe-
 re: ni talis esset, quae tibi, & aliis quantàvis dignitate prae-
 fulgentibus, saepe, ac saepius in memoriam revocata prodesse
 possit: quaeque lectoris operam non levi aliquà delectatione, sed
 ingentis, aeternique praemii muneratione sit pensatura. Vale. A-
 varicò Biturigum. Pridie Calend. Apriles. Anno M. DC. XXXI.

314
A P P R O B A T I O

Doct. S. Theolog. Facult.



OS infra subscripti Doctores in sacra Facultate Theologiae notum, testatumque esse desideravimus hac praesenti schedula, opus aureolum, cui titulus est, *Emundi Merillii, Rectoris, Consilarii Regii, Antecessoris in Academia Bituricensi, Notae Philologicae in Passionem Christi*, à nobis diligenter, & magna cum delectatione fuisse perlectum, & nihil in eo contineri, quod tantillum adversetur doctrinae orthodoxae, & Catholicae: imo verò, quia permulta extant repetita tum ex Jure civili, tum ex historia Romana, quae mirificè illustrant contextum Evangelicum Passionis Dominicae, judicavimus dignissimum esse, quod in lucem proferatur, tanquam Minerva illa Phidiae. In cujus rei testificationem, syngrapham huic tabellae adjecimus die 7. mensis Januarii, anni millesimi sexcentissimi trigésimi secundi.

DAULTRUY.

MAQUERAY.

EMUN-



EMUNDI MERILLII J. C. NOTAE PHILOGICAE

In Pasionem Christi.

Ad Cap. 18. Joan. v. 3. & 12.

Judas ergo cum accepisset cohortem:



COHORS fuit praetoria, quam habebant Praefides in Provinciis, seu Legati Caelaris. Adeone verò parata erat illa cohors Judae, ut post acceptum traditionis, & indicinae praemium, statim tot milites ex cohorte congregari, ipsique adesse potuerint? Josephus *lib. 2. cap. 8. de bello Judaico* ait: Conveniente multitudine ad diem festum Azymorum in Hierosolymam, stetit Romanam cohortem super porticum templi, & subjicit: *ποσὴν τὰς ἑπτὰς περὶ τὴν πόλιν, ὅς μὴ π*

*πυρρὴν τὴν ἐκ τῶν ὁμοειρημένων, i. e. milites in armis festos dies custodiebant, ne quid novi moliretur multitudo conveniens. Idem lib. 6. cap. 6. καὶ οὕτως δὲ αὐτὸς τὸ γένος ῥωμαίων, καὶ διαδύμωσι καὶ τὰς τοῦ αὐτοῦ ὅπλων, ἐν ταῖς ἑορταῖς τῶν δῆμων, ὅς μὴ π πυρρὴν εἴδῃ, παρρησιασθῶν. Stabat enim semper in ipsa (Antonia) cohors Romanorum: & dispositi milites per porticus cum armis, diebus festis, populum, ne quid novaretur, observabant. Actorum cap. 21. v. 32. Cohors extemplo ad seditionem coercendam accurrit. Videntur ergo Principes Judaeorum, post consilium habitum, quomodo Jesum tenerent & occiderent per ministros, & officiales jure à Pilato Praefide petiisse cohortem, ut Jesum seditionis auctorem, cum discipulis & sectatoribus, prehenderent. Prius ergo Judas acceperat à Pontificibus, & Phariseis ministros, deinde à Pilato Tribunum *χουάρχον*, cohortem. Et eam quidem Judaei adjici voluerant, ne si tantum ministri Judaeorum Christum ducerent, populus eum eriperet. Augustinus *tract. 112. in Joan. Cohors non Judaeorum, sed militum fuit, à praefide. Haec intelligitur accepta, tanquam ad tenendum reum, servandò ordine legitime potestatis, ut nullus tentantibus auderet obistere. Aliis locis, ubi Praefides non agebant, magistratus municipales, licet non haberent potestatem animadvertendi in facinorosos homines, nihilominus habebant**

prehens

prehensionem, eosque prehenſos, & vinctos ad Praesidem transmittébant, *L. ne quis. 10. D. de custod. & exhibit. reor. Paulus lib. 5. sentent. tit. 7. in Collat. leg. Mos. cum lege Romana.*

V. 16. Dixit ostiariae, & introduxit Petrum.

Ancillae Ostiariae, seu janitrices, ut Rhode ancilla in *Actib. Apostolor. cap. 12. v. 13.* *audis* ~~quis~~ malim vertere *ancillam*, quàm puellam: siquidem ancillae anus potiùs, quàm puellae huic ministeriq; addictae. Anus illa ostiaria apud Petronium in Satyrico, quae canem ingentis magnitudinis instigat in Eumolpum. Plautus in *Cyrculione*, act. 1. sc. 1. v. 76. *Anus hic solet cubitare, custos, janitrix.*

V. 19. Pontifex interrogavit Jesum de discipulis suis.

Ex mandatis Principum, rei adprehensi interrogari debent de sociis, & receptatoribus, *L. 6. D. de Custod. reor. .*

V. 22. Unus ministrorum dedit alapam Jesu.

Alapae servorum castigationes injuriosae, ~~part~~ *quam*, *salapittae*, quae & in manumissionibus impingebantur. Caesarius *dial. 3.* ait, Christum alapis caesum fuisse, ut nos à servitute diaboli in libertatem assereret: *part. 38. in audytoris vultu olivatus al. nomen.* Alapâ enim manumittunt servos domini. Christus formam servi acceperat. Paulus ad *Philippenses cap. 2. v. 7.* igitur ut servus hîc alapâ caeditur, ac deinde ut servus supplicio crucis afficitur, quo & humilioris, abjectionisve conditionis homines solebant affici. *Lact. lib. 4. hyst. cap. 26.*

V. 28. Erat autem manè.

Romani magistratus à lucifero jus dicebant, cognoscebant. *Juvenalis Sat. 13. v. 157.*

Haec quota pars scelerum, quae custos Gallicus urbis,

Ulsque à Lucifero, donec lux occidat, audis?

Ideo statim diluculo factò Judas Pilatum adiverat. *Matthaei cap. 27. v. 1. 2. & Marci cap. 14. v. 1.*

V. 29. Quam accusationem affertis adversus hominem hunc?

Accusatio interrogationem, & cognitionem praecedere debuit. *Festus Actor. 25. v. 16. Non est consuetudo Romanis dare aliquem hominem ad per-*

perditionem, priusquam accusatus habeat in conspectu accusatorum. Vulcarius Gallicanus refert ex epistola quadam M. Aurelii : Non posse reum facere, quem nullus accusat. M. Tullius in Orat. pro Cluentio : Est sapientis iudicis animadvertere, qua lege reus citetur, de quo reo cognoscat, quae res in quaestione versetur. Et haec tria Pilatus Romani iuris sciens observat. Quia lege reus citetur : Quam accusationem assertis adversus hominem hunc ? De quove reo cognoscat. Tu es Rex Iudaeorum ? Quae res in quaestione versetur ; Quid fecisti :

V. 31. Secundum legem vestram iudicate eum.

Romani devictis gentibus plerumque permittebant, ut suis legibus uterentur. M. Tullius de Siculis, Verrin. 2. Ut cives inter se suis legibus agerent. Pausanias lib. 4. Traianus Caesar Mothomaeis concessit, ut cum liberis populis conferrentur, & suis legibus uterentur. Mothomaei & Baithaei pro Tegeatis iudici, iudicium utas & autopolis praetoris. Ita Julius Caesar primum Hircano, Pontifici Iudaeorum, concesserat, ut si qua controversia oriretur de Iudaica disciplina, iudicium penes ipsum esset. Iosephus lib. 14. Antiquitat. cap. 17. Quod & aliis deinceps Pontificibus concessum fuisse videtur. Nam Titus Iudaeis exprobrat, quod leges patrias Romani eis servassent lib. 7. de Bello Iudaico. c. 17. Βασίλειος ἱεροπόλεως ἱστῶν, εἰσαγόν, ταῦτα τῆς πατρὸς αὐτοῦ ἱερῆς ἱστορίας. Reges ex eadem gente imperavit, deinde patrias leges servavimus.

V. 31. Nobis non licet interficere quemquam.

Vexatus locus diversis interpretationibus. Augustinus tract. 114. in Joan. Intelligendum est, eos dixisse, non sibi licere interficere quemquam propter diei festi sanctitatem, quem celebrare iam coeperant, propter quem de ingressu etiam Praetorii contaminari metuebant. Idem Chrysostomus. Cyrillus Alexandrinus aliam rationem affert; μάλα μὲν τὸ πάλαι τῆς ἀρχῆς αὐτοῦ, καὶ τῆς ἐξουσίας ἀποτίμωτον, λαοὺς δὲ πάλαι αὐτῷ παραμένοντες ἐκείνῳ ; quod cum in Romanorum ditionem venissent, maximâ parte dominationis, & potestatis privati fuissent : & quidem magistratibus municipalibus, secundum leges Romanas, ne de servo quidem supplicium sumere licuit. L. magistratibus. 12. D. de iurisdic. Habebant secures innocuas, & purum tribunal sanguine, ut Ausonius Idyll. 9.

— — — Quos Curia summos

Municipum vidit proceres, propriumque Senatum :
Quique suas rexere urbes, purumque tribunal
Sanguine, & innocuas illustrare secures.

Subactis igitur Iudaeis, illis jus vitae & necis ademptum fuisse plerique existimant, idque ex libris Talmudicis probant, & Rabbiniis ; qui scribunt, jus vitae & necis Iudaeis ademptum fuisse ante everfionem urbis.

Vo-

Veruntamen Judaei, etiam secundum leges patrias ad religionem pertinentes, poterant aliquem interficere: ut lapidatione blasphemos, mulieres in adulterio deprehensas; atque ita mulierem adulteram, & Christum ipsum lapidare tentaverant, & Stephanum postea lapidarunt. Titus apud Josephum *lib. 7. de Bello Judaic. cap. 4.* Judaeis expressè concessum fuisse refert, ut possent eum, qui septa Templi transiret, licet Romanum, impunè occidere; idque jam à temporibus Tiberii, ad tempora usque Titi, concessum fuerat. Et quorsum Romani Patriae leges ad religionem pertinentes illibatas reliquissent, nisi ut violatae religionis reos istis legibus vindicarent? denique Pilatus non dixisset: *Accipite eum vos, & secundum legem vestram judicate*, nisi & Judaei secundum legem suam judicare, punireve potuissent. At cum responderunt Pilato: *Nobis non licet interficere quemquam*, intelligebant de eo genere supplicii, cui Christum addici postulabant, videlicet supplicio crucis Judaicis legibus incognito. Eam mentem Judaeorum fuisse, his sequentibus verbis Joannis *vers. 32.* deprehenditur, neque aliter voluisse Christum occidi, quam supplicio crucis: *ut sermo Jesu impleretur, quem dixerat, significans, quàm morte esset moriturus.* Illud genus mortis sibi futurum Christus praedixerat supra, Joannis *cap. 12. v. 32.* quod & prae ceteris crudelissimum optaverat. Gregorius Nyssenus *orat. 1. in Resurrect. Christi*: *Propterea Judaei non aliò, quàm crucis supplicio Christum affici volebant, tamen aliò potuissent.* Nec solum Judaei Christum, ut blasphemum, aut violatae religionis reum, accusabant; sed etiam ut seditiosum, ut turbas concitantem, & prohibentem dare tributa Caesari. At secundum leges Romanas, poena seditiosorum fuit crux. Paulus *lib. 5. sentent. tit. 22.* Auctores seditionis, & tumultus concitatis populi, pro qualitate dignitatis aut in crucem tolluntur, aut bestiis subjiciuntur. Hac igitur poenà Christum volebant affici, sed ipsi afficere non poterant.

V. 39. *Est autem consuetudo vobis:*

Titus Bostrorum Episcopus ad *cap. 23. Luc. tom. 2. Biblioth. PP. Graecorum*, probabile esse existimat, hanc consuetudinem Romanos secundum leges patrias reliquisse; ut Praeses unum victum populo per diem festum dimitteret, veluti Saul Jonatham ad Populi petitionem vità donaverat, unde *ἐξ ἧς ἐννοεῖται τὴν ἐν τῷ Πρωτοῦ Λευκίου ἐν τῷ 23ῳ κεφάλαιῳ πρὸς τὸν λαόν, δυνάμει Παύλου εἶναι. i. e. verisimile sanè est, cum Judaei in fidem Romanorum venissent, quod apud ipsos patrii eras moris, populo aliquem dimittere, Romanos id servasse. Vel ea consuetudo fuerat in memoriam populi Judaici servitutis Aegyptiorum liberati.*

Ad Cap. 19. Joan. V. 1.

Apprehendit Pilatus Jesum, & flagellavit, μαρτύρει
Matthaeus 26. v. 26. *ῥαυγισίας.*

FLAGRA, seu flagella, erant servilia verbera, *L. sed est. 9. §. penult. D. de injur. Lora, habena, L. 1. §. impuberi. 33. D. de Senatusc. Silanian. Liberi fustibus caedebantur, L. in servorum. 10. L. capitalium. 28. §. non punitur. D. de poen. L. ult. D. de injuriis.* Eamque differentiam observat Philo Judaeus in Flaccum: *Ἐν μαρτύρῳ ἢ ἐν διαφοράῳ διαμεμενῆσαι καὶ τὸν αἰσθητὸν τὰ ἑστῶτα μὴδὲν αἰσῶματ'.* Verberum sunt differentiae discretae in civitate (Alexandria) secundum reorum dignitatem, qui verberantur. Et postea: *ταῖς ἰσχυροτέrais, καὶ πολυπλητέrais μαρτίρῳ, liberalioribus, & civilioribus flagris;* ubi intelligit fustium castigationem. Honestior enim fuit castigatio fustium, quàm flagellorum. Macer J. C. in d. *L. in servorum. 10. D. de poen. In servorum personā ita observatur, ut exemplo humiliorum puniantur; & in quibus causis liber fustibus caeditur, in his servus flagellis caedi, & dominus reddi, jubetur.* Atrocior etiam fuit poena flagellorum, quàm fustium. Admonitio est fustium, castigatio flagellorum. *L. veluti. 7. D. eod. tit. de poenis.* Unde & Pilatus Christum flagellis castigatum, atque emendatum dimittere voluit. Plerique existimant moris Romani fuisse, ut qui crucis supplicio afficiendi essent, prius virgis, flagellisve caederentur; eoque more Pilatum jussisse, ut Christus flagellaretur, antequam crucifigeretur. Hieronymus in cap. 27. Matthaei: *Sciendum est enim, Pilatum Romanis flagibus ministrasse, quibus sancitum erat; ut qui crucifigeretur, prius flagellis verberaretur.* Joseph. scribit lib. 2. de bello Judaic. cap. 24. *Florum quosdam nobiles Judaeos, cives Romanos, verberibus caesos in crucem fustulisse. & lib. 6. cap. 12. Judaeos à Tito post pugnam captos, verberibus caesos, & in crucem actos fuisse.* Hoc quidem verum est, & ita suadere videntur verba Matthaei cap. 27. v. 26. *Jesum autem flagellatum tradidit, ut crucifigeretur,* quasi praevia fuerit illa flagellatio, ut postea supplicium crucis sequeretur. Aliam tamen Pilati mentem fuisse deprehenditur; ideo Christum flagellasse, ut voluntati Judaeorum quodammodo satisfaceret, eumque castigatum dimitteret. Lucas cap. 23. v. 16. *παύσας ἃ ἀντὶ τοῦ αἰῶνος, Castigans ergo dimittam;* vulgata versio, *Emendatum ergo illum dimittam;* quasi tantum flagellis castigare vellet, & postea dimittere. Id etiam ex hoc capite Joannis manifestum deprehenditur: ubi cùm Pilatus Jesum flagellasset, postea eum adduxit foras, & nullam se in eo causam invenire dicit, ut crucifigeretur: *Ecce adduco vobis eum foras, ut cognoscatis, quia in eo nullam invenio causam.* Quando autem Pilatus Jesum flagellari jussit, non sedit pro tribunali, ut in eod. cap. Joannis, vers. 13. cùm morti addicere voluit: si quidem moris Romani fuit, istam verberum, flagellorumve poenam non pro tribunali, sed de plano irrogari. Ulpianus in *L. nec quicquam. 9. §. de plano. 3. D. de offic. Proconsul. & legat.*

Par. I.

T t

Pote-

Poterit de plano similiter & libertum non obsequentem emendare, aut verbis, aut fustium castigatione. Idem Iulianus in L. *levia*. 6. D. de accusat. & inscriptionib. *Levia crimina audire*, & discutere de plano Proconsulem oportet, & vel liberare eos, quibus obijciuntur, vel fustibus castigare, vel flagellis servos verberare. Nec obstat quod Iosephus scribit, *Florum*, lib. 2. de bello Judaico d. cap. 2. sub fin. nobiles istos Judaeos verberasse & 3. sequatur, pro tribunali. Id enim ita intelligendum est, non ut Florus pro tribunali sederet, sed ad tribunal, aut prope tribunal verberari eos iussit, aut quia non tantum verberaverit, sed etiam postea crucifigi iussit. Quod ergo eam mentem Pilati fuisse satis constet, ut cum Christum flagellari iussit, morti addicere noluerit: quidam existimant, Christum bis flagellatum fuisse, primum cum de eo morti tradendo Pilatus non cogitavit, ut hoc capite Joannis: iterum vero cum eum morti addixit, *Matthaei* cap. 27. At verum est, Jesum semel flagellatum fuisse: tum ut festinanti, secundum voluntatem Judaeorum, ad supplicium duceretur, *Chrysostramus homil.* 83. in *Joan.* tum quia flagellatio, quae praecesserat emendationis gratia, mori Romano satisfacere potuit: cum milites vel impulsu Judaeorum, vel lascivia militari, gravius & praeter mentem Pilati Christum verberassent. *Matthaeus*, & *Marcus* ita rem narrant, ut post flagellationem mox sententia Pilati Christus cruci additus fuerit: sed tamen dicendum est, flagellationem praecessisse, ut & antea Christum coronatum spinis, & veste purpurea indutum fuisse: quod secundum illos eodem tempore factum diceretur. Porro Christum ad columnam verberatum fuisse jam persuasum est, licet Evangelistae non docuerint. Alii Christum columnae alligatum fuisse existimant, facie ad columnam versa, ut tergo caederetur, idque *Prudentius* in *Enchiridio* veteris, ac novi Testamenti innuere voluit:

- - - - - *Atque columnae*
Adnexum tergum dedit ut servile flagellis

Sed vestigia crucis, quae sunt in sindone sacra, ut expressa sunt à *Philiberto Pingonio*, testantur, Christum non tantum à tergo, aut non tantum aversum, sed & adversum, verberatum fuisse, quod signum utique conjecturis praevalet. Alii Christum columnae longiori alligatum fuisse existimant: sed ut hinc & inde caederetur, solvi debuit, & iterum alligari, praesertim si crassior columna fuerit, ut quae Ecclesiae porticum postea sustinuerit. Probabilius est, brevioris fuisse columnam, aut certe minus crassam, ut facilius hinc & inde Christus verberari posset: quomodo verberatum fuisse signant sindonis vestigia.

V. 2. Et plectentes coronam de spinis, imposuerunt capiti ejus.

Corona, quam milites capiti Christi imposuerunt, fuit ex spinarum, tuborum, sentiumve genere. *Joannes* hic, *ἐξ ἀκανθῶν*, ex spinis. *Clemens*
Ale-

Alexandrinus *lib. 2. paedag. cap. 8.* *ἡ δὲ βαρὺ, ex rubro.* Plerique existimant, ex rhamno fuisse contextam, idque probabile est: tum quia spina illa, quae vulgò Hierosolymis nascitur, obvia esse potuerit; tum quia milites eam spinam potius eligere voluerint, quae magis pungeret, ut est rhamnus. Plinius *lib. 24. cap. 14.* *Inter genera ruborum rhamnos appellatur à Graecis candidior, & fruticosior: is floret ramis spargens vasis aculeis, non ut ceteri aduncis, foliis majoribus.* Hieronymus *cap. 2.* Aggavi de rhamno: *Spinus frutex, & arbuscula, sentibus urticisq. contexta; quas tenet quidquid attigerit, & retentum vulneres, & vulneratorum sanguine doletetur.* Milites coronam spineam capiti Christi imposuerunt, ut molestiam facerent; & quidem molestum magis spinis, quam urticis coronari, quod pro rei cuiusdam molestiae perpessione retulit Svidas ex Phetrate in verb. *ἡ δὲ βαρὺ, ἀκαλὰς τριανθας, urticis coronari.* Magnum verò mysterium in corona Christi contexta ex spinis latuit: nam spinæ peccata referunt. Svidas, *ἀκαλὰς, ἡ ἀκαρπία. ἀκαλὸς, & ἡ ἡμετέρας μὴ ἀκαρπία, & ἀκαρπία ἐλδορμα, & κατὰ τὴν αἰχμήν.* i. e. *Spina peccatum: David: quoniam infixa est in me spina, tamquam stirps inutilis, & ad pungendum nata.* Eò respicere voluit Hieronymus *lib. 2. Epist. 18.* *Jelus spinis coronatus est, & delicta nostra portavit.* Milites quidem eò animo coronam spineam capiti Christi non imposuerant, ut id signare, vellet; verum, ut in aliis, quae milites fecerunt in Passione Christi, mysterium deprehendit: veluti cum acetum ori obtulerunt, cum vestem Christi dividerunt, & in ista coronae spineae impositione deprehendi potest. Hieronymus in *cap. 27. Matthæi: Quomodo Caiphas prophetavit, nesciens quid diceret, sic & milites quaecumque fecerunt, licet alia mens fuerit, nobis, qui credimus, sacramenta tribuerunt.*

Quidam putant coronam Christi non fuisse in modum circuli, sed in modum pilei, & diadematis; ut & illam papyraceam, quam Judaeos, in derisionem Agrippae, Carabae cuiusdam infani capiti imposuisse *ἀντὶ διαδήματος*, pro diadmate, refert Philo Judaeus in Flaccum: & pro paludamento florem corpori induisse, & pro sceptro fructum arundinis humi sublatus praee manibus dedisse. Ita milites dederunt spineam coronam pro diadmate, chlamydem purpuream pro paludamento, arundinem pro sceptro. Tertullianus de *coron. milit. cap. 9.* ait, *Romanorum militum commentum fuisse ex usu rei secularis, quod ita Reges coronam gestent, purpurâ induantur, sceptrum praee manibus habeant.*

V. 2 Et veste purpureâ circumdederunt eum. Matth. cap. 27. v. 28. circumdederunt ei chlamydem coccineam.

Coccum, ut propriè appellatur, à purpura distinguitur, *L. si cul. 70. §. ult. & L. quaesitum est. 78. §. coccum. §. D. de legat. 3.* Ideo Ambrosius in *cap. 23. Lucæ*, tunicâ purpureâ Christum indutum fuisse existimat, & deinde chlamyde coccineâ circumdatum. Promiscuè tamen coccum, & purpurâ dicitur: *coccum Imperatorii dicitur paludamentis*, Plinius *lib. 2. cap. 2.* Lampridius in *Alexandro Severo: Hoc solum Imperatorium habens,*

quod lacernam coccineam accipiebat, id est, chlamydem. Paulus Diaconus lib. 10. Imperii insigne in chlamyde purpurea tantum erat. Ita coccum, & purpura confunditur propter similitudinem. Augustinus lib. 3. de consensu Evangelistar. cap. 9. Est rubra quaedam purpura, cocco similis. Coccinea Imperatorum vestis, purpurea militum. Vopiscus in Aureliano: Paragaudas vestes ipse primus milicibus dedit, cum ante non nisi rectas purpureas acceperent. Aut nisi purpureae essent vestes, pannus purpureus chlamydi adhibebatur. Dorotheus praeter aliorum in eam rem probationes doct. 1. tom. 1. Biblioth. PP. Graecorum, ἐπεὶ δὲ ὁ βασιλεὺς πορφύραν ἐπέθηκε, οἱ στρατιῶται οἱ τετραδύμοι αὐτῷ βαλλάντιον πορφύρεον οἷς τὰ χλαμύδες αὐτῶν, τὸ πρῶτον τὸ βασιλικοῦ ἵνδυν, ἢ αὐτὸ τὸ τετράδινον, ἐπὶ τῷ βασιλικῷ νήλῳ, ἢ ἐπὶ αὐτῷ τετραδύμῳ. Ex quo quia Imperator purpuram fert, omnes ipsi militantes purpuram pallio imponunt, quod est Imperatorum indumentum: ut ex hoc ostendant, quod sint imperatoris, & ipsi militent. Probabile est igitur, chlamydem illam, qua Christum milites induerunt, fuisse aliquod pallium militare purpureum, uniusque militum detractum fuisse, ut eo Christus indueretur, seu circumdaretur. Versio vulgata recte circumdederunt: nam chlamys pallium militare fuit rotundum, non quadrangulum; ita ut milites non tam operiret, quam circumdaret. Etymologicum magnum, χλαμὺς δὲ τὸ περιστρέφει καὶ περιβάλλει, Chlamys quid rotandum, & circulare. Porro Marcus c. 15. v. 17. scribit, καὶ ἐδύσαντο αὐτὸν πορφύραν: vulgata recte vertit purpuram, id est, chlamydem, seu vestem purpuream. Πορφυρά Graecis est chlamys, seu vestis purpurea. Hesychius, χλαμύς, πορφυρά, ἢ χιτὼν, ut Latinis purpura. L. si chi. 70. 6. versicolombus. 12. D. de legat. 3. Indumentum istud derisorie milites dederunt Christo, ut Judaei Carabae Roream pro paludamento, seu chlamyde Imperatoria, apud Philonem Iudaetum in Flaccum: χλαματίζου θ' ἢ ὡς αὐτὸν περιβάλλουσιν αὐτὸν χλαμύδα. Stoenas corpori induunt pro chlamyde.

V. 3. Ave, Rex Judaeorum.

More Romano Imperatores salutabantur nomine Imperatoris, vel Domini, vel aliò nomine adulatoriò. Ita plattacus Caesarem salutavit. Martial. lib. 14. Epigr. 73. v. 2:

Hoc didici per me dicere, Caesar, ave.

Ita corvi salutare Augustum docti: Ave, Caesar, victor Imperator. Macrobius lib. 2. Saturnial. cap. 4. Alexander Severus suo nomine salutari voluit. Lampridius in Alexandro Severo: Salutabatur nomine, hoc est, Ave Alexander. Igitur ex hoc more milites Romani Christum Regem per derisionem salutarunt, ut & Judaei Carabam regiò habitu ornatum salutarunt magnà voce Marin appellantes, quod significat Syris Dominum, Philo Iudaeus in Flaccum.

V. 3. *Et dabant ei alapas.*

Matthæus cap. 27. v. 30. & percutiebant caput ejus. Marcus cap. 15. v. 19. & percutiebant caput ejus arundine. Græca lectio apud Joannem habet, καὶ ἰδιούτῳ ἰσχυρίσθησαν. Matthæus cap. 26. v. 67. καὶ ἐκράσαν αὐτὸν οἱ τρεῖς ὑπὸνίκων ἰσχυρίσθησαν, virgula, fustis, crepida. Hefychius, ἰσχυρίσθησαν. ὑποδύματα, Calceamenta, soleas. Ibi igitur apud Matthæum cap. 26. quidam intelligunt, Christum fuisse solearum icu percutsum: at hic Marcus expressit cap. 15. caput Christi, arundine percutsum fuisse: quod & ἰσχυρίσθησιν significat, non minùs, quàm palmâ verberatum, depalmatumve fuisse.

V. 10. *Mibi non loqueris?*

Reus ad objecta crimina respondere debuit, eaque diluere secundùm leges Romanas, Actor. 25. v. 10. seq. Cum autem Christus non responderet, voluit Pilatus Christo dicere, quod aliàs Comicus:

*An quisquam iudex est, qui possit nescire
Tua iussa, ubi sunt verbum non respondeas?*

V. 10. *Nescis quia potestatem habeo crucifigere te.*

Vulgata rectè potestatem, quò verbò jus animadvertendi continetur, L. 3. D. de jurisdictione. Legati quidem Caesaris primùm in Provincias nondum pacatas missi fuerunt ab Augusto cum jure gladii, seu potestate animadvertendi, Dio lib. 53. ut provinciales coërcerent. Procuratores autem Caesaris jus gladii non habuerunt, Tacitus lib. 4. Annal. Dio lib. 58. ac ne vix quidem jurisdictionem, nisi inter fiscum, & privatos, L. 1. C. de jurisdictione. omnium iudic. patrimonium Caesaris administrabant, tributa in Provinciis colligebant. Quomodo igitur Procurator Tiberii Caesaris in Judæa habuit imperium merum, seu jus animadvertendi? Præterea Praefides, qui universas Provincias regebant, id est, integras, & non divisas, habebant quidem jus gladii, L. illicitas. 6. §. qui universas. D. de offic. Praefidis. at Praefides, qui minores Provincias regebant, suberant aliis Praefidibus, nec habebant majorem animadversionem, L. ex Divi. 4. C. de locat. & conduct. nec bonorum publicationem, seu jus confiscandi, L. unic. C. ne sine iussu Principis certis iudicibus liceat confiscare. At Pilatus Judæam tantum procurabat. Tacitus lib. 15. Annal. cap. 44. v. 4. Christus, qui Tiberii imperitante per Procuratorem Pontium Pilatum supplicio affectus erat. Quomodo ergo Pilatus, qui erat tantum Procurator Caesaris, habuit potestatem animadvertendi? Tertullianus cum videret Pilatum jus animadvertendi habuisse, putavit, Pilatum Syriam procurasse. Tertullianus

apologes. cap. 21. Ut postremo oblatum Pontio Pilato, Syriam tunc ex parte Romana procuranti, violentiâ suffragiorum in crucem Jesum sibi dedit extorserint. Lactantius lib. 4. divin. institut. cap. 18. Pontio Pilato, qui tunc legatus Syriam regebat, oblatum cruci affigi postulaverunt. Idem Cyprianus. Verum Pilatus non erat Legatus Caesaris in Syria, Judaeam tantum procurabat, & suberat Syriae Praefidi; & ideo cum Samaritanos quosdam tumultuantes occidisset, caedis reus postulatus fuit apud Vitellium Syriae Praefidem, Josephus lib. 18. Antiquit. cap. 5. Procuratores Caesaris, qui Praefidis partibus in provincia fungebantur, habebant majorem animadversionem, & de criminibus cognoscebant, ut de lege Fabia de plagariis. Ulpianus lib. 9. de offic. Procons. in Collat. leg. Moshic. cum leg. Rom. tit. 14. de plagiar. Nec aliter Procuratori Caesaris haec cognitio injungitur, quam Praefidis partibus in Provincia fungatur. Imperator Gordianus in L. 4. C. ad leg. Fab. de Plagiari. Non valet Procuratoris sententia, si vicem Praefidis non teneatur: qui legi Fabiae locum esse pronuntiavit, cum ejus discretio ad Praefidis Provinciae pertineat notioem. At Pilatus non erat Praefes Provinciae, qui suberat tunc Praefidi; nec partibus Praefidis in Judaea fungebatur, cum tunc Sillanus esset Praefes Syriae, Josephus lib. 18. Antiqu. cap. 3. aut Vitellius, Josephus ejusd. lib. 18. cap. 5. Matthaeus: quidem vocat Praefidem cap. 27. v. 2. μαρτυροῦν αὐτῷ Πιλάτῳ πρὸς ἑβραίων. Vulgata versio, Pontio Pilato Praefidi, rectè: quia Praefidis nomen generale est, & pertinet ad omnes Provinciarum rectores, siue sint Proconsules, siue Legati Caesaris, siue quò aliò titulò Provinciam administrant, L. 1. D. de offic. Praefid. Ex hoc loco tamen constat, Pilatum potestatem animadvertendi habuisse, summum supplicium inferendi, atque etiam crucifigendi. Equidem Legati primum ab Augusto missi fuerunt cum exercitu, & cum imperio mero, seu jure gladii, in Provincias nondum pacatas, ut eas Provincias pacarent, Dio lib. 53. Sic igitur Pilato, licet tantum Procuratorem in Judaea ageret, imperium merum, seu potestatem animadvertendi cum exercitu, & copis militaribus à Tiberio Caesare datam existimo, ut Judaeos assidue tumultuantes, vel tributa Caesari dare detrectantes compelleret. Ideo etiam Pilatus signa Romana, & Caesaris effigiem, praeter consuetudinem ad contumeliam legis Judaicae, Hierosolymam intulerat, ut ita Judaeos ad Caesaris venerationem adigeret, Josephus d. lib. 18. Antiquit. cap. 4.

V. 10. Et potestatem habeo absolvere te.

Paulus in L. 3. D. de re judicat. Qui damnare potest, is absolvendi quoque potestatem habet. Ulpianus in L. nemo. 37. D. de regul. jur. Nemo qui condemnare potest, absolvere non potest. Contra: is non habet jus liberandi reos, apud quem accusari non possunt. L. solent. 6. D. de offic. Procons. & Legat.

tribunali : ut de restitutionibus in integrum , de liberalibus judiciis , de causis alimentorum , & ubicumque causae cognitio vertebatur , ut in danda bonorum possessione Decretali . *L. 2. §. dies. D. quis ord. in possess. servet.* multò magis cum de criminibus cognoscerent , ubi maior causae cognitio requiritur . Aliàs de plano , non pro tribunali custodiae ex levioribus delictis audiebantur , *L. unius. 18. §. ult. D. de. quæstionib. L. lruia. 6. D. de accusantibus.*

V. 13. In loco , qui dicitur Lithostrotos , Hebraicè autem Gabbatha.

Lithostrota coeptavere jam sub Sylla . Plinius *lib. 26. natur. hist. cap. 25.* Erat igitur pavimentum , vel cameratio illius loci , seu ex opere munitivario facta , puta crustis , aut tessellis ; vel solum tribunalis ita factum erat , quod suadet Hebraea vox *Gabbatha* : id est , excelsus locus , quasi tribunal Lithostrotum Graecè dictum fuerit , eo quòd tessellatum : *Gabbatha* Hebraicè , eo quòd excelsum ; & ut Hebraica vox ad tribunal tantum pertinet , non ad totum locum , ita & vox Graeca ad tribunal tantum referenda videatur . Melius autem verteretur *ὁ δὲ δὴν λεγόμενον Λιθόστρωτον* , in locum , qui dicitur *Lithostrotos* , quam , ut vulgata habet *Lithostrota* . Plinius enim supra *Lithostrota* .

• *V. 15. Illi autem clamabant ; Tolle , Tolle .*

Vulgus noxios clamoribus ad poenam poscebat : ut ad ignem , *Apulejus lib. 2. Miletar. ad Lepnem* , *Tertullianus Apologetic. cap. 10.* *Cyprianus epist. 3.* idque Iudaeos facitasse constat , *Actor. cap. 21. v. 36. Sequebatur multitudo populi clamans , tolle eum .* atque etiam ex *Iosepho lib. 3. de bello Judaico cap. 14.* ubi multitudo incondita *Iosephum* quemdam ad supplicium poscit . Quod *Vespasianus* habuit insuper , & posteriorum *Impp.* constitutiones prohibuerunt , ne in poenis decernendis vanae voces populi audirentur , *L. Decurionum. 12. C. de poenis.* Cumque à populo exclamatum est , iterum dixerunt : (*Impp. Dioclet. & Maximian.*) vanae voces populi non sunt audiendae ; nec enim vocibus eorum credi oportet , quando aut noxius crimine absolvi , aut innocentem condemnari desiderat .

V. 15. Crucifige eum .

Judaei Christum accusaverant ut seditiosum , ut turbas concitantem , ut prohibentem dare tributa Caesari , regnum attectantem : ideo ad crucem poscunt , quia Crux poena seditiosorum . *Paulus lib. 5. sent. tit. 22. de seditios.* Auctores seditionum , & tumultus populo concitatis , pro qualitate conditionis , aut in crucem tolluntur , aut bestiis obijciuntur , aut in insulam

Julian deportantur. Ita Quintilius Varus Syriae Praefes Judaeos seditiosos cruci affixit. Josephus *lib. 2. de Bell. Judaico*. Et Florus quoque Syriae Praefes. Josephus *cod. lib. 2. de bello Judaico. cap. 14*. Adeo verò id persutum erat, Christum tumultus & seditiones concitasse, ut longò post tempore, Judaeos, impulsore Christo assidue Romae tumultuantes fuisse, scripserit Suetonius in *Claudio cap. 25. Judaeos impulsore Christo assidue saepe tumultuantes Romae expulit*.

V. 16. Tunc ergo tradidit illum; ut crucifigeretur:

Quidam existimant, Pilatum, cum tam cito de Christo supplicium sumptum, commississe in Senatusconsultum illud temporibus Tiberii factum, quo poena damnatorum in decimum semper diem differri debuit, Suetonius in *Tiberio cap. 75. Seneca, de tranquillit. vitae cap. 14. vel in trigessimum diem, ut Sidonius Apoll. retulit lib. 1. Epist. 7. Sed non advertunt, Senatusconsulto tantum locum fuisse, cum quis aut à Senatu, aut à Principe damnatus esset, ordine judiciorum servato: at non pertinebat Senatus, ad seditiosos, & famulos latrones, quos mandata Principum statim & extra ordinem puniri voluerunt. Ulpianus in *L. si quis. 6. §. quid tamen. 9. D. de injust. rupt. irrit. fact. testament. Nisi forte latro manifestus, vel seditio praerupta, factioque cruenta, vel alia iusta causa: tunc enim punire permittitur, deinde scribere. Modestinus in *L. Constitutiones. 16. D. de appellacionib. Constitutiones, quae de recipiendis, vocum appellacionibus loquuntur, ut nihil novi fiat, locum non habent in eorum persona, quos damnatos statim puniri publice interest: ut sunt insignes latrones, vel seditionum concitatores, vel duces factionum. Mandata primum dederat Augustus Legatis suis, quae & alii Principes semper dare solebant Praefidibus ad Provinciarum administrationem proficiscentibus. Lucianus pro eo, quod inter salutandum &c. *ἐπεὶ τὸν ἑαυτοῦ, & τοῦ τοῦ αὐτοῦ βασιλεὺς λαμβάνει*, in mandatorum libro, quod semper ab Imperatore accipitur. His mandatis continebatur, quomodo fontes punirent, & pro dignitate, vel condicione personarum, vel pro qualitate delicti, multae dictione, *L. aliud est. 131. §. 1. D. de verb. signific. vel capitali poenà, vel vinculis, L. Divi. 27. §. 1. & 2. & L. mandatis. 35. D. de poen. vel gladio, Tertullianus ad Scapulam cap. 4. Sed gladii tenuis, sicut à primordio mandatum est, animadverti in huiusmodi. Iisdem mandatis cavebatur, ut curarent Praefides malis hominibus Provincias purgare, *L. 3. D. de offic. Praefidis*. Persecutiones Praesidum *ἐπὶ τοῖς* vocat Eusebius, quòd secundum mandata Principum Christianos persequerentur. Caput etiam mandatorum videtur fuisse, ut seditio et factionum auctores statim punire possent: quod colligitur ex verbis d. *L. 6. §. 9. D. de injust. rupt. irrit. fact. testament. Tunc enim punire permittitur, deinde scribere: puta, mandatis permittitur. Pilatus igitur secundum mandata huiusmodi Christum seditionis, factionis, affectati Regni accusatum, Judaeis instantibus, puniit; & secundum eadem mandata scripsit Tiberio. Tertullianus in *apologes. cap. 21.******

Part. I.

V v

Ea

Ea omnia super Christo Pilatus, & ipse pro sua conscientia Christianus, Caesari tunc Tiberio nuntiavit. Eusebius lib. 2. hist. Eccl. cap. 2. ex Tertull. sed tantum quinque annis à Passione Christi. Flavius Dexter in Chronic. ad annum Christi 34. Pilatus Christi mortem, & miracula scribere statuit Tiberio. Igitur Pilatus in eo leges Romanas praetergressus non est, quod de Christo statim supplicium sumpserit: sed quod accusatoribus crimina obiecta Christo non probantibus, ad petitionem Judaeorum, Christum innocentem (ut ipse semper testatus est) morti addiderit. Leo Magnus serm. 8. de Passio. Dom. Nec ipse consistit reatus, qui cooperatus seditiosis, reliquit iudicium proprium, & in crimen transiit alienam.

V. 17. *Bajulus crucem suam.*

Damnati ad crucem ipsi crucem suam ferebant. Plutarchus in lib. de sera numinis vindicta, Artemidorus lib. 2. *oroscopia*. cap. 71. quod iam à plerisque observatum est: at id ex more Romano fuisse, probat Plautus Carbonaria apud Non. Marcellum de *indiscret. generib.* *Paubulum ferat per urbem, deinde affigatur cruci.* Milites igitur ex more Romano crucem ferendam Christo imposuerunt: & ut in aliis supra ostendimus, ita ut in eo prophetiae impletae fuerint. Tertullianus lib. 3. *adversus Marcionem.* *Solus novus rex novorum aevorum Christus Jesus, novae gloriae & potestatem, & sublimitatem suam humeris extulit; crucem scilicet: ut secundam superiorem prophetiam exinde Dominus regnaret à ligno.* Leo Magnus ad aliam prophetiam respiciens, *serm. 8. de Passio. Dom. Traditus Dominus saevientium voluntati, ad irrisoriam regiae dignitatis supplicii sui iussus est esse gestator; ut impleretur, quod Isaias Propeta praedixerat, dicens: Ecce natus est puer, cuius imperium super humerum ejus.* Quod verò existimant nonnulli, ex verbis Lucae cap. 23. v. 26. Simonem crucem portasse post Jesum, ita ut Christus anteriorem partem crucis gestans praeretur, Simon autem postremam gestans sequeretur: Probabilis est secundum morem Romanum totam crucem ferendam Christo soli impositam fuisse: At cum timerent milites, Christum jam multis cruciatum modis in via deficere, crucem à Christo in Simonem transulisse: ut Hieronymus in cap. 27. Matthaei vers. 32. Augustinus lib. 3. de consens. Evangelist. cap. 10.

V. 18. *Et cum eo alios duos, hinc & hinc, medium autem Jesum.*

Crux supplicium scitiorum, latronum, servorum, & infimae conditionis hominum. Paulus lib. 5. *sent. tit. 22. de seditiosis.* Firmicus lib. 6. cap. 31. *Homicidam, latronem efficiet, istis sic moribus comprehensus, paubulo, suffixus in crucem, & crudeliter erigitur.* Lactantius lib. *divinar. institut.* cap. 26. *Eo genere afficiendus fuit, quo humiles, & infimi solent.* Verum.

Verum autem videtur, Christum, & latrones duos magis cruci erectae, quàm jacenti affixos fuisse; & ut Christum, ita latrones quoque duos clavis cruci affixos fuisse: non funibus, sive reſibus.

V. 19. *Scriptis & titulum Pilatus.*

Pilatus ante scripserat sententiam more Romano. Neque enim putandum est, Pilatum sententiam voce pronunciaſſe absque ſcriptura, ſed eam ſcriptam ex tabella recitaſſe ex periculo, ſeu indiculo, ut moris Romani fuit. Seneca *de morte Claudii*: *Ita ex tabella recitavit*. Suetonius in *Claudio*. Tertullianus *apologetic. cap. 2. Quod de tabella recitatis illum Chriſtianum*. In *actis Paſſionis B. Cypriani*: *Decretum ex tabella recitatur*, *Thaſcium Cyprianum gladiò animadverſi placet*. Cum igitur antea Pilatus ſcripſiſſet ſententiam, innuit eundem Pilatum ſcripſiſſe & titulum. Quasi poſt ſententiam & titulum ſcripſerit: idque etiam more Romano, quo crucifixus per forum traducebatur cum literis mortis cauſam indicantibus. Dio *lib. 53. πρὸς γράμματος τῆς αἰτίας τῶν θανάτων αὐτοῦ δακτύλου. αἰτίας* Dio, ut Matthaeus *cap. 27. v. 37. τῶν αἰτίων αὐτοῦ γράμματα*, *cauſam ipſius ſcriptam*. Marcus *cap. 15. v. 26. ἐν γράμματι τῶν αἰτίων*, ut titulus cauſae, *Quintil. declamat. 202. productus ſub titulo cauſae*. Titulus, & cauſa Latinis promiſcuè. Ita interpretatur literas iſtas ſingulares Paulus Diaconus C. P. id eſt, *cauſam poſuit*. Videtur autem ſecundùm versionem Latinam Joannis, quod Chriſtò jam crucifixò Pilatus titulum ſcripſerit: ſed tamen ſecundùm versionem Graecam *ſcripſerat & titulum Pilatus*. Probabile eſt, ſtatim poſt ſententiam eum ſcripſiſſe & titulum, atque etiam cruci appoſitum, & à Chriſtò ſimul cum cruce latum fuiſſe; ſed dum ferretur in via, plurimis concurrentibus, titulum à Judaeis non ita facilè deprehendi, legive potuiſſe; ut tunc Pilatum de eo mutando interpellarent, veluti cùm cruci ſuperpoſitus fuit. Putarem nihilominùs, titulum non ipſi cruci, ſed tabellà à cruce ſeparatà inſcriptum, & poſtea cruci adjunctum fuiſſe. Sicque Helepam titulum à cruce ſeparatum reperiſſe ſcribit Rufinus *lib. 1. hiſt. Eccleſiaſt. cap. 27*. Latronum autem cruce titulum non habuiſſe refert Chryſoſtomus *homil. 84. in Joannem*, & Theophylactus in *cap. 19. Joannis*.

V. 19. 20. *Erat autem ſcriptum: Jeſus Nazarenus, Rex Judaeorum.*

Alii ſcriptores Evangelici fuiſſe ſcriptum Hebraicè, Graecè, & Latine: qui titulum Chriſti Romae viderunt, eum ordinem linguarum in titulo Chriſti fuiſſe referunt, ut ſuperior poſita fuerit Hebraica, media fuerit Graeca, & tertia Latina, eumque ordinem Prudentius agnovit in *apoſtoli v. 383. ſeq.*

Frons crucis: titulus sit triplex, triplice lingua.

Agnoscat Judaea legens, & Graecia noris,

Et venerata Deum percreseat aurea Roma.

Et quidem cum plerique ex Graecis Latinisque Hierosolymam convenirent, tribus istis linguis titulum scribi oportuit, ut ab omnibus legi posset. Capitolinus in *Gordiano juniore* refert, milites titulum Gordiani inscripsisse *Graecis, & Latinis, Persicis, & Judaicis, & Aegyptiacis litteris, ut ab omnibus legeretur*. Illi etiam, qui viderunt titulum, referunt, tres linguis in titulo Christi positas fuisse, ut à dextra in sinistram legeretur: fortè, quòd cum Hebraea primò locò scripta fuisset, ita & duae aliae linguae postea scriptae fuerunt. Quamvis autem titulus tribus linguis scriptus fuerit, sententia Latinis litteris tantùm scripta fuerat: neque enim patiebatur dignitas Romani Imperii, ut alià linguà Praefides in sententiis uterentur. *Claudius splendidum virum, Graecinaeque Provinciae Principem, verùm Latini sermonis ignarum, non modò albò iudicum erasit, sed etià in peregrinitatem redegit*, Suetonius in *Claudio cap. 16. Dio lib. 66.* Iudex enim esse non poterat, qui Latini sermonis ignarus erat. Sententiae, & decreta, id est, quaecumque fiunt adhibitâ causae cognitione, *Latini à Praetoribus interponi debent, L. decreta. 48. D. de re judic.* Praeco causam poenae superdicens aliâ linguâ uti potuit, ut in rescripto illo Imperatorum Severi & Antonini, quo eum, qui temerè juraverat, fustibus castigari, atque à praecone superdici voluerint, *oportuit pà ipse, Temerè ne juraveris, L. si duo. 13. §. ult. D. de iurejurand.* Ita quidem praecone Graecè loqui oportuit, ut in Graecia audiretur: & titulus Christi tribus linguis scribi, ut à pluribus advenis legeretur. Tandem posterioribus temporibus, translato in Graeciam Imperò, Arcadius & Honorius, iudices tam Latinâ, quam Graeca linguâ sententias proferre permisierunt, *L. iudices. 12. C. de sent. & interloc. omn. jud.*

V. 22. Quod scripsi, scripsi.

Secundùm leges Romanas, sententia semel dicta à magistratu, seu iudice, seu quolibet alio jurisdictioni praeunte, mutari non poterat, Suetonius in *Julio cap. 14.* Marcus Seneca *lib. 2. controvers. 3. & lib. 7. controvers. 8.* Tertullianus *de Pudicitia cap. 14.* ut ne litera quidem mutari posset. Apulejus *lib. 1. Floridor.* Proconsulis autem tabella sententia est, quae semel lecta, neque augeri literâ, neque minui potest, sed utcumque recitata, ita provinciae instrumentò refertur. Pilatus igitur sententiam mutare non poterat, ut nec poenam ampliâre, vel minuire, *L. acta. 45. §. 1. D. de re judic.* sed titulum mutare poterat Judaeis postulantiibus; nam licet sententia mutari non posset, tamen ea, quae ad consequentiam statutorum pertinebant, eodem die suppleri poterant, *L. Paulus. 42. D. cod. tit. de re judicat.* Verùm Pilatus erat homo perversus & iracundus, qualem de-

scribit

scribit Philo Judaeus *de legation. ad Cajum*, in 38. *τὸν οὖν ἀνδρῶν, ὃν μὲν ἀνδρῶν ἐμύλευτο*, erat enim natura inflexibilis, & per arrogantiam durus. & postea: *Βασιμῶν ἀνδρῶν*, iracundus homo. Ita non facile adduci potuit Pilatus, ut titulum, quem scripserat, mutaret.

V. 23. *Milites cum crucifixissent.*

Milites, qui Praefidi apparebant, & custodiam agebant; puta, speculatores, satellites, stipatores: nam Matthaeus *cap. 27. v. 35.* refert, post sententiam à Pilato latam, ut Christus crucifigeretur, milites Praelidis Christum suscepisse, & universam cohortem congregasse. Unde istos, qui erant in satellitio Praefidis, ipsique apparebant, Christum crucifixisse existimarem. Milites in castris, & in urbe jussu Imperatoris, & in Provinciis jussu Praefidis, damnatos supplicio afficiebant. Chaereas apud Josephum *lib. 19. Antiquitat. cap. 1.* *δυναμὶς πολλὰ δυνάμει, καὶ δυνάμει ναδιστάτης ἀπὸ στρατῶν*. Ministrum satellites, & carnifices constituti pro militibus: Tertullianus *de coron. milit. cap. 10.* *Et vincula, & crucem, & supplicia administrabitis, nec suarum ulior injuriarum*. Atque etiam Tribunus ipse, & Centuriones de damnatis fumebant supplicia, ut à plerisque jam fuit observatum, & stationarii milites Christianos torquebant, supplicium inferebant, ut in quibusdam actis Martyrum.

V. 23. *Acceperunt vestimenta ejus.*

Mores Romanò speculatores, qui de damnatis supplicium fumebant, vestes eorum capiebant, & pannicularia eorum, nec primum id permisit Adrianus, sed rescriptò suo expressit, quid panniculariae appellatione contineretur, *L. Divus. 6. D. de bonis damnat.* Ulpianus post rescriptum Adriani subjicit: *Pannicularia sunt ea, quae in custodiam receptus secum attulit; spolia, quibus indutus est, cum quis ad supplicium ducitur, ut & ipsa appellatio ostendit*. Pannicularia habebant speculatores: ac commentarienses alias res damnatorum retinebant, quarum & rationes faciebant. Legitur in Pandectis Florentinis: *Neque speculatores ultro sibi vindicent. Mendum esse unius literulae, & legendum ultra, optimà ratione alibi observavimus lib. 3. obser. cap. 1.* Scilicet, ut speculatores nihil ultra sibi vindicent, praeter pannicularia, & optiones, seu commentarienses alias res retineant.

V. 23. *Et fecerunt quatuor partes, unicuique militi partem.*

Igitur quatuor soldem milites Christum crucifixerunt, cum, divisà veste Christi in quatuor partes, quisque suam haberet. Inde quidam pallium Christi quadrangulum fuisse existimant, & ex quatuor angulis si-

bi

bi fecisse milites quatuor partes. Alii verò non ideo in quatuor partes divisum fuisse, quod esset quadrangulum, sed quod essent quatuor milites, ut cuique pars sua tribueretur.

V. 23. Erat autem tunica inconsutilis.

Christus gestabat tantum vestem, pallium, seu vestem exteriorem, & tunicam, seu vestem interiorem de lana: milites quidem pallium dividere poterant, ut vestem ampliore & latiore; non tunicam substrictiorem & brevior, aut quia erat *assopus*, inconsutilis, live inconsuta, ad differentiam tunicarum consutarum ex diversis pannis, aut commissarum fibulis. Isidorus Pelosiota *epist.* 74. putat, fuisse ex genere quorundam textrinae Galilaeorum. Milites igitur tunicam Christi non dividerunt, sed super eam miserunt sortem; quod commodè dividi non posset, aut propter breviterem, aut propter genus ipsius textrinae.

V. 23. Desuper contexta per totum.

Tunica Christi non erat consuta opere futorio, sed contexta opere textorio; quod tamen qua arte fieri poterit, satis obscurum est, praesertim si manicas haberet, qui enim fieri potuit, ut futor unam tunicam manuleatam texeret? Patres Graeci, Chrysostomus, Theophylactus, Isidorus tentant exponere, & post illos Philologici nuperi; sed ab his non tantum lucis, ut locus illustretur.

V. 24. Sortiamur de illa, cujus erit.

More Romano sortibus in plerisque utebantur. Sortitio dabatur Provinciae, *L. unic. D. de offic. quest.* Legationes, Tacitus *lib. 4. hist. 8. v. 1. Secundum vetera exempla, quae sortem legationibus posuissent*. Sortiti iudices ex decuriis legabantur; puta scriptis nominibus iudicum, & in urnam sortitio missis, ut Asconius in *Divinationem*. Sed & legibus Romanis pluribus de ea re contententibus sorte res discernebatur, *L. sed cum ambo. 14. D. de Judic. L. generaliter. 24. §. quid ergo. 17. D. de fidei commiss. libertatib.* Milites igitur eo more super vestem Christi miserunt sortem. Non quidem super vestem exterior, quod Marci verba *cap. 15. v. 20. 24.* suadere videntur; sed interior, scilicet tunicam, quae commodè dividi non poterat, ut hic Joannes expressit, & Lucas *cap. 23. v. 34.* Uterque attigit divisionem pallii, & sortitionem tunicae. Quomodo verò milites sortem jecerunt? an nominibus quatuor militum in urnam iactis, ut illius tunica esset, cujus nomen prius exisset? Talem sortitionem inter milites, sed longè post tempore factam, reperio. Cum equum in praelio captum non possent inter se dividere, apud Vopiscum

in

in. Probo: In unam militares jussit nomen suum mittere, ut aliquis eum forte ductus acciperet, puta is cujus nomen prius urna emerisset, ut postea subijcit Vopiscus. Ita igitur milites tunicam Christi sortiti sunt, nominibus, seu forticulis in urnam, seu sitellam jactis: aut si milites urnam non habuerunt paratam eo loco, ubi Christum crucifixerunt, in galeam, seu calidem, more militari sortes jecerunt. Virgilius lib. 5. Aeneid. vers. 490.

- - - - - dejeciamque aerea sortens
Accepit galea, - - - - -

Statius lib. 6. Thebaid. v. 389.

- - - Sortitus Protheus versarat ahena
Casside - - - - -

Id quidem magis admittendum, quam milites sortem jecisse tesseri aleatoris; aliud enim fors, aliud alea.

V. 29. Vas ergo erat positum acetò plenum.

Ad quid vas hic positum erat, acetum, & hyssopus, & spongia, & calamus? Plerique existimant id ex more factum esse, quasi mos fuerit ita cruciatis parari acetum, & spongiam, ad vulnera restringenda: alii ad mortem accelerandam parari: alii autem ad potionem parari. At vix est, ut milites Romani, qui Christum crucifixerunt, morem istum Judaeorum observare voluerint, eoque animò acetum in vase, & spongiam, & hyssopum, & arundinem secum tulerint. Equidem vas acetò plenum ad restringenda vulnera positum non fuisse, argumentum est; quia diu jam Christus, & latrones crucifixi fuerant, multumque sanguinis è vulneribus crucifixorum fluere poterat; & vas ipsis restringendis exhaustum esse, quod tamen erat plenum. Vas istud igitur positum fuerat ad bibendum, idque milites secum attulerant; non ut ex eo potum Christo darent, sed potiùs ut sibi ex eo potum fumerent. Si quidem acetum tenuioribus in potu fuit, L. 25. D. de option. vel elect. legat. L. penult. & L. si quis. 9. §. si acetum. D. de critic. vin. vel ol. legat. Persius sat. 4. v. 32.

Pannofam faciem morientis sorbes acetì.

Acetum quoque potus milicùm fuit. Impp. in L. 1. C. de orogat. milit. annon. Spartianus in Pescennio Nigro: Jussit, virum in expeditione neminem bibere, sed acetò universos esse contentos. Erat potus ille acetì in Palaestina tenuioribus quoque non insolitus, Ruth. cap. 2. v. 14. Comedo panem, & intinge buccellam tuam in aceto. Existimarem igitur, milites vas istud plenum acetò, sui causâ, positum habuisse; ut ex eo biberent: nam quia debebant crucifigere, & post crucifixionem manere, donec crucifixi morerentur; incerti an diu mansuri, potum secum attulerant. Ut & miles ille, qui latrones cruciarios servabat, coenulam suam secum tulerat, Potiorem, cibum, apud Petronium in Satyric.

V. 29. Ili

V, 29. Illi verò implentes spongiam aceto, & hyssopò circumponentes, obtulerunt ori ejus.

Scriptores Evangelici locum istum variè retulerunt: ideo quidam existimant acetum hyssopo fuisse circumpositum, id est permixtum, & spongiam hujusmodi aceto imbutam arundini adfixam fuisse, datamque Christo ad bibendum. Alii ex verbis Joannis colligunt, hyssopum fuisse aptatum spongiae, ut hoc modò potus Christo porrigeretur. Quasi genus illud hyssopi in Judaea fuerit quaedam arbuscula, calamo & arundini similis. Idque suadent verba Joannis *ὁ υἱὸς τοῦ ἀνθρώπου, ὁ ὕσσωπος* circumponentes. Matthaeus verò cap. 27. v. 34. ait milites implevisse spongiam aceto, eamque non hyssopo, sed arundini circumposuisse, ut ita Christo porrigeretur: alii, milites hyssopum arundini circumligasse, & hyssopo spongiam quoque circumposuisse, & simul hyssopum, & spongiam aceto imbutam, ut utrumque ori Christi ingratum admovebant, atque ei ita illuderent; quod verius est. Sed adhuc quaeri potest, qua mente milites ea secum haberent, spongiam, calamum, seu arundinem, hyssopum? Fortuitò illa omnia occurrisse exitimo, & spongiam fortè arundini non fuisse aptatam, sed arundinem simul cum spongia inventam. Caesarius tom. 1. Biblioth. PP. Graecorum interrogatione 85. *ἡ δὲ κάλαμος καὶ σπὴνη, τὰς μὲν κάρυς ἐκ σπῆνης, τὴ δὲ ὕσσωπος ἐκ χαλιδίας. Arundo fructum fert. Comas quidem ad spongiam, & reliquum ad pennas.* Sed si talis arundo fuit, quae in coma haberet spongiam, non debuit aptari, circumponive arundini spongia, cui ipsa adhaerebat.

V. 31. Ergo Judaei, ut non remanerent in cruce corpora Sabbatò.

More Romanò cruciarii à militibus custodiebantur, etiam post mortem, ne quis corpora detraheret. Petronius in *Satyrico*: *Miles, qui cruce afferrebat, ne quis ad sepulturam corpora detraheret.* Cruciaris caput fuit sepulcrum. Plautus in *Milit. glorios.* *Scio cruce[m] futuram mihi sepulcrum.* In cruce pascebant corvos, & in sepulturam suam defluebant, ut Lucius Seneca. More Judaeorum, post lapidationem patibulo expositi, sub ocafum Solis tollebantur, & sepulturae tradebantur. *Deuteronomii cap. 21. v. 23.* Josephus *lib. 4. de bell. Judaic. cap. ult.* Tertullianus adversùs Judaeos *cap. 10.* Christus & Latrones more Romanò crucifixi, in cruce remanere debebant: sed Judaei propter magnum diem Sabbati, rogaverunt Pilatum, ut corpora eorum in cruce non remanerent, sed tollerentur. Philo Judaeus in *Flaccum* refert, & quosdam cruci affixos à Romanis, instante aliquo solenni die, veluti natali Imperatoris, de cruce depositos, & ad sepulturam cognatis redditos fuisse.

V. 31. Ut

V. 31. *Ut frangerentur eorum crura.*

Crurifragium id ex more Romanorum, non Hebraeorum: nam cum quidam vivaciores in cruce manerent, crurifragio mortem accelerabant. Lactantius lib. 4. *instit. cap. 26.* Sufficiens itaque Christus cum spiritum de- posuisset, necessarium carnifices non putaverunt ossa ejus suffringere, sicut eorum mos ferebat. Quae verba referri debent non ad morem Hebraeo- rum, sed ad morem Romanorum, qui Christum crucifixerant. Augustinus in *Psal. 33.* Crura latronibus in cruce fregit, ut per ipsum dolorem com- pendio mortis ab ipso cunctatu liberarentur, quomodo solebat crucifixis fieri. Isidorus lib. 5. *orig. cap. ult.* Patibuli minor poena, quam crucis; nam pati- bulum appensus statim exanimat, crux autem sufficiens diu cruciat. Unde & in Evangelio latronibus, ut morerentur, & de ligno ante sabbatum de- ponerentur, crura confracta sunt: quia de ligno suspensi cito mori non pote- rant.

V. 34. *Sed unus Militum lanceâ latus ejus aperuit.*

Milites spiculatores erant cum lanceis. Suetonius in *Claudio cap. 35.* v. 2. Neque convivia inire ausus est, nisi ut spiculatores cum lanceis cir- cumstarent. Et ita Vespasianus habuit *λογιστας* apud Joseph. lib. 3. *de bello Judaico cap. 8.* Lanceam ferentes, seu lancearios. Cum igitur satelli- tes isti de damnatis supplicium sumebant, lanceas gestabant, & crucifixo- rum latus lanceâ fodiebant, ut citius morerentur; vel ut deprehenderent, an crucifixi essent mortui. Eumque morem Romanum fuisse, refert Ori- genes tractat. 35. in *Matthaeum*. Porro non improbabiler dicitur, mili- tem istum, qui lanceâ latus Christi aperuit, fuisse Centurionem. Nam cum Centurio ex more, recitare deberet Pilato, factum esse quod imperasset, (Tacitus lib. 1. *annal. 6.* v. 5. *Nuncianti Centurioni, ut mos mili- tiae, factum esse, quod imperasset*) renunciare debuit mortem, cui Christus addictus fuerat, secutam esse. Antequam id renunciaret, certo scire de- buit, Christum esse mortuum. Quod ut exploraret, lanceâ latus aperuit, sive eam gestaret, sive ab alio gestatam acciperet.

V. 38. *Rogavit Pilatum Joseph ab Arimathea.*

Lege Majestatis damnati, publicatis bonis, sepulturâ prohibebantur. Ta- citus lib. 6. *Annalium 29.* v. 2. & L. 1. *D. de cadaverib. punitor.* Pilatus Chri- stum, ut regnum affectantem, ut turbas concitantem, ut seditiosum, supplicio crucis affecerat. Non frustra ergo dictum, quod Josephus in illa stuporatione & metu Pilatum audacter adiverit. *τολμας*, ut Marcus cap. 15. v. 43. *audens, fidens*. Hieronymus ad cap. 27. *Matthaei*, ideo ait, Jose-
Par. I. X^ϕ phum

phum venisse audacter ad Pilatum, quia dives erat: *Nec pauperis & ignoti erat ad Pilatum Praesidem Romanae potestatis accedere, & crucifixi corpus impetrare.* Eandemque rationem assertit Augustinus lib. 3. de consensu Evangelistar. cap. 22. An quia Iosephus erat Decurio, seu Senator, ut Marcus cap. 15. v. 43. eoque nomine gratiam apud Pilatum mereri potuit? An quia Iosephus Senator Legum Romanarum non inficius erat, quibus corpora animadvertorum ad sepulturam cognatis non negabantur jam à temporibus Augusti, ut ipse Augustus lib. 10. de vita sua scribit. *Hodie autem eorum, in quos animadvertitur, corpora, non aliter sepeliuntur, quam si fuerit petita, & permiffum: & nonnunquam non permittitur, maxime maiestatis causâ damnatorum.* Eâ igitur ratione audacter Iosephus Pilatum adivit; quod, cum Christus maiestatis damnatus esset, non timuerit, corpus Christi à Pilato petens; vel quod speraret, se posse impetrare.

V. 38. Et permisit Pilatus.

Supra Ulpianus in d. L. 1. D. de Cadaveribus punitor. *Eorum, in quos animadvertitur, corpora, non aliter sepeliuntur, quam si fuerit petita, & permiffum.* Permisit Pilatus, ut homini diviti, ut Decurioni. Primum cognatis tantum concessa punitorum cadauera. Ulpianus sup. Philo Judaeus in Flaccum, *nisi evulsionem dñi nō tunc a Iudeis indiderat.* Quosdam cognatis ad honorem sepulturae redditos. Tandem verò corpora animadvertorum quibuslibet petentibus ad sepulturam data sunt, L. 3. D. eod. tit. de Cadaverib. punitor. Marcus Fab. Quintil. declamat. 6. *Cruces succiduntur, percussos sepeliri carnifex non vetat.* Et postea: *Neminem non mortaliura fovere hominis sepulturae convenit; quia haec una res est, cujus exemplum ad omnes pertineat: ideoque non nisi ab ultimo parricidio exigitur poena trahi hominem.* Etiam si qua sunt iura, quae obstant, si tamen angustus saltem detur accessus, per quem intrare humanitas possit, vera clementia occasione (al. occasione) contenta est.

V. 40. Et ligaverunt illud linteis.

Mathaeus & Marcus involutum fuisse sindone mundâ. Augustinus lib. 3. de consensu Evangelistar. cap. 23. *Licet Ioseph involverit in sindone: propterea non prohibetur intelligere, quod & alia linteae postea addita fuerunt à Nicodemo; videlicet sudarium, quod capiti adhibebatur, & insitae, quibus totum corpus alligatus est; unde etiam sindon fuit, verissimè dici potuit: Ligaverunt eum linteis: Lintea quippe generaliter, quia lino texuntur.* Cum igitur corpus Christi sindone, aliisque linteis involutum fuisset, inde contingit, ut plura Christi sudaria in diversis locis repeniantur. Suda-

darium capiti Christi adhibitum Cadurei Aquitanorum religiosissime as-
servatur, in quo & cruoris vestigia hodie constant; sed non satis appa-
ret, quo genere textrinae confectum sit.

V. 40. *Sicut mos est Judaeis sepelire:*

Cum aromatum conditura: vel condere terrâ secundum morem Ju-
daeorum, non cremari secundum morem Romanorum, quo igni dare
mortuos honor habebatur, Macrobius lib. 7. Saturn. cap. 7. Tacitus lib. 5. hi-
stor. 5. v. 7. de Judaeis. Corpora condere, quàm cremare, è more Aegyptio. Id-
que vult Tacitus, Judaeos magis terrâ condidisse, quàm cremasse secun-
dum morem Romanorum. Plinius lib. 7. nat. hist. cap. 54. Ipsum cremare
apud Romanos non fuit veteris instituti: terrâ condebantur. Minutius Fe-
lix in Octavio, de Christianis: Veterem & meliorem humani consuetudi-
nem retineamus.





N O T A E A D M A T T H A E I

C A P. XXVI. V. 15.

At illi constituerunt ei triginta argenteos.



ON numerarunt diffidentes, sed constituerunt ad praeium indicinae traditionis; ut acciperet, cum Christum eo loco, ubi suetus erat convenire,prehendendum indicasset. *Constituerunt*, id est, promiserunt; ut Jurisconsulti constituta pecunia, id est, promissa.

V. 49. *Et osculatus est eum.*

Mos ille osculandi apud Judaeos Lucae cap. 7. v. 45. Romanis, & aliis gentibus usitatus, ut advenientes, & obvios osculo exciperent.

V. 53. *Et exhibebis mihi plusquam duodecim legiones.*

Respicit ad numerum duodecim Apostolorum, ut singulis Apostolis quaeque legio respondeat.

V. 65. *Tunc Princeps Sacerdotum scidit vestimenta sua.*

Mos Judaeis, ut si quid audirent contumeliosum, & ingratum auribus, vestimenta sua scinderent, *Numer. cap. 14. v. 6.* at nihil blasphemiâ in Deum contumeliosius audiri potuit: igitur, eâ auditâ, vestimenta scindebant, *lib. 4. Reg. cap. 18. v. 37. & c. 19. v. 1. Esdrae cap. 9. v. 3. Act. cap. 14. v. 14.* Thalmudici libri referunt, id praeceptum fuisse Judaeis ex quadam traditione. At magis receptum videtur ex more, qui & aliis gentibus, Graecis, Romanisque non inœgnitus. Idem verò libri Thalmudici referunt, Pontificem Maximum aliter à ceteris vestimenta sua scindere debuisse.

IN PASSIONEM CHRISTI. MATTH. XXVII. 349
 buisse, non sursum ex humeris aut ad sinum, sed deorsum ad pedes &
 inferiores partes vestimenti.

V. 67. Et colapbis eum ceciderunt.

Vid. not. ad Joan. cap. 18. v. 22.

V. 69. Accessit ad eum una ancilla.

Vid. not. ad Joan. cap. 18. v. 16.

Ad Cap. XXVII. Matthaei.

*V. 2. Et vinctum adduxerunt eum, & tradiderunt Pontio
 Pilato Praefidi.*

PRIUS Christus vinctus fuerat, cum eum prehenderant, Joannis cap.
 18. v. 12. *Comprehenderunt Jesum, & ligaverunt eum.* Hic autem
 Matthaeus, & Marcus cap. 15. v. 1. primum vincula injecta fuisse innuunt,
 cum eum à domo Caiphae ad Pilatum adducere voluerunt. Graecè, καὶ
 δέσαντες αὐτὸν ἀνέλωρον, & ligantes ipsum adduxerunt. Quidam putant,
 Christo exempta fuisse vincula, cum in domum Caiphae venisset, neque
 ex vinculis interrogatum fuisse. Magis videtur, Christum prius vinctum
 fuisse à turbis ut reum: deinde verò in domo Caiphae aliter vinctum
 fuisse, aliisve vinculis ut confesum criminis & damnatum morti. Venu-
 lejus in L. 5. D. de custod. & exhibit. reor. Si confessus fuerit reus donec
 de eo pronuntietur, in vincula publica conjiciendus est. Judaei Christum
 ut confesum, reum mortis pronuntiaverant & damnaverant. Matthaeus
 infr. vers. 5. *Videns Judas, qui eum tradidit, quod damnatus esset.* Igitur
 Judaei Christum in domo Caiphae, jam non ut reum, sed ut confesum
 & damnatum iterum vinxerunt. Hieronymus hinc: *Habebant hunc morem,
 ut quem adjudicassent morti, ligatum judici traderent.*

V. 6. Non licet eos mittere in carbonem.

Sacer Thesaurus. Joseph lib. 18. *Antiquit. cap. 4. & lib. 2. de bello
 Judaic. cap. 18. ἱερεὺς θησαυρὸς, καρβὶται δὲ κάρβουνα, Sacer Thesaurus, vocatur
 autem Corbona.*

V. 7. Eme-

V. 7. *Emerunt ex illis agrum figuli in sepulturam peregrinorum.*

Ut peregrini proprium haberent locum sepulturae, nec cum Judaeis miscerentur. Religiosum Romanis ut peregrini in civitate non sepelirentur, adeo ut deportati (quos deportationis poena civitate exemerat, & ad peregrinitatem reduxerat, *L. sed si. 10. §. sed si per poenam. 6. D. de in jus vocand.*) mortui in civitatem non referrentur, nisi ex indulgentia principali, ut apud Tacitum *lib. 14. Annal.* Non habebant mortui communionem juris Romani, quam vivi non habuerant. Eadem religione Christiani Paganos in Coemeteriis suis humari non patiebantur; nec haeretici in suis Orthodoxos, ut Donatistae apud Optatum Milevitanum *lib. 6.*

V. 15. *Per diem autem solennem consueverat Praeses populo dimittere unum vinetum, quem voluisset.*

Videtur Pilatus consuetudinem jam ab antiquo servatam magis retinuisse, quam de novo indulsisse: & id fuerat inter alia, quae Romani, Judaeis subactis, ex legibus & moribus patriis servarant. Vide *Not. ad Jean. cap. 18. v. 31. & 32.*

V. 19. *Misit ad eum uxor ejus:*

Pilati uxor fuit Claudia Procula. Flavius Dexter in *Chronico*: circa illa tempora Severus Caecinna censuerat in Senatu, Ne quem magistratum, cui Provincia obvenisset, uxor comitaretur. Inter alias rationes, quibus suam firmabat sententiam, apud Tacitum *lib. 3. Annal. cap. 33. v. 6. His statim adhaerescere deterrimum quemque Provincialium: ab his negotia suscipi, transigi: duorum egressus coli, duo esse praetoria.* Sententia tamen Caecinnae in Senatu elusa est; & Legati Caesaris, seu Praefides Provincialium secum uxores in Provincias duxerunt. At melius tamen facturos ait Ulpianus, si sine uxore profiscantur, licet habere possint, *L. 4. §. 2. D. de offic. Praef. & Legat.* Pilatus secum uxorem in Judaeam duxerat: sed observa, ut Pilatum pro tribunali sedentem interpellare non dubitarit. Suggestionem vocat Ulpian Augustinus. Proprie, nam suggerere Jurisconsultis est monere judicem, dum cognoscit, *L. 2. §. 2. D. ubi pupill. educar. vel. mor. deb. L. 1. §. si curatorem. D. de Magistrat. conveniend. L. Aulidius. 97. D. de legat. 3. L. ult. D. de jur. fisci.*

V. 24. *Acceptâ aquâ lavit manus coram populo.*

Plerosque haudquaquam indoctos existimasse video, morem hunc Judaeorum fuisse, ut lotione manuum se innocentes ostenderent, & ex eo more Pilatum manus lavisse. Ex antiquioribus Origenes hic & alii scriptores nuperi. Sed vix probabile est, Pilatum hominem Romanum mores Judaeorum sequi voluisse. Mos quidem Judaeorum iste fuit, & paroemia fortè Judaeorum, cum se innocentes testari vellent: *ἐν ψαύῳ τοῦ ἁδούτος τὰς χεῖρας μου, ἀντὶ τοῦ, ἁδούτος ἑμαυτοῦ ἐν ἑστέρῃ, ἐν ἰουδαίᾳ, & πατρί.* Lavi inter innocentes manus meas, pro eo, quod est, innocentior me servavi, non communicavi malo. Svidas in verb. *ἁδούτος*, ex Psal. 26. v. 6. *Λαύω inter innocentes manus meas.* Sed & aliarum gentium mos ille fuit, ut Graecorum. Scholiastes Sophoclis in *Ajace Mysligophoro*, *ἰδὸς αἱ σάλατις, ὅτε ἡ εἶναι ἀνδρῶν, & ἄλλας σφαγὰς ἔστω, ὅταν ἐπιπῶντες τὰς χεῖρας, εἰς ἀδύνατον τὸ μίσοςμα.* Mos erat antiquus, quando caedem hominis, vel alias mactationes fecerant, aquâ lavare manus ad expiationem pollutionis. Fuit etiam mos Romanorum, quem à Graecis acceperant. Dionysius Halicarnassaeus lib. 7. *Origin.* Servius ad 12. *Aeneidos* ex Plinio: *Inde magistratus & sacrificaturi togam praetextam habent, & manus ablutas detergere lineis mantilibus curant.* Praeterea Clemens Romanus scribit lib. 2. cap. 52. *Judices sententiam mortis laturos, manibus in solem subhatis, innocentiam suam testari solitos: & tunc probabile est manus abluisse, ut puriores manus in coelum tollerent.* Eum igitur morem Romanum Pilatus secutus videtur, cum acceptâ aquâ manus lavit. Quod si verum est, *mantile* linum, quo manus deterfit ex more Romano, (ut refert Servius) inter alia Dominicæ Passionis instrumenta referri debuit, sicut aquiminale *χρυσόμας*.

V. 26. *Jesum autem flagellatum tradidit, ut crucifigeretur.*

Vid. not. ad Joan. cap. 19. v. 1.

V. 28. *Circumdederunt ei cblamydem coccineam.*

Vid. not. ad Joan. cap. 19. v. 2.

V. 32. *Hunc angariaverunt, ut tolleret crucem Jesu.*

Angariare vox Persica, Svidas in verb. *ἄσφατος*, qua & Latini utuntur. Glossæ Isidori, *angario*, cogo. Et Jurisconsultis etiam angariari naves dicuntur, *L. viae. 14. D. de Veteran.* id est, cogi ad navigationem suscipiendam,

dam ; ut homines angariantur , id est , coguntur ad iter suscipiendum .
Proprie igitur Interpres vertit , ut & sup. Matthaei cap. 5. v. 41. Vid. not.
ad Joann. cap. 19. v. 17.

V. 34. Dederunt ei bibere vinum cum felle mixtum.

Graecè ἔδωκεν αὐτῷ κρατὶν μύρρινον , acetum cum felle mixtum . Sed &
quaedam exemplaria habent σίρον , quibus respondet versio Latina . Mar-
cus cap. 15. v. 23. *Et dabant ei bibere vinum myrrbatum* . Unde quaesi-
tum est , an eadem fuerit potio vini myrrhati , & vini cum felle mixti,
vel diversa . Utramque sententiam attigit Augustinus lib. 3. de consens.
Evangelist. cap. 11. *Et dabant ei bibere vinum myrrbatum , & non acce-
pit* . Hoc intelligendum est , Matthaeum dixisse cum felle mixtum . Fel quip-
pe pro amaritudine posuit ; myrrbatum enim vinum amarissimum est ,
quàmquam fieri possit , ut fel & myrrha vinum amarissimum redderent .
Amaritudo etiam acetò augetur . Utrumque junxit Plautus in Rudente :
Corda in felle sunt fita , atque acerbo aceto . Vid. Not. ad cap. 15. Marci. v. 4.

V. 35. Diviserunt vestimenta ejus.

Vid. Not. ad Joann. cap. 19. v. 23.

*V. 45. A sexta hora tenebrae factae sunt super universam
terram.*

Phlegon Trallianus libertus Adriani Historicus scripserat , tenebras
super universam terram eo tempore contigisse , Origenes hic , ut ex hoc
Historiae Evangelicae fides habeatur , quam Porphyrius & alii Ethnici mi-
nuere contendebant , ut referunt Hieronymus ad Psalmum 77. & Augu-
stinus lib. 3. de Consens. Evang. cap. 7. Phlegon ille Historicus res Judaicas
attigerat , Svidas in Φλέγων . Vid. Not. ad cap. 15. Marci. cap. 15. v. 33.

V. 48. Unus ex eis acceptam spongiam implevit acetò.

Unus non ex Judaeis , sed militibus Romanis , qui Christum cruci-
fixerant , & crucifixum servabant . Neque milites acetum obtulerunt ex
more quodam Judaeorum , sed quia Christus vocem illam *Sitis* emiserat .
Vid. Not. ad Joann. cap. 19. v. 29.

*V. 54. Centurio, & qui cum eo erant custodientes
Jesum.*

More Romanò Centurio praeponetur; dum supplicium damnatis inferretur, L. Seneca lib. 1. de Ira, cap. 17. *Centurio supplicio praepositus condere gladium speculatorum jubet.* At si damnatò Christo ad eum cohors universa congregata fuit (ut supra Matthaeus) non unus tantum Centurio, sed plures cohortis Centuriones fuerunt. Christo autem crucifixò unus Centurio mansisse videtur cum militibus, ut Christum & latrones custodirent, donec spiritum emitteret; vel ne quis ad sepulturam corpora detraxeret eo mortuò. Petronius in Satyricon: *Miles, qui cruce servabat, ne quis ad sepulturam corpora detraxeret.* Idem ille fuit Centurio, quem Pilatus accersivit, ut sciret ab eo, an Christus esset mortuus, atque permitteret tolli corpus, Marci cap. 15. v. 44.

V. 63. Recordati sumus, quia seductor ille dixit.

Graecè *ἀνατρεψὴς* *impostor*. Joannis cap. 7. v. 32. *ἀνατρεψὴς τοῦ ὄχλου*, *se-*
ducit turbam. Lucae cap. 23. v. 2. *ἀνατρεψὴς διασποράν τὴν ἐν Ἰερουσαλὴμ*, *invenimus*
subvertentem gentem. Eoque nomine potissimum accusatus & damnatus,
ut seductor, ut seditiosus.

V. 65. Habetis Custodiam:

An totam cohortem, quae ad Christi prehensionem ex Templo accesserat, quaeque ad Christum damnatum congregata fuerat? An potius *custodiam* intelligere debemus custodes, qui relictis fuerant, ut Christum custodirent? Quod magis videtur; & ideo secundum versionem Latinam *ut exis* magis accipiendum indicativè, quàm imperativè, quia jam custodes Christo crucifixò dati fuerant.

V. 66. Signantes lapidem cum custodibus.

Putat, quod Judaei simul lapidem cum custodibus signaverint, vel in praesentia custodum, vel quòd Judaei positis custodibus lapidem signaverint. Custodes Christo crucifixò dati vigilias ex disciplina militari per tria horarum spatia observabant; ideo quidam ex custodia venisse dicunt.

Par. I.

Y y

tur

tur in urbem , & nunciasse Principibus Sacerdotum omnia , quae facta erant , Matthaei *cap. 28. vers. Quidam de custodibus* . Non omnes custodes , sed quidam solum ex custodia , id est , qui vigiliis per noctem obiverant , & omnia , uti erant facta , observaverant .





N O T A E A D M A R C I

CAP. XIV. V. 3.

Venit mulier habens alabastrum unguenti nardi spicati pretiosi.



RAECE ἀλαβαστρον μύρε, τὰρ δὲ πικρὸν σπικατὸν. Quidam interpretantur *nardum piscicam*, id est, potabilem & liquidam, *πικρὸν τὸ πικρὸν*. Sed aliud est *πικρὸν*, aliud *πικρὸν*; & *πικρὸν τὸ πικρὸν* rectè quidem *πικρὸν*; non tamen rectè *πικρὸν* diceretur. Alii piscicam accipiunt spicatam, quòd ex spicis Nardi unguentum pretiosum conficeretur, idque ex corrupto Graeco exemplari. Sed verius est, *nardum πικρὸν* dici, id est *fi- delem, probatam*, non adulteratam à seplascariis; ut argentarii homines *πικρὸν* à fide.

V. 36. *Convenientia testimonia non erant.*

Graecè *ἴσως, paria*. In hoc autem non conveniebant; quòd apud Matthaeum accusarent, Christum dixisse, possum Templum destruere, & aliud restituere: Hic verò apud Marcum, quòd minatus esset, se Templum destructurum, & intra triduum illud ipsum restitutum. Aliud est, quod quis se posse facere, aliud, quod quis se facturum, dixerit: istud postremum voluntatem arguit, quae in delictis gravioribus puniatur secundum leges Romanas. Servius ad 6. *Aeneid.* Dixit autem secundum ritum Romanum, in quo non tantum exitus, sed voluntas puniatur. Callistratus in *L. Divus. 14. D. ad L. Cornel. de fidei.* Divus Hadrianus in haec verba rescriptis: in maleficiis voluntas spectatur, non exitus. Idque etiam secundum leges Judaicas. Philo Judaeus in *lib. Quod deterius potiori infidetur*, ita legem interpretatur, *maledictum esse homicidam*: Non ex quo homicidium fecerit, sed ex quo facere voluerit: *ὅτι γινώσκεις ἴσως τὸ πικρὸν δὲ πικρὸν, quæsi*

quasi voluntas pro facto habenda sit. Idem Philo Judaeus in *lib. de confus. linguar.* ait, reum esse homicidii ex lege, si conatus fuerit occidere, licet non occiderit.

V. 65. Et ministri alapis eum caedebant.

Graecè *παντοφύων, colaphis*, vel bacillis, festucis. Et hoc potest ita intelligi, ut cum alii colaphos Christo infligerent, ministri Judaeorum bacillis, quos gestabant, etiam Christum ceciderint. *Vid. not. ad Joan. cap. 18. v. 22.*

AD CAP. XV. V. 23.

Et dabant ei bibere myrrhatum vinum.

ANXIE quaesitum à scriptoribus aetatis nostrae pluribus, quidnam fuerit illud vinum myrrhatum, & cur Christo oblatum fuerit. Graeca lectio sic habet *ῥομφοειδὲς σίρον*, id est, *myrrhâ conditum*, non in vase myrrhino positum. Et vinum quidem illud amarissimum fuisse, scripsit Augustinus *lib. 3. de consens. Evangelist. cap. 11.* Romanis tamen myrrhata pocio sumptuosa, ut quae XII. Tab. vetita; & grati saporis, & laucissima, ut Plinius *lib. 14. cap. 13.* Sed aliud vinum istud myrrhatum Christo oblatum fuisse, viri docti suspicantur, nempe soporiferum, quod vinum confopiens Hieronymus dixit in *Psal. 59.* & vinum myrrhatum Christo datum fuisse, ut confopiretur, idem Hieronymus innuit in *Matthaei cap. 27.* Vinum autem hujusmodi ex more Judaeorum, eâque de causa supplicium passuris offerri solitum, Rabbini scribunt ex *cap. ult. Proverb. v. 6. 7.* non tamen myrrhâ, sed thure conditum, quia scilicet thus pro myrrha acceperint. Et hoc quidem faciliè probarem; sed & vinum myrrhatum Christo oblatum felle & acetò mixtum fuisse, ut supra ostendimus in Notis ad Matthaei *cap. 27.* ita ut Matthaeus suppleverit, quod hîc apud Marcum deest. Mulieres fortè, vel alii Christum sequentes vinum myrrhatum Christo offerendum militibus dederant, aut soporiferum, ut dare solitum erat, & illud quidem suave: milites verò per lasciviam, vel impellentibus Judaeis, myrrhato vino fel & acetum miscuerunt, ut amaritudinem inficerent, atque ita acetum felle mixtum juxta Matthaeum, & vinum etiam myrrhatum juxta Marcum, non diversis temporibus, sed simul eodemque tempore Christo oblatum fuerit. Vide Victorem Antiochenum ad hoc *cap. 15. Marci, in Biblioth. PP. Latinor.*

V. 25. Erat autem hora tertia, & crucifixerunt eum.

Locus difficilis propter eam, quae videtur esse inter Marcum & Joannem pugnantiam. Nam Joannes *cap. 19. v. 14.* refert, Pilatum morti addi-

addixisse, & postea subiicit: *Erat autem parasceve Paschae hora quasi sexta.* Hieronymus ad *Psal.* 77. putat hic apud Marcum mendum esse librarii ex nota numeri: aliter tamen in commentariis in Marcum, ubi lectionem vulgatam Marci agnoscit ut veram & propriam. Ex quo apparet, commentarios illos male tribui Hieronymo, alioqui à seipso dissideret. Theophylactus putat esse mendum, non apud Marcum, sed apud Joannem; & ita legendum: *Erat autem Parasceve Paschae hora quasi tertia.* Nonnus in *paraphrasi metrica Joannis cap. 19.* horam tertiam ponit, & ita legisse videtur apud Joannem, etsi verum est, quod ex Petro Alexandrino refertur in *tract. de Paschate*, autographum manu propria Joannis descriptum, quod in Ecclesia Ephesina servabatur, ita scriptum habuisse: *ὥρα δὲ ὡρὴ τρίτη, ὥρα ἐστὶν ὡρὴ τertia.* Nihil dubitationis superest, quin Joannis locus in vulgata editione potius quam Marci mendum habeat. Magis videretur, Christum horâ sextâ, aut ferè sextâ crucifixum fuisse, quam horâ tertiâ, quia ductus fuit à domo Caiphae ad Pilati Praetorium mane factò, jam albescente coelò; & in eo Matthaeus, Marcus, & Joannes consentiunt. At ductio illa Christi ad Pilatum cum turbis & militibus, interrogationes Pilati toties repetitae, tertium auditio, illusiones Christo factae, coronae spineae impositio, flagellatio, vestium mutatio, ductio ad Herodem, & reductio ad Pilatum, seiliones pro tribunali, sententiae & tituli scriptio, manuum ablutio, ductio ad supplicium extra civitatem, Christi ex poenarum inflictione, & crucis pondere tardigrada processio, myrrhati vini oblatio, apparatus supplicii, crucifixio, ista omnia vix tribus horis peragi potuerunt: maximè cum Pilatus frequentes moras innecteret, & sententiam de morte Christi ferre cunctaretur. Deinde conjicitur, Christum post crucifixionem citò mortuum fuisse: idque miratus est Pilatus, Marci *cap. 15.* quod ita miratus non fuisset, si ab hora tertia Christus ad nonam pendisset. Non desunt aliae conciliandi rationes, ut Marcus & Joannes in concordiam adducantur; scilicet Marcum non respexisse ad vulgarem horarum computationem, sed ad divisionem diei in quatuor partes, ut nox dividebatur in quatuor vigiliis. Secundùm istam computationem quaelibet pars diei tribus horis constabat, prima hora ad tertiam, tertia ad sextam, sexta ad nonam, nona ad vespem protendebatur. Ita igitur Marcus diceret, Christum fuisse crucifixum horâ tertiâ, Joannes horâ quasi sextâ: puta, tertiâ jam praecipitante, & ad sextam accedente. Quod & fortasse Nonnus expressim signare voluit.

Ἦν δὲ τertia ὥρα τertia δαδάσας ὥρα:

Erat autem extensa tertia mor: fere hora.

Et quidem erat extensa tertia, quae ad sextam accedebat. Hanc computationem horarum quadrantariam verba Marci non patiuntur: qui simpliciter dixit, *Erat hora tertia*, id est, tertia hora diei, ut *Act. cap. 2. v. 15.* Augustinus *lib. 3. de consens. Evangelist. cap. 13.* & *tractat. in Joan. cap. 117.* alias rationes comminiscitur; ita tamen ut alias adhuc quaerendas non diffiteatur. Sed & quidam apud D. Marcum horam tertiam diei in-

tel-

telligunt, quae est hora sexta ante Parasceven apud Joannem, & quidem Parasceve incipiebat hora nona. Joseph. *lib. 16. Antiquit. cap. 10.* Ita igitur tertia hora diei, quo crucifixus est Christus, esset sexta hora ante Parasceven, seu horam nonam. Semper tamen magis probarem, Christum horâ sextâ, aut ferè sextâ potiùs, quàm tertiâ crucifixum.

V. 26. Et erat titulus causae ejus inscriptus.

Vide Not. ad Joann. cap. 19. v. 19.

V. 33. Factâ horâ sextâ, tenebrae factae sunt per totam terram.

Si Christus fuit damnatus sententiâ Pilati horâ sextâ, aut ferè sextâ, ut refert Joannes cap. 19. v. 14. tenebrae horâ sextâ factae non sunt, ut hîc Marcus. Nam inter damnationem Christi, ductionem ad supplicium, crucifixionem, & alias res gestas donec tenebrae fierent, tempus aliquod nec parvum interjectum esse debuit. Dici potest, Joannem intelligendum de hora sexta futura, Marcum de praeterita, ut ipsa verba Marci indicant *factâ horâ sextâ*.

V. 36. Currrens autem unus, & impleus spongiam acetâ.

Vide Not. ad Joann. cap. 19. v. 29.

V. 43. Joseph ab Arimatbaea nobilis Decurio.

Graecè *κατάκλητος*, & apud Lucam cap. 23. v. 50. id est, *senator*. Bu-leutae ex senatu, Plinius *lib. 10. Epist. 115.* Rectè tamen interpretis vertit, *Decurio*; nam Decuriones in Provinciis erant senatores. *Proprius senatus*, Aufonius *Idyll. 9. minor senatus*, Calliodorus *lib. 6. variat. Epist. 3.*





N O T A E A D L U C A M

AD CAP. XXII. V. 7^l.

*Quid adhuc desideramus testimonium? ipsi enim audivimus
de ore ejus.*



JUDAEI Christum damnarunt ut manifestae impietatis reum, & confessum, quod filium Dei se fecisset: & ideo damnarunt, antequam ad Pilatum docerent, Matthaei cap. 27. scilicet ut confessum. Tertullianus apologetic. cap. 2. leges confessos damnari praescribunt: hoc Senatus consulta, hoc Principum placita definiunt.

AD CAP. XXIII.

V. 2. Prohibentem dare tributa Caesari.

PROCURATORUM Caesaris id munus potissimum fuit, ut tributa in Provinciis colligerent: & Pilatus Procurator Tiberii in Judaea ideo imperium merum in ea Provincia videtur habuisse, ut Judaeos perversos, & tributa solvere detrectantes puniret. Vid. Not. ad Joam. cap. 19. v. 10. Post id temporis, Praefectis Praetorio constitutis, eorum munus fuit. Zosimus lib. 4. deinde etiam Comitum sacrarum largitionum. Macarius Aegyptius homil. 10. Ἐσώρηται, καὶ Κόμῳτες οὗτοι διδόναι τὰς βασιλεῖς, Praefecti, & Comites tributa dant Regi, seu Imperatori; id est, curant, ut dentur, aut quae data sunt, inferunt.

V. 7. Et ut cognovit, quod de potestate Herodis esset, remisit eum ad Herodem.

Praefides peterant jure potestatis suae noxios punire, ex quacunque
essent

essent Provincia : sed quidam observabant , ut remitterent ad Praesidem Provinciae , ex qua rei oriundi essent . Celsus in *L. non est dubium*. 10. D. de custod. & exhibit. ror. *Non est dubium , quin , cuiuscumque Provinciae est homo , qui ex custodia producit , cognoscere debeat is , qui ei Provinciae praest , in qua Provincia agitur . Illud à quibusdam observari solet , ut cum cognovit & constituit , remittat illum cum elogio ad eum , qui Provinciae praest , unde is homo est , quod ex causa faciendum est .*

Pilatus quidem de Christo cognovit , sed antequam constitueret , & sententiam ferret , ad Herodem remisit : scilicet ut majorem ab Herode iniret gratiam . Ita Vespasianus cum imperio agens in Judaea , postquam Tarichaeas civitatem , quae à Romanis defecerat , expugnavit , pluribus punitis , permisit Agrippae facere quod vellet his , qui ex regno ipsius essent . Joseph. lib. 3. de bell. Judaic. cap. ult.

Supplendae sunt Notae ad Matthaeum , Marcum , & Lucam ex notis , Joannis , quae sunt praepositae ut pleniores .

F I N I S .





Yutano de Carlo.

10434



